

諧

羅

縣

崇

諸羅縣志刻本。傳者僅二部。一係于鈴邨翁之藏。一係于內閣圖書室之藏。今專據鈴邨本編輯。然其第一卷闕焉。乃騰寫內閣本之正文以補之。而目次與繪圖。不得寫取。特以爲憾。凡繪圖非摹寫不能得其髣髴。今已無所據。茲從省略。至目次則集錄各卷首之編目。以補其闕。或庶幾不失原刻之舊歟。

諸羅縣志序

九州之外。聖人存而不論。以荒遠無徵。慮開天下後世之疑。故寧闕也。莫遠於正朔不加。聲教不及之地。而交趾事跡。占城國錄。西域雞林諸志。昔人皆有取焉。若夫郡縣之志乘。卽其地士大夫之所纂次。賢守令之所修明。見聞之確。莫過乎此。宜若一無可疑者然。而或不盡然。故曰。世異事變。人道不殊。彼我易時。未知何如。於虜。此三代以下書冊之所以日繁。而讀書者之所以貴於知人論世也。臺灣海外荒島。諸羅僻處臺之北鄙。禹貢無傳。職方不紀。向存而不論之列。今天子神聖文武。削平鄭氏。乃撫而有之。建立郡縣。仁漸義摩。卉服雕題之衆。與漢人同體。涵煦乎高天厚地中者。三十四年於茲矣。其間戶口之生聚。財賦之盈縮。山川道里之險易遠。

近風俗人物之臧否。奢儉醇醜。城池倉庫學校祠廟壇壝之繕修。農田水利之興廢。阨塞之設。兵戎之守。大致井然。前副使高公已創爲郡志以誌之矣。獨邑乘缺焉。余自甲午奉調東入鹿耳度蔦松。每思得所依據以爲化理之本。及繙閱郡志。參之日所見聞。未嘗不致嘆於闕略者之多。而可疑者之復不少也。考高公之修志。在乙亥丙子之間。其時草昧初開。法制未備。譬之築室。方初其基。譬之稽田。方藝其菑也。又茲邑延袤千里。山海崇深。所見非一。傳聞異詞。其記載寥寥。疑信相半。誠無足怪。至於今不可同年而語矣。昔之鹿場。今之民居。昔之豐草。今之嘉穀。昔之椎髻。今之衣冠。簿書期會日以繁。規畫營建日以多。聲明文物日以盛。及是時而不亟訂其訛舛。增其闕略。成一邑之志。備文獻之徵。後之人必有慨折衷之無

自非所以昭聖天子無外之模久道之化信今而傳後也。因以其事請於各上憲。旣得允。則謀可以共斯舉者。漳浦有陳君夢林。舊遊黔中。與家姪詹事漁。瑣爲筆墨交。又嘗從儀封張大中丞。纂修先儒諸書於鰲峯書院。豫修漳州漳浦郡縣兩志。是足任也。乃具書幣。遣使迎致邑治。卽所謂樛圃者而開局焉。旣又擇鳳山學生李君欽。文邑明經林君中桂。與俱會梓。建邑以後三十四年之見聞。斟酌郡志之已載者。而一總其成。陳君焚膏繼晷。綜核討究。存其所信。去其所疑。起自丙申秋八月。越明年丁酉仲春而脫稿。爲志十有二。志各一卷。爲目四十有七。每一卷就余輒與參互而考訂之。凡所謂郡縣志乘之載各具體矣。中間因事建議。陳君留心時務。動與余合。往復論難。要於保境息民。興教淑士。如醫者之用藥。紀事者其

品味也。建議者其方也。選其品味而製之有法。使皆可用而不疑。然後各因乎人之病而尋究其方。雖不知能效與否。而必是藥與是方。皆確然可自信於心而共信於人而後已。此余諸君子參互考訂而不厭也。抑人之言曰。時者事之機也。時至而事起。時窮而事變。是以聖人緣時以盡變。夫安知數十年後。氣化人事更相推移。今之所信。不又爲後之所疑乎。亦就目前之信而不疑者。留爲掌故備異日之徵而已。梓成。乃呈之各上憲。弁諸簡端。而余并識其歲月始末於次云。

康熙五十六年丁酉夏四月知諸羅縣事加一級周鍾瑄撰。

羅諸縣志目錄

卷首 諸羅縣地圖。六景圖。

卷一 封域志

星野 蟲徑 疆界 山川 形勝 海道 湖沙 風信

卷二 規制志

城池 番臺 倉廩 坊里 街市 橋梁 津渡 水利 郵傳 養濟 義塚

卷三 秩官志

秩官

卷四 祀典志

文廟 壇祭

卷五 學校志

學官 義學 社學

卷六 賦役志

戶口 土田 陸餉 水餉 雜稅 存留經費附

卷七 兵防志

營制 水陸防汛 教場 歷官 列傳

卷八 風俗志

漢俗 番俗 氣候附

卷九 人物志

選舉 列婦 寓賢附

卷十 物產志

卷十一 藝文志

卷十二 雜記志

舊縣 寺廟 古蹟 外紀

諸羅縣志卷之一

封域志

星野

建置

疆界

山川

形勝

海道

潮汐

風信

先王制禮。九土攸序。分境畫野。各安其居。臺灣跨海。以東山環。西向拱護。閩邦。土地廣饒。諸羅得三之二焉。殆天造地設。以待聖人。而爲東方之保障者與。千峰作鎮。百川匯流。據上游。山海奧突之區。必將有偉人傑士。鍾靈奇之氣。以作楨皇家。雖懸崖巨浸。強半不毛。然觀象於天。察利於地。損益張弛。自茲始矣。

星野

周官以星土辨九州之地。所建封域。各有分野。以觀妖祥。其時揚州之域。南越甌閩。未通上國。無所謂臺灣也。况諸羅乎。晉志於吳越州郡。各詳所

入度。獨閩越闕焉。閩越與會稽同度。會稽入牛一度。則建安以南。其爲牽牛織女之分無疑也。諸羅僻在臺北。古王會不載。星野分屬於何而辨。白麓鄭氏亦鄒之說曰。諸羅繫於臺。臺繫於閩星野。宜從閩。禹貢揚州之域。天文牛女分野。牛女於辰爲丑。銀海之屬。星紀之次。明時澎湖屬於泉。泉分野從閩省爲牛女。則臺從泉爲牛女無疑。臺南隣於粵北。對峙於閩安。而西迫近於漳。漳分野視閩。粵分野視漳。臺與漳接壤。分野從漳爲牛女無疑。唐開元僧一行有云。星紀當雲漢下流百川歸焉。其分野下窮南紀之曲。東南負海爲星紀。爾雅云。星紀斗牽牛也。臺郡宅東南。分野應屬牛女無疑。則又有爲之說者曰。星紀吳越分也。銀海元武象也。劉向曰。吳越屬斗牛女分。晉隋元志吳越其辰在丑。臺在泉之窮南。去閩省遠矣。不宜

爲銀海之屬。又在漳之極東。去吳越更遠矣。不宜爲星紀之次。窮南極東。星土亦少異矣。臺分野其在女虛之交乎。則又爲之辨曰。虛元枵之次。在子之辰。齊青州分野分星所主在北。以臺之稍迤而東。遽疑其越次越辰。是坐井觀天之見也。且從泉近事也。從漳紀地也。東南負海爲星紀。僧一行之說也。臺分野以牛女爲定。又何疑乎。石民陳氏元麟之說則不然。其說曰。臺灣海島之地。其域不在九州之限。按四譯館因外彝來貢。以外彝分方紀星。臺灣原屬島彝。其次爲鶉尾。其宿爲翼。其辰爲己。天文宋志云。鶉尾在翼軫之交。居南方七宿之末。隨南極而半入海。呂宋淡水臺灣是也。利瑪竇云。鶉尾之次。於建仲呂岡山分野。蓋有大小岡山爾雅云。鶉尾軫翼也。郭璞註云。軫翼南方之傾。地勢之下。翼己之間。火星所屬。故謂之鶉尾。至其

分度。又往々不同。唐開禧起翼二十度。宋元會元曆起翼二十度抄。明授時曆又起翼二十度。本朝欽天監所定時憲曆則止十七度。整呂宋居於巽己。入翼十度。日本在寅艮。入軫八度。臺灣背接呂宋。右連日本。其值翼九度無疑。俗以附漳泉分野。不知漳泉係丑地。牛女之分。與己位無涉。故占驗之家。概與臺灣同島。彛一體測驗。而以里差詳之。臺灣爲翼九度。諸羅在臺北角木。遠照斜插。隱見屬翼八度七分之二。鳳山在臺南。亦同屬翼九度抄。牛女星紀。約畧之見。不可從也。

按海外見聞如扶餘。日本占城諸國。歷代所紀皆略可考。諸羅由明以前。中國人跡所未及。象繹占候。班固以來無述焉。考步之家言人人殊。裨鄰次舍。各有差謬。此以爲軫。彼以爲角。甲以爲氏。乙以爲房。南斗六

星卽斗牛之斗。而分野在北。北斗天樞。在張宿十度。而分野在南。蓋自昔已然。天道幽遠。其理固有不可究詰者。姑合諸說而竝存之。以俟博雅。知星者論定云。

建置

諸羅縣故統名。臺灣海外荒裔。地不知所屬。明宣德間。太監王三保因風過臺。則今之郡治未入諸羅也。嘉靖四十二年。海寇林道乾入臺。天啓元年。顏思齊鄭芝龍引倭踞其地。崇禎間。假於荷蘭。卽紅毛庚辰。季麟光郡志云崇禎八年荷蘭始築臺。稱赤嵌二城。則此當

爲庚辰郡志作庚寅誤

甲螺。猶云頭目。孫人所設以管澳人者。

郭懷一謀逐紅彝。事覺。紅彝召土番追殺之。盡戮漢

人於歐汪。諸羅地名。有溪曰歐汪。溪見山川志。此地至今多鬼。昔黑則人不敢渡。郡志爲鳳山仁壽里之歐汪誤。國朝順治十八年辛丑。鄭成功自江南

敗歸。因甲螺何斌以取臺。比至鹿耳門水驟漲。鹿耳門入臺必由海道。紆曲水淺沙膠。舟人皆揮楫以爲讖。稍有左右則失陷。成功至水驟漲。丈餘。賊艦隨行。

而遂克臺。置一府二縣。縣一日天興。卽今諸羅地也。其明年成功死。子經嗣。改縣爲州。名因之。設安撫司。號北路。今上康熙十七年戊午。以布政使姚啓聖爲福建總督。啓聖大開修來館於漳州。賊降者不分眞僞皆收之。高爵華轂。袍帽金幣。焜耀於道。多縱反閒。辛酉。經死。子克塽嗣。啓聖計招鄭行人。傳爲霖。內應。事洩。諸與謀者皆誅死。然鄭氏心腹人々自危。望我師之來。唯恐不早也。二十二年癸亥。上以施琅爲福建水師提督。掛靖海將軍印。專征。治兵於平海。琅故提督水師。饒智勇。賊所驚憚。而是時啓聖與巡撫吳興祚謀襲雞籠淡水。諸羅地繞出其背。克塽亟命何祐。葺淡水城。據雞籠以守。夏六月。將軍施琅自銅山直抵八罩。劉國軒悉精銳犄角。戰皆潰。遂克澎湖。秋八月。克塽納款。祐亦降。北路悉定。于是琅疏請留臺灣爲

外蔽。詔報可。二十三年設縣治於諸羅山。地爲鄭氏故址因以命名。取諸山羅列之

義也。縣隸臺灣府。地南自蔦松新港。東北至雞籠山後皆屬焉。極海而上。

置縣後以民少。番多。距郡遠。縣署北路參將營皆在開化里。佳里與離縣治南八十里。四十二年奉文武職官俱移歸諸羅山縣治。始定。

論曰。平臺之功。始終於施姚二公。姚爲布政時。父子隨師救海。海徵先登。陷陣。義形於色。及爲總督。平金廈。多捐金。縱反間。離鄭氏腹心。師未合。而臺之平已握算而得矣。施受命專征。血戰澎湖。厥功匪細。其最者入臺之日。釋仇怨。禮降王。民安堵如故。子胥報楚。方此有慚德焉。與曹武惠之下。江南爭烈矣。獨是姚以數年之心力。定平海之全局。文物衣冠。寧忘所自。施俎豆而姚弗及。於先河後海之義。毋乃闕乎。斯論匪獨爲諸羅設也。

疆界

縣治東界大山。西抵大海。南界鳳山縣。西南界臺灣縣。北界大鷄籠山。在

臺灣府北一百一十七里。東至大武巒山二十一里。鄒志作大鷄籠山西至大海三十

里。東西廣五十一里。南至鳳山大岡山界一百二十里。西南由下加冬至

臺灣一百零一里。以蔴松溪爲界由哆囉囔至臺灣界七十六里。以洋仔港爲界北至大鷄籠六

百零五里。由大鷄籠山後東南。至鳳山界南竟界二百一十三里。南北延

袤九百一十九里。

按。郡志載諸羅縣治在臺灣府北一百五十里。東至大山二十一里。西

至大海三十里。東西廣五十一里。南至新港溪與臺灣縣交界一百四

十里。北至鷄籠城二千一百七十五里。南北延袤二千三百一十五里。

康熙五十三年欽差大人繪畫地圖。勘丈里數。而道里遠近乃定。然虎

尾、東西二螺、大肚、大甲、大安

俱溪名見
下山川

之深度。後壠、中港、竹塹、俱港名見
下山川之潮汐。

溪水驟漲則稽日。潮流正長則需時。兼以夏秋泥淖埋輪濡首。故有由縣治而至鷄籠。或浹旬踰月乃至者。良由道路險阻。有時折軸輸載將伯無從有。時溪湧潮吞望洋而歎。竹塹南嵌以北。皆盡日無人之境。風沙暴起。咫尺莫辨。雖謂之數千里可也。

山川

邑治負山面海。內拱神州。而西向發仞於北。叢於東。而附於邑治之肩背。延袤於南。凡山之綿渺阻絕。人跡不到者。統稱內山。其可指而名者。自福州之五虎門。山勢東入於海。導關同。白畝。二山名在大洋中以南漸逼鷄籠港。突浮一嶼。

日鷄籠嶼。內有番社以下凡稱社者皆番所居有荷蘭之故城焉。在嶼之西穿港而東曰大鷄籠山。巍然外

海之天半。是臺灣郡邑之祖山也。往來日本洋船皆以此山為指南有隔海參差與嶼浮沉。而馮翼

乎茲山者。嶼之西為桶盤。嶼東北為鷄心。嶼西南為獅毬。諸嶼各以象形得名而若隱若

見乎左右者。東為直加連嶼。西為花研嶼。兩嶼各起中峰而雙列小嶼於前。潮流迅急約離大鷄籠一更水程由大鷄籠而西

為金包裏山。內有金包裏社往大鷄籠路在山之麓。沿路巨石巉岩錯置澗水縱橫其下山背有旗干石。二石對峙如旗干故名砥柱乎烟波。又西

為小鷄籠鼻頭山。山之右有石中空如門為石門。由小鷄籠蜿蜒而南。盡

起岬立於淡水港之東北者曰大遼山。郡志所謂奇獨龜崙山也。是為郡

邑諸山之少祖。卻而仄立於東者為磺山。土可煮磺故名西極於港口。內社二雞柔山外北投循港逆

折而東為干豆門。大遼山麓有小山與八里坌山夾港東西相對其形如門內有社五 武勝灣 內北投 擺接 麻骨翁 大浪泵大遼之勢趨入內山。烟霏

霧靄峰巒不可數。羣萃南下。奔七百餘里。倏停而駐。有挺拔圓秀而特立

者曰大武巒山。則邑治之主山也。三峰並列。遠護衆山。奇幻瑩澈。高出大武巒之背者爲玉山。是邑主山之後陣。山終巖爲雲霧所封見之日甚鮮由大武巒迤邐而西。穿原

隰二十里許。橫岡如帶。近貼邑治之背者爲牛朝山。土剛面陽。西向作邑。

其下山自右而旋左。蛇伏於草地。尾有小山。逆於水口。玉山之水由此流於八崇溪近依邑治

如鎖鑰焉。其峙於東北者曰大福興山。一名大目根與覆鼎金山。方言謂釜爲鼎。山圓淨如釜之覆故名同爲邑

治之右肩。又東而枋仔岸山。在玉山之北鹿楮山。在大武巒之東北打利山。在鹿楮之北鹿仔埔山。在打利山之西南

則右肩之外輔也。其峙於東南者曰阿里山。山極遼潤。內社八。大龜佛。咭龜婆。肚武營。奇冷岸。香茶基。豬粉。鹿楮。千仔霧與大

龜佛山。在阿里山之東同爲邑治之左肩。又東而肚武營山。在玉山之南畚米基山。在大龜佛山之東北則

左肩之外輔也。環邑四顧。諸山森立。如踞中高。坐旁執干羽。列於々兩階

之下而敵其前。自東而旋於北。爲邑之右臂者。曰葉仔林山。與大武巒接。

稍北為鼎蓋樑山。頂平豁如釜之蓋。而隆其脊與鼎蓋並峙者。為梅仔坑

山。聳拔於梅仔坑山之北。為奇冷岸山。山之西有漢人耕種其中前而南為尖山仔山。山皆南

面。若延竚以俟人之右顧。自東而折於南。迴顧於北者。為邑之左臂。曰玉案

山。舊名玉稅位踞離明方幅蒼翠。是學宮之對山也。橫鋪如青玉之案。玉案之後

有火山。山在谷中。多石隙泉。湧火出水中。詳見火生於水。生剋之理。固有不可知者。玉案之東北。巉巖陡

絕。為嵌頭山。上為噲囉婆山。與大龜佛接玉案之西南。以形名者。為筆架

山。豎脊挺步。如老翁扶筇天際。為翁仔上天山。又西為半月嶺。形如上並之月故名皆邑

左之外障於南。而迴顧於北者也。自奇冷岸而東北。為虎尾溪之牛相觸

山。一在溪之南斗六門界。一在溪之北大武郡界南北兩峰。如牛奮其角。而將觸中界。一溪嵯岬怒激。而巖起

溪之東南為斗六門。莊名諸山起伏踈密。則邑右之外障。若遠而若近者也。

自牛相觸以上。路皆在山之西。而遵海以北。其極於東者。內山峰巒不可

數。錯置於道東。望可指者。虎尾之北。濃遮密蔭。望若翠屏。曰大武郡山。山之西

有大武郡社 東為南投山。內社二溪南為南投北為北投 阿拔泉山竹脚寮山。內有林境埔溪人耕作其中 為九十九尖。玉筍

瑤參排空無際。其下為大吼山。筊窠山。方言筊老飯器也。其頂員亦象形以名 又東北而為水沙連內

山。內社十。雙猫丹。毛啤。尖裡。哈裡。雞斗裁。福骨。羅辟。平丁萬。致紛。 山南與玉山接。犬不可極。西隔一溪為樸仔籬山。

大武郡以北。廣漠平沙。孤峰秀出者。曰寮望山。其下有北路。中軍之旂鼓

焉。則半線之營壘也。莊名。山北為貓霧抹山。東有曠埔溪人耕作其中 東南為貓羅山。夾二

山而東入為火山。具古。山北為 與玉案南北斜照。若造物者有意為之。逾大肚溪與

寮望相對峙者。曰大肚山。山後為貓霧抹社 北而沙轆山。牛罵山。崩山。土多崩。頂員而 砧山。平故名

宛裏山。沙轆以下五山皆大路所必經 其少焉者也。東挿乎沙轆牛罵二山之間者。為岸裏山。內新附社

五、阿里史 檳榔岸
麥島牛雞 模仔港

山險而深峻。是向時政教所不及。而今慕義來歸者也。東北

為南日山 在鐵砧之東北

猫孟山 在猫孟社之東

宛裏以北。路漸迫於海。山峰磊落於海之濱者。

曰倒旗山 山形似旗在香荳社西

礁芎叭山 在後壠社前水口

後壠竹塹二港之北。為南山 竹塹社之南 小鳳山

俗名鳳山崎其路崎嶇多石難行也

南嵌山 在小鳳山之東北

東為大平山 在香荳社之東

猫裏山 在後壠社之東

椰裏歷山。加至閣山。

荖衢山

在中港社之北鄰發歷加至閣俱在荖衢山南

陣仔叭山 在南山之東

鄰仔叭荖山 在小鳳山之東

交眉山 在梧武乃山之東

蹲舉峻

嶒飄渺乎煙霞者。為眩眩山 下為竹塹埔溪人耕種其中

眩眩之北。為小龜崙山 內社三山下為龜崙四為坑仔南香荳

又

東而龍嵒盤礴。並障乎南日諸山之後者。為祐武乃山 在小鳳山交眉山之東極高天

合觀大山

遙接乎千豆門諸社者。為查內山 山說有查內社

自千豆門穿港以西。雄偉傑出於

淡水港之東南者。曰八里岔山 在八里岔汛之南天將雨則雲先罩其頂外見此山凡八面故名八里岔

是為東南之鎮山。則盡

虎尾。牛相觸。以上諸山。大者昆季。小者兒孫矣。自半月嶺益趨於南。曰馬

桐山。西轉徑仄。如重關設險。爲關仔嶺山。于有漢人耕種其中狀若箕張爲糞箕湖山。若

小龜佛山。在糞箕湖山之西山下有古樹高數丈相傳有神附焉近此居者多患疾疫故曾徙于數里之外則視大龜佛而差等者也。小龜佛之

東南爲赤山。土盡赤。臺多黑淤。此爲正色矣。則有冲霄而起。若秉珪植

壁繞出乎玉案山之背者。曰大武壠山。與學宮通對儼然有端人正士之想焉。內註九大離鮮

嶺吧咩 那蘭 內陷網 致里礁吧 萬打籠 內幽 藤橋頭 美籠大武壠之西北。峭壁懸崖。爲五步練山。以其險不可容足故名亦方言也其並

而相埒者。爲消離山。他如鹿馭山、東西煙山、虎頭山。亦象形以名內茄拔山、環包山。

下有曠埔沃人耕種其中則又小峰之聯絡於南者也。其在治屬而與臺鳳界者。騰空起舞。

卓立天骨。曰南馬仙山。山後爲風山界遙望而鬱乎蒼蒼者。爲烏山。高聳入雲。爲郡治之

大宗者。曰木岡山。四時常翠綠天色清明則內地至澎湖俱見此山爲臺灣界西爲卓猴山。在新港社東西南爲芋匏山羅漢門

山。內有大猴頭社猴洞山。有大石洞行人往來皆經於此洞外爲臺灣界而左揖乎鳳山之大岡。山名其在治屬而右。與鳳

山界者。自大鷄籠支分。東渡八尺門港。雙峰遙峙。如脫穎而出。高不可極。

曰山朝山

山南爲蛤仔難 三十六社

買猪末山

在山朝山之南南爲哆囉社北爲山朝社二山相去凡百餘里

東南爲蛤仔難山。南爲黑沙

晃山

東南有直加宜五社

崇爻山

內有生番十社人所不到二山皆極高大

又南爲鳳山之卑南。寬山。東漸於海。

凡水皆東流。邑治之水獨西。臺海在西。三邑攸同也。閩越間水源自山。滙

流揚波。謂之溪。溪漸於海。潮汐應焉。謂之港。海汊無源。潮流而瀦。隨其所

到。以爲遠近。亦謂之港。邑治山之背爲東洋。前距西海五十里。以海爲帶。

南北之水。濫觴四注。望而朝宗。約略計之。以溪名者三十有八。以港名者

三十有五。港與溪合者十有九。海汊自爲港者十有六。潭湖陂圳。正韻無此字俗音渡之

屬。俱別見水利

不與焉。

以下每一節爲一○凡溪俱從○凡港與溪合者俱從●

凡海汊自爲港者俱從●

附於邑治之右爲北維。

○一曰○

牛朝溪。發源於大武巒。

邑主

出大福興牛朝二山之北。爲牛朝溪渡。

在北大路渡此夏秋水漲小杉

板頭船可入
渡口載五穀
西過北新。莊名至於小糠榔。莊名龜仔港。又西至於猴樹港。商船棧集載五

穀貨
南出青峰闕。縣治以南總海口自較港以內諸港悉從此入詳見下入於海。○猴樹之南為土地公港。入於

荷包嶼。莊名嶼內為溪流所歸與港會水面甚闊捕魚者日可百餘人別見水利○牛朝溪之北曰山疊溪。發源於阿里山。

南至於雙溪口。合尖山仔。山名殿仔林溝之流。西過白沙墩。莊名之南為笨

港。商船棧集載五穀貨物出土獅仔。莊名至揖仔寮。莊名入於海。○曰石龜溪。發源於奇

冷岸。山名北灌於他里霧。莊名之加冬脚。南灌於打猫。莊名之大埔林。地名別見水利走猪。

或云走猪脚尾有小溪流至雙溪口與山疊溪合○曰阿拔泉溪。發源於阿里山。西北過竹脚寮山為阿

拔泉渡。西合於虎尾。○曰虎尾溪。發源於水沙連內山。南出刺嘴。莊名以其

番女皆練刺嘴贈也方官赤嘴過水沙連社。合猫丹巒巒。俱社名之濁流。二水共濁西過牛相觸。山名北分於東

螺。又南匯阿拔泉之流為西螺。過黃地崙。左右有渡布嶼稟。右有渡出白沙墩之北。至

台仔挖

舊港名港口原有浮嶼內可泊船近年嶼沒港深南風時人多於此捕魚

入於海。

○曰○東螺溪。分自虎尾溪之牛相鬮

水色皆黑土入云虎尾東螺水清則時事有變

北折而西過打馬辰

有樹仔脚

有猫兒干

有滙於

海豐港

海汲南船

到此載脂麻粟豆港水入至北路防汛前止

入於海。

○遵海而為

●三林港

海汲港口有網寮捕魚商船到此載脂麻粟豆港水入至二林社止

○逾東

螺曰○大武郡溪。發源於大武郡山。西出馬芝遴。

又西為●鹿仔港

港口有水

棚可容六七十人冬日捕取烏魚商船到此載脂麻粟豆 水棚別見外紀

入於海。

○曰○大肚溪

溪而甚闊水險急詳見兵防

發源於南投山。過北

投貓羅柴坑仔

俱社名

北合水沙連九十九尖之流

水口可容小舟捕魚

出阿東

社名之北。為●

草港

港口有水棚取魚如鹿仔港

入於海。

○草港之北。為●水裡港

海汲商船到此載脂麻港水入至一里地而止

○大肚之

北。曰○大甲溪

溪而甚闊啟於大肚詳見兵防

發源於岸裏內山。過樸仔籬山。南分于牛罵曰○

牛罵溪。西入於海。

○曰●崩山港

港口多石商船到此載脂麻

分自大甲溪。西北過崩山。又

西為港入於海。

○曰○大安溪

嶽如大甲而溪面較狹夏秋水漲必俟水落透海而行

發源於水沙連內山。北過

岸裏南日二山。支分於南日。註名之後者。曰房裏溪。支分於鐵砧山之北

者。曰猫孟溪。西匯於雙寮海口入於海。○曰吞霄溪。發源於南日

山。西出倒旗山之前入於海。○曰礁荖叭溪。發源於祐武乃山。出南

日礁荖叭二山之南。爲礁荖叭港。西入於海。○曰後壠溪。發源於

猫裏山。過加至閣。註名之西。爲後壠港。在後壠社前港面甚濶。商船到此載脂麻。入於海。○後壠之北

爲中港。海濱有小港。商船到此載脂麻。港水入至社後止。○曰中港溪。發源於合歡大山。流於加至閣之

北。出中港社西爲港。入於海。○中港之北。爲竹塹港。發源於眩眩內山。

曰眩眩溪。溪底皆石合隣仔吧荖山之流。爲竹塹溪。溪面甚濶。多石溪西出爲港。入於

海。港濶水深。商船到此載脂麻五墩。又北曰鳳山溪。發源於查內山。西流于小鳳山埔。入於海。

○發源於查內山之北者。曰大溪。于合歡大山者。曰支吧里溪。曰田

厝溪。近坑仔社曰。加冬溪。近磐壠社合北內山之流。為。霄裏溪。過小龜崙。山名。匯大溪

於南嵌。社名為。南嵌港。西入於海。自大溪以下五溪水底皆石自竹壑至南嵌俗三九十九溪內多一溪而有十數灣折者。曰。長豆溪。

發源於八里岔山之南。西入於海。曰。礮溪。水不可食詳見外紀發源於礮山西。過

內北投。出於干豆門。入於海。八里岔之北。為。淡水港。海口水程十里至干豆門內有大壩分為二港西南

至擺接社止東北至蟻仔峙止番民往來俱用蟬甲蟬甲者割獨木以為小船也灣內可泊大船數百商船到此載五穀鹿脯貨物內地商船間亦到此。匯合歡。龜佛。小雞籠。鼻頭。俱山名。灘流。入

於海。極于東北為。雞籠港。西北為大海。港以東為。八尺門

港。隘港為山朝黑沙吳諸山八尺門之南。為。山朝溪。為。蛤仔難港。港有三合諸山溪流與海潮匯蛤仔難三十六社散處于港之左右東為

大海。附於邑治之左。為南維。曰。八掌溪。發源於玉山。過枋仔

岸。阿里牛朝。俱山名之西南。為八掌溪渡。邑治南抵那渡此至於白鬚公潭。有竹筏渡過小龜佛山。

有竹筏渡西出為。冬港。商船到此載五穀南出青峰關。入於海。曰。白水溪。發源於玉

案。山名西灌于大排竹。臭祐。下加冬。俱莊名別見水利○曰○咽溪。發源於大武壠。山名

○十八重溪。狹而淺以其迂迴風曲故名十八重合哆囉咽社北○九重溪。狹淺知十八重之流。過雙溪口西南。

為○急水溪。往郡大踏有渡出小龍船窩。地過下急水有渡刺桐脚。地西出內連桁。見下北

匯於蚊港。見入於海。下○西海自青鯤身。至於南北鯤身。南鯤身北鯤身傍海岸二小嶼有網寮捕魚西為大海東

入青峰關。為○蚊港。港面甚闊大小船俱可泊自此以前至番豆港皆此港支分港北設網寮捕魚至於頭港仔。有網寮港南有桁及魚塢與冬港會。又

南過威裏。水面甚闊有網寮東入為○鹹水港。海沒那治往笨港大路有橋商船集載五穀貨物港水入至下加冬仔止支分於北為○井水

港。海沒那有竹筏渡小杉板頭船到此載五穀港水入至上帝廟邊止○威裏之南。為內連桁。水面甚闊有網寮及魚塢與急水溪會。又南為

○倒風港。分內外倒風極去網寮水之所匯有網寮魚塢○倒風之水分三港。北為○鐵線橋港。海沒往郡大路有橋商船到此載五

穀糖貨物港水入至打鹿時止。南為○茅港尾港。海沒往郡大路有橋商船到此載五穀糖貨物港水入至二太爺庄止西南為○麻豆港。海沒商船到此載糖

豆社。透止。○麻豆之南曰○灣裏溪。發源於礁吧咾。社名內山。南過五步練大武

壠二山。合卓猴山之流於石仔瀨。有渡西流爲○加拔溪。至於新社。有渡名番仔渡南合

烏山頭之流。過赤山。有渡名拔仔林渡至於灣裏。在郡大路有渡過蘇厝甲。有渡樣仔林。有渡蕭壠。社名有渡西

出爲○歐汪溪。有渡溪東爲歐汪社溪西爲史都甲社入於海。○曰○新港溪。有小杉板頭船至大洲載五穀發源於木岡

山。流於州仔尾。南爲臺灣界北爲縣界洲內有魚塢爲○新港。港旁有海汶二由臺圍西北流至木橋仔坑尾止一由馬鞍橋流至柳橋脚止入於海。○新港

之南東。入爲○洋仔港。海汶○新港之北東。入爲○灣港。海汶小杉板頭船到此載五穀糖菁貨物港水入至木橋仔止港口

甚潤有魚塢○竿藜港。海汶有渡小杉板頭船到此渡客并載五穀糖菁貨物○直加弄港。海汶小杉板頭船到此載五穀糖菁貨物港水入至安定里東保止○西港仔港

海汶有渡小杉板頭船到此渡客并載五穀糖菁貨物港水入至安定里西保止港口有魚塢○含西港。海汶小杉板頭船到此載五穀糖菁貨物港水亦至安定里西保止港口有魚塢含西之支分爲○卓

加港。海汶小杉板頭船到此載茅草港水亦至安定里西保止港口有魚塢西南爲大海。

右山川所紀較郡志加詳。亦多與郡志異。郡志據所傳聞云其略而已。卽

如玉山。在縣治之背。全臺之望也。大武壠爲縣治主山。青峰闕爲縣南扼

要海口而郡志皆不載。又何論其小者乎。雞籠城在雞籠山。隔海之西北。鷄籠嶼。而但曰城在雞籠。雖生長臺北者。亦無從識其處也。茲卷或躬親游歷。或遣使繪圖。三復考訂。乃登記載假。而千秋百世。陵谷依然。雖未敢謂毫髮無爽。亦庶幾得其大概云。

形勝

六景附

邑治全臺鎖鑰。徑道蜿蜒。內控四里四社之番民。外阨八庄衆社之要領。宋永清論揖鯨海而枕玉山。東西壯其流峙。右雞籠而左猴洞。南北扃乎戶庭。美

哉千里之雄圖。上游之勝地已。山因火而著。潭以劍而傳。巖號龍湖。開赤山庄之生面。地稱蚊港。導青峰闕以分流。亦足徵氣象之瓌異。標遠近之殊觀也。乃若干豆門能容數百巨艦。竹塹埔足墾千頃良田。梅放蓮岡。疑

入羅浮夢裏。松圍合抱如見臺嶺橋南。則又誇三邑以所無。擅海外之獨有者矣。

六 景

玉山雲淨 山在邑治大武巒山後。有記見藝文。

棧圃風清 棧圃在縣署後。康熙五十五年修志立局於此地。廣可六

七畝。高燥爽塏。爲邑治內第一。外環修竹。中大棧數株。屈曲亭直。偃仰各有其妙。盛夏酷暑。涼風暫至。披襟瀟洒。不減羲皇上人也。

北香秋荷 北香湖在縣北二里許。有記見藝文。別見水利。

水沙浮嶼 嶼在水沙連潭中浮出。見古蹟。

鷄籠積雪 雞籠山見山川。

龍目甘泉 龍目井在雞籠山之麓。見古蹟。

按郡志臺屬八景。諸羅居其一。所謂雞籠積雪也。然諸羅之名蹟。實不在此。臺地夙號燦石流金。雞籠居極北稍寒。偶爾見雪。遂稱勝耳。以予觀玉山、榛圃、北香、水沙、龍目皆標奇領異。促供幽人之賞。消旅客之憂。顧未有表而出之耳。然則大澤深山佳景。滅沒可勝道哉。故合雞籠而並列之。庶幾後有問津者。

海道

邑治海道。由青鯤身。南至鹿耳門。水程二十里。西至廈門。水程十一更。利東南風信。由青鯤身。北過青峰闕、蚊港、猴樹港、笨港。笨港與澎湖相對海豐港、三林港、鹿仔港、崩山港、後壠港。後壠與彰化南日遙對中港、竹塹港。竹塹與海壇遙對南嵌港。南嵌與福州閩安鎮遙對淡水港。

淡水與北
臺灣通對 雞籠港。雞籠與梓
火門通對 水程一十八更。利正南風信。各港詳
見兵防 由雞籠西北至福州。

水程七更。淡水西北至福州。水程八更。利東南風信。由雞籠西南至廈門。
水程一十二更。淡水西南至廈門。水程十一更。利東北風信。由雞籠東北
至日本。水程七十二更。利西南風信。由鹿耳門南至呂宋。水程七十更。利
西北風信。

潮 汐

古之論潮汐者。曰。如橐籥翕張。曰。如人氣呼吸。曰。海鱗出入。曰。神龍變化。
而竇叔蒙則以爲水隨月之盈虧。盧肇則以爲日入海而潮生。月離日而
潮大。余安道闢盧氏之論。謂月之所臨則水從之。水之往來皆繫於月。不
繫於日。此從竇叔蒙水隨月之論而發明之也。王充論衡以爲水者地之

血脈。隨氣進退。明漳浦黃道周爲之申其說曰。天包水。水承地。一元之氣。升降於太虛之中。氣升而地沉。則海水溢上而爲潮。氣降而地浮。則海水縮下而爲汐。此主人氣呼吸之論。古今不易之理也。夫天地之盈虛消長。不外一氣之運行。氣升則爲盈爲長。氣降則爲虛爲消。盈而長如人氣之呼也。則水溢而爲潮。虛而消如人氣之吸也。則水縮而爲汐。盈虛消長之間。陰陽之理寓焉矣。自晝迄夜。計十二時。子至巳陽也。午至亥陰也。陰陽判而晝夜分。氣之升降。運行於晝夜之內。氣有再升再降。故水亦有再潮再汐也。日爲太陽之氣。月爲太陰之氣。日月之旋轉。一陰陽之迭運。循環不息。積三十日而一周。故潮汐亦因之。有早莫之不同焉。至於潮之有大。小。則因乎時之有交變。氣之有盛衰。陰陽之交。在卯酉之月。天地之變。在

朔望之後。交則氣盛。故潮猶大於餘月。變亦氣盛。故潮獨大於餘日。凡在九有之中。無殊理亦無殊時也。諸羅隸於臺灣。潮汐相等。初一十六。己亥而潮滿。寅申而潮竭。初三十八。子午而潮滿。卯酉而潮竭。初八二十三。寅申而潮滿。己亥而潮竭。郡志云。視同廈爲較早。蓋潮候有遠近之不同。海之遠者。其得氣尤盛。故潮亦因之。由臺而入同廈。水程遠至十一更。無怪其然矣。若夫半線以下。潮流過北。汐流過南。半線以上。潮流過南。汐流過北。則又有方之不侔。而南北之地勢異也。夫半線距諸羅百六十里耳。而南北潮之懸殊如此。矧夫六合以外。舟車之所不至。人力所不通。其潮汐又豈可以逆測哉。要之。天地爲積氣之域。水包乎天地之中。非水則天地之氣於何而徵。非天地之氣。則海不過爲積水之區。潮汐於何而有哉。故

黃道周曰。地承水力以自持。且與元氣升降。互爲抑揚。而人不覺。亦猶坐於船中而不知船之自運也。得此可以定潮汐之論矣。

風信 增補郡志 颶日附

清明以後。地氣自南而北。以南風爲常。霜降以後。地氣自北而南。以北風爲常。反其常則颶颶將作。

南風壯而順。北風烈而嚴。南風多間。北風罕斷。南風駕船。常患風不勝帆。

故商賈以舟小爲速。北風駕船。常患帆不勝風。故商賈以舟大爲穩。大理寺少卿陳

汝成爲縣令淳浦時。攬獲洋賊巨魁徐容。出沒于洋面者十年矣。訊之云。南風雖有。颶颶尙可。透因北風起。則力不能支。又海中嚴寒。故須數斗。官各載歸家也。

風大而烈者爲颶。又甚爲颶。颶常驟發。颶則有漸。颶或發而條止。颶則連日或數日而止。大約正二三四月發者爲颶。五六月八月發者爲颶。九月

則北風初烈。或至連月。俗稱爲九降風。間有颶驟至如春颶。船在洋中遇颶。猶可爲遇。颶則不可當矣。

過洋以四月七月十月爲穩。蓋四月少颶。七月寒暑初交。十月小陽春天。多晴而風順也。最忌六月九月。以六月多颶。九月多九降也。

十月以後。北風常作颶。颶無定期。舟人視風隙以來往。五六月七八月。應南風颶發。則北風先至。轉而東南。又轉而西南。乃止。颶颶俱多帶雨。九降則無雨而風。五六月間。風雨俱至。俗所謂西北雨。風時雨也。舟人視片雲上黑。則收帆嚴舵以待之。瞬息之間。風雨驟至。隨刻卽止。若備之少遲。則收帆不及。或至傾覆。天邊有斷虹。則颶將至。片雲如船帆。曰破帆。稍及半天如蠶尾者。曰屈蠶。出於北方。又甚於他方也。海面多穢如米糠。及海蛇。

浮遊水面。亦颶將至。

十二月二十一日起一日。有風應明年正月有大風。二月三月以至九月。俱按日相應。或一日之間。風作二次。則所應之月。颶颶二次多亦如之。無不應者。

凡山灣泊船之處。有南風灣北風灣。南風以南貢山。而北面海者爲灣。北風以北貢山。而南面海者爲灣。獨五六月應南風。或驟遇北風。不可泊北風灣。蓋以北風轉南。呼吸變更。颶雨嚴厲。駕避不及。則舟立碎矣。

颶日

正月初四日接神颶 初九日玉皇颶。此日有颶。各颶皆驗。此日無颶。則各颶亦多不驗。 十三日關帝颶 二十九日烏狗颶

二月初二日白鬚颶

三月初三日上帝颶 十五日真人颶 二十三日媽祖颶。真人颶多

風。媽祖颶多雨。以上三箇月共有三十六颶。此記其大者。

四月初八日佛子颶

五月利五日屈原颶。係大颶旬 十三日關帝颶

六月十二日彭祖颶 十八日彭祖婆颶 二十四日洗炊籠颶。此月

內三颶。皆係大颶旬。

七月十五日鬼颶

八月初一日竈君颶 初五日係大颶旬 十五日魁星颶

九月十六日張良颶 十九日觀音颶

十月初十日水仙王颶 二十六日翁爹颶

十一月二十七日普庵颶

十二月二十四日送神颶 二十九日火盆颶。自二十四日至年終。每

遇大風。爲送神風。按颶日名目。皆怪誕不經。而驗之多應。舟人避不

敢行。故并志之。

諸羅縣志卷之一終

諸羅縣志卷之二

規制志

城池 衙署 倉廩 坊里 橋梁 津渡 水利 郵傳 義塚

規海外千里。以爲之邑。凡城郭宮室都鄙廬井津梁。皆王政所必經也。旱潦豐凶有備。郵亭丘壘各有地也。鰥寡孤獨有養也。斯邑啓土以來。百廢弗舉。間有因者其名云爾。非大爲振刷。豈止單子如陳道第不行。薛宣過彭城橋梁不治而已。單厥心力。相其緩急。而先後之。苟上關乎國體。下益於民生。敢曰傳舍其官。使後之視今猶今之視昔乎。

城池

諸羅自康熙二十三年卜縣治于諸羅山。城未築。四十三年奉文歸治署。縣宋永清署叅將徐進才儒學丁必捷至山。定縣治廣狹周圍六百八十

丈環以木柵。設東西南北四門。爲草樓以司啓閉。年久傾壞。五十六年知縣周鍾瑄重脩。

論曰。三代之英。城郭溝池以爲固。故曰王公設險以守其國。漢晁錯之

言兵事曰。高城深塹。具藺石布渠荅。如淳曰。藺石。城上播石也。藺林曰。渠荅。鐵蒺藜也。又曰。調立城邑爲中

周虎落。顏師古曰。虎落。以竹蔑相連遮落之也。言乎守之不可無具也。諸羅故無城郭。村落如晨星。

無關砦堡塢。猝然有急。鳥獸駭散。劉却之亂。詳見舊符下加冬奔潰。亂民四出

行劫。豈非營障不堅。村落莫能自固。故至此與。嘗就此地土物所宜。爲

因利乘便之計。有不藉壁壘而堅者。薊竹是也。其附根節密。其枝橫生。

其薊堅利。若環植而外布渠荅。堅築敵樓于東南西北之衝。卽矢石砲

火可左右下。敵不得近。雖雲梯百丈無所用之。雉堞豈能相過哉。今縣

治東北比櫛可觀矣。西南牛羊踐履。故多闕焉。補而培護。加以樓櫓。萬世之功也。各庄民居稠密之處。皆當倣此。倉卒憑以相守。亦中周虎落之固矣。

衙署 公館附

諸羅縣署 原在佳里興 詳見 歸治後相土縣內之中。四十五年攝縣篆本府同知孫元衡建大堂後川堂前儀門。年久漸圯。五十五年知縣周鍾瑄重脩。顏大堂曰柔遠能邇。另建後堂住宅五間。左右齋閣各三間。內外廊舍俱備。皆捐己資爲之。

典史署 在善化里目加溜灣街。康熙二十三年建。

佳里興巡檢司署 在縣署之右。康熙四十三年建。

儒學署

未建

按儒學一官。朔望宣講聖諭。課督生徒。有教化之責。典史職

在巡察捕盜。每事署其名於尾。皆與縣令共相爲理。衙署宜在縣內者也。

諸羅教諭僑寓郡城。典史署在目加溜灣。而在縣者惟佳里興巡檢。佳里

興距縣八十里。當未歸治之前。縣令營官俱住其地。故巡檢權移諸羅山

耳。今縣治畫一。佳里興另設防兵。愚意欲移巡檢於笨港。民居叢雜之地。

使稽察奸宄。而移教諭典史署歸縣內。庶一官各盡一官之職。但衙署經

營百工器備。閒曹薄俸。憚於轉徙。動費民力。旣所不忍。而文廟城隍諸舉

大工方竣。財匱力絀。存此說以俟後之銳意脩舉者。

叅將署 原在佳里興歸汛後。

詳見兵防

在縣治北門內前大堂中。川堂後爲私

宅。康熙四十四年建。宅右爲齋舍三間。齋舍之右爲箭廳。五十四年叅將

阮蔡文建大門儀門。向覆以茅。五十五年火。署叅將事。守備游崇功重建。易茅以瓦。

守備署 在叅將署箭廳之右。康熙四十四年建。五十五年火。守備游崇功重建。

諸羅縣公館 在府治東安坊。歷任知縣修理。規制甚備。

茅港尾公館 在茅港尾街。康熙五十五年知縣周鍾瑄建。

笨港公館 在笨港街。康熙五十五年附近士民建。

論曰。公館之設。古之驛亭。周禮遺人所以職委積者也。使客之往來。于
是乎憩。故民居不擾。其無事則子衿里老。朔望會集子弟。卽此宣講聖
諭。申明條約。又鄉校之遺矣。

倉 廩 社倉附

縣倉廩合縣內十一所。在縣南者七所。在縣北者四所。間三百四十二。另社倉八

一縣內倉八十一間。康熙四十年知縣毛鳳翰建三十間四十七年署縣宋永清建十五間四十九年知縣劉作楫建十間五十年攝縣蔡知府周元文建六間五十一年知縣劉宗樞建二十間五十四年知縣周鍾璣捐修

一下加冬庄倉二十間。康熙四十年知縣毛鳳翰建五間四十三年署縣宋永清建五間五十年攝縣蔡知府周元文因倉廩倒壞罰管事丘蒲起賠五間五十四年知縣周鍾璣建五間

一新囑庄倉三間。康熙四十年知縣毛鳳翰建

一果毅後庄倉一間。康熙五十年攝縣蔡知府周元文建

一開化里赤山庄倉五間。係偽時建倒壞一間今存四間歷任知縣捐修

一茅港尾保倉十二間。康熙五十年攝縣蔡知府周元文捐各里管事建

一府治倉八十八間。在鎮北坊者一十五間在東安坊者七十三間係各庄里管事公建公修〇以上俱縣前

一打猫庄倉四十三間。康熙四十年知縣毛鳳翰建三間四十九年知縣劉作楫建十二間五十年攝縣蔡知府周元文建二十間五十一年知縣劉宗樞建八間

一斗六門庄倉八十五間。康熙四十年知縣毛鳳繪建十六間四十七年署縣宋永清建十間四十九年知縣劉作拱建二十四間五十年據縣纂知府周元文建二十間五十一年知縣劉宗樞建十五間五十四年

知縣周鍾
璋重修

一半線庄倉三間。康熙五十四年知縣周鍾璋建以貯 一淡水倉二間。康熙五十五年知縣周鍾璋建以貯

社倉 一在縣治 一在新化里 一在善化里 一在安定里 一在

茅港尾 一在打貓庄 一在斗六門庄 一在半線庄。以上每一處各一間康熙四十八年署縣宋永清奉文建五十

五年知縣周
鍾璋重建

坊里

縣屬轄里四保九庄九里保庄皆社九十有五。社見上

里

開化里善化里俱在縣治之南新化里在縣治之南安定里在縣治之西南濱海

保

赤山保。茅港尾保。佳里興保。以上俱屬開化里善化里東保。善化里西保。新化里東保。

新化里西保。安定里東保。安定里西保。

庄

諸羅山庄。在縣治廂外外九庄。北新庄。大小樓樹庄。井水港庄。土獅仔庄。鹿仔草庄。龜佛山庄。南勢竹庄。大坵田庄。龍仔港庄。大奎壁庄。舊囑庄。新囑

庄。下加冬庄。以上俱在縣西南打猫庄。他里霧庄。半線庄。以上俱在縣北

社

諸羅山社。哆囉囑社。郡志作餉略大武壠社。礁吧岬社。木岡社。茅匏社。內幽社。麻

豆社。目加溜灣社。新社仔社。蕭壠社。新港社。與鹽寮界卓猴社。大傑巔社。與鳳山界以上各社俱

在縣西南阿里山社。踏枋社。鹿椿社。兜囉婆社。盧麻產社。千仔務社。奇冷岸社

一作盤嶺岸

大龜佛社

鄒志作大居佛○以上各社俱在縣東南

打猫社。他里霧社。猴悶社。柴裡斗六社。西螺社。

東螺社。眉裡二社。南社。二林社。大突社。猫兒干社

鄒志作麻芝干

大武郡牛相觸二

重坡社。南投社。北投社。猫羅社。馬芝遴社。半線社。柴坑仔社。水裡社。大肚

社。阿東社。猫霧揀社

一作麻務揀

沙轆社。牛罵社。崩山社。大甲東社。大甲西社。宛

裡社。房裡社。南日社。雙寮社。猫孟社。吞霄社。後壠社。新港仔社。猫裡社。加

至閣社。中港仔社。竹塹社。南嵌社。坑仔社。龜崙社。霄裡社。上淡水社。內北

投社。麻少翁社。武勝灣社。大浪泵社。擺接社。雞柔社。雞籠社。金包裡社

以上各社

俱在縣北 山朝社

在縣東北

康熙三十二年新附生番六社

木武郡赤嘴社。水沙連思麻丹社。麻咄目靠社。挽鱗倒咯社。狎裡蟬巒蠻

社。郡志作
戀戀千那霧社。以上各社
俱在縣北

三十四年新附生番九社。

崇爻社。芝舞蘭社。芝密社。猶丹社。瑯榔社。多難社。水輦社。薄薄社。竹脚

宣社。以上各社俱
在縣東北

五十四年新附生番五社

岸裡社。掃掠社。烏牛難社。阿里史社。樸仔籬社。以上各社
俱在縣北

郡志規制載諸羅縣社。舊管合三十二年新附。凡為社四十。而舊管中有
數社。合為一社。徵餉者其名皆不載。今並列之。以便省覽。他如東北山後
之蛤仔難三十六社。哆囉滿直加宣等社。多有生番未輸貢賦者。其地分
註於山川。其事別見於外記。

街市 十字街。太平街。鎮安街。俱在縣城內 下加冬街。在下加冬庄 急水溪街。在溪南 鐵線橋街。

市店在橋之南 茅港尾街。在橋南邑治至府一踏市鎮此為最大 麻豆街。俱屬開化里 灣裡溪街。灣裡社街。俱屬善化里 木柵仔街。

街南屬新化里街北屬安定里 新港街。屬新化里 蓮池潭街。屬善化里 蕭壠街。屬安定里 笨港街。商賈輻集羅屬近港市鎮此為最大 土獅仔街。

猴樹港街。井水港街。俱屬外九庄 鹹水港街。屬大壠壁庄商賈輻集由茅港尾至笨港市鎮此為最大 打猫街。在打猫庄 他里霧

街。在他里霧庄 斗六門街。在柴裡社 半線街。在半線庄 以上俱屬北

橋 梁

鐵線橋。茅港尾橋。俱屬開化里。橋各為一港相去十里為縣治往郡必由之路舊時冬春架竹為之上覆以土夏秋水漲漂去設渡以濟行人五十五年知縣周鏡五各建木橋蓋在陳士俊自捐銀五十兩募集捐資以助架蛋其非暨級牢實四時皆無

病涉矣 馬鞍橋。在新化里新港架木為之形如馬鞍故名五十五年附近士民重修 鹹水港橋。在大壠壁庄架木為之 一二重溝橋。在他里霧庄架木為之 他里霧

橋。笨港橋。俱架木為之。以上二橋止在冬春之間設架以通行人

津 渡

牛朝溪渡。八掌溪渡。

俱屬諸羅山莊

八掌溪下渡。

竹

白鬚公潭渡。

竹

小龜佛山渡。

竹

屬外九庄

急水溪上渡。急水溪下渡。

俱屬開化里

井水港渡。

屬外九庄

石仔瀨渡。番仔渡。拔仔林

渡。灣裡渡。

俱屬善化里

犁頭標渡。蘇厝甲渡。

槎仔林渡。蕭壠溪渡。

歐汪溪渡。

俱屬安定里

洋

仔港渡。蔦松渡。

俱屬新化里

阿拔泉渡。

在斗六門北五里

黃地崙渡。

在外九庄

布嶼稟渡。打馬辰庄渡。

樹仔脚渡。貓兒干渡。

俱屬牛橋庄

竿寮渡。西港仔渡。

含西港渡。直加弄渡。

以上四渡俱屬安定里

設雙檣杉板

頭船以渡往來行人水程至府三十里

水利

凡築堤潛水灌田謂之陂。或決山泉或導溪流。遠者數十里。近亦數里。不用築堤。疏鑿溪泉。引以灌田謂之圳。遠者七八里。近亦三四里。地形深奧。原泉四出。任以桔槔。用資灌溉。謂之湖。或謂之潭。此皆旱而不憂其涸者。

也。又有就地勢之卑下築堤以積雨水。曰澗死陂。小旱亦資其利。久則澗矣。諸邑以陂名者七十。有水源者三十有五。以圳名者五。以湖名者二。以潭名者二。水沙連以下六所民番採捕者。附載於末。

陂

諸羅山大陂

卽崇頭港陂源由八掌溪出長二十里許瀝木庄水窟頭巷口厝仔仔脚無影厝等庄康熙五十四年知縣周鍾璽捐穀一百石另發倉粟借庄民合築

柳仔林陂

源由八掌溪分流長可十餘里大旱不涸康熙五十四年知縣周鍾璽捐穀一百石另發倉粟借庄民合築

八掌溪壩陂

源有二一由赤蘭坑出一由八掌溪分流長可十餘里康熙五十四年知縣周鍾璽捐穀五十石助庄民合築

埔姜林陂

源由八掌溪分流長可十餘里康熙五十六年庄民合築

馬朝後陂

源由內山土地公崎流出原有舊陂址康熙五十四年知縣周鍾璽捐銀二十兩助庄民重修

楓仔林陂

在下加冬庄東源由白水溪出康熙五十四年庄民合築

佳走林陂

源由草潭出康熙四十四年庄民合築

三間厝陂

在馬朝後庄南源由馬朝後陂尾分出康熙五十六年知縣周鍾璋捐穀五十石助庄民合築

烏樹林大陂

源由白小溪分流長可二十餘里灌本庄大排竹鼻厝庄客庄本極下加冬等庄康熙五十四年知縣周鍾璋捐穀一百石另發倉粟借庄民合築

安溪寮陂

源由白小溪分流長可十餘里灌本庄塗庫仔後鎮上帝廟竹園後等庄康熙三十八年庄民合築

王公廟陂

在下加冬東南源由白小溪分流康熙五十四年庄民合築

新營等庄陂

源由白小溪分流長可三十里許灌本庄太子宮舊營加冬脚等庄康熙五十四年知縣周鍾璋捐穀一百石助庄民合築

牛朝庄陂

在外九庄源由井水灌頭出康熙五十六年庄民合築

哆囉囉大陂

源由內山九重溪出長二十餘里灌本庄及龍船窩埋仔頭秀才等庄大阜不潤康熙五十四年各庄民同土番合築五十五年大水衝決知縣周鍾璋捐穀一百石另發借倉粟八百餘石重修

大脚腿陂

在哆囉囉南源由十八重溪出長可十里許康熙五十六年知縣周鍾璋捐穀八十石助庄民合築

新陂

在北新庄源由諸羅山番仔坑流出長可十餘里有泉大阜不潤康熙三十一年墾戶李永業陳大松合築

大溪厝陂

在縣治西南三浦竹源由諸羅山香仔坑
分流長十餘里康熙四十七年庄民合築

朱曉陂

在外九庄大埤田源由荷包與大潭出有泉淋雨時鹿仔草大槓榔坑增之
水注大潭中透至鬼仔潭止大旱不涸康熙四十三年管事向庄民合築

樹林頭陂

在外九庄源由八掌溪尾出長五六里許灌樹林頭新南勢竹
二庄康熙五十六年知縣周鍾璽捐穀五十石助庄民合築

牛桃灣陂

在外九庄源由龜仔港頭出瀆牛桃灣
龜仔港二庄康熙三十四年庄民合築

番仔陂

即北香
湖見下

土獅仔陂

在外九庄源由牛朝溪出南瀆六加佃莊
北瀆土獅仔庄康熙四十九年庄民合築

咬狗竹陂

源由牛朝山坑流出長二十餘里瀆本莊及番邊庄月眉潭土獅仔北勢等庄
康熙三十二年庄民合築五十六年知縣周鍾璽捐穀六十石助庄民重修

打貓大潭陂

有泉淋雨時新庄柴頭港打貓一帶流水注焉瀆
本庄及背埔仔二庄康熙四十二年庄民合築

打貓山脚大陂

源由山登溪出長十餘里瀆本庄及火燒
庄南路厝等庄康熙四十四年庄民合築

虎尾寮陂

在打貓庄北源由山登溪分
流康熙四十七年庄民合築

雙溪口大陂

在打貓施仔庄源由山疊溪分流康熙五十年知縣周鍾璽捐銀五十石助庄民合築

西勢潭陂

在打貓庄西北源由山疊溪分流灌西勢潭柴林脚二庄康熙四十五年庄民合築五十六年知縣周鍾璽捐銀一十兩助庄民重修

大埔林陂

在山疊溪北源由山疊溪分流康熙四十九年庄民合築

阿陳庄大陂

在他里霧社東南源有二一由石龜溪分出
一由庵石坑出康熙四十四年莊民合築

馬龍潭陂

在貓霧球源有泉源合內山之支流長二十餘里陂流四注大旱不涸所灌之田甚廣康熙五十六年知縣周鍾璽捐銀二百石助庄民合築

糞箕湖陂

在他里霧社西源由虎尾溪出康熙五十六年庄民合築

石榴班陂

在柴裡社東北源由阿拔泉溪出康熙四十九年庄民合築

鹿場陂

在虎尾溪境源由虎尾溪分流康熙五十二年知縣周鍾璽捐銀五十石助庄民合築

打馬辰陂

在四蟻社東源由東蟻溪出康熙五十四年知縣周鍾璽捐銀四十石助庄民合築

湏死陂

小埔姜林陂

在馬朝後中月嶺康熙四十四年庄民合築

長短樹陂

在下加冬西南康熙三十六年庄民合築

吳連庄陂

在哆囉囉東南康熙五十二年庄民合築

林富庄陂

在舊喃庄康熙五十六年知縣周鏡璋捐銀一十兩助庄民合築

果毅後陂

在舊囉囉庄康熙五十五年知縣周鏡璋捐銀一百石助庄民合築

水漆林陂

在赤山庄灌本庄及大竹園龜仔港等庄康熙五十二年知縣周鏡璋捐銀一十兩助庄民合築

塗庫陂

在赤山庄灌本庄及青埔仔中社等庄康熙五十二年知縣周鏡璋捐銀八十石助庄民合築

赤山陂

原有舊陂址康熙五十三年知縣周鏡璋捐銀八十石助庄民重修

洋仔庄陂

在茅港尾東原有舊陂址康熙五十三年知縣周鏡璋捐銀四十石助庄民重修

番仔橋溝陂

在茅港尾灌佳里與茅港尾二庄康熙五十六年知縣周鏡璋捐銀二十兩助庄民合築

烏山頭陂

卽龍船窩陂灌烏山頭二鏡龍橋窩等庄康熙五
十三年知縣周鍾瑄捐穀一百石助庄民合築

新港西陂

在新化里康熙四
十六年庄民合築

新港東陂

在新港社康熙五十四年知縣周
鍾瑄捐穀七十石助民合築

北社尾陂

在縣治西北灌北社尾水牛厝
二庄康熙四十七年庄民合築

台斗坑陂

在縣治北康熙四
十五年庄民合築

大目根陂

在縣東北牛欄山後康熙五十四年知
縣周鍾瑄捐穀八十石助庄民合築

劉荊庄陂

在縣治西灌本庄及鹿仔草二
庄康熙三十九年庄民合築

椹榔庄陂

在外九庄灌大小椹榔二庄康熙五十三
年知縣周鍾瑄捐穀五十石助庄民合築

竹仔腳陂

在外九庄龜仔港北康
熙五十五年庄民合築

頭橋陂

在打猶庄東康熙四
十三年庄民合築

新庄陂 在打貓西南康熙四
十三年庄民合築

坂頭厝陂 在打貓西康熙四
十七年庄民合築

車坑仔陂 在打貓東北康熙五十三年知縣
周鍾璽捐銀四十石助庄民合築

本廳陂 在打貓本院庄康熙
四十三年庄民合築

他里霧番仔陂 在他里霧社康熙
五十年庄民合築

埔姜崙陂 在他里霧社西康熙五十四年知縣
周鍾璽捐銀一十兩助庄民合築

猴悶陂 在他里霧社北康熙
五十二年庄民合築

李望庄陂 在他里霧東北濱本庄及北勢
二庄康熙五十年庄民合築

尖山庄陂 在柴裡社東南康熙
四十八年庄民合築

柴裡庄陂 在柴裡社康熙五
十年庄民合築

斗六庄陂

在斗六門防汛後康熙四十九年庄民合築

大竹圍陂

在斗六門防汛前康熙四十八年庄民合築

西螺引引庄陂

在西螺社康熙五十三年知縣周鍾璽捐銀二十兩助民合築

打廉庄陂

在東螺社西北康熙五十五年知縣周鍾璽捐銀五十石助庄民合築

燕霧庄陂

在半標社南康熙五十五年知縣周鍾璽捐銀五十石助庄民合築

圳

內林圳

在打豬庄大埔林北源由石龜溪入康熙四十九年庄民開濬

走猪庄圳

源由石龜溪分入瀝走猪排仔路頭二庄康熙三十四年庄民開濬

荷包連圳

在走猪庄北源由石龜溪分入康熙五十二年庄民開濬

加冬脚庄圳

在他里霧社南源由石龜溪分入瀝加冬脚段仔林二庄康熙三十六年庄民開濬

石龜溪庄圳

源由石龜溪分入康熙四十五年庄民開濬

湖

北香湖

在縣北二里許泉深地廣盤曲三四里縣治東北一帶之水歸焉大旱不涸康熙三十四年潘良合築陂於下流名潘仔陂

龍湖

即赤山庄大潭在龍湖殿前別見古蹟

潭

白鬚公潭

在外九庄八掌溪北

何厝潭

在打貓竹仔脚

附 水沙連潭

在水沙連社見古蹟

鬼面潭

在半線山內夏秋時雨產魚蝦春冬多涸

鼎臍挖

在新港社之南產魚蝦

潛罽塼

在新港社之南產魚蝦

草塼五塼

在安定里寬秋產麻虱目魚

尖山仔牛拇芝潭

近海廣可一里多產魚

郵傳

宗建隆以軍士遞文檄謂之舖兵。元明因之以至於今。明制十里為舖。舖兵五人。諸羅自開縣設舖兵六十七名。南自諸羅山舖起。至新港舖止。舖十有一。北自打猫舖起。至大肚舖止。舖十有一。各舖十里十五里二十里不等。舖兵王食別載賦役經費。

諸羅山舖

在縣治西門外舖兵二名

哆囉囉舖

在哆囉囉社舖兵三名

新囉舖

在新囉庄舖兵三名

赤山仔舖

在赤山保舖兵三名

大路邊舖

在烏山頭舖兵二名

茅港尾舖

在茅港尾橋頭舖兵三名

佳里興舖

在佳里興保舖兵三名

蕭壠舖

在蕭壠社舖兵三名

麻豆舖

在麻豆社口水窟頭舖兵三名

目加

溜灣舖

在善化里舖兵三名

新港舖

在善化里洋仔港與臺灣界舖兵四名○以上俱縣南

打猫舖

在打猫街舖兵三名

他里霧舖

在他里霧社舖兵三名

猴悶舖

在發悶社舖兵三名

柴裡舖

在柴裡社舖兵三名

草埔舖

在西螺社南舖兵三名

西螺舖

在西螺社北舖兵四名

埔疆舖

在東螺社南舖兵三名

小岡舖

在東螺社北舖

兵二名

大武郡舖

在大武郡社舖兵三名

半線舖

在半線社舖兵三名

大肚舖

在大肚溪境舖兵三名○以上俱縣北

養 濟

養濟院在善化里東保。康熙二十三年知縣季麒光建。

義 塚

一在縣治之東牛朝山。康熙五十五年知縣周鍾瑄建。

一在臺灣縣寧南坊之南鬼仔山。

右倉廩以下九條。皆規制所必及。諸羅貯穀二十餘萬。修倉之費無歲不有。大率修於民者二三。修於官者七八。以地卑溼而多風雨。室壞則穀朽。

縣官之考成交代在穀。雖耗已資不敢不亟也。所最宜加意者。莫如水利。津梁。何則地薄且長。田可以井。畏澇者秋漲驟怒。海潮滙之。雖史起鄭白無所用其智力矣。畏旱者。因山澤溪澗之勢。引而灌溉。先王之溝洫滄川。詎異是哉。然穿鑿泉源。旁通曲引。木石之用。工力之煩。旣已不貲。而歲有衝決。修築之費。半于經始。故愚者怠於事而失其利。智者有其心而緇於力。且鄉井之衆。謀多不集。非官斯土者。激勸有道。考其成功。不委諸草莽。卽廢於半途耳。鍾瑄自五十三年視職。竊嘗留意於斯。循行所至。度其高下。畜洩之所宜。烝髦士。召父老子弟。與之商確。工程浩大而民力不能及。則捐資以倡之。發倉粟以貸之。決壤壅塞。則令修治。使復其舊。陂之大者。另立陂長。責以巡察。司斗門之啓閉。以時其蓄洩。三年之間。田穀倍穫。雖

未敢希蹤古先哲之遺烈。亦自盡其職之所當爲云爾。北路溪流險惡。載
胥及溺。時時見告。匪止病涉而已。故橋梁之外。津渡尤加飭焉。而紛紛者
猶欲因此窺利也。

諸羅縣志卷之二終

諸羅縣志卷之三

秩官志

秩官

縣有官師。所以教養斯民也。令丞簿尉皆是也。宋以前學無專官。令佐理之。厥後有教諭。有訓導。宋寨官有巡檢。然率受成於令而已。旣兼衆職。而於民最親。故一方之安危繫縣令之賢否。詩曰。豈弟君子。民之父母。豈以強教明察之長也。弟以悅安慈惠之師也。風雅之旨。明著深切。况茲邑新造。可不務乎。尉巡檢分任境內司鐸之諭。正誼明道。以一身表率諸生。尙無曠厥職哉。

秩官

諸羅縣設自康熙二十三年。知縣一員。典史一員。佳里興巡檢司巡檢一

員。儒學教諭一員。初由部選。康熙三十年奉旨。臺灣各官自道員以下。職以上。俱照廣西南寧等府之例。將品級相當現任官員內。揀選調補。三年滿卽陞。如無品級相當堪調之員。仍歸部選。著爲令。三十六年奉旨。各省調補官員知縣以上。俱令赴部引見。察其能否。五十三年奉旨。教職等官。有教習士子作養人材之責。嗣後補授教職。俱着赴部考試引見。五十年奉旨。免其來京。仍交與該督撫考試。可用者補授諸羅調補。自三十四年閏清知縣董之弼。教諭林弼始。蓋同時並調云。

知縣

季麒光

江南無錫人丙辰進士
康熙二十二年任有傳

樊維屏

山西蒲州人歲貢
康熙二十五年任

朱道中

江南休寧人監生康熙
二十八年任卒于官

張

尹

山西瓌縣人歲貢康
熙二十九年任有傳

董之弼

遼東人監生閩清縣調
補康熙三十四年任

毛鳳綸

奉天人官監生建陽縣調補康熙三十
九年任四十三年陞江西吉安府同知

毛殿

颺

廣東博羅人甲戌進士詔安縣調補康熙四十四年任未數月卒于官賦性狷介稟志
稱其在詔安時不敢予以私幸陋規嚴察廢紙皂隄民修橋築道路善政甚多

李鏞

正黃旗人監生寧澤縣
調補康熙四十五年任

劉作楫

江西臨陸人庚辰進士由
銓選康熙四十八年任
劉宗樞 正白旗人監生充漢縣調補
康熙五十一年任以薨去
周鍾瑄 貴州貴筑人丙子舉人邵武
縣調補康熙五十三年任

典史 楊輔業 陝西富平人吏員康熙二十三年
任二十七年陞江南和州吏目
朱應龍 直隸新樂人吏員康熙二十八
年任三十一年陞刑部司獄司
嚴時泰 浙江錢塘
人吏員康熙

熙二十
二年任 蔣復新 江南甯州人吏員龍溪縣典
史調補康熙三十六年任
楊永祚 陝西華州人吏員長樂縣
典史調補康熙四十年任
田詔尹 陝西人晉江縣典
史調補康熙四十

二年任陞廣東
五斗口巡檢 何棟 直隸安州人吏員泰寧縣典
史調補康熙四十七年任
楊雲龍 直隸大興人吏員羅源縣典史調補康熙五
十二年任五十六年陞江南靖江馬伏巡檢

佳里興巡檢司巡檢 孫寅 山東禹城人吏員康熙二十
三年任陞山西潞安府照磨
周彥 浙江錢塘人吏員康熙二十
八年任陞湖廣安陸府照磨
陳治國

河南禹州人吏員
康熙三十二年任 鄭惟哲 直隸河間府人吏員
康熙三十七年任
張弘宗 浙江會稽人吏員康熙四
十一年任陞松江府照磨
馬起義 直隸人吏員康
熙四十八年任

劉廷元 陝西蘭州衛人吏員
康熙五十一年任 陳祚楨 直隸大興人內閣供
事康熙五十五年任

儒學教諭 陳志友 長樂人歲貢康熙二十六
年任陞雲南蒙自知縣
謝汝霖 長樂人己酉舉人康熙三
十年任陞陝西延川知縣
林弼 莆田人壬子拔
貢調補教諭

調補康熙三
十四年任 施士嶽 晉江人歲貢國清縣教諭調
補康熙三十九年任以薨去
丁必捷 平和人歲貢福清縣教諭調補康
熙四十一年任陞國子監學錄
孫襄 晉江人歲
貢泰寧縣

教諭調補康熙四
十五年任卒于官 陳聲 長泰人丁卯舉人長樂縣教諭調補
康熙四十九年任陞廣東和平知縣
陳文海 永安人歲貢德化縣教諭
調補康熙五十三年任

論曰。古者建侯儉於百里。秦漢之間萬戶以上爲置令。唐分天下縣爲赤畿望緊上中下七等。赤畿者京都所治及京之旁邑也。宋縣有望緊上中下三等。元以三萬戶以上者爲上。萬戶爲中。不及萬戶者爲下。明縣不滿五十里者省丞簿。諸羅建自本朝。民戶二千四百三十有六。方之前代。其在中下之間乎。然論其地。則戰國時之宋衛中山弗及也。自南以北。袤千有餘里。往返動以月計。山深水阻。宵小易潛。縣令一耳目之力。勢不得不有所寄。無能出督役保長通事者矣。法立弊生。其在地方。害誠有之。利則未也。且事有大於此者。故嘗私議。自半線大肚溪以上。宜另割爲一縣。建置官吏營汛。畫千里之地而兩之。猶古之大國也。

雖一時勞費。實百世深長之計矣。詳見兵防

列傳

季麒光無錫人。康熙丙辰進士。二十三年知縣事。時縣治初設。人未向學。麒光至。首課儒童。拔尤者而禮之。親爲辨難。士被其容光者。如坐春風。博涉羣書。爲詩文清麗整贍。工臨池。在任踰年。首創臺灣郡志。綜其山川風物。戶口土田阨塞。未及終編。以憂去。三十五年副使高拱乾因其藁。纂而成之。人知臺郡志自拱乾始。而不知始於麒光也。

張尹山西崞縣人。歲貢。康熙二十九年知縣事。性恬淡寡所言笑。嘗知漳浦。去之日。士民抱馬。足不得行。及再知諸羅。見邑治新造多曠土。招徠墾闢。撫綏多方。流民歸者如市。三十一年蝗。尹日巡行阡陌間。憂形於色。竭誠祭禳。災而不傷。洩諸四年。未嘗輕笞一人。慢辱一士。其在位也。無赫赫

之名。而去後嘗令人思。遷河南彰德郡丞。邑人肖其像於郡治竹溪寺。

論曰。季文才富艷。首創郡志藁。以發全臺之聾聵。獎掖士類。言者方於常觀察之風。偉矣。張寬厚長者。兩仕閩疆。漢詔有言曰。安靜之吏。愜幅亡華。日計不足。月計有餘。斯亦殆近之矣。

諸羅縣志卷之三終

諸羅縣志卷之四

祀典志

文廟 壇祭

禮莫大於祭。古昔聖賢凡有功德於民。廟祠壇壝。厥有常典。今上加意廟學。大合樂以祀先聖。進朱子以次十哲。弁論俱得。有事春秋。由漢以來。未有若斯之盛者也。其餘各以義起。在中土爲由舊。在諸羅則維新。以信以時。不僭不瀆。政教所格。上極霄漢。下逮淵泉。豈惟民哉。鬼神胥賴之矣。自茲以往。無或好誣徵怪。不務民義。濫馨香而淫昏是崇。庶於祭之本原有合乎。

文廟

釋奠祭先師也。漢祀孔子于闕里。隋始命州縣學。皆以春秋仲月釋奠。唐

武德二年始罷元聖周公祀。以孔子爲先聖。立廟于太學。真觀四年詔郡

邑學皆立孔子廟。宋元以來因之。廟崇王號。

漢平帝封褒成宣尼公。唐玄宗封文宣王。始設座像。宋真宗加至聖文宣王。元成宗加大成至聖文宣王。

其

羣弟子及從祀諸儒。歷代或封公侯。或加師保。廟制始於宋太祖。詔廟門立戟十六。徽宗加戟二十四。元以殿爲大成殿。冕服始徽宗。加冕十二旒。服九章。元因之。明永樂八年正文廟聖賢塑像衣冠。令合古式。其祭品無考。祭樂南宋用六佾。唐用宮懸。宋景祐間始詔上丁釋奠。設登歌之樂。明成化間加八佾。堂上堂下之制始備。嘉靖九年詔易大成至聖文宣王封號。曰至聖先師孔子。改大成殿曰先師殿。戟門曰廟門。四配十哲俱稱爲子。諸儒稱先儒某子。悉撤座像。題以木主。樂仍六佾。每祭先師用帛一羊。一豕。一爵。三登。一鉶。二簋。二籩。八豆。八。四配共用羊一豕。一各帛一。

爵三登一。鉶二簠一簋一籩豆各六。十哲共用帛二豕二。各爵一鉶一簠一簋一籩豆各四。每廡共用帛一豕一。每四壇共用爵四簠一簋一籩豆各四。外用勺一以挹酒。雲雷罇一以盛初獻酒。象罇一以盛亞獻酒。犧罇一以盛終獻酒。大合樂。麾一祝一。敔一琴六瑟二鐘磬各十有六。塤二箎二簫四鳳簫四笙六笛四搏拊鼓二。應鼓如之。樂生三十八人。工歌六人。旌二。籥三十六。翟如之。舞生三十六人。國初因之。屬兵火未息。樂舞缺焉。康熙二十六年。詔天下郡縣選樂舞生。大合樂以祀先聖。定例丁祭國子監十籩十豆舞用六佾。各府州縣八籩八豆舞亦六佾。樂器俱照會典原定遵行。正獻官一。府州縣印官分獻官四。殿上以佐武官兩廡教官。是年詔天下武臣自副將以上入廟陪祭行禮。四十九年詔自把總以上俱入廟陪祭行禮。執事生員無定

數。祭於春秋二仲上丁之日。諸羅自康熙二十五年設學。乃有釋奠之祭。

時廟在善化里西保。即目前春秋爲篷廠以祭。弗克成禮。四十三年縣治歸

諸羅山。四十五年冬海防同知孫元衝攝縣。建大成殿。詳見學校乃奉迎先師四

配。十哲先賢先儒入縣治新廟。舍菜如上丁之儀。別奉啓聖公及從祀於

義學以祭。四十八年鳳山令宋永清署縣。建啓聖祠兩廡。是年秋祭啓聖公。

從祀始各安其位。五十四年知縣周鍾瑄重修大成殿啓聖祠。重建兩廡。

學見學校今廟在縣治西門外。其祝文云。維某年某月某日某官某。敢昭告于至

聖先師孔子。惟先師德配天地。道貫古今。刪述六經。垂憲萬世。維茲仲春秋

謹以牲帛醴齊粢盛庶品。式陳明薦。以復聖顏子宗聖曾子述聖子思子

亞聖孟子配。尚饗。

東配二位

復聖顏子回 魯人 魯國公

述聖子思子伋 至聖孫 沂國公

西配二位

宗聖曾子參 南武城 鄒國公

亞聖孟子軻 鄒人 鄒國公

東哲六位 原五位

康熙五十一年詔以朱子升十哲之末位。西向次卜子下。

閔子損 魯人 魯國公

冉子雍 魯人 魯國公

端木子賜 衛人 魯國公

仲子由 下人 衛國公

卜子商

衛人 魯國公

朱子熹 新安人 徽國公

西哲五位

冉子耕 魯人 魯國公

宰子予 魯人 齊國公

冉子求 魯人 魯國公

言子偃 吳人 吳國公

顓孫子師 陳人 陳國公

東廡先賢

舊有魯賢伯魚今祀昭啓聖祠
有顏何今罷見祀三十一位

澹臺子滅明

武城人
金鄉侯

原子憲

任城侯

南宮子适

魯人
汝陽侯

商子瞿

魯人
須昌侯

漆彫子

開

魯人
平輿侯

樊子須

魯人
金鄉侯

公西子赤

魯人
龜野侯

梁子鸞

齊人
千乘侯

冉子孺

魯人
臨沂侯

伯子虔

魯人
沐陽侯

冉子季

魯人
諸城侯

漆雕子哆

魯人
濮陽侯

漆彫子徒父

魯人
高苑侯

商

子澤

魯人
鄒平侯

任子不齊

楚人
當陽侯

公良子孺

陳人
牟平侯

奚容子箴

魯人
濟陽侯

顏子祖

魯人
富陽侯

勾井子疆

衛人
益陽侯

秦子商

魯人
濰陽侯

公祖子勾茲

魯人
即縣侯

縣子成

魯人
武城侯

燕子伋

齊人
沂源侯

顏子之僕

魯人
宛句侯

樂子欬

魯人
建城侯

邾子異

魯人
高堂侯

公西子輿

如

魯人
臨朐侯

公西子箴

魯人
徐城侯

陳子亢

陳人
南頓侯

琴子牢

衛人
陽平侯

步叔子乘

齊人
傅昌侯

西廡先賢

舊有顏路今祀昭啓聖祠有公伯寮秦冉
今罷遷爰林放改祀于鄉見祀三十一位

宓子不齊

魯人
單父侯

公冶子長

齊人
高密侯

公皙子哀

齊人
北海侯

高子柴

衛人
共城侯

司馬

子耕 宋人 睢陽侯 有子若 魯人 平陰侯 巫馬子施 魯人 東阿侯 顏子辛 魯人 陽穀侯 曹子邴 蔡人 上蔡侯

公孫子龍 楚人 枝江侯 秦子祖 秦人 郿城侯 顏子高 魯人 雷澤侯 壤駟子赤 蔡人 上邽侯 石作子

蜀 成紀人 成紀侯 公夏子首 魯人 鉅平侯 后子處 齊人 膠東侯 公肩子定 魯人 梁父侯 鄒子單 柳城侯

罕父子黑 魯人 祈鄉侯 榮子旂 魯人 厭次侯 左人子郢 魯人 南華侯 鄭子國 魯人 陶山侯 原子亢

魯人 樂平侯 廉子潔 衛人 昨城侯 叔仲子會 魯人 博平侯 狄子黑 衛人 林慮侯 子蔑子忠 魯人 聖丘孟皮子 鄆城侯

施子之常 魯人 臨濮侯 秦子非 魯人 華亭侯 申子榘 魯人 文登侯 顏子膾 魯人 濟陰侯

東廡先儒 魯有荀況劉向王肅杜預今龍鄉家虛植服 虔改祀于鄉朱登升人十哲見祀一十七位

左子丘明 汶上人 中都伯 穀梁子赤 魯人 睢陽侯 高堂子生 魯人 萊蕪侯 毛子萇 河間人 樂壽伯 社子

子春 僂師人 侯氏伯 王子通 河津人 歐陽子脩 虛陵人 周子敦頤 道州人 道國公 程子頤

洛陽人 洛國公 張子載 鄆州人 鄆伯 楊子時 將樂人 將樂伯 羅子從彥 南劍人 陸子九淵 金谿人

蔡子沈

建陽人 崇安伯

許子衝

河內人 魏國公

陳子獻章

新會人

王子守仁

餘姚人 新建伯

西廡先儒

復有戴聖賈逵馬融何休王弼今罷鄭
芝范韓吳澄改祀于鄉見祀一十七位

公羊子高

臨淄人 臨淄伯

伏子勝

濟南人 乘氏伯

子國子安國

先聖十一世 孫曲阜伯

董子仲舒

廣川人 廣川伯

后子蒼

郟城人

韓子愈

南陽人 昌黎伯

胡子瑗

秦州人

程子顥

洛陽人 豫國公

邵子雍

涿州人 新安伯

司馬子光

涑水人 溫國公

胡子安國

崇安人 建寧伯

李子侗

劍浦人 越國公

呂子祖謙

壽州人 開封伯

張子

杖

漢川人 華陽伯

眞子德秀

建寧人 浦城伯

薛子瑄

河津人

胡子居仁

餘干人

啓聖祠

釋奠先祭啓聖公也。啓聖舊無祭。宋眞宗咸平三年封孔子父叔梁紇爲齊國公。元文宗至順初加封啓聖王。明嘉靖九年議以啓聖無祭爲闕典。又顏子曾子坐于堂上。而顏子父路曾子父黜乃在廡下。及孔鯉孟孫氏

亦無祭。非推祭所生之義。乃請立祠。祀叔梁紇爲啓聖公。以顏無繇曾點
孔鯉孟孫氏配。程珦朱松蔡元定從祀。萬曆二十四年。進周敦頤父周輔
成從祀。位居程珦之上。共八人。祭啓聖公。牲帛籩豆。視四配。四配視十哲。
四從祀。視兩廡。祭儀如先師廟。祭于春秋二仲。與釋奠同日。祠在學宮大
成殿之後。其祝文云。惟公誕生至聖。爲萬世王者師。功德顯著。今茲仲春
謹以牲帛醴齊粢盛庶品。用伸常祭。以先賢顏氏曾氏孔氏孟孫氏配。尙
饗。

東配先賢

顏氏無繇

孔氏鯉

西配先賢

曾氏點

孟孫氏成

東從祀先儒

周氏輔成

朱氏松

西從祀先儒

程氏珦

蔡氏元定

論曰。諸儒從祀歷代折衷羣議。或升或罷。或改祀其鄉。詳且慎矣。至今上而特升朱子以次十哲。道學昌明如日中天。然竊有聞諸前人以俟論定者。一則明嘉靖間王世貞之議。以有若南宮适補十哲也。以宋范仲淹躋從祀也。其言有若南宮适二子言行純嫻。可從顓孫師進補之例。仲淹能於戎馬倥偬之際。導大儒張載以中庸。中庸之表章自仲淹始。才氣猶在

凍水之上。一則萬曆間國子學錄張養蒙之議。林放蘧瑗之不必改祀於鄉。張載之父應比例於周程朱蔡元定之宜祀於兩廡也。其言不見傳記。不及門而從祀者不止林放伯玉。況一探本超乎時尙。一出處合乎聖人。則從祀正合聖意。周輔成旣得比例珣松。則載之父自應比例輔成。而蔡元定精詣卓識。早聞性道。今從祀啓聖。似以沈之故而崇報其父。非所以彰元定之賢。一則天啓間御史董翼之議。孔子追封不宜僅及其父也。其言防叔。孔子曾祖初徙居於魯者伯夏。孔子祖宜與叔梁紇一體。追封崇祀。就啓聖祠。倣同堂異室之例。或並稱啓聖公。而別以世次。或並稱公而酌定二諡。以別于啓聖。崇報孔子之禮。庶乎其備。而當嘉靖間。有永豐訓導羅恢者。亦言孔門從祀當以道學論。論語記有若之言四。皆有裨世教云云。愚竊以南宮迺之

在聖門。既嘉其言行。而娶以兄子。又稱其君子尙德。其賢實非宰我冉有所及。今縱不必退宰我冉有於兩廡之列。亦何不可升南宮有若於朱子之上。度亦子朱子所心喜也。仲淹以名教樂地引張載。當仁宗朝。數請興學校本行實。于是詔天下州縣皆立學。行科舉法。宋一代道學之盛實始於此。故先儒論宋朝人物。以仲淹爲第一。其宜從祀抑又何疑。廉洛關閩。闡發性與天道無餘蘊。所學同出一源。今功令特以性理取士。周程朱均得追崇其父。豈宜於載而獨缺典。孔子大聖推恩。宜不與諸賢同。且推恩臣下尙榮施三世。豈於聖人而獨靳。至於蘧伯玉林放之不必改祀。蔡元定之宜祀兩廡。諸如此論。皆確有至理可行。絕非好奇立異以新人耳目者。可同日而語也。

壇

祭

城隍廟勾芒旗靈附

社稷壇

祭社稷也。社祭五土。稷祭五穀。宋時社稷風雨師各一壇。明社稷另爲一壇。壇制高三尺四寸。方廣各二丈五尺。神坐南向北。取陰幽之義也。東西南北出陛各三級。壇下前一十五丈。東西南各五丈。繚以垣。由北門入。神以柱石爲主。長二尺五寸。方一尺一寸。剡其頂。形如鐘。瘞于壇之正中。近南上露圓尖神牌二。左稷右社。以木爲之。朱漆青書。題本縣縣社之神。本縣縣稷之神。牌藏于城隍廟。祭之日設于壇。正印官洩祭行三獻禮。祭品羊豕各一簋。豆各四簋。簋各二。鉶各一。爵各三。帛各一。色用黑。樂用鼓吹。今仍其制。祭以春秋二仲上戊之日。壇在縣治西南隅。康熙五十四年知縣

周鍾瑄建其祝文云。品物資生。蒸民乃粒。養育之功。司土是賴。惟茲仲秋春

禮宜告祀謹以牲帛醴齊粢盛庶品。式陳明薦。尙饗。明有里社壇今鄉有春秋祈穀報賽不設壇

山川壇

祭山川也。禮諸侯祭封內山川。今之令長視古諸侯。於法得祀。唐山川與雨師雷師合祀。宋山川與社稷合祀。元以風雲雷雨附于社稷。而別祀山川。明洪武初立山川壇于城西北。風雲雷雨壇於城西南。六年合山川風雲雷雨爲一壇。十四年更以城隍合祭。壇制坐北向南。門由南入。東西南北出陞各五級。不設石主。他制與社稷同。神牌三。中題風雲雷雨之神。左本縣境內山川之神。右本縣城隍之神。正印官涖祭行三獻禮。祭品羊三豕三籩豆各四簠簋各二。鉶各一。爵各三。帛各一。色用白。樂用鼓吹。獻禮

先風雲雷雨。次山川。次城隍。今仍其制。祭以春秋二仲。上巳之日。壇在縣治西南隅。康熙五十四年。知縣周鍾瑄建。讀祝在風雲雷雨神位前。其祝文云。惟神妙用神機。生育萬物。奠我民居。足我民食。某等欽奉上命。職忝茲土。今茲仲春秋謹具牲醴庶品。用伸常祭。尙饗。

邑厲壇

祭邑厲也。古祭法有泰厲。公厲。族厲。此厲祭之所自始。明洪武三年。詔各府州縣。歲祭無祀鬼神。其制壇方廣各一丈五尺高二尺。前陛三級。餘無階。繚以垣。今郡縣之制不一。先期三日。牒告城隍。至日迎城隍神位于壇主其事。用羊一豕一爵三。設無祀鬼神牌于壇下左右。題本縣境內無祀鬼神。用羊二豕二。解置於器。酒醴羹飯冥衣羅列甚備。其行禮止於城隍

神位前。每歲春清明日。秋七月十五日。冬十月一日。凡三祭。壇在縣治北

隅。康熙五十五年北路營守備游崇功募建。爲屋祀浮屠以主之。祭處文詞繁不載。明初各鄉有

鄉厲壇今罕有設者

城隍廟

祀城隍也。有廟無專祭。合祭於山川壇。廟在縣署之左。康熙五十四年知縣周鍾瑄捐俸建。規制頗宏敞。叅將阮蔡文捐銀四十兩爲助。

寧化李元仲曰。古祀社稷于西郊。西陰之成也。山川于南郊。南陽之盛也。屬于北郊。北陰之極也。壇而不屋。受風霜雨露。以達天地之氣也。社稷北向。地道陰也。日用上戊。戊土也。祀風伯于立春後丑。丑近箕星次也。祀雨師于立夏後申。申近畢星次也。今于二仲上巳。從社稷也。祀無

祀于清明中元孟冬。雨露旣濡。霜露旣降。必有怵惕懷愴之心也。諸羅壇壝皆破荒爲之。而城隍襄事於阮叅戎。厲壇繼成於游守戎。有同舟共濟之義焉。若夫邑有名宦鄉賢。古所謂法施於民則祀之者也。鄉先生沒而祭於社者也。今兩祠並建矣。新造之邑。鄉賢固宜有待。名宦則建邑三十三載。歷令尉數十人。如開關之季麒光僉之。輿論亦旣曰。首創臺志稿矣。喜造士矣。如張尹則又曰。招徠撫綏矣。且肖像而禮之矣。夫獨不可崇而俎豆之乎。章縫之士。責將誰諉也。

勾芒

立春祀勾芒也。前一日正印官於東郊行四拜禮。迎勾芒至儀門西向。立春候縣官吏具公服禮勾芒。以綵仗鞭牛者三。勸耕也。禮畢附祀于土地。

神

旗 纛

祭軍牙六纛也。世傳爲蚩尤氏原無廟。內地間有之。或藏神位於軍器局。明制九月霜降日都督府衛所等官祭之。用羊一豕一帛一色。用白。先一日具儀仗迎旗纛。及期行三獻禮。今鎮防官平時多設位於衛署。霜降則迎於演武亭而祭之。其祝文云。惟神正直無私。指揮軍士。助揚威武。皆仗神功。某等領承上命。守禦茲土。時維季秋。謹以牲醴庶品。用伸常祭。尙饗。

諸羅未有演武亭
張幕而祭於教場

諸羅縣志卷之四終

諸羅縣志卷之五

學校志

學宮 義學 社學

柳柳州有言。孔子之道與王化爲遠近。豈不諒哉。昔者子蓋嘗欲乘桴浮於海。越二千餘年而其言竟驗。斷髮文身之區。化爲庠序衣冠禮樂之地。番社子弟並設館延師而教之學盛矣。子曰如有王者。必世而後仁。今天子御極五十餘載。仁漸義摩殆爲過之。宮墻魏煥章縫彬彬不亦宜乎。惟學遜志務時敏厥脩乃來。洋洋乎天子之文德與聖人之教思並無斲矣。

學宮

諸羅縣初未有學。康熙二十五年臺廈道周昌請於三縣各建儒學。始爲茅茨數椽于善化里之西保。三十四年臺廈道高拱乾有建學之議。教諭

林弼奉檄庀材組成棟宇。以羣議基址不固。復行折卸止。留殿屋一間。棲先師之神。四十三年。鳳山知縣宋永清署縣事。奉文移歸諸羅縣治。與諸生度地議建學宮。週城內外卜吉三處。聽諸生自擇其尤。定基於城之西門外。永清首捐百金。合教諭丁必捷。貢廩諸生公捐。并前縣毛鳳綸公費計五百餘金。甫架樑。而知縣毛殿颺蒞任。未數月。殿颺卒事。遂寢。四十五年。海防同知孫元衡攝縣。乃興工建大成殿。櫺星門。臺廈。道王敏政知府。衛台揆北路參將張國教。輸孫襄各捐俸爲助。不足者元衡肩爲己任焉。成宋志也。四十七年。宋永清再署縣事。建啓聖祠于大成殿之後。及東西兩廡。歲久漸圯。五十四年九月。颶風發屋。檼棟朽折。傾倒殆盡。知縣周鍾瑄大脩大成殿。啓聖祠。重建東西兩廡。啓聖祠。左爲明倫堂。堂左楔木爲

臥碑。右爲文昌祠。聯兩廡而下。東爲宿齋所。西爲藏器庫。爲二門三楹門。外左爲名宦祠。右爲鄉賢祠。前爲櫺星門。周圍墻八十六丈四尺。東爲禮門。西爲義路。前爲照墻。是役也。工起於五十四年十月。成於五十五年十一月。計費白金一千五百有奇。不借助士民一錢。動用民間一役。皆知縣獨力成之。有捐俸一百兩以襄厥舉者。本路參將阮蔡文也。

按諸羅置縣自康熙之二十有三年。越二年而憲副周公始請建學。十有一年而高公始儀創建。又十年而鳳山令宋君始基之。又二年而郡司馬孫公始營之。又二年而宋君再營之。越七年而風雨漂搖幾爲茂草。至今日而規制粗備焉。豈惟禮樂百年後興哉。卽講學行禮之所。且積之三十餘年。乃告厥成矣。前此學未有明倫堂。夫三代之學所以明

人倫也。倫之不明。所學何事。誠如陳中丞湄川先生臺灣明倫堂記。所謂有人類卽有人心。有人理。天造地設而有明倫堂。堂之不立。則士子講誦無地。必至人倫不明。人理泯而人心昧。將不得爲人類者。若文昌祠之建。前人以爲士子俸祿籍之及。而列道家荒誕之神於先師之側。然天下儒學所在多有。借爲陰翼用資激勸。亦聖人神道設教之所不廢也。紀其營建凡事關學宮以內者。悉列於左。

宸翰。國朝二十四年御書萬世師表扁額懸掛直省各府州縣文廟

康熙二十五年御製至聖先師孔子贊四賢贊。頒行眞省各府州縣。勤石學宮。

至聖先師孔子贊

並序

蓋自三才建。而天地不居其功。一中傳而聖人代宣其蘊。有行道之聖。得位以綏猷。有明道之聖。立言以垂憲。此正學所以常明。人心所以不泯也。粵稽往緒。仰邇前徽。堯舜禹湯文武達而在上。兼君師之寄。行道之聖人也。孔子不得位。窮而在下。秉刪述之權。明道之聖人也。行道者勳業炳於一朝。明道者教思周於百世。堯舜文武之後。不有孔子。則學術紛淆。仁義湮塞。斯道之失傳也久矣。後之人而欲探二帝三王之心法。以爲治國平天下之準。其奚所取衷焉。然則孔子之爲萬古一人也。審矣。朕巡省東國。謁祀闕里。景仰滋深。敬搗筆而爲之贊曰。

清濁有氣。剛柔有質。聖人參之。人極以立。行著習察。舍道莫由。惟皇建極。惟后綏猷。作君作師。垂統萬古。曰惟堯舜。禹湯文武。五百餘歲。至聖挺生。

金聲玉振。集厥大成。序書刪詩。定禮正樂。既窮象繫。亦嚴筆削。上紹往聖。下示來型。道不終晦。秩然大經。百家紛紜。殊途異趣。日月無踰。羹墻可晤。孔子之道。惟中與庸。此心此理。千聖所同。孔子之德。仁義中正。秉彜之好。根本天性。庶幾夙夜。勗哉令圖。遡源洙泗。景躅唐虞。載歷庭除。式觀禮器。擯毫仰贊。心焉遐企。百世而上。以聖爲歸。百世而下。以聖爲師。非師夫子。惟師於道。統天垂世。惟道爲寶。泰山巖巖。東海泱泱。牆高萬仞。夫子之堂。孰窺其藩。孰窺其徑。道不遠人。克念作聖。

四賢贊 顏子

聖道早聞。天資獨粹。約禮博文。不遷不貳。一善服膺。萬德來萃。能化而齊。其樂一致。禮樂四代。治法兼備。用行舍藏。王佐之器。

曾子

洙泗之傳。魯以得之。一貫曰唯。聖學在茲。明德新民。止善爲期。格致誠正。均平以推。至德要道。百行所基。纂脩統緒。脩明訓辭。

子思子

於穆天命。道之大原。靜養動察。庸德庸言。以育萬物。以贊乾坤。九經三重。大法是存。篤恭慎獨。成德之門。卷之藏密。擴之無垠。

孟子

啓人旣萎。楊墨昌熾。子輿闢之。曰仁曰義。性善獨闡。知言養氣。道稱堯舜。學屏功利。煌煌七篇。並垂六藝。孔學攸傳。禹功作配。

康熙四十一年御製訓飭士子文。頒行天下學宮訓飭士子。

國家建立學校。原以興行教化。作育人材。典至渥也。朕臨馭以來。隆重師儒。加意庠序。近復慎簡學使。釐剔弊端。務期風教脩明。賢才蔚起。庶幾樸棧作人之意。乃比來士習未端。儒效罕著。雖因內外臣工奉行不能盡善。亦由爾諸生積錮已久。猝難改易之故也。茲特親製訓言。再加警惕。爾諸生其敬聽之。從來學者。先立品行。次及文學。學術事功。源委有叙。爾諸生幼聞庭訓。長列宮牆。朝夕誦讀。寧無講究。必也躬脩實踐。砥礪廉隅。敦孝順以事親。秉貞忠以立志。窮經考義。勿雜荒經之談。取友親師。悉化驕盈之氣。文章歸于醇雅。毋事浮華。軌度式於規繩。最防蕩軼。子衿佻達。自昔所譏。苟行止有虧。雖讀書何益。若夫宅心弗淑。行己多愆。或蜚語流言。脅制官長。或隱糧包訟。出入公門。或唆撥姦猾。欺孤凌弱。招呼朋類。結社要

盟。乃如之人。名教不容。鄉黨弗齒。縱俾脫襦。朴濫竊章縫。返之於衷。能無愧乎。況乎鄉會科名。乃掄才大典。關係尤鉅。士子果有真才實學。何患困不逢年。顧乃標榜虛名。暗通聲氣。夤緣詭遇。罔顧身家。又或改竄鄉貫。希圖進取。蠹凌騰沸。網利營私。種種弊端。深可痛恨。且夫士子出身之始。尤貴以正。若茲厥初。拜獻便已。作姦犯科。則異時敗檢踰閑。何所不至。又安望其秉公持正。爲國家宣猷樹績。膺後先疏附之選哉。朕用嘉惠爾等。故不禁反覆惓惓。茲訓言頒到。爾等務共體朕心。恪遵明訓。一切痛加改省。爭自濯磨。積行勤學。以圖上進。國家三年登造。束帛弓旌。不特爾身有榮。卽爾祖父亦增光寵矣。逢時得志。寧俟他求哉。若仍視爲具文。玩愒勿儆。毀方躍冶。暴棄自甘。王章具在。朕不能爲爾等寬矣。自茲以往。內而國學。

外而直省鄉校。凡學臣師長。皆有司鐸之責者。並宜傳集諸生。多方董勸。以副朕懷。否則職業弗脩。咎亦難追。勿謂朕言之不預也。爾多士尙敬聽之哉。

條約

國朝順治九年。命禮部因明舊制。復刊臥碑文于學宮之左。曉示生員。朝廷建立學校。選取生員。免其丁糧。厚以廩膳。設學院學道學官以教之。各衙門官以禮相待。全要養成賢才。以供朝廷之用。諸生皆當上報國恩。下立人品。所有教條開列於後。

一生員之家。父母賢智者。子當受教。父母愚魯或有非爲者。子旣讀書。明理。當再三懇告。使父母不陷於危亡。

一生員立志當學爲忠臣清官。書史所載忠清事蹟。務須互相講究。凡利國愛民之事。更宜留心。

一生員居心忠厚。正直讀書。方有實用。出仕必作良吏。若心術邪刻。讀書必無成就。爲官必取禍患。行害人之事者。往往自殺其身。常宜思省。

一生員不可干求官長。結交勢要。希圖進身。若果心善德全。上天知之。必加以福。

一生員當愛身忍性。凡有司官衙門。不可輕入。卽有切己之事。止許家人代告。不許干與他人詞訟。他人亦不許牽連生員作證。

一爲學當尊敬先生。若講說皆須誠心聽受。如有未明。從容再問。毋妄

行辯難。爲師者亦當盡心教訓。勿致怠惰。

一軍民一切利病。不許生員上書陳言。如有一言建白以違制。論黜革治罪。

一生員不許糾黨多人立盟結社。把持官府。武斷鄉曲。所作文字。不許妄行刊刻。違者聽提調官治罪。

是年復頒行六諭。令地方官責成鄉約人等。每月朔望宣誦。

一孝順父母

一尊敬長上

一和睦鄉里

一教訓子孫

一各安生理

一莫作非爲

康熙九年頒上諭十六條。每月朔望有司偕紳衿齊集明倫堂。及軍民人等俱聽宣講。

一敦孝弟以重人倫

一篤宗族以昭雍睦

一和鄉黨以息爭訟

一重農桑以足衣食

一尚節儉以惜財用

一隆學校以端士習

一黜異端以崇正學

一講法律以儆愚頑

一明禮讓以厚風俗

一務本業以定民志

一訓子弟以禁非爲

一息誣告以全良善

一戒窩逃以免株連

一完錢糧以省催科

一聯保甲以弭盜賊

一解讐忿以重身命

十八年頒鄉約全書。每月朔望有司偕紳衿齊集明倫堂。及軍民人等併

聽宣講。

二十六年駐防鎮江將軍董某疏稱。臣見京口官兵經過文廟。多有不下馬者。乞通行禁飭。于是詔于學官照牆東西立下馬牌。牌各書滿漢文軍。民莫不知有廟庭之尊矣。

養老

國朝順治二年詔各省府州縣。每歲正月十五日十月初一日於儒學舉行鄉飲酒禮。設賓僕介主。讀律令申明朝廷之法。敦叙長幼之節。其動費于存留錢糧內支辦。永爲定例。正賓以紳衿爲之。介賓則耆民之有行義者。諸羅鄉飲始於康熙四十七年。

康熙九年奉恩詔。耆民八十以上者。給與絹一疋綿一觔米一石肉十觔。二十七年十月奉恩詔。軍民年七十以上者。許一丁侍養。免其雜泛差役。

八十以上者。給與絹一疋。綿一觔。米一石。肉十觔。九十以上者。倍之。

四十二年三月奉恩詔。軍民年七十以上者。許一丁侍養。免其雜泛差役。

八十以上者。給與絹一疋。綿一觔。米一石。肉十觔。九十以上者。倍之。至百

歲者。題明給與建坊銀兩。

四十八年三月奉恩詔。軍民年七十以上者。許一丁侍養。免其雜泛差役。

八十以上者。給與絹一疋。綿一觔。米一石。肉十觔。九十以上者。倍之。至百

歲者。題明給與建坊銀兩。

五十二年三月奉恩詔。軍民年七十以上者。許一丁侍養。免其雜泛差役。

八十以上者。給與絹一疋。綿一觔。米一石。肉十觔。九十以上者。倍之。至百

歲者。題明給與建坊銀兩。

五十二年三月十八日恭遇皇上六旬萬壽。各省耆老親詣闕廷叩祝。皇上召至暢春苑宮門外賜宴。奉上諭云。書稱文王善養老者。孟子云七十者非帛不煖。非肉不飽。帝王之治天下。發政施仁。未嘗不以養老尊賢爲首務。近來士大夫只論做官之賢否。移風易俗之效驗。所以不暇講究孝弟之本心。今日之會。特出此意。若孝弟之念少輕。而求移風易俗。其所厚者薄。而其所薄者厚矣。爾等皆是老者。比回鄉井之間。各曉諭鄰里。須先孝弟。倘天下皆知孝弟爲重。此誠移風易俗之本。禮樂辭讓之根。非淺鮮也。昨日甘霖大沛。四野沾足。朕心大悅。爾等母悞農時。速回本地。特諭。

右所載御製諸篇。輝煌聖廟。昭示儒林。學者能考諸身心。奉爲模楷。沉潛玩索。而有得焉。則所知所行。日進於高明光大。而無難矣。至於刊立臥碑。

宣講聖諭。及養老各條。皆所以發羣蒙開聾聵。化民成俗。有關學校之大者。故並載之。以補郡志之闕。

生員廩膳增廣。明以前學校取士數無可考。明初設廩膳。府學四十八。縣學二十人。以後添設增廣。明季科歲每學取進大約百名。國朝順治四年始定額。大學四十名。中學三十名。小學十二名。先科考後歲考。至十五年歲考。復定爲府學二十名。大縣學十五名。中縣學十二名。小縣學四名。或五名。十八年定科歲。兩考併爲一次。康熙九年復定府學二十名。大縣學十五名。中縣學十二名。小縣學七名。或八名。十二年仍行科歲兩試。先歲後科。遂爲定制。其廩額。府學廩膳已成材生員四十名。增廣四十名。大縣學廩膳二十名。增廣二十名。中縣學如之。小縣學廩膳十六名。增廣十

六名。康熙二十三年置諸羅縣。二十五年臺廈道周昌詳請督撫兩院。題定諸羅縣學。照中學例。科歲兩考取進。文生員各一十二名。廩生照內地之例各十名。增廣生各十名。歲貢照內地例。每二年貢監人提督學政事務。以臺灣兩隔重洋。學使不能遠涉。照陝西延安廣東瓊州之例。就臺廈道提督學政。兼行試事。

武生

順治初年武童依文童例。督學三年。一歲考取進。無定額。附學官管理。其事宜照文童例行。武生於歲考錄科無科考。九年令直省武生該督撫提鎮。干本省就近副參遊內委。諳練騎射者一員。會同學道考取。康熙十年題定武童進學。府學二十名。大縣學十五名。中縣學十二名。小縣學七名。

或八名。十四年題定學道考試武童。不必會同地方武職官。諸羅縣學自康熙二十六年始。每歲考照。中學例取進十二名。

社學生

順治九年通行選取補充鄉社師康熙二十五年革去

贊禮生

康熙二十五年令府州縣學贊禮生。不許濫用。應選擇在學肄業生員。文行兼優。儀表端莊。聲音宏亮者。補充大學六名。小學四名。考試時准爲優等。仍行報部。

樂舞生

康熙二十六年令郡縣選青年無過俊秀子弟充樂舞生。每學八十六名。大合樂以祀先聖。各給衣頂。免其差徭。督學歲科按臨日。另造冊申報送

考。

義學 學田附

原在文廟之右。康熙四十五年臺灣府同知孫元衡攝縣事時建。歲久圯壞無存。五十四年知縣周鍾瑄更建於縣署之右。前後兩座共六間。前楔木爲坊榜曰義學。

義學田

在日加溜灣。康熙四十五年本府同知孫元衡攝縣篆。因曾耀陳儼請墾互控撥四十甲充入本縣義學。實洲園也。每年定租銀五十兩。爲義學延師脩脯之費。五十年管事柯招報。大水崩陷。教諭陳聲勸丈實存園二十甲。定租銀二十四兩。五十四年又報崩陷一十四甲。今存園六甲。仍在柯

招分下。年納租銀一十二兩。

社學

在邑里漢庄者八。以教漢童。

一在縣內紅毛井邊 一在新化里八竈庄 一在善化里關帝廟後

一在開化里觀音宮 一在安定里姑媽廟 一在打猫後庄 一在

斗六門庄 一在半線庄營盤邊

以上八所康熙四十八年知縣劉作揖奉巡撫張伯行通行建

在番社者八。以教番童。

一在新港社 一在目加溜灣社 一在蕭壠社 一在麻豆社

以上四所康熙二十

五年知縣樊維屏建

一在諸羅山社 一在打猫社 一在哆囉嘓社 一在大武

壠社

以上四所康熙五十四年知縣周鍾璽建

論曰自宋仁宗賜兗州學田。詔天下州縣立學。增置學官。歷南宋元明。擴而張之。至我朝而師儒縫掖遠溥海外。文治之隆于斯極矣。諸羅建學三十年。撥科多內地寄籍者。庠序之士。泉漳居半。興福次之。土著寥寥矣。夫士農工賈各世其業。故易有成也。諸羅之人。其始來非商賈則農耳。以士世其業者。十不得一焉。兒童五六歲亦嘗令就學。稍長而貧。易而爲農矣。商與工矣。或吏胥而卒伍矣。卒業於學者。十不得一焉。子朱子有言。自田不井。授人無恆產。而爲士者尤厄於貧。反不得與農工商賈齒。上之人欲聚而教之。彼亦安能終歲裹飯而學於我。是以漢元成間增置博士弟子。以仰給大官。旋即報罷。夫萃天下之力。供養士之費而不足。今欲責成於州縣之微祿。雖有義學社學之設。亦唯力是視。

不則苟具文書而已。雖有穎悟傑出之子。不能自給。亦終於易慮改圖而已。而巨賈列肆居塵。則金帛貨貝足相傲也。田舍翁多收十斛。則菽麥稻梁足相傲也。吏胥舞文爲奸利。鮮衣美食。則相傲。強有力。竄名卒伍。躍馬彎弓。又相傲。于是此邦視學之途。爲迂而無用。內郡之不得志于有司者。羣問渡而東焉。科歲兩試。此邦之人拱手而讓之。一登解額。卽飛揚而歸故里。海外人文何日而興乎。先王謹庠序以養士。五禮六樂。七教八政。養耆老。恤孤獨。上賢以崇德。簡不肖以繼惡。非專爲導人梯榮弋祿之資也。是故脩之於家。而獻之於廷。德行高妙。志節清白。表正風俗。視民不怵。君大夫之所敬求。長吏之所以尊而禮也。乃或孝弟無稱。踰閑蕩檢。造請夤緣。侵漁武斷。圭璧之躬。士有闕矣。有司束濕。又

何怪焉。司馬溫公之說曰。士先德行。後文學。以文學言之。經術又先於詞章。蓋經術者格物致知之學。所以進於誠意正心脩身。而爲齊家治國平天下之具者也。今學者焚膏繼晷。唯科舉是務。卽所謂科舉之文。亦非有原本經術發抒義理。得之心而宣諸口。揣摩迎合圖取膏梁。文繡已耳。就其所學。寧堪自問哉。夫詩書之氣漸染。甚於丹青。不患才之不及。而患志之不立。年盛質美。始涉學庭。講修典訓。志道據德之基也。積分優補。久列膠庠。力學不倦。依仁游藝之漸也。古者之學。自一年以至七年。謂之小成。九年謂之大成。故能經術湛深。時務明達。本末貫通。紹休聖緒。敷奏以言。則文章可觀。明試以功。則盤錯皆利。出爲家國天下之禎祥。處亦學術人心之倚賴也。若但取斷爛時文以求應舉。粗知

對偶便望巍科。閭里童昏儼然師塾。又安望其知類通達。強立不反乎。無論雕蟲小道。立名非真。卽造極登峰。亦何關聖學絕續。風俗盛衰。政治得失。以此求才。徒虛語矣。漢陽朔二年詔曰。儒林之官。四海淵源。宣皆明於古今。溫故知新。通達國體。故謂之博士。否則學者無述焉。胡安定先生教授蘇湖。嚴師弟子之禮。視諸生如子弟。諸生亦信愛如其父兄。其教人之法。有經義齋。有治事齋。經義齋擇疏通有器局者爲之。治事齋者人各治一事。又兼一事。如邊防水利之類。故天下謂湖學多秀彥。許魯齋設教燕京。弟子出入進退。嚴如君臣。相其動息。以爲張弛。課誦少暇。卽習禮。或習書算。少者則令習拜跪揖讓進退應對。久之人人自得尊師敬業。下至童子。亦知三綱五常爲生人之道。今或博士弟子

漢如路人。甚者避不相見。二者必居一失於此矣。鄉塾之師。或崇飲戲。謔倚席不講。弟子亦蔑視其師。師之去留不關。父兄悉由弟子之好尚。如此而尚可冀其相與有成乎。雖然縣令者父母而師。率之責無所諉也。異時諸邑學宮茂草。藉口頽弛。然且不可今之歸然而顯敞者新築也。講學行禮有其地矣。往者邑有灣裡溪之園四十甲。學博掌之。歲徵其入以給義學之師。今之告衝決者。其中寧無移甲爲乙之弊。爲之經理脩脯猶可藉也。士不可盡騰。拔其尤者如孫明復。則希文之橐可解也。非公事不可至。擇其難致者如徐孺子。則仲舉之榻可下也。寄籍不必杜。藉其博雅宏通爲土著之切嗟可也。土著不能多。有表其聰明特達爲邑人之觀望可也。昔文翁治蜀。每出行縣。擇諸生明經飭行者與

俱。蜀人爭爲學官弟子。比於齊魯。明道先生令晉城。鄉皆置校正。兒童所讀句讀。教者不善。輒易置之。鄉爲社會立科條。旌善別惡。今縣令簿書期會日不暇給。况竝地千里。勢不能鄉爲日涉而人爲面命也。廣勵教化。使邑之人明知學之爲貴而羣趨焉。義學社學聘有學行生儒主之。民間塾師必籍其名覈其文藝品行。內地寄籍者隆其禮。土著未入庠序者。復其身。有教約。以嚴其師。師有殿最。有教法。以課其徒。徒有賞罰。月朔與學博諸生講求御製訓飭士子之文。文字一本之經術。申之以孝弟忠信禮義廉恥。無爲沾沾科舉。是崇都人士之文章德業焉。可量也。

諸羅縣志卷之五終

諸羅縣志卷之六

賦役志

戶口 土田

陸餉

雜稅

存留經費附

取民之法。代有常制。然法無皆利。無皆弊。得其人則利。失其人則害。不盡人之財。不盡人之力。權衡於用一緩二之君子而已。諸邑海外斥鹵。財賦有經。卉服雕題。貢饗獻雉。非聖德光大含弘。孰能致此者乎。考歷代立法之大略。泝其源流。就斯土因革損益之所宜。審其利弊。使閱者按籍鑑古知今。洞若觀火。亦佐國裕民之一助哉。

戶口土田考

則壤定賦。昉自禹貢。所謂布縷粟米之征也。周禮小司寇掌民數。登其生齒。周知人數。以均其事役。則所謂力役之征。非有取其財也。漢初爲算賦。

民自十五以上五十六以下出賦錢。戶口之賦實始於此。唐初定租庸調

之法。租者丁男田百畝歲納粟二石調者每丁隨鄉土所出歲輸絹及綾總各二丈總三兩不蠲之王輸布二丈五尺麻三筋庸者每丁定役二十日不從則日爲絹三尺有田則有租。有戶則有調。有

身則有庸。其法以丁身爲主。至德宗時。楊炎變爲兩稅。并租庸調而一之。

夏輸無過六月。秋輸無過十一月。戶無主客以見居爲簿。人無中丁。唐以民始生爲黃四

歲爲小六爲中以貧富爲差。其法以資產爲主。以丁身爲主者。流極於田亡而賦存。戶

亡而籍存。責其租庸。人苦無告。以資產爲主者。流極於庸錢既納。差役如故。

無事之時。別作名色巧取。兵興費廣。又於稅外徵求。其弊一也。然租庸調之

法。實倣周人遺意。故楊炎變之。前賢等其罪於商於。而考之唐初。巔南諸州

稅米。蕃人內附者稅錢。蓋不待流亡浮寄而已。有不可通者。故兩稅之行。相

沿。五代宋元明以至於今。不可易。蓋定稅以丁。轉徙難稽。定稅以畝。地章

易覈兩稅之不可復廢。猶井田之不可復興。在奉法者之善與不善而已。

明初以黃冊定天下戶口土田之賦。迨其中葉。流爲四差之弊。里甲均徭驛傳機兵冊之四差至

萬曆中而變爲一條鞭。括一縣丁糧徭役備載。每名一歲應納之數。下帖于

民使納銀。而官辨其差徭。然法行既久。漸忘其舊。遂以差徭合征之銀爲

正賦。沿至國初。而又有輪值之大當。大當者九甲一切夫役雜費俱就現年覈此其家立破是明初之黃冊已不免

於兩稅之外。另有差徭。自一條鞭之法行。則又折差徭爲額徵。而力役之

征終于不免。大當繼之。變一法而多一倍之征。紆目前而貽無窮之害。有

民生之寄者。不可不慎也。世祖章皇帝初定天下。詔曰。天下丁銀原有定

制。年來生齒彫耗。有司其細加察覈。老幼悉與寬免。四年二月詔曰。福建

人丁地畝本折并衛所錢糧。通照前明萬曆四十八年則例徵收。其唐魯

二藩僭號。疊派橫征。地方尤稱苦累。一切停止。十四年又詔。紳衿止免本
身徭役。以寬恤民力。使得勻減。由此觀之。國初賦役悉因明制。去其弊之
泰甚者而已。大聖人至公無我之心。軫念元元之意。于今猶可想見也。然
當其時。庶事草創。日不暇給。又四方多故。至甲寅三藩之變。海氛復熾。兵
餉米運色目愈繁。于是總督姚啓聖慨然請除大當。用蘇民困。則今上康
熙之十九年也。凡此皆在諸羅未附之前。其已事矣。諸羅自二十三年歸
入版圖。民安居粒食。止有人丁地畝惟正之供。不知有額外之徵無名之
賦。蓋自鄭氏銜璧。四海晏然。天下之平久矣。前此鄭氏不分主客。計口算
丁。每一丁年徵銀六錢。本朝徵額。每一丁年四錢七分六釐。三縣之例以
有室家者均編。客戶單丁不與焉。康熙五十二年詔曰。海宇承平日久。戶

口日繁。地畝並未加廣。宜施寬大之恩。共享恬熙之樂。嗣後直隸各省地方。遇編審之期。察出增益。人丁止將實數。另造清冊奏聞。其徵收錢糧。但據康熙五十年丁冊。定爲常額。續生人丁。永不加賦。仍不許有司於造冊之時。藉端需索。用副朕休養生息之意。于是部議。嗣後編審。另造新增人丁。爲盛世滋生戶口冊。大哉皇仁。永無多算爲賦之患矣。前此鄭氏上下率自占其田園。以十分爲一甲。有佃自輸粟於官者。謂之官佃。有佃輸租于文武各官。而文武又各輸粟于官者。謂之文武官佃。官佃則上則田每甲徵粟一十八石。中則十六石五斗。下則十石二斗。上則園徵粟如田之下。則中則八石一斗。下則五石四斗。文武官佃。則上則田每甲徵粟三石六斗。中則三石一斗二升。下則二石四斗。上則園徵如田之下。則中則一石一

斗二升。下則二石八升。內附之後。官佃文武田園。通勻一例。上中下各爲豁減。聽民自徵。無參差畸零之費。有世其子孫之安矣。然戶口之常額。恩詔已定。而土田之利病。往復難窮。不可不爲條析也。諸羅田少園多。計縣之田。其等有五。田園之主。其名有四。曰官庄。則設縣之後。郡屬文武各官招墾。因而遞受於後官者也。曰業戶。則紳衿士民自墾納賦。或承買收租。而賦于官者也。曰管事。則鄉推一人理賦稅差役。官就而責成之。衆計田園以酌其直。而租賦不與焉者也。曰番社。則番自爲耕。無租賦。而別有丁身之餉者也。詳見陸續若田之五等。則平疇沃野。水泉蓄洩。不憂旱潦。厥田惟上上。中無停蓄。上有流泉。出其人力。障爲陂圳。入於畝畝。矣。斜屈曲。無所不到。厥田惟中上。附近溪港。桔槔任牛。多糝少粟。臺之農惰矣。厥田惟中中。

際壑無泉。雨集而滄。潦盡而涸。陂曰涸死。田之逢年者十不二三也。厥田下中。廣斥而磽低。不可園。雨霽田石。逢年者十不一二也。厥田下下。而自鐵線橋以下。開化。善化。新化。安定四里。苦旱者多。卽一縣之內。一年之間。而豐歉不齊。且如康熙五十三年。臺鳳以旱各蠲應徵粟十分之三。獨四里以隔屬弗及。然則定賦三等。亦約畧其概而已。若園之等則等以地之肥磽勢之高下而已。黑墳在原。埔占粟名胡麻。來蕤。荏菽。異植並茂。斯爲上矣。其下者必地勢之極下而磽也。此又以賦之三等。而約畧定園之二等者也。縣多山溪。夏秋靈雨。溪流驟漲。田園沿溪逼港者。悉入蛟宮矣。陂圳之疏築。大者數千金。小亦不下數百。突遇洪流。蕩歸烏有。卽陂去田亦荒矣。近海者或潮漲鹵淹。此皆無歲不有。嗟此民瘼。其能一一上聞乎。內地之

田論畝凡折算。二百四十弓爲一畝。以六尺爲一弓。臺灣之甲論戈。凡東西南北各二十五戈爲一甲。每戈長一丈二尺五寸。計田園一甲約內地十一畝三分一釐零。內地上則田一畝。各縣輸法不一。約徵折色自五六分。以極一錢一分而止。卽以最重者而論。爲田十一畝。三分一釐。不過徵銀一兩二錢二分零。臺灣之田。上則每甲每年徵粟八石八斗。卽以穀價最賤之時而論。每石不下銀三錢。凡徵本色二兩六錢四分。由田以例園。由上則以例中下。雖賦稅較鄭氏豁免已多。且不止加倍於內地矣。然而民不甚病者何也。新墾土肥。一甲之田。上者出粟六七石。最下者亦三四十石。佃輸業戶者十之二三。業戶賦于官者半焉。仰事俯育。非甚凶年無憂不足也。其下中者皆報丈編徵矣。間有荒埔之磯瘠棄餘。是十年而

一再收者也。或地勢窪下。倏而爲埔。倏而爲溪港者也。民以衝決崩陷者。截長補短。雖輸賦加倍。而地力有餘。此在國家爲漏卮。在小民爲遺利。然不可登之版籍。使其後有額無田。爲虛懸爲浮糧。以貽官民之累。脫不幸有甲兵之事。饋運加派之求。則有田者於倍之中。又倍矣。此浮寄者。其何以堪。所恃上下司柄體廟堂。加惠小民。德意施法外之仁。使海澨赤子樂安太平而已。必銖兩而計之。尺寸而較之。無論聖謨宏遠。不屑屑島嶼之刀錐。而此邦士民甫集中澤。非有蠅頭之戀。亦孰肯舍祖宗之丘墓族黨之團圍。隔重洋而渡險。竄處於天盡海飛之地哉。且夫底定立法之始。不徵折色而就徵本色者。原有深意。不可不察也。此地產粟頗多。十月開徵。正當冬熟。折色則艱於發糶。不若本色度積車運輸將立辨。且無至穀賤

病農。又此地戶多新立。人無蓄聚。官粟既多。稍遇凶歉。平糶蠲賑。不須假借。內郡或漳泉福興。此豐彼歉。亦可汎舟通其有無。故因地之宜。順民之利。仍就鄭氏徵粟之法。而除其苛暴。著爲成規。凡以臺屬一隅。宿兵。歲糜帑餉十餘萬。朝廷豈有求增賦而盡地利之心。大指在撫綏安輯。固海疆之外圍。爲閩粵江浙四省之屏蔽。臺灣安而四省安。四省安而天下安矣。諸邑鄭氏僞額民丁四千四百一十二。底定存冊二千八百三十九。續招徠一千三百六十。共民丁四千一百九十九。田園官佃七百八十七甲四分三釐三毫八絲六微。文武官佃八千三百五十六甲三分一釐六毫一絲六忽一微。底定存冊官佃六百四十三甲九分六毫一絲一忽六微。文武官佃四千一百九十九甲九分二釐六毫八絲七忽六微。共田園四千

八百四十三甲八分三釐二毫九絲九忽二微。是爲康熙二十三年舊額。其上中下徵輸則例。遞年新增人丁田園詳列于左。陸餉水餉雜稅另各爲一條。

戶口

本縣戶口。康熙二十三年題定則例。每丁年徵銀四錢七分六釐。

舊額民戶二千四百三十六。民丁四千一百九十九。共徵丁銀一千九百九十八兩七錢二分四釐。

康熙三十年新增民丁七十一

以下照例每五年編審

康熙三十五年新增民丁四十五

康熙四十年新增民丁四十一

康熙四十五年新增民丁六十五

康熙五十年新增民丁三十八

以上自康熙三十年起。至五十年止。共新增民丁二百六十。每丁照例徵銀四錢七分六釐共徵

銀一百二十三兩七錢六分。

合計通縣共二千四百三十六戶。新舊民丁四千四百五十九口。共徵丁

銀二千一百二十二兩四錢八分四釐。

田園賦稅

本縣田園。康熙二十三年題定則例。上則田每年徵粟八石八斗。中則年徵粟七石四斗。下則年徵粟五石五斗。上則園徵粟五石。中則年徵粟

四石。下則年徵粟二石四斗。

舊額田九百七十甲零四分三釐六毫一絲七忽六微。

內上則一十七甲二分零四釐五絲七忽微粟二百五十一石四斗零二

勺一抄六撮中則九百二十七甲一分七釐五毫六絲六忽八微微粟六千八百六十一石零九升九合九勺
四抄三撮二圭下則二十六甲零五釐五毫九絲二忽八微微粟一百四十三石三斗零七合六勺五抄九撮

舊額園三千八百七十三甲三分八釐六毫八絲一忽六微。

內上則一千六百二十一甲五分二釐九毫零六忽

五微微粟八千一百零七石六斗四升五合四勺二抄五撮中則一千七百五十甲零二分四釐七毫一絲七微微粟七千零九斗八升八合四勺二抄八撮下則五百零一甲六分二釐六絲二忽四微微粟一千二百零三石八斗六升五合四勺九抄七撮六圭

以上舊額田園。每年共徵粟二萬三千四百六十八石三斗零七合一勺

六抄八撮八圭。

康熙二十四年新墾田。二百甲零六分九毫二絲八忽。

內上則六十五甲三分四釐六毫中則七十三甲五分六釐下則六十一甲七

分零三毫
二絲八忽

康熙二十五年新墾田。二十甲零四分八釐。

內中則一十二甲零一釐下則八甲四分七釐

康熙二十七年新墾田。四十九甲八分七釐一毫一絲。

內中則四甲八分四釐一毫絲下則四十五甲零三釐

康熙二十八年新墾田。六十九甲四分。內中則二十六甲
下則四十三甲四分

康熙二十九年新墾田。九甲二分。內中則六甲二
分 下則三甲

康熙三十年新墾田。三甲一分八釐。內中則一甲五分
下則一甲三分八釐

康熙三十一年新墾田。四甲八分。俱下則

康熙三十四年新墾田。一甲六分。俱下則

康熙三十五年新墾田。五甲三分。俱下則

康熙三十八年新墾田。五分四釐。俱下則

康熙三十九年新墾田。二分五釐。俱下則

康熙五十三年新墾田。三甲五分。俱下則

以上自康熙二十四年起。至五十三年止。新墾田三百六十八甲七分三

釐零三絲八忽。內上則六十五甲三分四釐六毫微粟五百七十五石零四升四合八勺中則一百二十四甲四分一釐二毫一絲微粟九百二十石零六斗四升二合五勺四抄下則一百七十八甲九分七釐二毫二絲八忽微粟九百八十四石三斗

五升三合
零四抄

康熙二十四年新墾園一千四百二十甲零八分二釐一毫五絲三忽。內上則三

百七十甲零六分七釐 中則三百零四甲三分八釐
九毫 下則七百四十五甲七分六釐二毫五絲三忽

康熙二十五年新墾園一百七十三甲四分九釐。內上則二十一甲八分三釐 中則六十二甲
分三釐 下則一百八十九甲五分三釐

康熙二十七年新墾園二百零七甲五分二釐六毫。內上則一十甲零二分 中則六甲一分五
釐 下則一百九十一甲一分七釐六毫

康熙二十八年新墾園二百四十二甲二分九釐四毫。內中則九甲六分零五毫 下則
二百三十二甲六分八釐九毫

康熙二十九年新墾園一百八十四甲七分四釐。內上則一甲一分 中則一十一
甲下則二百七十二甲六分四釐

康熙三十年新墾園一百九十三甲五分零二毫。內上則二甲五分 中則五甲五分
下則一百八十五甲五分零二毫

康熙三十一年新墾園四百一十一甲九分五釐六毫八絲。內上則甲 中則五甲
五分 下則四百零五甲

四分五釐
六毫八絲

本年奉旨通行各里。自首新墾園。五百二十五甲五分九釐六毫八絲。俱下則

康熙三十二年新墾園。二百零四甲六分八釐六絲。俱下則

康熙三十三年新墾園。一十一甲六分三釐。俱下則

康熙三十四年新墾園。一十四甲一分五釐。俱下則

康熙三十五年新墾園。一百一十一甲二分二釐。俱下則

康熙三十六年新墾園。一百八十三甲九分一釐。俱下則

康熙三十七年新墾園。一百八十七甲。俱下則

康熙三十八年新墾園。三百二十四甲九分六釐三毫八絲六忽。俱下則

康熙三十九年新墾園。四百一十八甲二分零三毫。俱下則

康熙四十年新墾園。三百三十一甲五分九釐。內上則二甲 中則三甲 下則三百二十六甲五分九釐

康熙四十一年新墾園。七十六甲五分五釐。內中則四十甲 下則三十六甲五分五釐

康熙四十二年新墾園。二十二甲九分五釐。俱下則

康熙四十三年新墾園。一十三甲五分四釐。俱下則

康熙四十四年新墾園。四十一甲五分。俱下則

康熙四十五年新墾園。四十九甲八分五釐。俱下則

康熙四十六年新墾園。四十九甲四分二釐。俱下則

康熙四十七年新墾園。三十二甲九分。俱下則

康熙四十八年新墾園。五十八甲五分。俱下則

康熙四十九年新墾園。一十九甲七分二釐。俱下則

康熙五十一年新墾園一十九甲三分。俱下則

康熙五十二年新墾園九十三甲一分九釐六毫。俱下則

康熙五十三年新墾園二十七甲八分。俱下則

康熙五十四年新墾園一十二甲五分。俱下則

以上自康熙二十四年起。至五十四年止。新墾園五千七百六十五甲零

五絲九忽。

內上則四百零九甲三分徵粟二千零四十六石五斗中則四百四十七甲二分七釐四毫徵粟一千七百八十九石零九升六合下則四千九百零八甲四分二釐六毫五絲九忽徵粟一萬一千七百八十五石零二斗二升三合八勺一抄六撮

以上新墾田園每年共徵粟一萬八千零九十五石八斗五升九合七勺

九抄六撮。

合計通縣新舊上中下則田園共一萬零九百七十七甲五分五釐三毫

九絲六忽二微。每年共徵粟四萬一千五百六十四石一斗六升六合

九勺六抄四撮八圭

按舊例正供之粟半線以上納斗六門打猫倉。外九庄等處納諸羅山倉。開化善化新化安定四里納府倉。茅港尾哆囉嘓下加冬等倉。凡爲粟四萬有奇。府倉半焉。故縣令一年之間。居郡治者強半。由正供之粟多納在郡於催科較易也。今在郡治之日多。則縣治之事必有廢而不舉者矣。故嘗講求變通之法。欲令之專一於縣治。必移置倉廩。而附近于縣。又必其地便於業戶之輸納。而不使有轉運之苦。又必其地便於兵米之支給。而不致有庚癸之呼夫。然後可以久而不弊也。往者半線淡水兵米例於四里。按季運給。每年運費至千五百餘金。保甲吏胥緣此爲奸。殆又倍焉。鍾瑄自五十三年視事。目擊民艱。乃於半線淡水兩處建倉。糴粟各就近糶

給民困旣蘇。兵食亦辨。已然之效矣。按縣治之南四十里有鹹水港。是南之總會也。海道自青峯闕。東入達于四里。通于九庄。縣治之北十五里有土獅仔。則北之總會也。水道西出於澎湖。東入于笨港。且其地形高爽。其人居稠密。愚以爲建倉儲粟。莫宜於此。今若移府倉。而置倉於鹹水港。凡縣以南之粟。皆於此輸納。甚便也。因而另貯粟於佳里興茅港尾。下加冬。以給日加溜灣佳里興。下加冬各汛之兵米。於兵亦便矣。移斗六門打貓倉。而置倉於土獅仔。凡縣以北之粟。皆於此輸納。甚便也。因而稍留斗六門現在之倉。貯粟以分給斗六門各汛之兵米。而澎湖左右兩營。輪季泛舟于土獅仔。於鹹水港口。以支按月之兵米。於兵又便矣。兵民兩便。則縣令可一意歸治。無往來之疲。無不舉之事矣。若夫新舊田園。則業主給牛

種于佃丁。而墾者十之六七也。其自墾者三四已耳。乃久之佃丁自居于墾主。逋租欠稅。業主易一佃。則羣呼而起。將來必有久佃成業主之弊。爭訟日熾。案牘日煩。此漸之不可長者也。又佃丁以田園典兌下手。名曰田底。轉相授受。有同買賣。或業已易主。而佃仍虎踞。將來必有一田三主之弊。納戶可移甲爲乙。吏胥必飛張作李。冊籍日淆。虛懸日積。此又漸之不可長者也。然則去二漸之弊。與移置近縣之倉。亦當務之急矣。

陸餉水餉雜稅考

陸餉番社餉也。唐初嶺南諸州。稅米番人內附者。上戶丁稅錢十文。次戶五文。下戶免經附二年者。上戶丁輸羊二口。次戶一口。下戶三戶共一口。臺灣始見於明之中葉。前無可考。明季屬荷蘭。歲貢倭鹿皮三萬張。諸羅

此時大約以鹿皮爲賦。或折徵也。鄭氏僞額。諸羅番戶二千三百二十四。

丁口四千五百一十六分。大小三十四社。每年於調社之日。輕重其餉於

贖社者之手。調社者年一給牌於贖社之人也。贖正額無此字。俗音僕謂散收社業之銀物而包納其餉也。下贖港做此。康熙二十三年歸入版圖。權社之

大小。歲徵餉若干。三十二年三十四年五十四年。生番新附各社。餉或附

徵舊社。或自爲徵。並著爲額。水餉者樵採捕魚之舡。以所載計其担數

而徵餉。謂之樑頭。以港之大小爲額。贖港抽稅于港內捕魚之衆。而總輸

於官。謂之港餉。港口瀦水餉魚爲塏。大者有征。謂之塏餉。雜稅者爲罟爲

罟爲縶爲罟爲縶爲罟。俱詳見外紀所以取魚蝦牡蠣者也。爲蔗車爲牛磨蔗車

以煮糖。牛磨以粉麥爲麵者也。皆有餉。凡此則於陸餉之外。沿乎鄭氏之

舊者也。并詳載于左。

陸餉

郡志載番社額三十有四中有并數社餉銀于
社而合徵者社名俱不載今俱詳列于各社之下

諸羅山社。額徵銀。六十五兩二錢六分八釐。

哆囉囉社。額徵銀。三百一十三兩九錢九分二釐。

大武壠社。額徵銀。九百一十四兩八錢一分零四毫。內埔吧咩 木岡 茅籠 內
幽等四社餉銀俱附入合徵

麻豆社。額徵銀。一百七十二兩八錢七分二釐。

目加溜灣社。額徵銀。一百一十三兩二錢四分八釐八毫。內新社仔餉
銀附入合徵

蕭壠社。額徵銀。四百五十二兩二錢八分九釐六毫。

新港社。額徵銀。四百五十八兩六錢四分。內卓寮社餉
銀附入合徵

大傑巔社。額徵銀。一百九十兩零五錢一分二釐。

阿里山社。額徵銀。一百五十五兩二錢三分二釐。內豬粉 鹿格 吧囉婆 盧麻產 千務等
五社又三十四年新附崇文 芝舞崗 芝密

猪丹 荖榔椰 多羅 水登 燕潭 竹脚宜
第九社同前五社共十四社餉銀俱附入合徵

奇冷岸社。額徵銀。一十二兩九錢零八毫。

大龜佛社。額徵銀。一十七兩九錢八分二釐八毫。

打猫社。額徵銀。一百三十六兩一錢八分零八毫。

他里霧社。額徵銀。五十兩零八錢三釐二毫。

猴悶社。額徵銀。四十九兩三錢九分二釐。

柴裡斗六社。額徵銀。三百五十二兩八錢。

西螺社。額徵銀。二百零四兩六錢二分四釐。

東螺社。額徵銀。三百七十兩零四錢四分。內厝裡二社餉銀附入合徵

南社。額徵銀。八百零六兩五錢八毫。

二林社。額徵銀。四百二十五兩一錢二分四釐。

大突社。額徵銀。一百零五兩八錢四分。

貓兒干社。額徵銀。二百四十六兩九錢六分。

大武郡牛相觸二重坡社。額徵銀。一百六十五兩四錢六分三釐二毫。

南北投社。額徵銀。五百零一兩二錢二分八釐八毫。內貓羅社餉
銀附入合徵

馬芝遴社。額徵銀。二百一十五兩九錢一分三釐六毫。

半線大肚社。額徵銀。三百三十一兩六錢三分二釐。內柴坑仔 水裡二
社餉銀附入合徵

阿束社。額徵銀。七十兩零九錢一分二釐八毫。

貓霧抹社。額徵銀。二十九兩六錢三分五釐二毫。

沙轆牛罵社。額徵銀。二十三兩二錢八分四釐八毫。

崩山社。額徵銀。一百三十四兩四錢一分六釐八毫。內大甲東 大甲西 宛裡 房裡 南日 雙寮 貓孟 香香等八社餉銀俱附入合徵

後壠社。額徵銀。九十八兩七錢八分四釐。內新港仔 貓裡 港仔等四社餉銀俱附入合徵 中

竹塹社。額徵銀。三百七十八兩。

南坎社。額徵銀。九十八兩七錢八分四釐。內坑仔 龜崙 番裡等 三社餉銀俱附入合徵

上淡水社。額徵銀。二十二兩五錢七分九釐二毫。內內北投 鹿少翁 武勝潭 大浪寮 擺接 雞柔等六社餉銀俱附入合徵

雞籠社。額徵銀。二十二兩五錢七分九釐二毫。內山羽 金包裡二 社餉銀附入合徵

康熙三十二年。新附生番六社。

大武郡赤嘴社。額徵銀。三十九兩。

水沙連思麻丹社。額徵銀。一十二兩。

麻咄目靠社。額徵銀。一十二兩。

挽鱗倒咯社。額徵銀。一十一兩五錢。

狎裡蟬巒蠻社。額徵銀。一十二兩。

干那霧社。額徵銀。一十二兩。

康熙五十四年。新附生番五社。

岸裡社。掃掠社。烏牛難社。阿里史社。樸仔籬社。年共納鹿皮五十張。折徵銀。一十二兩。

以上合計新舊番社。實徵餉銀。共七千八百二十兩零三分六釐八毫。

水 餉

採捕小船四十一隻。計樑頭九百三十八擔。每擔徵銀七分七釐共徵銀。七十二兩二錢

二分六釐。

新港并日加溜灣一所徵銀二十七兩一錢六分五釐六毫。

直加弄西港仔舍西港一所徵銀九十七兩三錢七分二釐八毫。

茄藤頭港一所徵銀一百六十九兩三錢四分四釐。

大線頭并浮塹一所徵銀三兩八錢八分零八毫。

倒豐港并竹橋港一所徵銀一十一兩二錢八分九釐六毫。

南鯤身港一所徵銀三十五兩二錢八分。

海豐港一所徵銀二十三兩九錢九分零四毫。

猴樹并礁巴嶼潭蠔噓港一所徵銀七兩四錢零八釐八毫。

笨港一所徵銀一十四兩四錢六分四釐八毫。

以上樑頭港潭共徵銀四百六十二兩四錢二分二釐八毫。

雜稅

罟一張。徵銀一十一兩七錢六分。

罟郡志作罟二張。每張徵銀四兩二錢。共徵銀八兩四錢。

纏五條。每條徵銀五兩八錢八分。共徵銀二十九兩四錢。

罟一條。徵銀五兩八錢八分。

綾二條。每條徵銀五兩八錢八分。共徵銀一十一兩七錢六分。

蠟八條。每條徵銀五兩八錢八分。共徵銀四十七兩零四分。

舊額蔗車二十二張。每張徵銀五兩六錢。共徵銀一百二十三兩二錢。

康熙三十二年新陞蔗車三張。每張徵銀五兩六錢。共徵銀一十六兩八錢。牛磨一首。徵

銀五兩六錢。

以上各項雜稅共徵銀二百五十九兩八錢四分。

合計通縣共額徵正雜稅餉銀一萬零六百三十四兩七錢八分三釐六

毫。并前民丁在內

郡志鳳山令宋永清之論賦役其略曰。諸羅三十四社土番捕鹿爲生。鄭氏令捕鹿各社。以有力者經營。名曰驥社。社商將日所需之物。赴社易鹿作脯。代輸社餉。國朝討平臺灣。部堂更定餉額。比之僞時。雖已稍減。而現在番黎按丁輸納。尙有一二兩至一二十兩者。或此社困窮。彼社勻納。移甲易乙。莫可稽查。有司只按總額徵收。番愚昧無知。終歲所捕之鹿。與夫雞犬牛豕布縷麻菽。悉爲社商所有。間有餉重利薄。社商不欲包輸。則又委諸通事。名爲自徵。通事額外之賒削。無異社商。雖屢禁懲。未盡改也。

今社餉縱難全豁。似當酌減十分之三。俟建城垣之後。再議履畝定稅。或議照丁輸稅之法。再若臺鳳諸三縣。零罾罟網有稅。漁船樑頭有稅。二十一港又有港稅。均循舊例。重複征輸。亦不可不爲酌減去留。在當日平定之初。章程草創或未及詳。苟有利于民生。聖德如天。非有斬也。案按番社之餉。責成于通事。猶民戶之糧。責成於里甲也。然民戶可自封投櫃。而土番性既頑蠢。不知書數。行以自封投櫃之法。勢必不能。故民戶之里甲可除。而番社之通事不可去也。若所謂社商頭家。番稱通事亦曰頭家者。非真有商人於此貿易。不過遊棍豪猾邀朋合夥。重利稱貸。以夤緣得之。而就中僉一人爲通事。是通事者。社商頭家之別名也。鍾瑄自五十四年視事。查附近縣治。如諸羅山、哆囉嘓、目加溜灣、麻豆、蕭壠、新港等六社。番漢錯居。向皆自舉通事。

每年祇予以辛勞。番每年計直以受通事或粟麻鹿脯之類曰辛勞爲登記出納完欠之數。而均其差役。應徵額

餉。番自輸官。不經通事之手。因查縣北。如打貓。他裡霧。柴裡。三社。均屬附

近。番習見官長。稍有知覺。與六社無異。亦令自舉通事自輸。使遠社盡用

此法。雖朘削。未必盡無以視社商之包贖者。不大有間乎。唯是西螺以上。

北抵淡水。去治日遠。番頑蠢益甚。又性多猜忌。出山數里外。卽瞿瞿然憂

其不返。傳譯非通事不能。輸納非通事不辨。甚而終歲衣食田器釜鏹周

身布縷。非通事爲之經營預墊。將莫知所措。故西螺以北番社之有藉於

通事。又與斗六門以南各社不同。亦勢使然也。然其本則在縣令之自正

其身而已。舊例歲一給牌。通事以社之大小爲多寡。自百金而倍蓰之曰

花紅。不者則易其人。每年各社產脂麻之處。官採買而短其價。或發鹽計

口分番。而勒以食貴。又各社歲派鹿筋鹿茸鹿皮豹皮若干。于是官以通事爲納賄之門。通事得借官爲科索之路。而土番之絲粒出入。無不操縱其手。雖欲禁之。亦惡得而禁之。視事以來。首剔諸弊。因勒諸石而與通事。約除辛勞之外。一切科索悉行禁止。蓋官無所染指。則可以法立令行。其守法奉公者。歲仍其舊。不悛者重懲一二。以儆其餘。此輩縱不知禮。猶當畏法。旣不敬明目張膽以肆其惡。又無可指名假借以濟其私。曠社之風久而自息。腴削之患久而自消。所謂拔其本而塞其源者也。水餉雜稅之征。多屬鄭氏竊踞時苛政。而最重者莫如船港諸稅。夫船出入於港。而畧畧鏈罽綾纛。則取魚蝦牡蠣于港者也。乃旣稅其船。又稅其畧畧鏈罽綾纛。且稅其港。蓋一港而三其稅焉。嗟此蟹舍蚩蚩。有不望洋而興歎。相戒而

裹足者哉。今樑頭之稅大半出於載五穀糖菁之商販。若罽稅則原出於淡水一港。十年來久無牽罽之人矣。往者責賠于通事。甚無謂也。罽罽縶民避重征之餉。多有其名而無其物。與牽罽同問諸水濱已耳。大半官爲之賠者也。若夫各港之稅。無可考其出產之數。今亦止能革缸隻之例

金而已。

每例缸隻打造印烙掛號每規二三兩不等。而額餉不可不完也。民入港取一魚一蝦。缸每月繳錢三百文五十四年悉行裁革勒諸石。

而額餉不可不完也。民入港取一魚一蝦。

無敢不經贖港之手。任其強橫。莫得持其短也。官責其餉。亦莫議其短也。

朝廷寬征薄賦。蠲賑動數百萬。寧與濱海窮民較此數百金之入。而多爲之取哉。重洋隔遠。無有縷陳。其隱于上官。而以入告者。私心過計。竊恐久而大爲官民之累也。故因宋論而申明之。以備君子之採擇焉。

存留經費。附

各項正雜餉稅除解充兵餉銀。八千四百四十三兩零二分一釐六毫一忽九微。實存支應銀。二千一百九十二兩七錢六分一釐九毫九絲八忽一微。

支給條項

本府同知薪湊俸銀。三十七兩四錢四分四釐。閏年加銀三兩一錢二分零三毫三絲三忽照例奉裁充餉

皂隸一十二名。每名工食銀六兩。共銀七十二兩。閏年加銀六兩年實給銀七

十四兩四錢。

本府馬快一十名。每名工食銀六兩。共銀六十兩。閏年加銀五兩年實給銀六十二

兩。

皂隸一十六名。每名工食銀六兩。共銀九十六兩。閏年加銀八兩年實給銀九十

九兩二錢。

斗級六名。每名工食銀六兩。共銀三十六兩。閏年加銀三兩年
勻給銀一兩二錢實給銀三十七

兩二錢。

本府經歷。新湊俸銀一十五兩七錢九分八釐。閏年加銀一兩三錢一分
六釐五毫照例奉裁充餉

馬夫一名。工食銀六兩。閏年加銀五錢
年勻給銀二錢實給銀六兩二錢。

本府儒學門斗三名。每名工食銀六兩。共銀一十八兩。閏年加銀一兩五
錢年勻給銀六錢實給銀

一十八兩六錢。

本縣知縣。俸銀二十七兩四錢九分。閏年加銀二兩三錢三分六釐九
毫零一忽四微照例奉裁充餉

薪湊俸銀一十七兩五錢一分。閏年加銀一兩四錢五分九釐
一毫六絲七忽照例奉裁充餉

門子二名。每名工食銀六兩。共銀一十二兩。閏年加銀一兩
年勻給銀四錢實給銀一十二兩

四錢。

皂隸一十六名。每名工食銀六兩。共銀九十六兩。閏年加銀八兩年
給銀三兩二錢實給銀九

十九兩二錢。

馬快八名。每名工食銀六兩。共銀四十八兩。閏年加銀四兩年
勻給銀一兩六錢實給銀四十九

兩六錢。

燈夫四名。每名工食銀六兩。共銀二十四兩。閏年加銀二兩
年勻給銀八錢實給銀二十四兩

八錢。

轎傘扇夫七名。每名工食銀六兩。共銀四十二兩。閏年加銀三兩五錢
年勻給銀一兩四錢實給銀四

十三兩四錢。

禁卒八名。每名工食銀六兩。共銀四十八兩。閏年加銀四兩年
勻給銀一兩六錢實給銀四十九

兩六錢。

庫子四名。每名工食銀六兩。共銀二十四兩。。閏年加銀二兩實給銀二十四兩

八錢。

斗級四名。每名工食銀六兩。共銀二十四兩。。閏年加銀二兩實給銀二十四兩

八錢。

民壯五十名。每名工食銀六兩。共銀三百兩。。閏年加銀二十五兩實給銀三百一

十兩。

本縣儒學。俸銀三十一兩五錢二分。。閏年加銀二兩六錢二分六釐六

齋夫三名。每名工食銀六兩。共銀一十八兩。。閏年加銀一兩五錢實給銀一十八兩

六錢。

膳夫二名。工食銀連閏共銀一十三兩三錢三分三釐三毫三絲。

門斗三名。每名工食銀六兩。共銀一十八兩。閏年加銀一兩五錢。年勻給銀六錢。實給銀一十八

兩六錢。

本縣典史。俸銀一十九兩五錢二分。閏年加銀一兩六錢二分二釐。六毫六絲六忽。照例奉裁充餉。

薪湊俸銀一十二兩。閏年加銀一兩。照例奉裁充餉。

門子一名。工食銀六兩。閏年加銀五錢。年勻給銀二錢。實給銀六兩二錢。

皂隸四名。每名工食銀六兩。共銀二十四兩。閏年加銀一兩。年勻給銀八錢。實給銀二十四兩

八錢。

馬夫一名。工食銀六兩。閏年加銀五錢。年勻給銀二錢。實給銀六兩二錢。

佳里興巡檢。俸銀一十九兩五錢二分。閏年加銀一兩六錢二分二釐。六毫六絲六忽。照例奉裁充餉。

薪湊俸銀一十二兩。閏年加銀一兩。照例奉裁充餉。

皂隸二名。每名工食銀六兩。共銀一十二兩。。閏年加銀一兩
年勻給銀四錢實給銀一十二兩

四錢。

弓兵一十八名。每名工食銀一兩七錢六分六釐六毫六絲六忽七微。

共銀三十一兩八錢。。閏年加銀二兩六錢五分
年勻給銀一兩零六分實給銀三十二兩八錢六分。

本縣舖兵六十七名。每名工食銀六兩。火把銀六錢四分。共銀四百五

十八兩二錢八分。。閏年加銀三十八兩一錢九分
年勻給銀一十五兩二錢七分六釐實給銀四百七十二兩五錢五分

六釐。

本府進表合用綾袱紙張。實給銀二兩五錢二分八釐九毫八絲二忽一微。

本縣聖廟香燈銀。二兩五錢二分。

春秋二祭啓聖公。文廟。山川。社稷。呂厲等壇祠銀。百四十八兩。

習儀拜賀救護香燭銀六錢。

祈晴禱雨謝神香燭銀一兩二錢。

脩理文廟城隍社稷無祀等壇祠銀一十一兩三錢五分七釐。

鄉飲二次銀六兩。

新中舉人花紅旗匾銀一兩三錢三分三釐三毫二絲。

會試舉人盤費銀三十兩。

進士花幣旗匾銀二兩。

縣舉歲貢生旗匾銀一兩二錢五分。

縣學廩生一十名每名連閭該廩糧二兩八錢九分三釐三毫三絲共銀

二十八兩九錢三分三釐三毫。

存恤孤貧冬夏衣布銀。本縣屬四十六名每年給銀一兩五錢八分七釐三毫實給銀七十三兩零一分五釐

八毫。

孤貧月糧。每月給銀二錢三分零九毫三絲八忽實給銀一百二十七兩四錢七分二釐二毫五絲

六忽。

囚犯月糧銀二十兩。

諸羅縣志卷之六終

諸羅縣志卷之七

兵防志

營制 水陸防汛 教場 歷官 列傳

自井田丘賦之制廢。而車戰漸易爲騎兵爲步卒。水戰之始見於春秋吳楚之間。厥後漢有樓船軍。歷代相沿有水軍。臺四周皆海。騎無所用之。水陸並設。亦因地爲之制矣。北路揜全臺之吭。而拊其背。然則山海要害之地。通川之道。酌其廣狹。相其險易。而裒益。其多寡非當務之急。與。前代兵制。凡民壯鋪遞弓兵皆謂之兵。本朝額設。不過勾攝公事。賞送文牒而已。故是編不載。獨著水陸防汛。詳其阨塞墩臺兵數多寡。各爲論次。而繫歷官列傳於後。

總論

國家削平臺灣。置一郡三縣。勦水陸之士萬人。更番屯戍。諸羅特置北路一營於陸路。另分安平協水師以防沿海。制云密矣。顧有所當議者。北路之機軸與臺鳳異。今日之情形與初闢異。而所以帖然無事者。由聖天子威靈遠播。各當道撫馭多方。而其間利害之隱伏於無形者。實關全臺之休戚。而人不及察。不可不長慮却顧。及今而亟爲之前籌也。何也。諸羅自蔦松新港至斗六門。一百八十餘里。其間四里九保。庄社鱗次。府治縣治之左右上下。漢人有室家田產以樂其生。諸番頗漸染政教。而知所畏。縱狼莠潛滋。毒之立盡耳。自斗六門至雞籠山後。八百餘里。溪澗崕谷。旣險且遠。當設縣之始。縣治草萊。文武各官僑居佳里興。流移開墾之衆。極遠不過斗六門。北路防汛。至半線牛罵而止。皆在縣治二百里之內。千時當

事卽有臺北添兵之議。見縣志然虎尾大肚。人已視爲畏途。過此則鮮有知其地理之險易者。又其時崩山、後壠、中港、竹塹、南嵌、各港。商賈舟楫未通。雖入職方。無異化外。故議而中寢也。自康熙三十五年吳球謀亂。繼之以吞霄、淡水之土官。繼之以劉却。俱詳見舊志五年之間。數見騷動。皆在北路。于是四十三年。秩官營汛悉移歸治。而當是時。流移開墾之衆。已漸過斗六門以北矣。自四十九年洋盜陳明隆稱其渠鄭盡心。潛伏在江浙交界之盡山、花鳥、台州、魚山、臺灣、淡水。于是設淡水分防千總。增大甲以上七塘。蓋數年間而流移開墾之衆。又漸過半線大肚溪以北矣。此後流移日多。乃至南日、後壠、竹塹、南嵌。所在而有。以去縣日遠。聚衆行兇。拒捕奪犯。巧借色目。以墾番之地。廬番之居。妻番之婦。收番之子。番畏其衆強。爲隱忍相仇。

無已。勢必構禍。而大甲以上官兵。初至不習水土。又地方遼濶。塘汛寡弱。無事空抱瘴癘之憂。有事莫濟緩急之用。此知縣周鍾瑄所以有清革流民以大甲溪爲界之請。前北路參將阮蔡文又有淡水一汛七塘官兵應請咨部撤回之議也。議者又謂臺灣附屬閩省。雞籠淡水版圖以內。而必畫界於大甲。使崩山大安以至雞籠山後七百里之地。不見聲明文物之盛。非所以昭無爲之化也。置郡設邑。而別異數百里外爲棄地閒田。非所以弘經國之謨也。議者又謂崩山後壠中港竹塹南嵌本郡。商賈舟楫往來。而淡水一港。則閩省內地商船。及江浙之船皆至焉。斗六門以東如林璞埔竹脚寮各處。路可通雞籠山後諸社。不必盡由大甲。姦民趨利如鶩。雖欲限之。安得一一而限之。今日畫大甲爲界。而又撤淡水七塘防汛。則

此七百里遂爲政教不施。稽察不及之鄉。徒寄耳目於三五通事。天下寧有七百里險阻藏奸之地。無縣邑無官兵。而人不爲惡。爲頑。爲盜者乎。數者之論。皆關國家之體。發慮於事幾之先。而時當隆平。千百年久安長治之圖。正在今日。第苟幸無事。因循玩愒。畫界展界。撤兵留兵。二者相持。害隱伏而滋長。所謂抱火厝之積薪之下者也。竊計諸羅之地。倍於臺鳳。山澤險阻。多於臺鳳。臺爲郡治。置帥府宿重兵。澎湖區區一島。鎮以一協兩營。鳳山南路一營所轄。不過三百餘里。獨北路以千里之邊境。日關日廣。聯爲一縣。彈壓以參將一營九百四十之官兵。合則阨塞多而不足以設備。分則形勢繼而不足以建威。今昇平無事。其稍遠者。已難爲駕馭矣。設不幸有水旱之菑。有一方之警。而又有不逞如吳球、劉却、卓个、卓霧、冰冷、

亞生之狂狡。乘間相誑誤者。將何以制之。故嘗私議。淡水至山後三百餘里。非山卽海。有番無民。不足以置縣邑。淡水以南至半線三百餘里。水泉沃衍。多曠野。平林。後壠。諸港。實與鹿仔。三林。海豐。笨港。各水汛相爲表裏。宜割半線以上別爲一縣。聽民開墾自如。而半線卽今安營之地。周原肥美。居中扼要。宜改置爲縣治。張官吏立學校。以聲明文物之盛。徐化鄙陋頑梗之習。嚴保甲之法。以驅雞鳴狗盜之徒。卽又干半線別置遊擊一營。與北路營汛聯絡。鎮以額兵一千分守。備五百人。設巡檢一員於淡水分干。把總於後壠。竹塹。使首尾相顧。臂指相屬。而又酌撥鎮防水師千雞籠。詳見水師營汛則自大肚。大甲。以至淡水。皆爲官兵之所屯聚。往來之所周歷。有司耳目之所稽察。政教之所浸灌。卽淡水至山後三百餘里。望風悚息。永無意

外之虞矣。或以爲置營增兵。則增餉而不知餉固有不必要者。按臺灣鎮標三營。合道標共兵三千。並駐郡治。卽有分汛。不過臺灣縣屬三二十里之內。止有本邑佳里。與目加溜灣兩處。因北路移營歸治。及設防淡水。乃調鎮標分防。且安平協水師駐札紅毛城。與郡治隔港。一葦可渡。附郡鹿耳門亦係水師汛地。鎮標兵力原自有餘。今若裁鎮標一營。而改設於半線。其於官兵俸薪馬乾糧餉。一無所增。半線旣自爲一營。則北路營之兵自足防。諸羅一縣之汛。目加溜灣佳里與兩處鎮標官兵。便可撤回郡治。於備禦毫無所闕。在一轉移間耳。又或以爲建縣。則官役俸工宜有所出。城郭學校衙署倉庫營建宜有所措。此又不然。臺一郡三縣。俱未有城郭也。學校衙署倉庫之興舉。未聞有動支國帑者也。前此越境有禁。人猶冒

險以踰大甲。若旣置縣。則招徠益衆。戶口益滋。田野益闢。漢人墾番地爲田者。計值代番輸餉。於賦旣增於番。亦甚便也。土之所入。賦之所出。於官役俸工倍蓰。且可斥其餘以資兵餉也。前此地遠勢隔。官民不得相覩。若旣增設一縣。則兩邑之官各守其土。各訓其民。循行邨社。與民日近。拔其秀良。宣講聖諭。告之以孝弟忠信。君子悅其教。小人安其俗。禮義廉恥之心日長。干紀作亂之事日息。然則增兵置縣。非唯張皇威武。抑以昭宣文德。所謂法施已然之後。而禮禁未然之前者也。漢劉安之諫伐閩越曰。蝮蛇蠱生。疾癘多作。中國之人。不能其水土。唐韓愈之謫潮州也。其謝表曰。毒霧瘴氣。日夕發作。而自宋元以至於今。閩中東粵。並稱樂土。異時內地官兵。換班渡臺。妻子倉皇。涕泣相別。如行萬里。三十年來。履險如夷。卽淡

水一汛。於今五年。視向者初戍之日。亦大有間矣。何者。山川之氣鬱蒸而爲瘴癘。得人焉爲之經理。則氣有所洩。而閉者漸開。天地之常也。屯戍衆多。邨落稠密。道通木拔。虫蛇惡物。漸次驅除。陰邪旣消。蓄疹自息。而又潔其居食。濟以醫藥。可無憂水土矣。夫天下事非身歷其地。目覩其形。而心維其故。不能洞悉其所以然。故宏遠深切之謀。流俗或以爲難而不肯爲。或以爲迂而不必爲。其始爲之甚易。而不爲。其後乃以爲必不可不爲而爲之。勞費已什佰千萬矣。明初漳潮間有深灣。即潮泉屬有澎湖。江夏侯周德興。皆遷其民而墟之。且塞深灣之口。使舟不得入。慮島嶼險遠。勞師而匱餉也。及嘉靖間。倭入深澳。灣口復通。巨寇吳平。許朝光。曾一本。先後據以爲巢。罷敵兩省。乃設副總兵以守之。至於今。而巋然重鎮也。澎湖亦爲

林道乾曾一木林鳳之巢穴。萬曆二十年。倭有侵雞籠淡水之耗。當事以澎湖密邇不宜坐失。乃立一遊四哨以戍之。至於今。又巋然重鎮也。向使設險據守。則南溟不必憊閩廣之師。澎湖不必爲蛇豕之窟。倭不得深入。寇不得竊據。漳泉諸郡未必罹禍之酷。如往昔云云也。臺灣僻在海外。古來史冊未經見之邦。明宣德間。太監王三保乃一過其地。未幾而林道乾據之。未幾而顏思齊、鄭芝龍據之。倭據之。荷蘭據之。鄭成功又據之。至今而列爲郡縣。當其始若無人乎。知有臺灣者。及其既乃無人乎。不知有臺灣者。何則。玉之在璞。行道之人弗顧也。知其爲玉。則人人思攫之矣。今半線以至淡水。水泉沃衍。諸港四達。猶玉之在璞也。流移開墾。舟楫往來。亦既知其爲玉矣。而雞籠爲全臺北門之鎖鑰。淡水爲雞籠以南之咽喉。

大甲、後壠、竹塹、水陸皆有險可據。乃狃目前之便安，不規久遠之至計。增置縣邑防戍，委千里之邊境於一營九百四十之官兵。一知縣典史巡檢之耳目，使山海之險弛而無備。將必俟羊亡而始補牢乎。南灣、澎湖、臺灣之往事可觀已。

營制

諸羅縣康熙二十三年額設北路營參將一員，守備一員，千總二員，把總

四員，步戰兵五百名

內撥歸鎮國將軍標三十名

守兵五百名

內撥歸鎮國將軍標三十名

實在步戰兵四百七十

名，守兵四百七十名，共戰守兵丁九百四十名。參將自備馬八匹，守備自

備馬四匹，千把總各自備馬二匹，共自備馬二十四匹。康熙二十四年水

師提督施琅題請，每三年內地各標營節次撥兵交，千把總帶領載赴臺

灣澎湖換班。北路營依次輪換。著爲定例。

以上各官俸薪馬乾戰守兵糧餉月有定額。盔甲器械官給。本營參將屬臺灣鎮總兵官統轄。守備千把總屬本營參將統轄。千總分兩哨把總分兩哨。四司屬本營守備統轄。把總以下各有頭目帶領分撥差操。每十人爲一隊。每隊小旗一桿。隊長一人。每五隊大旗一桿。管隊一人。每十隊大旗二桿。百總一人。就各隊擇技勇歷練者充之。

陸路防汛

北路營參將守備。原駐縣治南八十里佳里興。隨防千總一員。把總一員。分防目加溜灣把總一員。下加冬把總一員。斗六門把總一員。半線千總一員。康熙四十三年奉文歸汛。參將守備與知縣同移歸縣治諸羅山。建

立營柵。調目加溜灣把總歸治隨防。以隨防千總分防佳里興。餘汛如故。調鎮標三營千把總輪防。目加溜灣。五十年因搜捕洋盜鄭盡心。調半線千總隨防縣治。以守備駐割半線。調佳里興分防千總移駐淡水。增設大甲溪至淡水八里岔七塘。調鎮標三營千把總。輪防佳里興。凡汛塘必用百隊。頭目一人。目兵自六名以上者。或係險隘。或係總要路口。或近港口。船隻出入。因地而增。五十六年守備游崇功詳請半線帶隨防把總一員以資調遣。永以爲例。縣治北路營防汛塘。遞北自打猫至於淡水。南自八掌溪。哆囉嘓。至於烏山頭。茅港尾橋。北西至於猴樹港。笨港。白沙墩。秀才庄。南社。海豐港。二林。鹿仔港。另設目加溜灣。麻豆。新港。蔦松。至府治底塘爲五塘。專遞公文。鎮標防汛。由茅港尾橋南。目加溜灣。南至於木柵仔。洋

仔港溪口。西至於大線頭。西港仔。含西港。卓加港。北路營。分防千把總。每歲一更。汛塘目兵半歲一更。鎮標官兵各半歲一更。及瓜而代。

按目加溜灣。麻豆。新港。蔦松。府治五塘。每塘兵五名。俱於縣治隨防撥出。專爲遞公文而設。設塘之地。則鎮標之汛地也。塘汛稽察奸宄。護送行旅。傳遞公文。是其分內。文而曰公。何有彼此之別。乃獨北路公文。不可一借十鎮標之塘汛乎。且北路之塘。必至府治而止。則臺鎮之塘。將由泉興而至省會乎。其勞與費。抑又甚矣。北路汛廣兵單。今又空設此二十五名之兵。于不必設之地。日前亦有言及者。而鎮標噉噉。牢不可破。所當亟議撤回者也。

諸羅縣

駐防北路營參將一員。隨防千總一員。把總一員。目兵四百八十名。內分

猴樹港 目兵十名港
口有水師汛
諸羅山塘 目兵六名
水窟頭塘 目兵五名○以上一汛二塘俱屬隨防千把總兼轄

斗六門 在半相屬虎尾溪之南距縣治可六十里北至半線九十里扼南北投水沙連諸番出入之路營柵密設於西線在虎尾溪北二十里以水土不宜康熙三十年總兵官王化行移營於此輪防北路營把總一員目兵八十五名內分

笨港 商賈輳集之地東南至縣治三十里南由錢水港至鐵線橋六十里北至他里霧四十里目兵八名港仔有水師汛
白沙墩 縣北各庄社往笨港必由之路郭落高遠多匪類出沒康熙五十四年參將阮榮文詳請添設目兵六名

秀才庄 笨港船隻出入必經之地多匪類出沒康熙五十四年參將阮榮文詳請添設目兵八名
南社 距斗六門可六十里西出海豐港西北通三林南出白沙墩東南出西螺為近海總路口目兵四名
海豐港

目兵五名港
南有水師汛
打貓塘 目兵六名
他里霧塘 目兵五名
西螺塘 目兵六名
東螺塘 目兵五名○以上五汛四塘俱屬斗六門千把總兼轄

半線 北距大肚溪二十里南距東螺溪六十里自府治至淡水八里谷此為居中扼要之地貓霧揀岸程山南北投水沙連諸番上下往來必由之路鄭氏竊據時各社半屬生番僞將劉國軒立營於此開關後以次內附今之營柵即國軒故營址分防北路營守備一員隨防把總一員目

兵一百七十名內分
二林 離南社可十里許西出鹿仔港三林港口北為大突馬芝邊諸番出入半線要路目兵八名
鹿仔港 目兵八名港北有水師汛
大武郡塘 目兵五名

燕霧塘 目兵五名
大肚塘 塘在大肚溪之北溪面廣闊水底俱石險急不可設渡夏秋山水驟漲必俟水勢稍平用土番引路然後可過西為草港北為水裡港時有船隻往來目兵八名
牛罵塘 東岸程樸仔邊諸番目兵十名○以上二汛四塘俱屬半線隨防千把總兼轄康熙五十一年以前塘汛至此止

八里坌 在淡水港之南港北為砲城東入于豆門二十里麻少翁內北投大浪乘攔接諸番出入之路南風時港口有水師巡巡輪防北路營千總一員目兵一百二十名內分
大甲塘 塘在大甲溪之北溪面闊於大肚底多大背石流急苦滑

北路諸溪極險之地目兵五名○相傳鄭氏先鋒楊祖以一鎮之兵爲諸番阻截於此無一生還者

貓孟塘 目兵五名

吞霄塘 即康熙三十八年卓个卓露作亂之處塘在吞霄社口目兵十名

後龍

塘 自半線至此可一百六十里港口深廣直透後龍社前可容駛船出入爲水陸扼要之地目兵十五名

中港塘 自後龍至此可三十里塘在港之北西出港口時有船隻往來自兵十名

竹塹塘 自中港至此可五十

里西出港口時有船隻往來北上南故有風山崎之險一路寂無人烟陸路扼要之地目兵十五名

南嵌塘 自竹塹至此可百里西出港口時有船隻往來北距八里亦可五十里山澗盤雜陸路扼要之地目兵十名○以上七塘俱屬八里岔干總兼轄

下加冬 縣治由大路往郡至此三十里南至茅港尾道里各半西出外九庄東聯哆囉哩地方遼闊爲道中之地輪防北路營把總一員自兵八十五名內分

哆囉哩 縣治由東路往郡至此三十里南至

目兵八名 烏山頭 自哆囉哩南至此十五里爲赤山各庄出目加溜灣茅港尾雙汶路口康熙五十四年參將阮葵文詳請添設目兵八名

鹹水港 港由蚊港東入郡治往笨港必由之路目兵八名

八

目兵五名 掌溪塘 溪岸其陡水迅如駛目兵五名

急水溪塘 溪岸其陡水迅如駛目兵五名

鐵線橋塘 目兵六名

茅港尾塘 塘在港之北自兵六名橋南爲鐵線橋

以上三汛四塘俱屬下加冬把總兼轄

目加溜灣 南至郡三十餘里西出茅港尾佳里東出加拔仔打鐵店民居曠集番社錯雜爲適中之地輪防鎮標千把總一員自兵一百名內分

灣裡溪墘 汛在溪之南茅港尾往郡大路南至未標仔十里自兵十名

目兵十名 木柵仔 南出洋仔港溪口東出打鐵店目兵十名

溪口 汛在洋仔港北自兵十名

加拔仔 目加溜灣往郡東路目兵六名

打鐵店 木柵仔往郡小路目兵七名

目兵十名 西港仔 舍西港 目兵六名

卓加港 目兵十名與上二港俱商船出入之處○以上八汛俱屬目加溜灣千把總兼轄

佳里興

南至郡三十五里西出大線頭東北出麻豆茅港尾原屬縣治文武官兵駐札之所輪防鐘標千把總一員目兵一百二十名內分

茅港尾

南至郡可六十里民居繁集船隻往來爲海濱各庄要路目兵二十名橋北爲北路營汛

麻豆水窟頭

南出海裡溪疏北出茅港尾西出佳里興溪番雜處之地目兵二十名

拔仔林

在赤山拔仔林渡之南爲赤山各庄總路口南出目加溜灣西有小路通茅港尾目兵二十名

大線

頭

原係水師汛有港外包沙線可停泊戰船鄭氏查獲砲臺於此今距康熙四十三年添設沿海官兵遊巡查此處港口沙線淹沒壅塞水淺將官兵船隻俱調歸蚊港汛水汛撥歸北路營五十年撥歸鎮標官兵二十名○以上四汛俱屬佳里興千把總兼轄

右陸路縣南距郡百有餘里居郡縣肘腋之下凡汛塘二十有二抑何密也。縣北距雞籠山後九百餘里。汛塘二十有八。又何疎也。前鳳山令宋永清之論。以爲宜撤。縣南下加冬之汛。以益半線。是又不可。下加冬九達之道。見上譬之置兔此爲中達。且兵不滿百。雖盡撤以歸半線。猶分簿粥以濟餓也。夫兵不足恃。與無兵同。往者北路營遠住佳里興。劉却豎子攘臂一呼。燬下加冬之營棚。越急水而直趨茅港尾。則以下加冬之兵寡不足恃也。惟真祐庄無險可據。却率其烏合之衆。與官軍決戰於平原廣野之間。

故遽以敗。今虎尾大肚以上。深山大澤。非臭祐之比也。溪谷環疊。中可以耕。旣憑險阻。又有積聚。彼其平日視汛塘之寥寥數人。已不足介其胸中矣。設一旦負嵎豕突。勞師襲遠。猝難以攻。千里饋餉。師不宿飽。鬼窟鷹飛。貓眠鼠出。勞逸之分。兵家之大忌也。故曰置營不置縣。則民無以立。置營不置營。則縣無以立。縣官者所以鑪鞴銜轡乎斯民。使不至於爲亂。置營者所以坐鎮而折桀驁之氣。落宵小之胆。使其自不敢爲亂者也。大抵北路之內憂者二。曰土番。曰流民。番雖質性愚魯。然凶狠矯捷。貪不知恥。睚眦之怨。抽刃相向。彼平日受制於漢人。而又見漢人之服飾子女玉帛。未嘗不艷而思一逞也。顧時有不能耳。故多利器弓箭鏢鎗刀牌。比戶而有。出入自隨。近且潛購鹿銃而藏之矣。此豈得盡以不識不知目之乎。水沙

連內山三十八社。控弦數千。康熙二十四年秋。土官單六奉調入郡。一去而不可問。吞霄、後壠、麻少翁、內北投諸番壯猛。三十八年吞霄淡水之役。師久暴露。物故者至數百人。劉却之亂。諸番與焉。乘其動而四出劫掠。此不識不知者。而顧可忽乎。汀漳與潮州接壤。明季數十年。汀被潮寇者十有一。漳被潮寇者十有六。而饒寇之張璉、程鄉之李四子。至於攻破城邑。洗蕩邨坊。兩郡紀載班班可攷也。漢鼂錯云。人情非有匹敵。不能久安其處。今流民大半潮之饒平、大埔、程、鄉、鎮平、惠之海豐。皆千百無賴。而爲一庄。有室家者百不得一。以傾側之人。處險阻之地。至於千萬之衆。而又無室家宗族之繫累。有識者得不爲寒心乎。今之盜牛舣篋。穿窬行凶。而拒捕者。日見告矣。其未發覺者。驅之則實繁有徒。容之則益張其慢。名曰佃

丁而睥睨其業主。抗拒乎長官。不逞之狀。亦既露其機矣。特以四海晏然。無可乘之隙耳。然則置縣增兵。據險銷二者之患。于未萌。胡可不亟亟也。

水師防汛

砲城砲臺附

北路水師無專設。屬安平協標分防。康熙二十三年設立水汛。大線頭。蚊港。分防中營。千總一員。目兵一百五十名。哨船三隻。鹿仔港。分防左營。把總一員。目兵一百名。哨船二隻。內分笨港四十名。哨船一隻。猴樹港十名。四十二年添設沿海官兵。哨船遊巡。設砲臺烟墩。望高樓於要地。查大線頭。近年港口沙壅。而青峯闕。蚊港爲縣治以南扼要之地。將大線頭撥歸陸汛。水師官兵船隻調歸蚊港。添兵三十名。共一百八十名。以中營遊擊守備一員。輪防原分防千總爲隨防千把總。添設北門嶼。馬沙溝。青鯤身。

三汛。查笨港地方廣濶內港紆迴。爲縣治以北扼要之地。添兵八十名哨船一隻。合猴樹港共一百三十名哨船二隻。以左營遊擊守備一員。輪防帶隨防千把總一員。查鹿仔港近年沙壅港口淺狹。三林港原係鹿仔港汛巡邏。港道稍寬。且居鹿仔、海豐二港之中。將原設鹿仔港分防把總兵船。移調三林港。添兵二十名共七十名哨船一隻。仍留鹿仔港一汛。海豐港原係笨港汛巡邏。添設海豐港一汛。遊守按季輪更千把總一歲。再更各港汛。並設砲臺烟墩望高樓。以防意外之警。其鹿仔港以上。崩山、後壠、中港、竹塹、南嵌、淡水、雞籠七港。以水土不宜。或港道淺狹。概無設防。唯於南風盛發之時。就笨港、三林港二汛之內。輪撥把總領兵。駕哨船一隻前往淡水、雞籠遊巡。北風時聽其撤回原汛。

蚊港

在縣治西南六十里港口為青峰岡寮樹港各港鹹水港茅港尾鰲線橋扁豆港等處出入所必由港在青峰岡之內輪防安平協中營遊擊守備一員隨防千把總一員目兵一百八十名哨船三隻設砲臺三座高樓一內分

北門嶼

在蚊港青峰岡之南有小港可停泊取汲之所南臨馬沙港沙線六里目兵二十名設砲臺烟墩望高樓各一

馬沙溝

與北門嶼斜對沙線水淺止可取汲南臨青鯤身沙線三里目兵三十名設砲臺烟墩望高樓各一

青鯤身

南臨鹿耳門水程二十餘里沙線水淺止可取汲目兵十名設砲臺烟墩望高樓各一〇以上三汛俱屬蚊港隨防千把總兼轄

笨港

在縣治西北三十里南與寮樹港毗連北至海豐港水程一潮商賈船隻輳集之所輪防安平協左營遊擊守備一員隨防千把總一員目兵一百三十名哨船二隻設砲臺三座高樓一內分

猴樹港

在縣治正西三十里南至蚊港水程

一潮目兵十名屬笨港隨防千把總兼轄

三林港

南距海豐港北距鹿仔港各水程一潮取汲之所輪防安平協左營千把總一員目兵七十名哨船一隻內抽目兵十名防守港岸設砲臺烟墩望高樓各一另分

海豐港

在三林笨港之中取汲之所目兵十名防守港岸設砲臺

烟墩望高樓各一

鹿仔港

在崩山港之南目兵二十名設砲臺烟墩望高樓各一〇以上二汛屬輪防三林港千把總兼轄三林港千把仍屬笨港遊守兼轄

淡水砲城

在淡水港之北正當入港之口荷蘭時築築亥間鄭兵葺之與福州北莖洋相對為雞籠以南咽喉中大砲二十一位

雞籠砲城

在雞籠港之北由大雞籠渡港另浮一大嶼於港中周可十餘里怪石嶙峋巖砦在嶼內八尺門在嶼東砲城在嶼之西南正當入港之口荷蘭時築築倭時謂紅毛城距福州七更水程與沙埋烽火門相對為臺灣北洋第一扼要之地中大砲二十七位入港則為

雞籠內海距八里岔汛陸路百有餘里崎嶇踏石以行凡三四日乃至

青峯闕砲臺

在青峰岡港口之南港外有南北二甌身沙絲港水東入蚊港爲縣治以南第一扼要之地荷蘭時築砲略如城中有井今坵故趾牛港於海故所遺砲爲鹹水沙壅手按之皆如齏粉不堪用矣

右水師防汛。在縣南者四。在縣北者五。而淡水、雞籠、不與焉。豈非太平無事故兩地之防汛可以不設與。按雞籠至鹿耳。舊稱東港。見何喬遠名山縣自內地視之

外洋也。自臺灣視之猶內海也。當此太平。豈惟淡水、雞籠得借口水土不

宜。卽蚊港、笨港亦祗嚴出入謹斥埃。一千把總已足。無必遊守之輪防也。

何者。各港非有富商巨賈挾重賞以往來。所載者五穀糖菁菜子鹿脯。其

貨爲盜賊之所不取。裝載之船。俗謂之杉板。頭雙桅者十無二三。非有巨

艦連檣之相望。其船爲盜賊之所不用。故鹿耳以北未聞有在洋行劫者。

然蚊港、笨港、三林、各路亦旣次第置兵矣。雞籠、淡水爲一郡要領。無雞籠、淡

水。則諸羅之吭已扼。而臺鳳之臂可把也。且自雞籠以南至半線三百餘

里。又益以山後之三百餘里。地非小也。大肚、大甲、大安之險。中土希有也。水師遊巡止於南風時。一過淡水、雞籠、二港。非久泊其地也。陸路設防。淡水、八里坌官兵一百二十名。中間分南嵌各塘者七十。則淡水實兵五十名耳。今雖四方寧謐。而洋面遊魂尙有出沒。萬一不逞之徒。潛引賊艘。伺我無備。汎兵寡弱。不足相敵。半線隔遠。不能相救。一處震驚。四方騷動。大甲、大安、搖足。卽大肚以南。未得安枕矣。明萬曆間。倭有侵雞籠、淡水之耗。見曾未幾時。臺灣竟屬於倭。及歸荷蘭。乃於兩處各築砲城。而堅其壁壘。鄭氏之末。屯七鎮以戍之。見臺豈不以此爲敵之所必攻。而我之所必守與。邇者聖天子深維沿海苞桑之計。特命飭查各海口。舊設砲臺。而制府滿公加意邊圉。檄水師哨守雞籠。愚以爲此二城者。宜及今無事。以時培壘。

完堞。淡水南岸宜度地增設砲城。與北岸對峙。以遏北來之衝。添設雞籠一汛。水師官兵五百人。永鎮其地。與淡水陸師詳見前爲掎角之勢。而後壠一港。港灣深濶。戰艦乘潮可入。且其地扼斗六門、八里坌之中。亦宜設砲臺。烟墩如鹿仔、海豐各汛之例。縣治以南。則惟蚊港、青峰闕。最爲扼要。砲臺砲位宜加修飭。庶乎臺海之北有備而無患矣。雖然籌海者。必統全局而籌之。未可以一方之無事爲幸也。方今臺海多事。莫如西路。澎湖大担門之外。盜賊時時見告矣。防賊之法。月異而日新。賊之剽掠。疊見而側出。則以治賊未窮其蹊徑而盡其根株。設防未權其重輕而扼其要領也。夫賊非有垓壤停泊之處。不能窺伺商艘之去來。而非遇風清日朗之時。不能駕駛出洋以行劫。何者彼雖走險如鷺。未嘗不自惜其生也。視商艘必經

之地擇坡塙於若遠若近之間。爲暫時寄生之穴。使猝遇颶颶。可以無恐。于是當風日晴朗出洋。探望哨船。則颶而遠去。商船則亂流以截之。乘風以尾之。風恬浪靜。則出杉板小舫以促之。故西路之賊。其出沒必於澎湖溝。必於大担料羅之搭界。以此二處島嶼叢雜。坡塙可泊。哨船旣不輕出。遇風又不敢出。故可以安意而肆志。此所謂先窮乎賊之蹊徑。而後可以治賊者也。由臺至廈水程十有一更。約六百餘里。順風二日夜可到。非甚遠也。中間水師有安平澎湖兩協。有金門鎮。有提督標。凡爲營一十有三。額兵一萬二千有奇。兵非不足也。各標大小哨船二百號。船非不多也。而猶有漏網睥睨。千此六百里之水面。得無與虎兕出柙。龜玉毀楨者。等與藉而曰賊。不泊坡塙。不畏颶颶。能終歲乎大洋。吾未如之何也。其畏死貪生。

與人同治賊者。亦可於此求其法矣。夫兵詭道也。鳴鼓角張旗幟。以威敵者。彼與我爲敵者也。若今之賊艘。非有樓船犀甲之衆。能抗拒我也。耀軍容以出。又於未出之先揚言。某月某日某將出哨。卽何異使之聞之而亟避哉。今若定爲輪哨之法。除分防各汛。勻臺厦金門哨船。爲東西兩班。每班船不過三隻。按月爲期。畫澎湖之某嶼。爲東西之中界。東南風發。則在安平者順風而哨澎湖。在澎湖者順風而哨大担。西南風發。則在金厦者亦如其法。以至澎湖鹿耳。出不拘時。以天色晴明爲準。以風爲候。以二月半清明前起。十月半小雪後止。常川交錯。凡可停泊。按壤畢力蒐捕。申嚴賞罰之令。獲真正賊艘者。千把總以上各遷其秩。賊艘財物悉以分賞卒伍。洋面失事者。值月巡哨官兵一體嚴處。不得互推疆界以外洋爲辭。其逾

月報滿者免。鼓旆以疑之。多方以誤之。設伏以誘之。使賊望往來之商艘。驚爲官兵之誘敵。竝會海壇南灣銅山出遊巡。以截南北之奔逸。官兵獲賊。則遷秩而受賞。失賊則誑誤而任罰。賊進無可得之利。退無可藏之穴。不聞風解散。悉爲禽矣。抑更有說焉。浯嶼距廈門一者。左連乎金門。右臨乎岐尾。外控大小担嶼之險。內絕海門月港之奸。明初福建通置五水寨。浯嶼居一焉。嘉靖間。移入中左所。即今倭遂據之。以掠興泉漳潮。所以本朝平臺之初。另設浯嶼一營。以水道四達。浯嶼實扼其要。金夏之有浯嶼。猶臺南之有澎湖也。石碼在漳之內地。西距漳郡四十里。東距海澄十里。又東而廈門水程一潮。在漳郡則有漳鎮總兵官。海澄則有海澄營遊擊水師提標中營防汛。廈門則有水師提督官兵。如張密網。今乃駐水師左營遊擊

於石碼。而浯嶼僅以一哨船。委之中營千總。不亦輕重之失其倫與。今若移石碼遊擊於浯嶼。增撥兵船。責成以蒐捕大担門一帶之奸艘。與金門水師往來游徼。而又益以澎臺常川會哨之嚴。無或苟具文書視爲故事。猶有浮游水面爲臺海往來之憂者。必無是理矣。

教場

一在北門內關帝廟前。

一在西門外文廟邊舊社學之右。

歷官

北路營參將

王國憲

湖廣衡山人。將材。康熙二十三年任。二十五年陞山東文登副將。

袁廷芝

直隸大興人。武舉。康熙二十五年任。二十九年調兩廣水師營參將。

呂得勝

江南江寧人行伍。康熙三十一年任。

三十三年陞
延平協副將

陳貴 廣東博羅人功加康熙三十四年
任三十七年陞雲南騰越副將

白道隆 山東濟寧州人功加康熙三十八
年任四十二年陞四川永寧副將

焦雲 陝西人行
伍康熙四

三十三年任
卒于官

張國 泉州人功加康熙四十四年任
四十八年陞福州城守副將

翁國楨 詔安人功加康熙四十九年
任五十三年以副將休致

阮蔡文 漳浦人中江西
籍庚午科文學

人康熙五十
四年任有傳

張彪 江南徐州人行伍
康熙五十六年任

守備

魏進陞

陝西藍田人功加康熙二
十三年任二十七年休致

李勝 陝西綏德州人將材康熙二十七
年任三十一年陞清標右營遊擊

趙振 直隸大名人王茂進士康熙三十二年
任三十八年調北直龍門所城守備

徐曦

山東益都人武舉康熙三十八年
任四十一年陞貴州都勻都司

程萬里 山東人武舉康
熙四十一年任

黃元驥 漳浦人將材康熙四十四年任
四十八年調山東寧福營守備

張

勝 廣東高州人行伍康熙
四十八年任卒于官

游崇功 漳浦人行伍康熙五十三年任五
十六年陞海壇鎮標右營遊擊

周應龍 河南洛陽人行伍
康熙五十六年任

左哨千總

王和

陝西秦州人行伍
康熙二十三年任

劉成功 河南柘城人行伍
康熙二十五年任

陳彪 江南太平人行伍
康熙二十七年任

徐任光 山東人行伍康
熙三十二年任

林旭

江南人功加康
熙三十五年任

孫德懋 江南人行伍康
熙三十八年任

陳國祥 浙江人行伍康
熙四十二年任

林龍 江南人行伍康
熙四十五年任

陳

永 福建人行伍康
照四十七年任

余元隆 陝西人行伍康
照五十一年任

趙洪 浙江山陰人行伍
康熙五十五年任

右哨千總

王政 江南清縣人行伍康
照二十三年任卒于官

王猛 泉州人行伍康
照十五年任卒于官

賴貴 平和人功加康
照三十一年任

陳成功 福清人功加康
照三十二年任

黃成 漳州人行伍康
照三十六年任休致

陳好 興化人行伍康
照三十七年任

田有福 山西人行伍康
照四十年任

金聲 漳州人行伍康
照四十三年任

吳濟

川 福建人行伍康
照四十七年任

王祥 浙江人行伍康
照五十一年任

閏威 陝西寧夏人行伍
康熙五十六年任

左哨頭司把總

朱得勝 浙江人行伍康
照二十三年任卒于官

王邵龍 浙江人行伍康
照二十五年任

魏石 泉州人行伍康
照三十七年任

鄭進 晉江人行伍康
照四十一年任

蕭勝 汀州人行伍康
照四十七年任

劉士元 泉州人行伍康
照五十三年任

左哨二司把總

陳鴻志 泉州人行伍康
照二十三年任

黃成 漳州人行伍康
照三十年任

劉自科 江西人行伍康
照三十七年任

吳麟祥 福建人行伍康
照四十二年任

戴日陞

漳州人功伍康
熙四十七年任

張雙

漳州人功伍康
熙五十二年任

右哨頭司把總

雷友功

江甯人功伍康
熙二十三年任

賴貴

泉州人功加康
熙二十五年任

曾福萬

河南人功伍康
熙三十年任卒于官

劉四

漳州人功加康
熙三十三年任卒于官

柯茂

同安人功加康
熙三十三年任

陳應鳳

海澄人功加康
熙三十七年任

林登

福建人功伍康
熙四十二年任

賈秀

河南人功伍康
熙四十八年任

林君

卿

漳州人功伍康
熙五十二年任

右哨二司把總

馮可發

山東人功加康
熙二十三年任

林龍

海澄人功加康
熙二十五年任

陳好

興化人功伍康
熙三十年任

劉國太

江西人功伍康
熙三十九年任

張

文燦

江西人功伍康
熙四十二年任

蔡寧

泉州人功伍康
熙四十五年任

姚郎

湖廣人功伍康
熙四十八年任

許德

晉江人功伍康
熙五十三年任

列傳

元蔡文字子章漳浦人。中江西籍庚午舉人。康熙五十四年任北路參將。

文魁岸磊落。自少時經濟自負。屢躡南宮。以知縣需次銓部。凡所至。南北山川阨塞險易。悉紀之。尤留意海務。出入風濤。窮島荒嶼。輒輕舟徑造。四十九年。福興泉漳饑。上截漕米三十萬石。由海道分賑。文與定海總兵官吳郡督運五萬石。揚帆先至。漳泉兩郡賴焉。議叙加一級。先是洋盜陳尙義橫行山東江浙間。抗拒官軍。殺巡海遊擊。旣而遣其黨赴兵部乞降。御史陳汝咸自請招撫。薦文與俱。上命御史駐錦州。而遣文及千總左其彪等。入海瀕行。御賜帑金衣裘。加二級。會颶風折檣。舟人大恐。文怡然曰。吾等爲天子招逋寇。以靖海疆。安百姓。雖葬魚腹。不猶愈死兒女子手中乎。時賊往來盡山花鳥間。文漂至登萊。易舟踪跡所在。直上賊艘。賊黨與疑貳。多欲劫文。賜去者。文開示威信。陳說利害。數日內悉降之。至京。上召見

注目曰。蔡文耶若書生。此行良苦。頗驚怖否。文奏言。臣仰仗皇上威靈。海若效順。頑梗革心。誠無所怖。上壯之。更問沿海事宜。條奏甚悉。議叙授雲南陸涼知州。未行。特旨改福建廈門水師提標中營參將。旋改北路人想望風采。文首戢士卒。撫番黎。捐金助建學宮城隍。悉除所轄陋規。絲毫不取。飭部伍簡器甲。親哨沿海。增置要害。塘汛旌旗。壁壘一新。鼠竊聞風遁去。旋題陞福州副將。其哨淡水也。山谷諸番。以北路鮮親出遠哨。牛羊酒食。繹絡干道。文悉慰諭遣還之。或啖一粉糝。引酒沾脣以去。召社學番童與之語。能背誦四書者。輒旌以銀布。爲之講解。君臣父子之大義。反覆不倦。諸番皆感悅。竟以中瘴氣成疾。赴京道卒。不究其用也。訃聞。軍民設壇望祭。廈門之人尤痛惜之。家無餘貲。遺所著詩文。淡水諸作。南北海道盡

山花鳥等記

文榜姓蔡任廈門
參將始復阮姓

諸羅縣志卷之七終

諸羅縣志卷之八

風俗志

漢俗 番俗 氣候附

漢志以剛柔不同。繫水土之風氣。謂之風。好惡取舍。隨君上之情欲。謂之俗。故曰聖王在上。必移其本。而易其末。壹之。庠中和。然後王教成也。夫陰陽寒暑。從乎天。水泉草木。從乎地。含生之類。象而生之。以成俗。非聖人爲之。經緯曷由化行。而俗美乎。諸海外屬邑。風氣固殊。番漢錯居。情欲迥異。自癸亥歸順。仰沐皇風。觀氣化之漸移。邦人之丕變。生番之率服。知聖天子之漸摩淪浹。非一日矣。

漢俗考

天下車書一統。國不異政。家不殊俗。諸羅實具五民。母亦唯是閩粵各省。

之輻輳。飲食居處衣冠歲時伏臘與中上同。矧當聖人在御日久。故有兄弟同居。或至數世。樞無久停。婢無永錮。鄰里詬誶。片言解紛。通有無濟緩急。失路之夫。望門投止。鮮閉而不內者。乃若巾幘之流。從容就義。白首完貞。亦往往而是。道德齊禮之明效大驗也。平原沃野。饒竹木蔬果。贏蛤之產。服賈則舟楫往來。任載則車牛絡繹。風雨時節。穀糴常賤。善不患無資也。然而醇醪參半者何歟。蓋嘗嘆於周公治魯。太公之治齊也。夫尊尊親親。舉賢上功。兩聖人之旨。非大異也。乃風俗之成風。馬牛不相及。流極之勢。難反也。且岐豐之地。文武與仁興讓以治之。秦人用之。變而爲高上氣力。至於遺禮義。棄仁恩而不顧。君子之德風也。小人之德草也。不其然乎。夫逐什一。權子母。中土之人入臺之所繇也。自鄭成功集流亡開屯戍。干時

諸羅土曠。漢人間占草地。

謂除草爲田也。漢人稱庄社昔曰草地。

與土番錯。我朝置縣。流移者踵相接。

多莫知所自。乃漸有非商非農。潛竄里社。不務職業。張空拳思攫金以西者。其始草地之民聞鄉音。蹙然以喜。巧佞者餌而附會。久益密。官司詰之。亦直任爲族屬婚媾而不移。乃至作奸犯科。傷倫理。助拳勇。長告訐。此非風俗之大蠹歟。佃田者多內地依山之獷悍無賴。下貧鬻法亡命。潮人尤多。厥名曰客。多者千人。少亦數百。號曰客庄。朋比齊力。而自護小故。輒譁然以起。毆而殺人。毀匿其尸。先時鄭氏法峻密。竊盜以殺人論。牛羊露宿原野不設圍。國家政尙寬簡。法網疎濶。自流移人多。乃漸有鼠竊爲盜者。及客庄盛盜益滋。庄主多僑居郡治。借客之力。以共其租。猝有事皆左袒。長吏或遷就。苟且陰受其私。長此安窮乎。夫衣飾侈僭。婚姻論財。豪飲呼

盧。好巫信鬼觀劇。全臺之敝俗也。郡志略言之矣。諸羅自急水溪以下。距郡治不遠。俗頗與臺灣同。自下加冬至斗六門。客庄漳泉人相半。稍失之野。然近縣故畏法。斗六以北客庄愈多。雜諸番而各自爲俗。風景亦殊。鄙以下矣。大抵諸羅之俗。其一功利誇詐近於齊。高富下貧好訾毀。以賭蕩爲豪俠。嫁娶送死。侈靡放郡治。羞不相及。孔子所謂齊一變至於魯者也。其一強悍險急近於秦。遇事蠶起。喜鬪輕生。圖賴歃血。相要約反覆。依溪山之險。蠢動爲他邑劇。斑史所謂文翁倡其教。相如爲之師者。雖未篤信道德。亦救時之急務焉。若夫琴瑟不調。必起而更張之。遊食陵訟。凶頑之尤者。所謂怙終不悛。子產相鄭。王猛治秦。其效可觀已。輯所見聞。分類爲四。曰衣食。曰婚姻喪祭。曰雜俗。曰歲時。間以己意論列。士者民之首。風之

自也別著論於學校。

衣食

諸羅始皆土番。卉服鮮食而已。番故種苧。間以麻。番女雜樹皮。以爲達戈

紋見番俗服飾部者也。希帛之入。自荷蘭通市始也。豐草彌望。多鹿場。故無冶。田器

不足用。耕者蓋鮮。耕作之興。自鄭成功竊踞始也。本朝關土。漢人藝麻。備

車牛之用。爲索絢。無桑。多男少女。女好逸樂。卽女紅不事紡績。以五絲刺

雲。日花草。麟鳳魚龍。美男子婦人之狀。相矜耀。爲觀美。故曰男耕而食。女

不織而衣。臺郡皆然矣。爲農頗易。無火耕水耨之勞。自中土通貨賄金鐵。

田器益備。歲不再熟。夏五六月方有事西疇。不糞自殖。秋仲以次穫之。冬

十月而盡。非甚凶歉。鮮不飽。竹木率三四歲比櫛。繁陰。牆下廣植龍眼鳳

梨番棧。荆蕉園多蔗。蔗可糖。勤者歲得數千觔。販於各省。斗六門以上。胡椒尤多。歲數十萬石。臺鳳漳泉各路資焉。異時鄭氏父子抗拒王師。舟楫不得越澎湖尺寸。今則北通吳越。南浮交廣。有冰紈白縠。縹緜之蒙於暑。有吳綾絲絮。漢府氈裘之煥於寒。有洋布暉支羽毛。哆囉呢之泛于外洋。有飲食燕衍。杯盤肴核。絲竹之盛。金錫丹青之美。百工之備。地大物廣。極豐而泰。理勢之必然也。自衣食侈靡。濫觴郡治宴會之設。上下通焉。乃或廝童牧卒。衣疊綺羅。販婦邨姑。粧盈珠翠。一會中人之產。一飯終歲之蓄。漸染成風。流及下邑。古人有言。作法於儉。猶慮其奢。障川迴瀾。曷云能穀。夫衣食者生人之大命也。先王之世。力不必爲己。惡不出於身。貨不必藏於己。惡其棄於地。故雍睦輯寧之風。藹然可挹也。邇者滿大中丞。嘗著蠶桑

要法。以教閩人矣。其援据經傳所載。天下之土。無不宜於蠶桑者。而特慮夫育蠶樹桑之法。或未講明而習熟。于是繪爲十二圖而詳詔之。今頒在郡縣者可攷也。諸羅下土墳墟。小雅之詩曰。隰桑有阿。其葉有儻。開畝樹桑。蕃衍沃若無難。因以購種育蠶。卽蠶事興矣。往者漳泉資木棉。楚豫近乃平原沙磧。吉貝相望。各供本郡十之五六焉。或者以茲土麻紵之產。不及內地。夏秋多雨。吉貝慮不相宜。比年風頗殊。乘時辨土。善其蒔之之法。地豈愛寶哉。蠶績並興。布帛充牣。不資外省。同巷相從。篝燈繼日。女無粉羽婆娑之逝。江漢遊冶之客。成之不易。服之無斃。勤儉之風。比隆幽雅。視錦繡纂組傷女紅者。霄壤也。古者九年耕。則餘三年之食。故歲不爲菑。今佃田之客。躰體而來。譬之飢鷹。飽則颺去。積糶數歲。復其邦族。而土著之

民室無居積。秋冬之儲。春夏罄之。習尚既侈。出糶金錢。入手輒盡。所恃官廩積貯。歲一凶歉。平糶發賑。脫不幸有堯湯之水旱。蔬果魚鼈不可以飽。益以商賈遊食之衆。胡以相恤。萬室之邑。取汲乎一勺之泉。其涸也可立而待也。今不講求衣食之源流。民間之積貯。使之知節而藏富。欲求風俗之醇。不可得也。

婚姻喪祭

冠禮附

凡議婚。媒氏送甲庚月日。女先男卜吉。然後訂盟。非古者男先於女之義。亦問名之遺也。

訂盟用庚帖及金銀釧。名曰文定。曰小聘。亦有加幣者。女家用庚帖。隨輕重而報之。互用庚帖者。以始慮終。示無悔也。諸羅議婚後。女家遣人視

男家覬壻。名曰探家風。男則母或諸姆造女家覬媳。携金銀簪。親挿其髻。名曰挿簪仔。猶北人之云挿戴也。禮儀輕重可勿計。乃既無庚帖。或未納聘。而貧富貴賤。先後不同。寒盟負約者有之矣。由不用庚帖。不鄭重。干始也。

納聘曰獻采。曰納采。用婚啓往復納幣。但柬致儀物而已。此地并納聘干納幣而一之。具婚書聘金幣帛雜物。簽署納幣之敬。女家亦隨輕重而報之。雖曰太簡。亦不大背於禮。但必多議聘金。以番錢六十員爲最下。女家貧者。或先取至盡納幣時。竟達空函。有金不足而勒女不嫁者。有金已盡貧不能嫁而愆期者。干是有貧而終身無婦者。

請期止用柬。或并日課送女家。必另具儀。所謂更儀也。少者番錢二十員。

俗名乞日。或受或否。將婚之年。例於五日除夕。具儀物申敬岳家。至是皆代以銀。按明會典。諸王納妃六禮之外。更添一儀。遣使入門催妝。始有更儀之制。今士庶而效之。疑於僭。且必取盈其數。亦嗜利而已。烏知禮意乎。壻於親迎前數日。卜吉而冠。擇戚屬父母具慶者爲賓。做古筮日筮賓也。至期置冠履。鮮衣干竹籥。微煗以火。俗云除邪穢也。賓三梳壻髮。而加之冠。三加之義也。既冠。拜先祖。做告廟也。次父母。父醮以酒申戒辭。做醮席也。次諸父兄賓長。諸父兄賓長皆答焉。重成人之道也。并不用婦人爲賓。女盛飾拜謁。略與壻同。醮酒母命之。是日教以跪拜進退。獻於舅姑尊長之禮。謂之教茶。

親迎先期春糴莎丸。色紅白相間。分送親友。至期張燈結綵。壻沐浴盛服。

父率以告先祖。醮而命之。取竹籥。蓋其首。飾飾以朱畫太極八卦。示相生之義也。出乘輿。鼓樂鳴鑼。親友送彩燈前導。沿途放花砲。好事者乘馬騎牛以從。雖遇官長不避。女家亦先期送丸親友。親友爲之粢粢。卽添粧至期女亦沐浴盛飾以俟。婿入女門。駐轎庭除。從者捧鴈入置几案。小舅三致食物轎內。婿各具儀答之。次致荷包。婿復以練裙。新婦卽于是日加着坐轎送小舅。花砲。女出廳事。父醮以酒。母命之。侍婢捧鴈。女外向舉鴈。而拱者三。侍婢傳鴈從者。新婿隨鴈出。父以紫帕蒙女首。紫姑。送嫁女也引女登輿。奠鴈歛婿御輪之禮。未有聞焉。送裙送砲。不知於義何取。小舅致物皆以斗覆其底冠弁日或以大鏡箕鋪跪於上而拜俗取圓固終不雅甚矣

婦入婿門。父以八卦紅籥蓋婿首。少者一人向新婦轎前。揖而請。新婦以荷包贈之。婿執紅籥蓋新婦入房。揭蓋頭。袂交拜。傳杯就席。是爲合香之

禮。

厥明見於舅姑。三日而廟見。從伊川先生所定也。拜舅姑。賜以金錢。夫婦相向再拜。廟見日。新婦獻茶于先祖。畢。獻茶舅姑。被韞靴履膝衣之屬。以爲贄。皆拜。次拜諸父。諸母。長親。卑幼。以次答之。分致履韞膝衣。卑幼以荷包。名曰拜茶。既畢。舅姑宴新婦。諸母姑始與焉。酒數巡。起撤新婦席。送婦家。儀節殺於內地。是日。婦家以食物餽女。俗曰探房。亦名散茶。次日乃入厨。問理井臼蘋蘩之事。

旋車。或五日。或七日。必待婦翁之請。鼓樂前導。壻及女至。謁於先祖。奉贄於岳父母。受而別具儀物答之。獻於伯叔尊長。皆反璧。贈於小舅內姪。受而不報。宴壻於外女於內。酒數巡起。婦翁送席壻家。答前謁。壻女俱辭歸。

亦有次日再請因設惟帳館增
與女或一月二月者謂之堅月

父母疾篤既絕。乃哭。披髮袒臂。跣足。擗踊。另置床。遷尸於上。謂之搬鋪。易
簣之義也。

梳髮沐浴含飯。襲以衣。設坐中庭。而掖之哭以祭。謂之辭生。乃就歛床以
歛。既殯。憑棺而哭。親朋隣近者。吉服到門。請拜柩。辭。謂之問喪。

遍訃於親友。結魂帛。豎銘旌。置靈座。繡幃。功緦之親俱至。乃成服。食時上
食。哭無時。開弔。弔於朔望。女壻祭於三旬七七之後。親友畢。至止弔。百日
乃卒哭。除靈謝弔。分胙於弔者。謂之答紙。

除靈日。收魂帛於匣。祭奠則啓之。罷上食。期而小祥。再期而大祥。遇朔望。
哭奠於朝。莫。中月而禫。猶素服。餘哀未忘也。

凡葬於卒哭之後者。前三日舉哀。設朝暮奠。名曰開堂。親友畢弔曰辭堂。厥明柩就車爲蓋。結以五綵。魂轎香亭之屬畢具。親朋白衣冠送之。或祭於道左。謝以帛。旣葬。題主設祭而反。親朋拜迎於道。謂之接主。偶而前導曰行街。至家設坐以祭。古之初虞也。親朋吉服請入拜。辭。三日至墓謝土神。謂之收灰。

凡祭於大宗。於春分於冬至。祭畢飲福。臺無聚族者。同姓皆與焉。家祭於忌晨於元旦。清明五日中元除夕。主未祔者。更于冬至。泉人日中而祭。漳人質明而祭。泉人祭以品羞。漳潮之人有用三牲鑿肉者。未免太簡。蓋沿海邨落間有此。故至臺亦相沿耳。

設靈後。延僧道誦藥師經。云爲死者開冥路。五旬再延僧禮懺打地獄弄

饒普度云爲死者資冥福。夫人死則氣散。設而有知。其精魂可無所不之也。何待僧道爲之開路乎。且人非窮凶極惡。豈必人人而入地獄。又豈浮屠所能出之。沙彌弄饒婦女樂此爲戲。俗云以免蟲蛀。尤爲荒誕。善夫唐刺史李丹之言曰。天堂無則已。有則君子登。地獄無則已。有則小人入。世之人不以君子待其親。而以其親爲有罪之小人。豈非大逆不孝之甚乎。將歛扶坐中庭以祭。古禮所無。泉人多有之。漳朱紫陽故治。亦未見此。夫禮以義起。人子過此時。則面目形容永不可得見矣。當此死肉未冷。親奠一卮。不猶愈於蓋棺之後。想像於虛無彷彿間乎。雖奉爲不易之典可也。禮三日而殯。三月而葬。閩俗多惑青烏日者家言。旣擇山水形勢。又擇年月日時爲子孫求福利。于是有停柩在家。暴露郊野。數十年不葬者。臺大

約一二年之內鮮有不葬。化者之體安。則人子之心安矣。

靈座宜除於大祥之後。今五旬或七旬而除之非也。又或於旬盡更縮四五日。云爲兒孫作采。則更非矣。且未及百日而卒哭。人子之心其能安平。更有除靈之日。靈座椅棹俱棄原野。云爲不祥之物。則何不并其室廬而燼之。田疇而濬之。金帛而沉之乎。

卒哭謝弔。因弔者拜於吾親而答之也。邇來俱乘天色未明。置帖門縫以去。拜禮闕焉。是人敬吾親而吾不敬於人也。非情禮之所宜有矣。

大祥計首尾二十四個月。今人有數月前而舉大祥之祭者。有計閏而扣除者。夫人子哀慕無窮。特以先王制禮不敢過焉。奈何於禮之所有而少之也。此皆薄待其親。而自便於己。斷乎其不可者。

各庄婚姻喪葬大約相倣。唯潮之大埔程鄉鎮平諸山客其俗頗異。禮節皆以簡爲貴。略去者十之六七。以下四條雜記客庄之俗

婚禮用庚帖食物或銀錢少許爲定。納聘無幣帛。不用婚啓。以全束開聘。金雜物曰送酒。請期則隻雞樽酒而已。男不冠而女笄曰上頭。不親迎。不用蓋頭袱。不鳴鑼放花砲。富者用鼓樂。新婦至合香。親朋畢賀。厥明而廟見。彌月而旋車。

喪必延僧作道場。雖極貧必開冥路。七七盡而除靈。弔者祭則答之。昨香楮則答拜而不昨。不欲以一楮虧喪主之財。亦善俗也。塋不過七七間。三歲則挖視之。土燥棺完好色鮮則掩之。或俟九年拾其骸於瓦棺。而復葬之。否則遷於他處。

祭惟元旦除夕五日。餘皆無之。清明祭於墓。盡日潦倒而還。無忌晨。凡祭極豐。不過三牲。日誦祝辭。遍請城隍土地諸神。云祖先不敢獨食也。夫儕祖先於神而並之。祖先能安坐而食乎。亦惑矣。

雜俗

田盛夏始播。不藝茶蓼。而黍稷自茂。藉草以待有秋。暇日牽車服買。潦水盡。入山斧大木爲薪。儲來春一歲之用。十月場功畢。刈蔗爲糖。牛醃之。至三四月乃止。歲時伏臘。擊鼓吹豳。斗酒相勞。熙熙乎擊壤康歌之世矣。凡流寓客庄最多。漳泉次之。興化福州又次之。初闢時。風最近古。先至者各主其本郡。後至之人不必齋糧也。厥後乃有緣事波累。或久而反噬。以德爲怨。于是有閉門相拒者。然推解之誼。至今尙存里閭也。

土著既鮮。流寓者無。葦功強近之親。同鄉井如骨肉矣。疾病相扶。死喪相助。棺歛埋葬。鄰里皆躬親之。貧無歸。則集衆捐囊。襄事雖慳者亦畏譏議。詩云。凡民有喪。匍匐救之。此風較內地猶厚。

土產檳榔。無益飢飽。云可解瘴氣。薦客先於茶酒。閩里雀角或相詬誶。大者親鄰置酒解之。小者輒用檳榔百文之費。而息兩氏一朝之忿。物有以無用爲有用者。此類是也。然男女咀嚼。競紅於一抹。或歲糜數十千。亦無謂矣。

地平曠。便千車行。輪高五尺許。軌轍畫一。一牛約運六七百觔。編竹爲車籠。以盛五穀之屬。誅茅採薪。去其籠。捆束以載。行遠可乘三四人。重則另橫一木于右。攀。剗加輓多一牛以曳之。若馬之兩驂而缺其左。婦女置竹

亭干上。或用布帷。牛價騰湧。水牯健者。至三十千錢。

引重致遠。皆以車。漢庄番社。無不家製車。而戶畜牛者。冬春多夜行。田收潦盡。四野康莊。夜靜風生。蹄輕走疾。鞭轡之聲。遠近相聞。有臨淄卽墨之風焉。夏秋多淫雨。水深泥淤。且非晝不可行。遇酷暑。牛往往困斃干道。異時皆瘞之。近乃有剝而食其肉者。

人無貴賤。必華美其衣冠。色取極艷者。靴鞮恥以布。履用錦。稍敝卽棄之。下而肩輿隸卒。袴皆紗帛。大中丞雷陽陳公。觀察臺灣時。躬以節儉訓俗。衣帷布素。食無兼味。禁諸服飾。奢侈者積習已錮。亦未盡改。宴客必豐酒。以鎮江惠泉紹興。肴罄山海青蚶。四千粗置一席。臺屬物價之騰甲於天下。于是有彼此相勝一宴而數十金者。觀察梁公近爲條約。非婚祭大慶。

不得過五簋兩觀察爲民節財之意。凡爲士庶者。皆當深體也。

延師課子。以薦主爲重輕。一子從學。面有德色。或督過弟子。則師徒不相得。卽父兄禮意寢衰。不終年輒去。本籍乏才。弊實由此。父兄之過也。

牛擇黃牯臙壯者。飾以鞍轡如馬。馴而習之。日可百里。少年子弟礮控如意。以之學騎射。易牛而馬。亦易易矣。初見以爲偶。久之乃無處不然。

邨庄神廟集多人爲首。曰頭家。廟雖小必極華采。稍圯則鳩衆重脩。歲時伏臘。張燈結彩。鼓樂。祭畢歡飲。動輒數十緡。雖曰敬神。未免濫費。

神誕必演戲慶祝。二月二日。八月中秋慶土地。尤盛。秋成設醮賽神。醮畢演戲。謂之壓醮尾。比日中元盂蘭會。亦盛。飯僧。陳設競爲華美。每會費至百餘緡。事畢。亦以戲繼之。

家有喜。鄉有期會。有公禁。無不先以戲者。蓋習尚旣然。又婦女所好。有平時慳吝。不捨一文。而演戲則傾囊以倒者。

喜博。士農工商。率伍相競一擲。負者束手。勝者亦無贏囊。率入放賭之家。乃有俊少子弟。白面書生。典衣賣履。辱身賤行。流落而不敢歸者。此風漳泉多有。臺郡特盛。拔本塞源。惟在嚴治。誘賭之無賴。放賭之窩家。而爲父兄者。教尤不可不先也。

尙結盟。不拘年齒。推能有力者爲大哥。一年少者。殿後曰尾弟。挿血而盟。相稱以行次。家之婦女。亦伯叔稱之。出入不相避。多凶終隙末。及閨閣蒙垢者。近設禁甚嚴。其風稍戢。

尙巫。疾病輒令禳之。又有非僧非道。名曰客仔師。携一撮米。往占病者。謂

之米卦。稱說鬼神。鄉人爲其所愚。倩貼符行法而禱於神。鼓角喧天。竟夜而罷。病未愈。費已三五金矣。不特邪說惑人。亦糜財之一竇也。

自襁褓而育之者曰螟蛉。臺俗八九歲至十五六。皆購爲己子。更有年未衰而不娶。忽援壯夫爲子。授之室而承其祀。有父無母。悖義傷倫。抑又甚矣。古人無子。必擇同姓之親者而繼之。今以非我族類之人承祀。他日能歆之乎。其始皆由妬婦不容置媵或妾。有子而不以爲子。故有生女而潛易。詐孕而假產。其夫或明知而隱忍遷就。又有婦言是聽。舍兄弟同姓之子。而必取諸異姓者。然未若此地之并螟蛉而亦非也。禮無異姓爲後之文。

本朝有笞杖歸宗之律。俗子愚夫。旣不知呂贏牛馬之辨。詩禮之家亦昧

然爲之。杞人滅郕。春秋之義何居乎。聽妾婦之愚。徇末俗之陋。所當亟變者也。

失路之夫不知何許人。纔一借寓。同姓則爲弟姪。異姓則爲中表。爲妻族如至親者。然此種草地最多。亦有利其強力。輒招來家作息與共。男女相雜。久而狎之。桑間濮上之風。非無自矣。

各庄佃丁山客。十居七八。靡有室家。漳泉人稱之曰客仔。客稱庄主曰頭家。頭家始籍其力以墾草地。招而來之。漸乃引類呼朋。連千累百。飢來飽去。行兇竊盜。頭家不得過而問矣。由之轉移交兌。頭家拱手以聽。權盡出於佃丁。

初臺人以客庄盛盜漸多。各鑄鐵烙牛以其字爲號。便於識別。盜得牛更

鑄鐵。取字之相似者。覆以亂之。牛入客庄。卽不得問。或易其牛。反縛牛主爲盜。故臺屬竊盜之訟。偷牛者十居七八。

瓜果豆菜之屬。着地卽生。又多隙地。而寧取諸市。近溪之田。桔槔必以牛。無自任其力者。傭工計直三倍內地。寧游手乏食。必不肯少減。民風之惰。至臺極矣。

庄社地旣寬曠。鷄豚之畜數倍內地。非止五母二母而已。乃物價亦數倍內地。由習俗奢侈。中人之家。食必舉肉。且游手者衆。水次魚蝦亦食者多。而採捕者少。固宜其騰湧耳。

女不蠶織。以刺繡爲能。自十歲以上。則教之工。巧者自贍其口。尙有贏餘。然雖工無益於世。曷若紡織之爲有用乎。漢詔云。錦繡纂組。害女紅者也。

女紅害。則寒之原也。善夫。

荷包方廣可八九寸。以紅哆囉呢漢府緞爲之。不惜高價。必求女工之最者。而刺繡焉。輕薄少年。乃有借此往來中書者。履霜堅冰。刺繡之害。不止女紅矣。

婦女過從無肩輿。則以傘蒙其首。衣服必麗。簪珥必飾。貧家亦然。邨落稍遠。則駕牛車以行。歲時佛誕。相邀入寺燒香。云以祈福。

演戲不問晝夜。附近村庄婦女。輒駕車往觀。三五羣坐車中。環臺之左右。有至自數十里者。不艷飾不登車。其夫親爲之駕。

內地稍通筆墨而無籍者。皆以臺爲淵藪。訓蒙草地。或充吏胥。輟八比未久者科歲。猶與童子試。其姦猾而窮無依者。並爲訟師。愚民一紙公門惟

訟師是主。訟師一經包攬。訟者雖欲自止而不能矣。更有唆使番彝造端飾詐。或官長明察。罪無所逃。則激之使變。遂爲地方大害。是此地之驅除訟師。宜尤嚴於內地也。

胥役各處所有。臺屬爲盛。有室家者十之二三。謹愿者十不得一二焉。皆遊棍望風夤緣而入也。一衙門而數百衆。一皂快而十數幫。非舞文撞歲。見事風生。欺官以賤民之膏血。何以飽其蹊壑乎。吏書之勢艷於紳士。皂快之燄烈於吏書。上官胥役。視寮屬如烏有。又安怪其以愚民爲魚肉也。此輩善伺本官。而巧中其欲。稍假以詞色。卽門以外無所不至矣。北路地方遼濶。催科訟獄勾攝動以月計。役寡則事不辨。唯在謹嗜欲寡言笑。示以不測之威。使無所投其隙。而不得肆其貪橫。則俗不以胥役爲貴矣。

俗傳荒郊多鬼。白日幻形雜過客爲侶。至僻地卽懼其害。農昏或現相獐。獐遇者驚悸輒病。故清明中元延僧道誦經。設醮之事日多。

斂金造船。器用幣帛服食悉備。召巫設壇。名曰王醮。三歲一舉。以送瘟王。醮畢。盛席演戲。執事儼恪。踰進酒食。旣畢。乃送船入水。順流揚帆以去。或泊其岸。則其鄉多厲。必更禳之。相傳昔有荷蘭人。夜遇船于海洋。疑爲賊艘。舉砲攻擊。往來閃爍。至天明望見滿船皆紙糊神像。衆大駭。不數日疫死過半。近年有輿船而焚諸水次者。代木以竹。五采紙褶而飾之。每一醮動數百金。少亦中人數倍之產。雖窮鄉僻壤。莫敢恡者。

歲

時

諸羅俗與郡治略同
就郡志稍加刪補

元旦早起。少長咸集。禮神祀先畢。詣親友賀歲。主人出辛盤相款。酹酥爲

政。往來交錯。五日乃止。謂之假開。

元旦至元宵。好事少年。裝束僂鶴獅馬之類。踵門呼舞。以博賞賚。金鼓喧天。謂之鬧廳。

立春前一日。有司迎春東郊。儀仗綵棚前導市中。市春花春餅之屬。先時迎春皆在郡城。康熙五十四年始就縣將事。遂以爲例。

初十夜放燈。逾十五乃止。門內外各懸花燈。亦有間身行樂數輩爲伍。製燈如飛蓋狀。一人持之前導。絲竹肉以次雜奏。遨遊街市。謂之鬧傘。更有裝束昭君婆姐龍馬燈之屬。有喜者歌以慶之。主人厚爲賞賚。神祠延僧道。設醮祈安。醮畢迎神。社衆集飲廟中。謂之食供。內地元宵前。多無賴子弟挾鼠砲以角勝負。延燒衣履爲樂。幸無是惡俗也。

二月二日街衢社里。歛錢演戲。賽當境土神。蓋倣古春祈之意。

三月二日採鼠麴草。合粉爲糗。互相贈遺。士女出遊踏青。古者上巳所以祓除不祥也。秉蘭贈芍。未有聞焉。

清明插柳于戶。前後三日多墓祭。男婦老幼駕車以往。邀親友與俱。設帳席地而飲。銜杯酬酢。薄暮乃歸。婦女則就車設帷蓋其上。

四月八日。僧童昇佛作歌。沿門索施。謂之洗佛。

端午日。家製角黍。懸艾及菖蒲於戶。以五色長命縷繫兒童臂。復以繭作虎子。帖頭上。至午脫之。笨港鹹水港等處。划舟競渡。遊人雜逐。亦有置竿挂錦。捷者奪標以去。

六月一日。雜紅麴於米粉爲丸。俗呼爲半年丸。頌禱團圓之意也。

七夕女兒羅瓜果針線於中庭。爲乞巧會。看牛郎織女星。或云魁星於是日生士子多。於是夜爲魁星會。置酒歡飲。

七月十五之前後爲盂蘭會。比丘登壇說法設食。以祀無祀之鬼。謂之普施。家各祀其先。焚五色之楮。楮如綺繡。云爲泉下作寒衣。夫釋氏之說。以是日爲地官赦罪。故無祀者祀之。若家之祖先。既有子孫。歲時承祀矣。且祖先何罪。必於是日遇赦而歸。乃得食乎。末俗牢不可破。舉世皆然。可嘆也。

中秋祀當境土神。與二月二日同。倣秋報也。四境歌吹相聞。謂之社戲。會飲賞月。製大餅以象之。士子硃書元字。用骰子擲。四紅奪餅。預取秋闈奪元之兆。

重九載酒爲登高之會。諸羅菊花極稀且晚開。間得一二本。亦罕佳者。童子製風箏。如鳶。如寶幢。如八卦河洛圖。競於高原。以高下爲勝負。或繫燈其上。夜以繼之。

冬至米糲爲湯丸。祀神及先祖畢。卑幼賀長者。節略如元旦。團圓而食。謂之添歲。古所謂亞歲也。門扉器物。各黏一丸于上。謂之餉耗。

臘月二十四日各家拂塵。俗傳百神將以是夕上闔闔謁帝。凡神廟及人家各備茶果牲醴印幢幡輿馬儀從於楮。焚而送之。謂之送神。至來歲孟陬四日。具儀如前。謂之迎神。

除夕前數日親友各以牲羞相餉。是夕祀先禮神。響爆竹以辭歲。焚香張

燈。圍爐飲酒。坐以待曙。

以上所載歲時多漳泉之人流寓者客庄亦大略相似

番俗考

民之有生。各稟陰陽。雖種類不一。自聖人視之。皆度內也。國家入荒爲藪。四海爲池。諸羅越在海外。載入版圖。天星三紀。鬻髮鑿齒。魁頭露紒之衆。莫不沐日浴月。食豮懷音。是堯舜禹湯文武之所弗享弗臣。漢唐以來諸君之所願求而莫致者也。聖天子敬於萬物。鱗集仰流。俾各得其所而已矣。服食婚葬。順適其性。干中土之人。不無差別焉。夫海內九州。聲明文物。而剛柔奢儉。言語嗜欲。殊方異致。况渡海極邊。地偏氣梗。鄙風陋俗。不亦宜乎。緬惟太古。衣皮茹實。上巢下窟。可以安居。汙尊抔飲。可以觀禮。蕢桴土鼓。可以觀樂。不交不爭。自求自足。沕穆之風也。今或架木而處。團飯而食。反蹠而坐。酒將進而先嘗。食雖少而必徧。憫窮老而收卹。遇長者而却

行。醉飽。曠呼。歌舞。蹋地。雖質勝而野。與末俗文勝實寡者異矣。捕鹿射魚。煨芋。亡積聚。食物常足。耕穫樵牧多任女。山蹊澗谷。男女亟相聚會。故其俗淫嗜酒。愚悍少慮。猾者賺剝其膚。不爲病稍侵陵之。往往殺人亡匿。依山爲險。或亡故要截人首。飾金自詡。稱觴相娛樂。見下雜俗自中土流移。深惡滋多。巧僞相引。乃有飾愚以罔其上。長吏亦墮術中。淫殺長奸。俗益壞矣。道民之術。可不慎歟。有能宣上德意。因其所明。祛其所蔽。徐化其獷悍難馴之氣。施殷少師八條之約。而歸之於信義。亦無懷葛天之世矣。爲采其風氣習俗。類分爲七。曰狀貌。曰服飾。曰飲食。曰廬舍。曰器物。曰雜俗。曰方言。略綴本事於左。使觀者便覽焉。

狀貌

山高海大。番人稟生其間。無姓而有字。內附輸餉者曰熟番。未服教化者曰生番。或曰野番。醜怪髯黑。塗鹿脂以禦風雨。斷髮翦鬢。束以韉草。或挽髻前後。或攢雙髻於左右。無髭髯。毛附體者盡拔之。文其身遍刺蝌蚪字及虫魚之狀。或但於胷堂兩臂。惟不施於面。跣足上體常裸。以幅布稍蔽下體前後。曰遮陰。文身皆命之。祖父刑牲會社衆飲。其子孫至醉。刺以鍼。醋而墨之。亦有壯而自文者。世相繼。否則已焉。雖痛楚。忍創而刺之。云不敢背祖也。

岸裡、掃掠、烏牛、雞、阿里史、樸仔、籬番女。繞脣脰皆刺之。點細細黛起。若塑像羅漢髭頭。共相稱美。又于文身之外。別爲一種。

男女各貫兩耳。以細硝子穿綴爲珥。東西螺大武郡等社。男子好貫大耳。

初納羽管。嗣納筆管。漸可容象子。理以大木環。或海螺螭。粉飾之。乃有至斷缺者。女有夫。斷其旁二齒。以別處子。今近縣各社。亦多不折齒者。男女以澀草或芭蕉花擦齒令黑。陳小崖外紀。大武郡之女。時以細砂礪之。望若編貝。今自燕霧半線以北皆然。不獨大武郡也。

由諸羅山至後壠番女。多白皙。牛罵沙轆水裡。爲最。唯裝束各異。髮皆散盤。後壠竹塹諸社。髮在周圍者悉除之。中留圓頂。剪而下垂。狀若頭陀。更以爲美。竹塹南嵌。龜崙。霄裡。坑仔。諸番。多斑癬。狀如生番然。矮而小。岸裡內幽。礁吧。昨。茅。匏。阿里史。番。周身頑癬斑駁。若怪石綴古苔蘚。而腥臊特甚。番女亦自白皙。

服飾

衣短及臍。名籠仔。布二幅縫其半于背左右及腋。而止餘尺許垂肩及臂。無袖。披其襟。婦女則前加以結。色尙白。或織茜毛紅紋于領。茜染綠之草或緣以他色。約五寸許。西螺以北色尙青。沈文開雜記。土番初以鹿皮爲衣。夏月結麻桌縷縷掛于下體。後乃漸易幅布。或以達戈紋。下見爲之。數年來新港、蕭壠、麻豆、目加溜灣、諸番。衣褲半如漢人。冬裝棉。哆囉嚨諸羅山亦有倣效者。

女無脂粉。不結髻。不施膏。沐盤髮以青布。大如笠。衣短至腰。橫聯幅布爲幫。無帶。膝以下青布十數層。堅束其腓至踝。

男女喜以瑪瑙珠及各色質珠、文具、螺殼、銀牌、紅毛劍錢爲飾。各貫而加諸項。纍纍若瓔絡。喜插花。或以雉尾及鳥羽挿髻垂肩。遇賽戲。下見袞龍刺

繡悉以被體。然皆購梨園故衣。鮮稱身者。腰以下以色綢錦緞重疊圍之。另綴綺羅干肩之左右。如結慨然。隨風飄颺。五采奪目。女裝之侈。數倍于男。惟跣足無首飾耳。

約釧于手。男子煉鐵爲之。曰劍脊。曰鯉殼。以多爲美。疊臂彎之上下。色光如銀。婦女東洋錫銅起花錫。或穿瑪瑙爲之。

細而軟。淡黃或淺紅色。曰金絲藤葉。色如藤。薄如楮。大如錢。嫋嫋鮮明。緣樹以自生。蔓延繚繞。不香不華。如風蘭。不著土而滋榮。男女盤干首以爲勝。

海岸沙磧叢生。非草非木非竹。曰蒜茶。葉似黃梨。榦聳似蔗而高大。花色

白。細干蓬。氣觸鼻。似香而濁。男婦皆喜佩之。少女寶如都梁。

沈文開雜記蒜茶實大如碗初結時小如龍眼後漸大枝頭懸

掛如大棉花亦似黃梨皮黃則熟四旁俱可挖下粒者豆四發長五六分發廣突乃可親湊合聯密土人製食之粒粒之尾俱甘

半線以上多揉樹皮爲裙。白如苧。曉行以禦溼露。晞則褪之。古義皇繪像。腰綴木葉裙。番或有所自耶。出入負鹿皮。日藉以坐。夜則寢之。道路風寒。則披之于背。割生皮刺眼四周約以繩。制如芒鞋。漬咬丁皮汁。咬丁見物產入水不濡。堅久倍于他履。

達戈紋出水沙連。如毯紵。雜樹皮成之。色瑩白斜紋間以赭黛。長不竟床。出南路各社者皆灰色。有罇紋。或方勝紋。長亦如之。番以被體。漢人以爲衣包。頗堅緻。

飲食

禾米似糯較長。香嫵宜粢宜醴。蒸熟拌麩以篋爲臍。置罍口。糟實其上。液

釀干下。封固藏久。貴客至。乃開酌。有陳至數年者。色味香美。雖漢人之重釀。無以踰也。番酒惟此最佳。

搗米成粉。番女嚼米置地。越宿以爲麩。調粉以釀。沃以水。色白曰姑待酒。味微酸。外出裹其醅以蕉葉。或載於壺盧。途次遇水。灌而酌之。渾如泔。

編竹篾爲甑。米用禾。午餐則早間漬米以埃。實於甑。烝之。粒璀璨如珠。手團而食。外出則裹飯腰間。或漬米干青竹筒。刻木取火。燒薪爲炭。置竹筒炭中。頃刻而熟。亦可餐也。

內山叢峰陡峻。鮮五穀。斫樹燔根。鋤山以種芋魁。大者可六七觔。貯以爲糧。食之法。掘坎積薪。燒炭爲火窖。投芋干中。灰覆之。仍掩以土。熟殊香美。聚一社之衆。發而噉焉。不分彼此。甲盡則乙。魚貫而啓。以果其腹。或曰此

南路傀儡番俗也。或曰內山諸番大都如是。

淡水雞籠各社不藝圃。無蔥韭生菜之屬。或曰其地不宜鷄最蕃。客至殺以代蔬。弗

之貴也。竇冬瓜官長至。抱瓜以獻。佐以粉齋。鷄則以犒從者。

鳥獸之肉。傳諸火。帶血而食。麋鹿刺其喉。吮生血。至盡乃剝腹。草將化者。綠如苔。置鹽少許。醃卽食之。但不茹毛耳。

捕小魚。微鹽漬之。令腐。俟蟲生。既多乃食。亦喜作鮓。魚以不剖腹而醃。故速腐。細切鹿肝爲醢。名膏蚌鮓。藏久。云可愈噤口痢。

魚肉蛆生。氣不可聞。嗜之如飴。羣噉立盡。果嗜棧及番石榴。番石榴俗所稱梨仔拔者也。臭如鷄囟。番酷嗜之。投以鮮荔子。或以爲惡。

生番入山。以生薑爲糗糧。和水而嚼。佐以草木之實。云可支一月。

廬舍

番舍形如小帳房。開門於橫脊。鞠躬而入。夫妻子女團聚一室。臭不可聞。南社、東西螺、新港、蕭壠、麻豆、目加溜灣數社。規模壯敞。封土墩爲址。作室于上。昂其前可五尺。門架木橋以入。大者廣五丈深十丈許。如余皇。中柱以喬木。樑椽四壁悉材簣。左右前後門戶疎通。覆以茅茨。剪洒絕塵。前施丹墀。竟可以畫舫額之。

居室外結茅爲禾間。番喜禾。故名之也。竹木交加。疊空而起。離地數尺。如小樓。貯粟其上。以避蒸溼。微腐。視田畔高敞地。結數椽爲憩息之所。蔭以竹木。收穫時。寢食其中。曰田寮。

社中擇公所爲舍。環堵編竹。敞其前。曰公廨。或名社寮通事居之。以辦差遣。

凡作室。合社之衆助之。先剉竹結椽桷爲蓋。各一大扇。豎柱上樑畢。衆共擊蓋而升。編茅以覆。另結茅爲頂。於橫脊之兩端如枕形。落成出酒相餉。男婦畢集。醕酌歌舞。極歡而罷。爲禾間則覆茅於蓋而擊之。南嵌以上諸番。或架木以板爲屋。形如覆舟。

內山有鬆石。鑿之成片。下砌爲牆。上以代陶瓦。方廣一丈。望之天然石室也。新港、蕭壠、麻豆、目加溜灣、四社。地邊海空濶。諸番饒裕者。中爲室。四旁列種果木。廩囷圈圍。次第井井。環植薊竹。廣至數十畝。

器 物

粟不粒積。剪穗而藏。帶穗而舂。無隔宿之米。以巨木爲臼。徑四尺。高二尺許。面凹如鍋鑿。空其底。覆之如桶。旁竅三四孔。以便轉移。杵輒易手。左右

上下按節旋行。或歌以相之。將旦。邨舍絡繹。丁東遠颺。若踈鐘清磬。客驟聽者不辨爲何聲。陳小厓外紀。粵東南海神祠有大小銅鼓二。制如淮鼓。中有臍突起。擊之闐然。云傳自漢代古物。木虛應地。鏗若金。奏金虛。應地幻爲革音。清濁各變。番彝制器。埒諸古人矣。

杙三足於地。閣木扣干上。以炊。或支以三石塊。若鼎峙然。木扣陶土爲之。圓底縮口。微有脣起。以承甌。甌以大木刳虛其中。若桶。編篋爲臍。近亦有用小鐵鍋兼築竈者。

規木虛其中。圍三尺許。函口如槽。橫竹木桿於內。卷舒其經。綴線爲綜。擲緯而織。達戈紋。粗布繫腰。小帶花紋。歷錄可愛。堅木削刀。扣之左右。各置小墀。扣聲相應。清亮如磬。

室中壺盧。纍纍以百十許多爲富。大者容二斗。嫩時味苦不可食。俟堅老截頂出瓢。選其小而底相配者製爲蓋。澤以鹿脂。摩娑既久。瑩赤如漆。番人干役。用裝行李。兩行不濡。傳遞公文。遇大水。取置其中。戴于首而渡。漢人重價沽之。弗售也。

削竹爲嘴琴。其一制如小弓。長可尺餘。或八九寸。以絲及木皮之有音者。綸爲絃。扣于齒。爪其弦以成聲。其一制略似琴形。大如指拇。長可四寸。竅其中二寸許。釘以銅片。另繫一小柄。以手爲往復。唇鼓動之。聲出銅片間。如切切私語。皆不能遠聞。而纖滑沉蔓。自具一種幽響。夜月更闌。猫踏見下雜俗與番女潛相和。以通情好。

截竹竅四孔。如簫。長者可二尺。通小孔于竹節之首。按於鼻橫吹之。曰鼻

簫。可配絃索音節。頗似而不揚。當爲簫之別調。

用蘆管長寸許。絲纏其半。又其半扁如鴨嘴。截竹長六七寸。竅三孔。函蘆于竹。駢而吹之。曰蘆笛。音如滇黔間苗狎之蘆生。而悲壯過之。清秋夜月。令人起塞上之思。

鑄鐵長三寸許。如竹管。斜削其半。空中而尖其尾。曰薩鼓宜。又曰卓機輪。繫其尖于掌之背。番約鐵錘兩手。足舉手動。舉錘相撞擊。聲錚錚然。或另銜鐵舌。口中繫之。臍下搖步徐行。鏘若和鸞。騁足疾走。則周身上下金鐵齊鳴。聽之神竦。

弓取材于竹。密纏以籐。籐染茜草。其色朱。內山番或以韌木爲之。不知柘與桑也。無弣。不需筋角膠漆。繩紵爲弦。漬以鹿血。堅韌過絲韋。露宿不囊。

亦無反弛之虞。底局不至於穀。而發射。搭箭於左。

小竹堅直。美亞會溪。用爲箭。傳以翎。翎如漢人之制。而剪其梢。或增爲五面。密纏以絲。鹿血塗之。如漆。鏃銛利貫骨。有長至四寸許。如鎗舌者。

鏢鎗桿長五尺許。疏可及三四十步。鋒銛利。或鎗舌爲鈎距。形如个字。活入桿中。用長繩并桿繫之。中物則鎗舌倒掛而不能出。鑿鹿負痛奔逸。桿擺落與繩俱掛草木間。番從後尾之。無得脫者。

男女出門。身不離鍊。刀之制或方頭或尖葉。長不滿尺。銛于斧斤。木鞘韜之。橫繫腰背。

剝木爲牌。高齊膺。濶二尺許。取木之最堅者爲之。內凹外凸。中畫日月。或黑白相亞。制如舞于。

以籐爲籠。下底上蓋。方員高低。大小不一。漢人購之。內外加以漆。飾銅以便鎖鑰。殊爲堅緻。

編竹篾爲籃。其制員曰霞籃。番無升斗。以此爲量。大者裝至三四石。內山有籐簍籬。徑圍可三丈。

雜俗

諸流寓於臺者。稱唐人。猶稱漢人也。鄭氏竊據。唐人旣多。往來相接。長幼尊卑。皆呼兄弟。半線以上。稱付滙。番語親戚也。稱內地統名之曰唐山。無曆日。不識歲時。以稻熟爲一歲。不知庚甲。問其年幾何。茫然也。黠者如古結繩之初。稻熟時。輒加一結。或折枝藏於室。核其數。終不知溯自初生。凡幾春秋也。以月圓爲一月。不知有閏。

老番能占歲。草初發。視今歲何者居先。則定一歲旱潦豐歉。師曠云。歲欲甘。則甘草先生。歲欲苦。則苦草先生。番猶古先民之遺也。

春以草驗風信。初生無節。則週歲無颶。每多一節。主颶一次。驗之不爽。近漢人亦有識此草。不知其名。但曰風草。

習紅毛字。橫書爲行。自左而右。字與古蠅篆相彷彿。能書者。令掌官司符檄課役數目。謂之教册仔。今官設塾師千社。熟番子弟俱令從學。漸通漢文矣。

紅毛字不用筆。削鵝毛管爲鴨嘴。銳其末。搗之如毳。注墨瀋于筒漚而書之。紅毛紙不易得箋。代之以紙。背堪覆書也。

途次相遇。少者側立。先問訊長者。俯以俟。長者既過。乃移足。朋儕則互相問。

飲食無論多寡。分甘必徧。或漢人入社。以烟糖相餉。二物番所嗜嗜已徧。而忽有後至者。雖素不謀面。必更均而與之。

客至出酒以敬。先嘗而後進。香鑪。瓷餅。悉爲樽罍。檳榔熟。則送檳榔必采諸園。不以越宿者餉客。

大武郡以北。官長至各社。春香禾爲饗。盛以盤。擇女之尤者。擊而戴於首。跪馬前進之。以爲敬。

夫婦自相親睦。雖富無婢妾僮僕。終身不出里閭。行携手。坐同車。不知有生人離別之苦。不爲竊盜穿窬。不識博奕。種織漁獵樵採之外。渾乎混沌之未鑿也。近乃有呼盧角勝者。

番婦耕穫樵汲。功多於男。唯捕鹿不與焉。能織者少。且不暇及。故貿易重。

布。錢穀出入。悉出以婦爲主。

麻豆。目加溜灣以上老番窮無依。則親屬共收恤之。無流落爲丐者。新港距郡不遠。或丐干市。

番無愁暑雨。祁寒。負重輓車。度險出淖。狀若甚蹙者。曾未駐足息肩。已歌呼鳴。鳴喜跳自若矣。傭直作苦勞之酒。則終日不倦。

春初爲鞦韆。略如漢人之制。高可丈許。中以木爲昇。止容一人。繞梁旋轉如紡。上下可數十回。漢人效之。輒暈而嘔。

舍前後左右多植檳榔。新港蕭壠。麻豆。目加溜灣。四社爲最。森秀無旁枝。修聳濃陰。亭亭直上。夏月酷暑。掃除其下。清風徐來。令人神爽。漢入近亦廣植之。射利而已。有至崇爨者言。各社之植尤盛。

檳榔子生木杪。高數丈。漢人以長柄鉤鑷取之。番揉而升。攀枝而過。頃刻之間。跳越數十樹。

種禾於園。種之法。先於秋八九月。誅茅平覆其埔。使草不沾露。自枯而朽。土鬆且肥。俟明歲三四月而播。場功畢。仍荒其地。隔年再種。法如之。禾秸高而柔。慮爲風雨摧折。雜植薏苡。薏苡粗硬。又差高於禾。如藩籬然。一畦之中。兩種並穫。

東西螺以北番。好飼馬。不鞍而馳驟。耍狡獸。截輕禽。豐草長林。屈曲如意。擇牝之良者。倍價而易之。以圖孳息。

縣治以南。聽差者曰咬訂。諸羅山打猫各社。謂之猫踏。約十二三歲外。凡未室者充之。立稍長爲首。聽通事差撥。夜則環宿公廨。架木左右爲床。無

帷帳被褥。笑歌跳擲達旦。斗六門以北曰貓鄰。

年可十三四。編籐或篾圍腹及腰。束之使小。謂之箍肚。便馳騁也。既有室。乃去之。夜冷月明。展足鬪捷。脚掌倒彎。去地尺許。撲及其臀。如凌空遐舉。習之既嫻。故逐走射飛。疾于奔馬。

遞公文悉用咬訂。貓踏貓鄰。挿雉尾千首。肘懸薩歧宜。結草雙垂如帶。飄颻自喜。沙起風飛。薩歧宜叮嚙遠聞。瞬息間已數十里。

外沿大海。內阻深溪。故男女皆善水。山溪驟漲。欲濟無舟。肩輿草載。蟻擎以過。如履平地。

坐以脚跟墊尻。若聽鞠然。古人以跪爲坐。後乃有跌坐。或就榻而坐者。諸番不知于何始也。無倫次。隨地錯雜。南社之番。獨不敢與土官列坐。陳小

匡外紀。紅毛諸國之番。官長過不知起立。摘帽爲敬。旣過。則戴之。雲南土司諸蠻。手舉次工端拱。次工者方言帽也。如漁笠。黑氈爲之。今諸番被化日久。迎送長官。亦知拜跪矣。

九十月收穫畢。賽戲過年。社中老幼男婦。盡其服飾所有。服飾披重以出。壯

番結五色鳥羽爲冠於首。其制不一。或錯落如梅梢。高數尺。濶可十圍。酒

漿菜餌魚鮓獸肉鮮礮。席地陳設。互相酬酢。酒酣當場度曲。男女無定數。

耦而跳躍。曲喃喃不可曉。無恢諧關目。每一度齊咻一聲。以鳴金爲起止。

薩鼓宜琤琤若車鈴聲。腰懸大龜殼背內向。綴木舌于龜版。跳躑令其自

擊。韻如木魚。

過年無定日。或鄰社共相訂期。賽戲酣歌。三四日乃止。亦有一歲而二三

次者。或八月初三月初。總以稻熟爲最重。止之日盛其衣飾。相率而走於壙。視疾徐爲勝負。曰鬪走。或社衆相詬諍。則以此定其曲直。貧者爲曲。家有喪。過年之前一日。束草。徧插羽毛以像死者。詰旦。番女十數輩。挽手擁一。貓蹈跳躑。施轉而歌。歌畢而哭。轍草人而棄之。社衆圍次其門。各勞以酒。

父母喪無衰絰。衣皂略如海青。腰有帶幘甚繁。云自荷蘭相傳而然。或斜束幅白於肩臂。婦人以紵麻染紅黃色。交刺爲紋。縫貼衣背。平時青布束腓。至是亦加刺紋其上。屬踈者色稍淡。夫服最重。披髮皂布裹其頭。面止露兩目。憐盡乃除。如漢人之卒哭也。番語以哀爲憐。無定日。極意而止。色用皂者。以人死則不可復生。布染皂則不可更染他色也。

人死結綵於戶。鳴鐘昇屍。詣屬親之門。各酌酒其口。撫摩再三。志永訣也。既遍。然後歸家。瘞之。死者遺衣物。分其半以殉。

無棺槨塋域。裹以鹿皮。有生時置一器如廂。入亡物其中。死卽以爲棺者。瘞所居床下。移其居。而舊宅聽其自圯。比年附縣諸社。亦間用棺木。而葬諸野。

瘞或於門內之右。掘深窖。編竹置尸其上。空其下。離土可三四尺。間數旬。輒發親。窖有菌生。或草木之異。則喜爲吉。置酒會鄰里聚觀。或土色不佳。則涕泣號跳。移置他所。

內山有親死而衣生時之衣。扶置于几。酌酒侑食。哀哭而瘞之者。諸羅山一老番死。歛以長甲萬。諸番各贈布三四尺。納其中。瘞而爲之架屋其上。

制如番舍。而狹。插白布旗於簷之四隅。懸幅布于門。圯而止。臨窆一社。皆哭聲震地。哀慘不忍聞。漢人送葬。鮮克有此。所謂禮失而求諸野也。

土官之設。始自荷蘭。鄭氏因之。國朝建設郡縣。有司酌社之大小。就人數多寡。給牌各爲約束。有大土官副土官名目。使不相統攝。以分其權。且易爲制。

贖社亦起自荷蘭。就官承餉曰社商。亦曰頭家。八九月起集夥。督番捕鹿。日出草。計腿易之以布。前後尺數有差。劈爲脯。筋皮統歸焉。惟頭及血臙。歸之捕者。至來年四月盡而止。俾鹿得孳息。曰散社。

五穀雞豚飲食之外。凡所生息。唯社商估計。皆習爲固然。甚有妻其室而

遂夫于外者。

年來革去社商各社。止留通事一人。丁酉間。魏蔡梁公行縣至淡水。并詳革通事名色。其司社餉差徭之數者。日書記。嚴立條約。而諸番鄉廩之痛。益以蘇矣。○此事行文到日。賦役一卷。已先刻就。附記於此。

無寒暑。夜必爐櫓。櫓於地。圍而坐。環而寢。入山樵採。在田收穫。皆然。無櫓。櫓則折薪掃落葉。或爇草以達旦。

溪深水汨。編籐繫東西兩岸之樹。以爲橋。籐可十餘枝。左右另繫一籐。高出橋三尺許。兩手扶之以行。如軟兜擺摺。驚悸。漢人敢渡者少。

婦生產。借嬰兒以冷水浴之。病不知藥餌。鍼灸。輒浴於河。言大士置藥水中。以濟諸番。冬日渡河亦羣浴爲戲。或云明太監王三保航海到臺。見番俗頑冥。棄藥於水。浴可以已疾。

重生女。贅婿于家。不耐其父。故生女謂之有賺。則喜。生男出贅。謂之無賺。無伯叔甥舅。以姨爲同胞之親。叔侄兄弟各出贅離居。姊妹多同居共爨。故也。近縣各社有夜宿婦家。日歸其父合作者。父母旣卒。乃就婦家。

女將及笄。父母任其婆婆。無拘束。番雞雜。還相要。彈嘴琴挑之。唯意所適。男親送檳榔。女受之。卽私焉。謂之牽手。自相配。乃聞於父母。置酒飲同社之人。自稱其妻曰牽手。漢人對其夫而稱其妻亦曰牽手。已娶者曰織。班白者曰老織。

女有所私。父母以爲人憐之也。兄弟則羞之。兄但呵斥而已。弟乃加之篋楚。故女畏弟如虎。

水沙連男女悅合。必引衆簇擁其女以去。如強奪然。女亦故作悲啼至家。

乃申聘以鐵器爲儀。如刀斧釜
鑑之屬女家以鷄豕達。戈紋之類報之。亦有中悔者。女

逃歸。則反其所聘。

諸羅山有幼而訂盟者。以車螯蛤類一盤爲文定。壻母送至女家。留之飲。召

同社之人。盡歡而罷。將婚。乃更以銅鐵。錫牲醪之屬。歸之婦。

夫婦異席而食。既老。乃合食。壻不與翁同食。

蕭壠新港。麻豆。目加溜灣。四社。夫婦既久。搭架高坐。其婦于上。昇而迎。諸社中番衆。各投色布。沿途贈之。歸宴同社之衆。則永無離異。南嵌柴裡諸社。男長娶婦歸家。女不折齒。亦無離異。可謂鐵中錚錚。傭中佼佼者矣。

夫婦情好甚篤。稍一反脣。則折箸分產。男女皆歸。其婦贅於婦家。產亦歸之。各求其匹。亦有互相易者。

男女裸體相對。不爲怪。已相配。而淫者被獲。擊而榜之。聚衆罰以牛羊。大武郡各社。重貫耳。誤缺其耳。則縱之去。以毀傷其支體也。

無卜筮。凡出草。入山樵採。必聽鳥聲。以卜吉凶。吉乃往。鳥若鷓鴣。番名曰鷓鴣 稗

史契丹出軍。炙羊琵琶骨破。然後往。倭人亦灼骨以下。滇黔間苗狎羅鬼。以鷄卜。同此義也。

出門猝聞噴嚏聲。或逢人如廁。以爲弗吉。退而返。番女採薪汲水。則覆水而棄其薪。

出草先開火路以防燎原。諸番圍立如堵。火起焰烈。鹿獐驚逸。張弓縱狗。小大俱殲。見之惻然。先王戒焚林竭澤。有以也。

荒野開窟。蒙頭以草。夜潛窟中作鹿鳴。鹿以爲羣也。呦呦而至前。而射殺之。君子不幸爲小人所賣。類如斯矣。

陳小厓外紀。昔年地曠人稀。麋鹿螿聚。開大阱。覆以草。外椽杙竹篾踈維如柵。鹿性多猜。角觸篾動。不敢出圍。循杙收柵而內入。番自外促之。至阱

皆墜矣。有剝之不盡至腐者。今鹿場多墾爲田園。獵者衆。乃禁設阱以孳種類。

犬大如黃犢。吠聲殊異。剪其雙耳。以草木叢密且多荊。欲縱橫馳驟無所掛碍也。能生擒者曰生齧。獨擒者曰單倒。捕鹿獐發示追踪。百不失一。價至三四十千。

以田犬爲性命。時撫摩之。出入與俱。數年前有長官欲購番一犬弗與。疆而後可。犬出。舉家闔戶痛哭如喪所親。

鹿捷於犬。每奔盡一灣必反而顧。故犬及之。然亦狡。視火勢最烈處。衝躍以過。諸番先伺其所而殪焉。番又狡于鹿也。

善射魚。伺巨者仰沫。弋而取之。無虛發。近亦效漢人撒手網。作竹罩大小

畢取矣。

自吞霄至淡水。砌溪石沿海。名曰魚扈。高三尺許。綿亘數十里。潮漲魚入。汐則男婦羣取之。功倍網罟。阮參將詩曰。得魚勝得獐與鹿。遭遭送到頭家屋。有激乎其言之也。

淡水至雞籠諸番無田器。耕以鋤。阮參將詩。百鋤不及一犁深。是也。無稻梁之屬。間植禾秫。多黍多薯芋。佐以捕鹿射魚。採紫菜通草水籐貿易。爲日用且輸餉。

樸仔籬烏牛難等社。有異種之狗。狀類西洋。不大而色白。毛細軟如綿。長二三寸。番拔其毛。染以茜草。合而成線。雜織領袖衣帶間。相間成文。朱殷奪目。數社之犬。唯存其鞞。

與人有隙。醉而睨視。卽萌殺機。知者急避之。或潛他所窺伺。有頃。提刀至矣。四顧無人。則亟奔而逃。懼人之覺而追擊之也。

以殺人爲雄長。自相攻。或伺客于徑。陰射之。取其首。烹剝去皮肉。飾鬪髀以金。持以誇衆。衆則推以爲長。鄰社載酒稱觴。列諸庭。傳之子孫。爲故物。差其多寡。爲勇健之高下。次則山猪熊頭。俱懸列之。麋鹿之頭。斯爲下矣。今附近熟番。漸知禮法。匿不敢出。惟獸頭懸列如故。不悛者內山生番。而南路傀儡番尤甚。

蛤仔難。哆囉滿等社。遠在山後。崇爻社。餉附阿里山。然地最遠。越蛤仔難以南。有猴猴社。云一二日便至其地。多生番。漢人不敢入。各社於夏秋時。

划蟒甲

紅名見山川註

載土產。

如鹿脯通草水藤之類

順流出近社之旁。與漢人互市。漢人亦用蟒甲。

載貨以入。灘流迅急。鱗甲多覆溺破碎。雖利可倍蓰。必通事熟於地理。稍通其語者。乃敢孤注一擲。

阿里山離縣治十里許。山廣而深峻。番剽悍。諸羅山哆囉嚨諸番皆畏之。遇諸塗。趨引避匿。

由虎尾溪沂流而入。水源有二。出刺嘴等社者名南港。出貓丹巒蠻等社者名北港。一水合于水沙連。流爲虎尾。水沙連雖內附。而各社多在內山。南北二港。番互相功殺。北港最強。每歲至秋。彼此戒嚴。無敢單丁徒手以出者。吞霄離半線可百里。夾倒旗太平二山之間。路通內山。有險可恃。昔年汛防止于牛罵。隔吞霄六十餘里。故卓个卓霧等敢於爲亂。

八里岔社舊在淡水港西南之長豆溪。荷蘭時后壠番殲之。幾無遺種。乃

移社港之東北。吞霄以上諸番。后壠最悍。

麻少翁內北投。隔于豆門巨港。依山阻海。划蟒甲以入。地險固。數以睚眦殺漢人。因而蠢動。官軍至則竄。淡水以北諸番。此最難治。

岸裡內幽。礁吧哖。茅匏。阿里史。諸社。磴道峻折。谿澗架阻。番性健嗜殺。雖內附。罕與諸番接。種山射生以食。經常作憤。冒其頭面。止露兩目。鹿皮作衣。臍下結一方布。聊蔽前陰。露臀跣足。茹毛飲血。登山如飛。深林邃谷。能蛇鑽以入。舉物皆以負戴。居家則裸。惟不去方布。

戰鬪以弓矢鏢鎗爲長技。初甚銳。不能持久。嚴陣以待之。鋒少挫卽鳥獸散矣。亦詭譎或誘敵入坑塹。岨谷中。故入險宜慎。

番社歲久。或以爲不利。則更擇地而立新社以居。將立社。先除草栽竹。開

附近草地爲田園。竹旣茂。乃伐木誅茅。室成而徙。醉舞酣歌。互相勞苦。先時舊社多棄置爲穢墟。近則以鬻之漢人。

無祭祀不識祖先。結草一束于中柱爲向。向者猶云鬼神也。莫敢指按摩觸。過年賽戲。或露立竹柱。設向以醑。

作法詛呪亦名向。先試樹木立死。解而復蘇。然後用之。不則恐能向不能解也。不用鎖鑰無敢行竊。以善向故也。擅其技者多老番婦。田園阡陌數尺一杙環以繩。雖山猪麋鹿弗敢入。漢人初至。誤摘啖果。齒唇立腫。求其主解之。輒推託而佯爲按視。轉瞬平復如初。近年附郭諸社畏法不敢。稍遠則各社皆有。或于笞箠中取鵝卵石置于地。能令飛走。喝之則止。妖術之幻如此。陳小匡外紀。暹羅番婦多妖術。中國人娶之者。婦限以年。必如

期而往。否則鮮不死焉。途中治女稍目之。立生怪毒。哀懺。卽除失其主。它人不能治。是外國番婦妖幻更甚。

方

言

各社言多不
同略舉其概

天爲務臨。日爲咿喇哈。月爲咿達。夕爲務闌。星爲薩哈。闌爲腰薩。擎夕。風爲麻哩。雨爲喇麻擎。爲烏達。雲爲喇漢。雷爲臨薩哈。電爲力吧。力吧虹。爲打利包。該霜爲烏弗打。露爲喇漢哈。霧爲薩喇嗎。爲嗎喧。天明爲嗎喇嗎。哈。日午爲喇丹入。夜爲煞火。寒爲嗎哈喇。夕暑爲嗎喇辣。旱爲貓勻喇麻擎。久雨爲烏屯者喇麻擎。

地爲烏吻。山爲崔。爲木良。水爲喇淋。海爲地淋。爲麻滄。溪爲包。爲阿汪。潭爲阿煞。陂爲達漠。圳爲嚙哈嚙。井爲潦哈。泉爲思嗎潦喇。淋爲務捫。火爲

喇步。

耶媽父也。一曰阿兼。擺奄母也。姑也。母一曰兒喇。麻箕祖父也。霧霧祖母也。茅撒哩伯也。叔也。喇由喇補伯我母也。若佳兄也。一曰撒哩麻撒。句迷老弟也。一曰撒哩麻奴喇。句阿亡夫也。一曰家。歹喇婦也。一曰鷄家奴。句喇補麻撒姊也。喇補吧一妹也。茅擺堂上翁也。岳父也。阿夕瓜堂上姑也。岳母也。貓喇補母舅也。阿實瓜母姨也。婦吧哩嫂也。婦吧哩吧一弟婦也。阿六江子也。女也。子一曰阿喇。女一曰阿喇歹拏。句打喇連女壻也。兒媳也。壻一曰佳喇六。句阿喇撒哩姪也。阿喇霧霧孫也。阿叻喇補外甥也。阿亡阿亡男子也。女曰擺擺。土官曰甲必丹。

叙麻格者謎路士人也。臨嗎哈農夫也。叻奴哩補工匠也。嗎哩拏阿啤客

商也。曰媽嫖。句下曰麻煞者稍老人也。曰阿喇喇曰佳喇歪少年也。嗎哈吧

者稍長人也。吧若矮人也。曰媽仁。曰媽良。曰麻目底六美婦也。曰麼呵。曰

媽古癩。醜婦也。曰萬拏者稍。曰麻毒雞角。姑籠人衆也。老里我也。叟汝也。

捫喇打因拏成婚也。媽姥者謎蘇懷孕也。黑麻拏生子也。叱哩哩句召客

會飲也。媽薩薩祖先也。打打害稍稍神也。麻夫闌鬼也。嗎嘶病也。死曰嗎

歹曰吧吧濕死而復生曰麻蘇哈。

嫌嗎魯哈魯拜也。他都君君發跪也。密衮坐也。曰臨馬秣。曰馬打郎行也。曰

黑馬鱸。曰石跟跑也。吟吻言語也。嗎哈吧沙句訾罵也。鬪毆也。鬪毆一曰

麻吧吧台。句拏把喇句強有力也。烏弗臨句柔弱也。曰麻喇夕曰麻哩古

睡也。猫務箕勿箕醒也。路買句度曲也。番自賽戲曰事戲。

身曰麻啤。頭曰烏。顛曰蒙峩。目曰麻撒。面曰撒密。鼻曰律。曰昂峩斯。耳曰撒哩喇。口曰務哩。吻曰摹突。唇曰務分。齒曰哩本。舌曰喇哩喇。喉曰卓考。肩曰歹一八。手曰利馬。曰謎喇夕。乳曰都都。心曰阿穆。曰阿目。目依土音腹曰務譯。曰謎蘇。臍曰務夕。膝曰希魯遁。足曰阿撒。曰丁丁。髮曰物夕。眉曰甲八。鬚曰喇律。曰嚙嚙。

一曰阿打。二曰利撒。三曰直魯。四曰啣吧。五曰哩罵。六曰啣臨。七曰秘都。

八曰打盧。九曰阿捨。捨依土音十曰猫歹矢。百曰謎阿打哈蘇。千曰謎阿打沙力。

萬曰謎阿打漫。有曰啣拏。無曰猫勺。多曰漫拏。少曰吧譯。士牙。是曰阿哈。

非曰謎阿呢。

庄謂之阿喇哈。社謂之薩魯屯。屋謂之都紛。謂之打咯。門謂之麻勿。牆謂

之麻啤都粉。田謂之烏媽。橋謂之達踏。船謂之阿滿。謂之阿綱。花謂之衣龔。謂之都喇喇。草謂之哈沒噶。謂之吧夕。竹謂之烏蝦。木謂之衙截。

冊籍謂之謎路。字謂之蘇喇。紙謂之吧力吧。謂之龍阿蒙。筆謂之蘇力。墨謂之槩奴。扇謂之吧吧。譯。弓謂之務格兒。箭謂之吧哈。矢謂之茅必希。刀謂之試落。謂之烏律。車謂之箕鞦。謂之打哩吉。

銀謂之麻哩毒。錢謂之咯嗎呢。鐵謂之麻哩。銅謂之麻哩務哩。錫謂之都哀。

布謂之衣幙。綢緞謂之如噶噶。帽謂之打喇獨。謂之噶姑母。衣謂之姑喇龔。袴謂之加水。襪謂之雲雲務。鞋謂之達打畢。謂之雲屏。被謂之雲雲呼。帳謂之哈哈產。牀謂之喇丹。

穀謂之獨獨。米謂之新沙。謂之博。酒謂之醪。謂之務哈。謂之打喇酥飯。謂之羅漢。謂之開生。粥謂之務拏。蔬謂之辣辛。檳榔謂之阿迷希。薯謂之阿辣噶。烟謂之打嗎咽。食酒謂之迷底打。食飯謂之麻目吉打。鍋謂之打泥溺。

馬謂之哈阿麻。牛謂之鸞。羊謂之優。雞謂之卓。瓜謂之孤甲。狗謂之阿都。猪謂之猫霧。豹謂之闌裡闌。鹿謂之門闌。謂之沒。魚謂之試干。謂之騰。鵝謂之打姑麻一。鴨謂之哈拏哈拏。補鹿謂之麻噶阿喇哈。捕魚謂之良米落。試干。騎馬謂之沒阿吧。騎牛謂之麻吧歷。

馬貴與之紀流求。其略曰。流求國居海島。在泉州之東。有島曰澎湖。煙火相望。水行五日而至。土多山洞。男女皆紵繩纏髮。從頂後盤繞至額。

其男子用鳥羽爲冠。裝以珠貝。飾以赤毛。形製不同。婦人以羅紋白布爲帽。其形方正。織鬪縷皮并雜毛以爲衣。制裁不一。綴毛垂螺爲飾。雜色相間。下垂小貝。其聲如珮。綴璫施釧。懸珠於頸。織籐爲笠。飾以毛羽。有刀稍弓箭劍鉞之屬。其處少鐵。刀皆薄小。多以骨角輔助之。編紵爲甲。或用熊豹皮。好相攻擊。人皆驍健善走。難死耐創。諸洞各爲部隊。不相救助。兩軍相當。勇者三五人出前。跳噪交言相罵。因相擊射。如其不勝。一軍皆走。遣人致謝。卽共和解。收取鬪死者。聚食之。俗無文字。望月虧盈以紀時節。草木榮枯以爲年歲。無君臣上下之節。拜伏之禮。父子同床而寢。男子拔去髭鬚。身上有毛處皆除去。婦人以墨黥手。爲蟲蛇之文。嫁以酒肴珠貝爲聘。或男女相悅。便相匹偶。以木槽中曝海水爲

鹽。木汁爲酢。米麵爲酒。其味甚薄。食皆用手。遇得異味。先進尊者。歌呼
蹋蹄。一人唱。衆皆和。音頗哀怨。扶女子。上膊。搖手而舞。其死者氣將絕。
舉至庭前。親朋哭泣相弔。浴其尸。以布帛纏縛之。裹以葦席。襯土而殯。
上不起墳。宜稻梁黍麻豆赤豆黑豆等。木有楓栝松楸楠梓竹
籐。果藥同於江表。風土氣候與嶺南相類。俗事山海之神。祭以穀酒。戰
鬪殺人。便將所殺人祭其神。或依茂樹起小屋。或懸髑髏於樹上。以箭
射之。或累石繫幡。以爲神主。王之所居。壁下多聚髑髏。以爲佳人間。門
戶上必安獸頭骨角。隋大業元年。海師河蠻等云。每春秋二時。天清風
靜。東望依稀似有煙霧之氣。亦不知幾千里。煬帝令羽騎尉朱寬入海
求訪異俗。得河蠻言。遂與蠻俱往。同到流求國。言語不通。掠一人而反。

明年令寬慰撫之。不從。寬取其布甲而歸。時倭國使來朝。見之曰。此彝邪久國人所用。帝遣武賁郎將陳稜等。率兵自義安浮至高華嶼。又東行二日至龜鼈嶼。又一日便至流求。不從。稜擊走之。進至其都。焚其宮室。掠其男女數千人。載軍實而還。自爾遂絕。義安潮陽部也旁有毗舍耶國。語言不同。袒裸盱睢。殆非人類。宋淳熙間。其國之酋豪。嘗率數百輩。猝至泉之水澳圍頭等村。多所殺掠。喜鐵器及匙筭。人閉戶則免。但取其門環而去。擲以匙筭。則俯拾之。可緩數步。官軍擒捕。見鐵騎則競剗其甲。遂駢首就僇。臨敵用鏢。鏢以繩十餘丈爲操縱。蓋愛其鐵不忍棄。不駕舟楫。惟以竹筏從事。可摺疊如屏風。急則羣舁之浮水而逃。今按諸番俗。多與此相類。又郡之南路。有小琉球山。今之琉球。距此地甚遠。或元以

前。此地與澎湖。共爲一國。而與琉球同名。未可知也。附錄以備考。

氣候附

氣候古分南北。而南中之不同者。弗可枚舉也。卽就閩言之。福興以南四郡。與延建汀邵異。而漳泉與福興又差異。諸羅在臺北。自廈門至臺。隔以重洋。水程十一更。約六百餘里。自福州至邑治之雞籠。水程七更。約四百餘里。自郡治至邑之雞籠。山後蛤仔難。水陸千有餘里。氣候之不同。曷足怪焉。顧開闢之初。有與鄭氏竊踞時異者。如康熙二十二年。我師入臺。冬十一月。雨雪冰堅。厚寸餘是也。至今日。又有與開闢時異者。如雨不必盡。夏秋。暘不必盡。冬春。昔年冬不着絮。而今春日衣裘是也。天地之氣化。隨聖人爲轉移。黔屬水西。原爲化外。舊稱夏日裝綿。今上龍飛之三年。平爲

一府三州二縣。近則南風初薰。紗葛並御矣。臺灣自二十二年蕩平之後。聖化日新。氣化日變。禮樂政刑所及。有旋轉陰陽之功。是所謂參天地而贊化育者矣。邑有與臺鳳異者。邑之中又有南與北各異者。地之高下。山海之近遠。人民邨落之多寡。使然。在乎官斯土者之節宣謹身。立命之君子。知所處焉。條其事爲十於左。

舊稱臺地立春後。卽御紗葛單袷之衣。可以卒歲。夏秋酷暑。燦石流金。今不盡然。清明陰雨。尙可披裘。盛夏早晚涼生几席。惟烈日無風。熱不可耐耳。

舊稱三四月以後。雨連綿不絕。謂之秋霖。八九月乃不復有雨。今亦不然。夏秋竟多晴日。立春間有滂沱。蓋入版圖旣久。陰陽之氣與中土漸近也。

縣治距郡百里餘。寒煥頗殊。冬末春初。時見薄霜。唯無雪耳。自縣治至雞籠。地愈高而愈寒。雞籠雖嚴寒。亦稀見雪。稱雞籠積雪者。偶也。乃有妄指玉山爲積雪者。

茅港尾以上。地愈高愈溼。夏秋之間。室中沒履齒。物易黴蛀。半線以上。四時無乾土。竹塹南嵌道中。曉風微寒。至午則風變而熱。反幸其無風。故客觸之而患病者多。臺人苦夏秋之雨。竹塹以北。雨暘亦異。夏秋常旱。冬春多陰風細雨。或驟雨如注。人日在煙霧中。瘴毒尤甚。故鄭氏以投畀有罪者。

天色晴爽。午後西風大作。謂之發海。西與內地早。西晚東迥異。蓋臺屬大海在西南。山障於東。故風勢逆擊而西也。諸羅內山之背爲東洋。縣治上

下隔海各數十里。夏秋傍午及晡時。西風微拂。冬春西雜以北。則加烈矣。半線以上西逼海。四時俱烈於臺灣。

海氣山嵐交釀爲露。值夜霏霏如霰。邨舍山林咫尺莫辨。茅簷日高尙溜餘滴。故冬春無雨。二麥瓜菜不以爲病。又有紅日三竿。天氣清朗。忽陰翳溟濛。更爲濃露。變幻俄頃。殊不可測。

內山終歲不離雲。或羃于頂。或橫于腰。惝恍飄渺。莫窮其際。偶于侵晨片晌。翠黛筍簇。望之如洗。須臾卽雲合矣。若日中雲收。峰巒可數。必不日而雨。海內之山。未有以清朗爲雨候者。

夏秋紅日當空。片雲乍起。傾盆立至。一日之內。陰晴屢變。或連月不開。冬春二時。或昧且霜飛。日中雨注。方在搖扇。施苦寒風。客斯土者。寧過暖而

無受寒。則邪氣不得而中之矣。

地常動。或連日動。或日數動。或久晴將雨。或久雨將晴。則動。然鮮傾坼之患。

四周皆海。地若浮毯。天似較低于內地。雖月朗風清。星辰可摘。一逢陰雨。如翅四垂矣。古人言。天傾西北。地陷東南。自此地觀之。一若傾於東南。或者謂海氣雲蒸使然。造化之理。難爲究極。存而不論可也。

諸羅縣志卷之八終

諸羅縣志卷之九

人物志

選舉 烈婦 寓賢附

邑之有人。猶景星卿雲之麗天。玉之映於山。而珠之媚於淵也。三代以後。唯漢得人爲盛。蓋猶古者鄉舉里選之法云爾。自文武兩科之制興。萃天下之賢且能者。一歸於制科。而或講藝不精。實行不篤。使匹夫匹婦。反得挾其孤行一意之概。傲儒者以未能。士之恥也。諸邑新闢。士罕以他途進。貢舉亦寥寥焉。山川之氣鬱。而有待德業文章。吾知其並時而起也。錄選舉。志其姓名及坊里節烈有行義者。

選舉

選舉之法。昉自成周。歷漢以至於明。或以薦辟。或以制科。制科之中。又有

歷代色目之不同。而所重者惟明經進士而已。自宋神宗以王安石之議。頒經義式以取士。八比之始而諸科皆罷。併於進士一科。至明洪武。而崑以經義取士。定鄉會兩試于三年。鄉以秋八月。會以明年春二月。十七年頒科舉式。鄉以子午卯酉。會以辰戌丑未。著爲令。本朝鄉會兩試。悉倣明制。順治末年。定福建解額爲五十三人。康熙二年丙午。罷制義用策論。六年己酉。復制義。額數增減不一。諸羅置縣。自康熙二十五年臺廈道周昌詳請具題設學。詳見學校于是二十六年。科歲兩考一時並舉。是年春。陸路提督張雲翼疏稱。二十六年丁卯大比之年。在臺灣爲鼎新開科之日。請照甘肅寧夏生員事例。於闔場另編字號。額中一二名行之。數科俟肄業者衆。造詣者精。仍撤去另號。勿復限以額數。奉旨臺灣二府三縣生員。另編字號。額外

取中文舉人一名。此臺灣一府有科目之始也。三十五年丙子詔天下分上中下省。各增解額。定福建爲中省。增解額一十七名爲七十一人。三十六年。閩浙總督郭世隆疏稱。據四學士子僉呈臺灣新闢之時。另編字號額外取中舉人一名。至今已歷四科。人文日盛。請今後鄉試撤去另號。通省一體。勻中以示鼓勵。詔可。四十一年壬午分官卷七人。四十四年乙酉增額外五經卷三人。五十年辛卯諸羅學中鄉試二人。則諸羅有文科目之始也。五十二年癸巳恭逢皇上六旬萬壽。特開萬壽恩科。福建文解額定爲人十五人。武科之設始自唐武后。宋開寶元年罷之。仁宗初富弼蘇洵言。武舉宜如舊。慶曆二年復罷。旋以蘇軾司馬光之言而復。乾道後。及第補授。皆做進士甲科恩例。理宗淳祐四年親閱武舉進士騎射。明初有

武舉科。成化十四年。太監汪直請。武科悉如進士恩例。劉大夏言。宜倣唐宋故事。損益會試殿試事例。乃詔。次年開科。較騎射策論優者。列職論官。本朝福建以五十三人爲定額。諸羅中武鄉試。自康熙四十四年乙酉始。中武會試。自五十二年癸巳萬壽恩科始。歲貢唐宋元無正科。明洪武十六年。令天下府州縣學。歲貢生員各一人。至京試經書義判語。中式者入國子監肄業。其後年分不一。正統二年定例。府學年貢一人。州學三年二人。縣學二年一人。本朝順治四年定。每歲將次年應貢生員。屢經科舉者三人。一正二陪。嚴加考選。如年衰文謬。許告衣頂。以陪者充選。康熙元年罷歲貢。八年復之。又有考選貢入國子監者。曰拔貢。國家覃恩。就挨次首貢取充者。曰恩貢。皆以特典行之。又有副榜充貢者。曰副榜貢。又或以輸

財爲例貢。諸羅各貢。自康熙二十八年始。並以次附於科目。

舉人

康熙五十年辛卯 許斗榜 二人

楊阿捷 府學

王錫祺

貢生

康熙二十八年己巳

蒲世趾 歲古田 教諭

周盛 三十一年

馬廷對 三十二年

許汝舟 三十四年

王日登 三十一年 府學 六年

盧賢 恩

楊以仁 拔

薛維瑛 三十八年

林中駮 四十年

萬宗偉 四十一年

江琳 四十三年 府學

陳誌 四十四年

林彥瑛 四十五年 府學

四十 吳一鳴 歲
六年 王純 例上杭 四十 陳聖彪 府學戊子副 四十 林濬 歲
榜第一名 八年

四十 胡琛 府學 五十 蘇克讚 歲 五十 許崗 府學 五十 洪成度 歲
九年 恩 年 榜第一 年 歲 二年

五十 洪登瀛 府學 林中海 恩 五十 鄭隆彤 歲
三年 恩 年

武科進士

康熙五十二年癸巳

萬壽恩科

許猷 乙未殿 試侍衛

舉人

康熙四十四年乙酉

許猷 見進士

大... 查册費... 日... 不...

四十七年戊子

許興

吳朝

佐庶學

五十年辛卯

余立贊

五十三年甲午

林中穎

烈婦

王氏名柔娘。善化里歐預之妻。年二十適預。踰年而預卒。王哀毀悲號。治喪盡禮。既卒。哭。白。內外諸親。沐浴更衣。自縊而死。葬本里北仔店牛庄前。事在康熙五十三年。知縣周鍾瑄致祭。旌其門曰。節義凌霜。五十五年通。

詳各憲。

論曰。義烈之難也。不可望之鬚眉男子。况婦人乎。王氏從容就死於喪。禮既成之後。一載同衾。百年同穴。孰謂草萊新闢。閨閣遂無人哉。先是同里有陳仗卿者。妾亦王姓。仗卿卒。王年十九。嫡早喪。有遺孤子應選。甫八歲。王以死自矢。撫嫡子如所生。延師教之。應選既入泮。里人具其事於郡邑。康熙四十五年。郡守衛公台揆。書節義可風以旌之。噫。何王氏女之多奇杰也。昔章綸之母。夫死無出。撫妾之子。故其晚年詩曰。兒能成名妾不嫁。良人瞑目黃泉下。彼固讀書明理。乃能共撫孤以完其貞。若王氏。特邨落田家妾耳。寧有教之守義執節者。試與前賢相較。果孰難而孰易焉。又有安定里西保黃孟深者。祖籍漳之龍溪。幼隨父瑞

章至臺。瑞章三子。伯與季皆早卒。孟深撫遺孤。爲之完娶教育。晚年男子至四十八口。與孟深而五世矣。同居合爨。各以耕讀爲業。內外無間言。五十五年。觀察梁公文科旌其門。曰德門。知縣周鍾瑄。顏其堂曰匹休公藝。旣又上其事於各憲。又有王求李次者。亦安定里人。四世同居。梁公皆旌其門。此蓋由聖朝德化之敷。各憲政教所漸。故海外醇風。均足殺青編簡。并類記之。以俟蓋棺論定云。

寓賢附

沈光文號斯庵。浙之鄞縣人。明副榜。歷仕紹興福州肇慶間。由工部郎中。加大僕少卿。順治辛卯。自潮州航海至金門。灣督李率泰聞其名。陰使以書幣招之。辭不赴。後移家泉州。過圍頭洋。遇颶風。漂入臺。鄭成功以客禮

見。不署其官。及經嗣。光文以賦寓諷。幾罹不測。乃變服爲僧。入山。旋傍邑之目如溜灣番社。教授生徒。濟以醫藥。因家焉。所著有臺灣賦。東海賦。檇賦。桐花芳草賦。及花草果木雜記。卒葬於善化里東保。

盧若騰字閑之。同安浯州人。明進士。懷宗召對稱旨。授兵部主事。疏劾督捕楊士昌。陞本部郎中。兼總京衛武學。三上疏。劾定西侯蔣惟祿。有惡其太直者。外除寧紹兵備道。瀕行。劾中使田國興。既至浙。興利革弊。二府士民有盧菩薩之謠。鼎革後。遯跡干臺。杜門謝客。傳其所著詩文甚富。附

論曰。二公可謂各行其志者矣。明社旣屋。聖主龍興。唐魯諸藩。竊據一隅。不待智者而知其無能爲也。沈間關崎嶇。卒遯荒島。抑足悲矣。盧始以直諫顯。河山改色。借海外一曲爲首陽。不降不辱。或庶幾焉。二公郡

志皆失傳。余恐盧之久而泯滅也。故附之。沈所著得花草果木雜記於其家。載其詩之尤雅者。

諸羅縣志卷之九終

諸羅縣志卷之十

物產志

周官職方掌天下之地。人民材畜有辨。九穀六畜有別。以盡地利。窮物宜。民職此勤。貢賦此供。人民此阜。上下草木鳥獸此若也。諸羅內山崇深。外海浩渺。莫窮其底裏。其人力所通者。千萬年之幽昧。乃今獲耀乎光明。天不愛道。地不愛寶。蕃殖無窮焉。取之有時。用之有節。司牧者。以人事補天地之所不逮。俾斯民樹畜而安居。興利而祛害。其庶乎物用之不匱哉。

物產

穀之屬

秔稻

秔與粳同種類頗多。有占稻。俗名占仔。湘山野錄。宋真宗以福建地多高仰。聞占城稻耐旱。遣使求其種。使蒔之。按宋會要。大中祥符五年。遣使福建。取占城穀。分給江淮兩浙。則

種入中國似更前。有赤白二色。白者皮薄易舂。六七月始種。十月收稻之極美者。又○過山香粒大倍於諸米。極白。置一孟雜他米于釜。飯盡香收。穫最遲。出土番各社。漢人購之。必加數倍以易。○大伯姆米。白。性喜涼。宜於低田。苗隨水長。種。穫同占仔。○早占。有赤白二色。粒差小。種於園。二三月種。七八月收。○圓粒米。白而軟。粒短而肥。種於園。三四月種。八九月收。但米多。而為飯則少。○埔占。殼白米。赤皮厚。種。穫同圓粒。臺人初賤之。但用以釀酒。年來穀貴。價漸與他種等。皆為常餐矣。○呂宋占。種自呂宋。有赤白二色。粒小而尖。種。穫同埔占。但藏久則腐。種之下者。

糯稻

古今註。稻之黏者為秠。即糯也。閩中記。閩人供釀之餘。歲時稌粉為糰。粽糍粿之屬。有○鵝卵秠。粒大白而軟。種。穫與占仔同時。糯之最佳者。又○禾秠。殼白米極軟。土番種園中。

四五月種。八九月收。既畢。乃會社飲酒。以作番戲。○占仔秠。一名赤殼秠。米白粒差小。內地赤殼。極香軟。貴重。此則不及。○虎皮秠。殼赤有文。粒大米白。○竹絲秠。米青白色。○生毛秠。殼有毛。俗呼大武壠秠。以其種出自大武壠也。種。穫俱與占仔同時。

黍

禮記仲夏之月。農乃登黍。高六七尺。粒圓色黃。俗呼為番黍。一名狗尾黍。又○蘆黍。俗名薯黍。寧化志。名蘆粟。高與黍等。葉如蘆。粒差大於黍。色赤。有二種。黏者可和秠作酒。不黏者可

作糍。煮粥。黔蜀間名高粱。○鴨蹄黍。以其穗似鴨蹄。故名。

麥

說文。麥。金也。金至而生。火至而死。有大小二種。廣雅。大麥也。小麥也。十月種。四月熟。臺俱種子。園當舊穀。既沒新穀。未升。二麥先熟。接絕續乏。故春秋他穀不書。無麥。禾則書。蓋重之也。

又蕎麥。一作取麥。實三稜。而色微黑。秋花冬實。粉亞於麥麵。俗謂能去冷汗。○番麥。似黍而低心。吐花如稻。結實葉內。熟則色黃。一莖百餘粒。如石榴子大。環繞莖外。纒食頗香美。此非麥屬之耳。

姑名

菽 物理論菽豆之總名也。角曰莢。葉曰藿。莖曰莢。有黃白黑綠諸色。○黃豆。粒大倍於內地。人甚珍之。○白豆。種自港岡山者最佳。下淡水者次之。○黑豆。土產者粒不甚大。俱四五月種。

八九月收。○綠豆。以色名也。性涼能解毒。三四月種。七月收。又○落花生。俗名土豆。出西國。蔓生。花微黃。花心有絲。謝入地結實。一房可二三粒。用充果品。或以醇油。此外有充蔬菜者。入蔬部。

麻 周禮。三農生九穀有麻。詩禾麻菽麥。今南中止有胡麻。種出大宛。漢張騫携來者。一名脂麻。相傳必夫婦同種。乃茂。有黑白二種。可醇油。又名巨勝。俗作芝麻。

布帛之屬

凡綾羅。綢緞。紗絹。棉布。葛布。苧布。蕉布。麻布。假羅布。皆至自內地。有出于土番者。寥寥。且不堪用。別載番俗衣飾。

貨之屬

糖 煮蔗而成。有黃白二種。又冰糖。用白糖再煮如堅冰。比內地較白而甜遜之。

菁澱

樹高可四五尺。種園中。一名藍澱。爾雅藏馬藍。郭註大葉冬藍。邢昺疏。今為澱者是也。臺人謂之大青。又槐藍。葉細名小青。又蓼藍。可染綠。

油

香油。脂麻油也。有黑白二色。菜子油。落花生油。麻貴時以和香油。亦可食。蓖麻油。煮糖用之。

酒

用草為麴製之。有老酒。燒酒。諸色。然不佳。雜以糖水。今多用。惠泉包酒。紹興。鎮江之屬。俱至自吳越。而包酒亦漸多。賈者。

茶

茶經。茶者南方嘉木。北路無種者。水沙連山中有。一種味別。能消暑瘴。武彝。松蘿。諸品。皆至自內地。

炭

以九荆木者為佳。質堅難燼。雜木次之。色白如雪。內地寶此。以熱博山之爐。

煤炭

灰黑氣味如硝磺。可以代薪。焰甚烈。北方多用之。出。鷄籠八尺門諸山。傳荷蘭駐鷄籠時。煉鐵器皆用此。

薯榔

泉郡志。莖蔓似薯。根似何首烏。皮黑肉紅。染皂用之。

鹽

周禮。鹽人掌鹽之政。令以供百事之鹽。有煮有晒。臺止用。晒法。諸羅無鹽。埋資於臺鳳南社。崇交所產無多。見外紀。

麴

有紅白二種。南方草木狀。草麴不用麴。糞。但杵米粉。雜以衆草。置蓬蒿中。蔭蔽之。經月而成。可以釀酒。即今白麴也。紅者來自內地。

灰

異物志。占賁灰。牡蠣也。不如內地之黏塗壁。久則灰落。亦用以煮糖。又與浮留檳榔同食。

麻 與穀之屬異。解其片淨刮之。績爲布。有青黃二種。詩言漚其麻是也。草地間有種者。

紵 詩言漚其紵。俗作苧。誤。說文紵草也。可以爲繩。宿根在地。入春自生。一歲三收。剝去其皮之表。取其裏以織布。謂之紵。土番間種之甚。短婦女績線。俱用內地產者。

籐 產深山中。枝葉多刺。長數十丈。白不及海南。或絲而爲器。凡細貨。礙繩束。茅索。綱之用。悉取諸此。

茄籐皮 漳郡名咬丁。又名海藟。生海岸。邊紅者。取其皮以染。功同薯榔。亦有白者。並可以燎。凶歲。取其子以食。詳見外紀。

豹皮 見獸部。爲裘爲褥。皆可用。價數十倍於鹿皮。

鹿皮 見獸部。春皮毛淺而薄。香以爲席。冬皮毛深而厚。漢人購爲褥。溫而去濕。小者白點斑斑。色殊雅。然不如大者之溫。亦有用以製烟荷包。烟筒袋者。北人多喜之。

麋皮 見獸部。俗呼爲蔣皮。青黑色。甚粗小。於水牛皮。呂宋用之。商人載以貿易。

麋皮 見獸部。毛黃黑色。去毛存鞣。靴襪烏鞣。皆用之。按諸志云。麋皮細膩。宜於韃褸。諸物。臺所用者。皆麋皮也。

器之屬

甲萬 或稱夾板。以楠木爲之。長三尺許。濶尺五六寸。高二尺。上有蓋。啓閉之法。以鐵爲機。其制不一。曰番鎖。堅牢殊甚。用以貯衣服器皿。

大櫃

亦以楠為之長七尺濶三尺許高三尺內作兩隔鎖之制如甲萬諸為商賈者用貯銀錢數目夜以為床寢其上防竊盜也。

轎

製自郡治朱漆或繪以文采內地以斑竹為之較輕便至諸羅者鮮。

棹

以楠為之理細而文竹者為多以價廉而工省也。

凳

木凳以楠為之竹凳以蠶腳綠竹為之椅之雅者皆至自內地。

床

截竹或木為之粗而不耐久至自內地者殊精巧。

衣架

木者少以蠶腳綠竹為之祇供一年之用。

蔬之屬

芥

本草芥似菘而有毛農書云氣味辛烈菜中之介者也葉多缺者性更辣取其子研末以和食品為芥辣埠雅望梅生津食芥垂淚是也。

白菜

一名菘通志本出北地陸佃曰菘凌霜晚凋有松之操故曰菘周頤所謂秋末晚菘也其佳者莖扁薄而白葉青白色一種莖員厚微青又一種差小名六月白端節間即有之。

薑

說文薑作疆禦濕之菜也字說薑能疆禦百邪故謂之薑初出嫩者其芽微紫南都賦蘇殺紫薑梁裴子野不食薑或嘲之曰孔稱不撤裴乃不嘗。

番薯

一名甘藷皮有白紫二色。肉白而實。種自南粵。生熟皆可食。亦可釀酒。切片晒乾以代飯。充糗。荒年人賴此救饑。或去皮磨之。曝為粉。又有文來薯皮。白肉黃而鬆。云種自文來國。

山藥

苗生蔓延。紫莖綠葉。花穗淡紅。香氣遠聞。逼似蘭花。冬食其根皮。黃肉白。一名玉延。廣雅玉延諸預也。唐避代宗諱。豫改為諸藥。宋避真宗諱。曜改為山藥。

薯

俗呼為田薯。葉長而尖。蔓生。有紫白二種。紫者皮赤黑。白者皮白黑。根伏土中。一藤可七八魁。間有一藤一魁者。長四五尺。如短柱。重十餘觔。寧化志。他物下種。必用子用仁。或原物根芽。獨薯不然。取一條。片片切之。只留皮一面種之。發根生苗。誠一奇也。

芋

葉似荷而不圓。莖亦可作臛類。一名土芝。一名蹲鴟。大曰魁。小曰子。楊雄賦。蹲鴟沃野。世濟陽九。言能濟人也。廣志云。芋有水旱二種。旱芋山地可種。水芋水田蒔之。根葉皆相似。而水芋軟而黏。色白。又鳳山淡水芋極大。魁重至七八觔。北路內山番亦有之。

韭

一名草鍾乳。周頤曰。春初早韭。以其溫補。故名鍾乳也。說文。一種而久生。故謂之韭。一歲數割。其根不傷。割而復生。不用再種。莖名韭白。根名韭黃。花名韭菁。禮記謂韭為豐本。言美在也。根。

薤

似韭而葉差潤。爾雅謂薤為鴻薤。本草謂之菜芝。古禮膏用薤。本草以薤子為薤之別名。菑音匹。俗謂之薤薤。

蔥

爾雅青謂之蔥。一名孔。以草中有孔也。崔寔曰。二月別小蔥。六月別大蔥。禮內則膾春用蔥。又脂用蔥。有香蔥。麥蔥。風蔥。風蔥可療小兒中風之症。

蒜 爾雅以小蒜為蒜。大蒜為葫小蒜一名蒔齊民要術蒜宜良輒地。食之能殺腥膻虫魚之毒。佛家以蒜為五葷之一。生食增熱熟食發嬌。有損性靈。俱不食。

蘆葦 莖葉柔細而根多鬚絃殺然也。時珍云。味辛香通心脾達四肢。張騫使西域得大蒜胡荽即此。西方書名與渠為五葷之一。

芹 爾雅謂之楚葵。一名水采菜。荻芹莖白赤芹莖赤。並可燻食。亦堪作菹。詩思樂泮水。薄采其芹。北路產於冬春之交。嫩而肥美。

枸杞 爾雅枸杞檮。郭註今枸杞也。詩集于苞杞。陸璣曰。一名苦杞。春生味微苦。

紫菜 一名索菜。吳都賦綸組紫菜。生海中石上。以子月生。亦名子菜。出淡水。

白花菜 莖微紅。枝葉帶毛。似芹而小花白如雪。又名雪花。鮮不可食。醃為菹。味香美。

蘘菜 遜齋開覽本生東鄆。古倫國番舶以蘘盛來。故名。稽含草木狀。葉似落葵而小。幹柔如蔓而中空。南人編葦為筏。作小孔浮水上。種水中如萍。根浮水面。葉莖皆出於葦筏。蓋水陸

皆可生之菜。

菠薐 劉禹錫曰。菠薐本頤陵國之種。西僧將子來者。語訛為菠薐耳。方士隱名為波斯草。俗呼紅根菜。

油菜 通志。葉似白菜。青色根微紫。一名雲蕩。時珍云。此菜易起臺。採其臺食。則分枝必多。子可釀油。俗呼油芥。

芥藍 通志葉如藍而厚。青碧色。菜之美者。興化志。謂蜀中萬年青極相類。但此一年一種。萬年青。緊歲不易味。稍苦耳。

莧 爾雅。蒼赤莧。卽今紅莧是也。埤雅。有紅白二色。易曰。莧陸。乃馬齒莧。俗傳莧不宜與鰾同食。謂鰾見莧而生也。

同蒿 時珍云。形氣同于蓬蒿。故名。一名董蒿。葉似艾花。如小菊。性冷微香。多食令人氣滿。

倭菜 一名生菜。可生食。有香。倭苦倭二種。

浮藤菜 興化志。葉略圓而厚。藤相糾纏。子紫黑色。和鱒煮。味甚甘滑。俗名鱒菜。

薯蕷 泉郡志。葉厚而柔。晒之難乾。蓋載陰氣之多者。本草謂其補中下氣。汁洗衣。白如玉。或謂以莖燒灰。淋汁。俗呼爲厚蓬菜。

冬瓜 形似枕。廣雅。一名地芝。本草註。經霜上白衣。如粉。陶隱居曰。利解毒消渴。俗切片和糖煮之。作茶品。

菜瓜 有青白二色。醬或糖醋皆宜。俗名蒼瓜。

絲瓜 一名天羅。一名布瓜。一名蠻瓜。性寒。泉郡志。老則其中有絲。去皮取絲。可擦鍋。俗亦名菜瓜。

王瓜 亦名胡瓜。張騫西域得種。故名。本草。一名土瓜。皮有微刺。亦名刺瓜。月令。四月王瓜生。此地十二月亦有之。

苦瓜

一名癩葡萄。皮上癩癩如癩。味苦。一名錦荔枝。則因其既紅而裂。子有紅瓢。甘美可食。故名之也。吳越人食其子。閩廣人食其皮。

金瓜

一名南瓜。種出南番。有圓者。有長者。身有稜。老則色黃。圓者或至六七觔。又最小者。色鮮紅。曰紅瓜。形如之。但不堪食。充玩而已。

匏

蔓生。埤雅長而瘦。上曰瓠。俗名芋瓠。匏之甘者。短頸大腹曰匏。又曰瓠。詩匏有苦葉。國語叔向曰。苦匏不材于人。共濟而已。言佩匏可渡水也。瓜屬。故曰匏瓜。又曰壺盧。

茄

有紫白二種。南方草木狀謂。種茄宿根三五年漸成大樹。熟時梯樹取之。此地高三四尺。可置隔歲。一名落蘇。杜寶拾遺錄。隋煬帝改茄為崑崙紫瓜。

筍

俗作笋。爾雅筍竹萌。說文謂之竹胎。詩其藪維何。維筍及蒲。種類甚多。諸羅笋無佳者。必煮去苦汁。浸以清水。差可食。惟竹塹岸裡產筍竹。笋極美。或晒為乾。不可多得。

扁豆

一名娥眉豆。俗名肉豆。形似皂莢。色青。花有紅白二種。白者入藥。能補脾。

菜豆

莢長。亦名長豆。蔓生。下垂。有青紫二種。

刀豆

形似刀。故名。皮厚而中。有子。皆可食。醬極佳。

蘿藦

俗名菜頭。爾雅疏紫花菘也。一名溫菘。一名莢。一名蘿藦。昔婆羅門僧東來。見食麵者曰。太熱奈何。及見食中有蘿藦。曰。賴此解之耳。

果之屬

樣 種自荷蘭樹高大可陰實似豬腰子而具。有香樣木樣肉樣。香最上。木次之。盛夏大熟色黃。肉與核相黏。切片以啖。甘如蔗漿。而清芬遠過。沈文開雜記。食畢棄核于地。當月即生。核中

有子。或一粒二粒。如豆之在莢。葉新抽抄。紅若丹楓。老則變綠。迥嚴霜則嫩枝盡槁。○按樣正韻無此字。俗音羨。或以香美可羨。從而附會之耳。

檳榔 樹似椰子。皮似青桐。節似竹。大者五六圍。高五六丈。末大如本。葉聚樹端。如櫻房。居葉下。花秀房中。四月開。細白而香。子結房外。擢穗如黍。一穗子數百粒。秋末冬初采食。至二三月

乃盡。狀類雲南草。果夾以浮留藤。灰能祛瘴氣。初熟時。肉未堅尤美。老則中有實。如雞心。紫紋斑駁。與海南子無異。鮮有食之者。為種而已。

浮留藤 卽蒟說文蒟蔓生子如桑椹。苗為浮留藤。左思蜀都賦。所謂蒟醬。取其子為之。陳小匡外紀。粵人夾檳榔用葉。臺人憎其辣。獨用藤。俗名老藤。產內山。近出蕭壠社者最佳。削

皮脆如蔗。又如菊。根脆於藤子。如松裂。初吐。俗號老花。橫切小片。文白點點如梅花。更香烈。類雲南蘆子。漢人納幣。取其葉滿百束。以紅絲為禮。○按老正韻無此字。或作夔亦非。

蓮子 味甘氣溫。而性齋稟清芳之氣。得稼穡之味。能補脾。其苗至秋黑而沉水。為石蓮子。以建寧產者為佳。臺之勝獨以花晚開而寒香耳。別見花部。

椰子 樹類。併欄子一穗十數。葉葉下垂。重疊無間。外裹粗皮。如櫻片。內結堅殼。白肉附之。味如牛乳。中含漿如酒。曰椰酒。又有椰油。沈光文詩。殼內凝肪徑寸浮。番人有法製為油。窮民

買向燈檠用。却為芝麻歲不收。殼薄劣不及海南。止堪供把水之用。

波羅蜜 種自荷蘭。實生甚異。或根或幹。或枝。極或稍。皆結焉。熟大如斗。色綠。磊砢似釋迦頭。氣香如蕉。液黏如漆。房如石榴。味甘酸。子如皂。中核微赤。煮熟味類芋。

佛手柑 色同香櫞長者近尺狀如佛手指有伸者屈者長短錯落亦有如拳者香特異常雖乾而經年不歇奇產也。

黃梨 以色名或訛為王梨實生叢心味甘而微酸盛以瓷罍清香繞室與佛手香櫞等臺人名鳳梨以未有葉一簇如鳳尾也取尾種之着地即生。

龍眼 南方草木狀樹如荔枝果如黃彈殼黃肉白而甘一穗數十顆隨荔枝而後熟故謂之荔枝諸羅產甚多味比內地。

西瓜 五代邵陽令胡轡記云轡於回紇得瓜種之結實大如斗味甘曰西瓜內地六七月熟諸羅之種莫知所自也八九月下種十一月即熟。

葡萄 史記大宛以葡萄作酒富人藏酒萬餘石久者積年不敗張騫移種於中國一名馬乳一名黑水晶段成式云有黃白黑三色又有綠葡萄蜜葉繁陰星編珠聚臺止有黑者亦甚

稱。

甘蔗 廣志竿蔗又名都蔗皮帶紅而節短亦有青黃皮者北路初植不佳近則甘脆不亞內地其煮糖者韌而小謂之竹蔗。

甘蔗 三輔黃圖漢武建扶荔宮有甘蔗二本俗名牙蕉亦名荊蕉南方草木狀實隨花每花一圍有十餘子先後相次子不俱生花不俱落。

荔枝 殼紅膜紫肉白以核之細者為珍謂之蕉核蔡君謨曰荔枝惟閩越巴蜀有之漢初尉佗以備方物始通中國為南方第一佳果有自內地携一二株來者多華少實味亦酸。

香櫞 俗名香圓本草枸櫞南方草木狀皮似橙而色金氣極芬香肉厚白如蘆朮一名密羅柑置盤中可以供玩切片可為糖品。

石櫛 見花部。段成式曰。石櫛甜者謂之天漿。有三種。皮黃核小。子瑩如水晶者曰蜜櫛。皮斑赤肉薄核大者曰柴櫛。皮白子白味酸澁者曰白櫛。潘尼賦。千房同膜。十子如一。纒紛磊落。

垂光
濯質。

菩提果 俗名香果。海物異名記。花如冠蕤。葉似冬青。實似枇杷。出自西域。故名。香瑀干棧。而甘美不及。

釋迦果 似波羅蜜而小。種自荷蘭。味甘而膩。微酸。夏盡秋初熟。一名番梨。沈光文詩。稱名頗似足誇人。不是中原大谷珍。端為上林栽未得。只應野鳥作安身。

菱 產水中。周禮。籛人加籛之實。菱莢。莢註菱莢也。疏云。卽菱角。楚屈到所嗜者。唐東嶼詩。交遊萍荇類。菰蒲懷玉藏。珍似隱儒。葉底止因頭角見。此生不得老江湖。

橘 禹貢厥包橘柚。漢時有橘官。民有橘籍。臺人誤以橘為柑。柑皮厚而蹙皺。橘皮薄而光潤。辨隨手卽開。臺產柑橘味俱酸。又有四時橘。前生者紅。後結者青。花果一年相續。亦名公孫橘。

沈文開雜記。有番橘出半線諸山。樹與中原橘異。大如金橘。肉酸皮苦。色黃可愛。其詩云。枝頭儼若掛疎星。此地何堪比洞庭。除是土番尋得到。滿筐携出小金鈴。

柑 南方草木狀。橘之屬。甜美特異者。閩中以漳產為上。北路紅柑。雪柑。供玩而已。沈文開雜記。有番柑種自荷蘭。大於番橘。肉酸皮苦。荷蘭人夏月飲水。必取此和鹽。搗作酸漿入之。多樹

園中。樹與橘無異。其詩云。種出蠻方味作酸。熟來包燦小金丸。假如移向中原去。壓雪庭前亦可看。

梧桐子 見木部。子如胡椒。兩兩相並。綴千葉端。味清芳。堪瑀松子。

柚 有紅白二種。列子所謂樹碧而冬青。實丹而味酸。臺產皆然。漳州文旦柚入貢。此外佳種亦多。有泛海而至者。

木瓜 爾雅檮木瓜也。詩投我以木瓜。理脚氣。切細片。漬以糖或鹽。味殊佳。

柑子蜜 臺產。形如公孫橘。初生色綠。熟則紅。俱可蜜為茶品。

桃椰子 見木部。花淡紅而帶白。結子如山棗。莢而甘。五月熟時當種。埔占以統椰子之多。卜有年。

桃 見花部。爾雅翼桃早盛。蓋三歲而有子。江文通頌。惟園有實。惟山有叢。丹籀擎露。紫榮繞風。此地絕無佳者。

李 見花部。素問李味酸屬肝。東方之果。一名嘉慶子。閩中有數種。惟虛仁李最佳。北路實小而味酸。

梅 見花部。書說命篇。若作和羹。汝惟鹽梅。內地有作烏梅。青梅梅醬諸法。皆用糖和之。北路實小。生毛而味苦。

番柿 種自外番。類柿而皮有毛。味酸澁。俗呼為毛柿。

番石榴 俗名梨仔。花白而微香。子皮青肉微紅。氣濁而臭。土人嗜之。無地不有。或伐其材為薪。

花之屬

梅花

百花之魁。色白者為上。有單葉百葉。艷者曰紅梅。漢上苑有朱梅。臙脂梅是也。紫花梅色稍淡。皆百葉。最清幽者莫如單葉。山梅。籬間水次。疎影暗香。真堪獨賞。臺地。駿放不待春。多初已影斜。香動矣。另有清而艷者曰綠萼梅。一帶三花者曰品字梅。漳泉乃有之。又茶梅。花如鵝眼。錢粉紅而黃心。雅素耐久。杭州有玉蝶梅。椽樹接成之。墨梅。梅之別種。曰臘梅。北路皆未之見。

蘭

葉似香蒲。味幽香。種類甚多。爾雅翼。一幹一花者蘭。一幹數花者蕙。漳志。幹青而勁。花淺黃色。心有紫點。為大青。此種極多。葉長花白。幹亦白。一莖可得二十餘花。為王幹。品最上。此間大青為多。沈文開雜記。有番蘭。葉似穗。但體柔而色嫩。花亦如蕙。而無香。生山中。移植家園。則敗。此外蕉尾蘭。了蘭。金枝玉葉蘭。紫蘭。拜歲蘭。鶴頂蘭。倒吊蘭。大約多蕙之屬也。福州山間有素心蘭。一莖數花。稍細。葉亦短。幽香特異。蘭之絕品。尋常不可得。山蘭一幹一花。崖谷幽處生之。北路山中應有是種。惜人跡罕到。又蘭香草。禮記。佩旒蘭茝。楚辭。緜秋蘭。以為佩是也。臺俱未見。

蓮花

一名荷花。爾雅。荷芙蕖也。有紅有白。有白而紅邊者。百葉最佳。或開並蒂。則以為瑞。內地五六月盛開。縣治北。香湖。八九月方盛。直開至臘。許彥周詩話。世間花卉。無踰蓮者。諸花皆藉暄風。暖日。獨蓮得意于水月。香吹清涼。雖荷葉無時不自香也。寧化志。有青黃二色。臺末之見。

桂

格物叢語。桂花數品。或黃或白。或紅或紫。或花四出。或五出。或重臺。四時青青。不改枝。易葉。又有四季着花者。有一月一花者。有當春着花者。北路止有月桂。來自內地。以土不相宜。故

稀。

菊

爾雅鞠治藹。埤雅鞠名聚金。聚而不落故名。鞠有紅白黃紫及沉香色。種類頗多。形象亦別。禮記季秋菊有黃華。臺地至十一月方盛。又開過歲者曰拜歲菊。正月始開者曰元宵菊。其

色俱紫。前賢菊譜有二十七種。或三十五品七十一種。此地不能盡有也。

洋茶

來自日本。種類甚多。近始有之。曰牡丹紅。荷蘭白。麗春。紅曰水紅。金錢則花稍細。如金錢。大漳人謂之青梅。又有一蓋而紅白相半者曰秋色平分。按漳志。漳中有干龍。大如牡丹。

可尺一二圍。高三四寸。有紅白二種。又牡丹紫吐絲。牡丹能於花心起臺。吐長絲數寸。又有共一枝而開。花作紅白緋各色者。有大六角小六角。花如刀切。成六角狀者。又有鐘款菊。欸五心。

白虎斑紅點白點紅等種。皆花之奇觀。附記於此。

水仙

有單葉百葉二種。華彝考。金盞銀盞是也。百葉者艷勝。單葉者香勝。種皆自內地。黃山谷詩。凌波仙子生塵襪。波上盈盈步秋月。被誰招此斷腸魂。種作寒花寄愁絕。含香艷素欲

傾城。山礬是弟。梅是兄。坐對真成被花惱。出門一笑大江橫。

葵花

花開向日。左傳所謂葵能衛足者也有。黃紅白三種。自下而上。開盡而止。高七八尺。又錦葵。戎葵。錢葵。此地俱無。

木芙蓉

一名木蓮。一名拒霜。有紅白二色。有百葉而朝開。色白。午漸紅。晚殷紅。俗名三醉芙蓉。此種最佳。按甲州有弄色芙蓉。先日白。次日淺紅。三日繁紅。今一日遞變。是或甲之變。

種

玉蘭

接本辛夷白色。先華後葉。李元仲云。卽宋人所名迎春也。王元美詩。霓裳夜色團瑤殿。露掌清輝散玉盤。自是藍田通別種。不同湘浦怨春寒。內地正二月盛開。北路或七八月亦

開。

紫薇

夏秋間開可百日。閩志俗謂不耐瘴花爪。其本枝葉皆動。唐時省中多植之。故謂之薇省。又有白者曰銀薇。有紫帶藍者曰翠薇。此二種北路無之。漳泉人多誤以紫薇爲紫荊。甲

間發花紫荊也。紫薇則每一枝數穎。一穎數花。繁而墜末。

海棠

來自海外故名。有鐵幹。西府垂絲。木瓜數種。賈艸花譜以海棠爲花中神仙。北路有鐵幹。餘皆無之。不特蜀之香國也。

薔薇

裕物總論。一名牛勒。一名牛棘。一名刺紅。一名玉鷄苗。一名薔靡。花清。馥有紅黃白三色。藤身多刺。移自內地。止有淡紅一種。而開花者甚稀。

樹蘭

高者丈餘。有五葉七葉二種。五葉者年止再開。七葉者葉稍細而香幽。年三四開花。累累如黍米。王敬美閩部疏。樹蘭木本。賽蘭蔓生。其香皆與蘭埒。

瑞香

始廬山一僧夢中聞花香。酷烈。既覺尋得之。因名睡香人。以爲花中之瑞。以瑞易睡。又名纏枝。以逐節皆花也。色淡紅。十二月開。一簇十餘蕊。性喜陰。難植。更有黃白二種。名野瑞

香。

番瑞香

藤本花。淡綠香甚異。一簇可數。蓋五六月開。臺產種法。藤覆土中。葉令出土。即生。

杜鵑

一名山躑躅。大紅名送春。淺紅名迎春。平泉花木記。紫躑躅即此也。開放滿叢。艷麗奪目。白居易詩。九江三月杜鵑來。一聲啼得一花開。蓋花開正值杜宇鳴之候。內地有單葉者。

生滿山名
映山紅。

美人蕉

葉差小花出蕉心。狀若荷。紅瓣可喜。經月不謝。張翥詩。不比收紅拂。真堪號絳仙。彈文怨脩竹。無乃妬新妍。

山丹

一朶百莖。狀若綉毬。紅如剪綵。蘇子瞻擬之。錯落瑪瑙盤是也。

石榴花

格物叢話。來自安石國。故名。又曰安榴。有來自新羅國者。則名海榴。單葉者多實。百葉有紅白二種。夏秋盛開。山堂肆考。有黃色者。有紅花白綠。白花紅綠者。又有花圓如寶珠名寶珠榴。

此地俱未見。

桃花

月分仲春之月。桃始華。此地臘盡春初。已大放矣。單葉者色深紅。或淺紅。子甚繁。又色白者為碧桃。殷紅為絳桃。淡紅為緋桃。三月始開者。俗名三月浪。俱百葉。

李花

唐人論李。花有九標。香雅細淡。潔密。宜月夜。宜綠鬢。宜白酒。寧化李。元仲足之曰。宜朝霞。

茉莉

一名奈花。梵書曰鬘華。種傳自西域。色白而香。宜於夜。朱文公詩。曠然塵慮淨。為對夕花明。此單葉茉莉也。有百葉者。花較大。名番茉莉。初得種時。價甚高。近乃隨處皆有。

含笑

白瓣如蘭自輔其頰。故曰含笑。半開則覆烈。大則香滅。銀嶽入芳草。此其一也。近始有自內地移至者。

一丈紅

卽蜀葵。花淡紅。一葉一花。自下而上。高近丈。所謂五尺欄杆遮不住。畱將一半與人看也。內地有朱紅者。尤佳。

斑支花

見木部。先花後葉。二三月盛開。絳色。遠望如紅霞。障天。

薊桐花

見木部。似蓮蕉花。而大。花絳紅。一枝數十蕊。二三月盛開。恍惚斑支。

水錦

卽木槿。一名朱槿。一名赤槿。一名日及。埤雅花如葵。朝生暮隕。說文名舜。詩顏如舜華。是也。有微紅。木紅。白色。數種。小兒口熱。破取白色花。搗汁擦之。卽愈。取乾者煎水洗亦愈。

雞冠

紫色。佛書謂之波羅奢。高可五六尺。矮者數寸。蘇子由詩註。卽玉樹後庭花也。亦有白色。又一種中枝花。極大。旁枝花小。錯出環拱。俗名百鳥朝鳳。

月下香

葉叢生。細而長。中吐一莖。可數十蕊。花白。開自下而上。至晚愈香。故名。又以開輒兩蕊相偶。名雪鴛鴦。內地夏秋時開。臺四時皆放。

賽蘭

花黃如黍。一名翠蘭。俗名魚子蘭。又名雞爪蘭。夏秋間開。佛經謂伊蘭卽此花也。又名珍珠蘭。香聞十步。

夜合

格物論。一名合歡。亦名合昏花。白微香。以其朝開夜合故名。

番蝴蝶

葉略似槐花。中紅外黃。似蝶有鬚。一枝可數十蕊。四季長開。臺產。

金絲蝴蝶

花黃色。形如蝶。華
彝考謂之金莖花。

長春

燕昭王時有長春樹。今借以名花。謂
一歲俱花也。淺紅色。臺人名為月見。

麗春

從南海來。罌粟別種也。花
似長春而大。百葉而深紅。

萱草花

一名宜男。一名忘憂。花淡紅色以作蔬。曰金針。或名
鹿葱。前人俱以為誤。更有紅紫二色者。北路無此種。

曇花

有紅白二種。夏日開。泉州開元寺
有聯云。祇樹開千臘。曇花供六時。

凌霄

郡志免絲子。一名凌霄。爾雅翼。苕陵苕。今凌霄花是也。藤蔓喬木極木。所至花
開其端。詩苕之華。芸其黃矣。此地所生。枝葉皆似。其花紫。或者苕之變種與。

石花竹

通志一名錦竹。叢生。
高尺許。花如纈錦。

剪春羅

莖柔花淡紅。旁如剪刻。一名碎
剪羅。又有色深紅者。名狀元紅。

洛陽錦

叢生。高尺許。莖柔。紅紫諸色
俱備。又有白者。名白剪絨。

素馨

舊名耶悉蜜。藤木。花色白。香亞茉莉。五羊城外三十里有花田云。南漢劉鋹之姬曰素馨。
死葬此。而生此花。因以名之。沈文開雜記。臺產藤與花葉頗相似。多在各社竹叢中。或樹

稠陰密處。藤蔓竹木。花細白如雪。二三月間開。香氣清幽。飛遠色不變黃。四月而歇。不似廣閩家所植。每月常開也。

繡毬

白色。內地繡毬木本。一華數十。蓋圓團湊合如簇毬。臺係藤本。

噴雪

花白細細如雪。通志名。潑雪。今人多取植盆中。

蓼花

即水蓼花。細莖弱葉似柳。味香辣。霜後獨爛然。干冷風寒水間。故又名大節。

月桃

葉似蓮蕉。花黃白色。倒垂香而濁。一莖可數十葢。臺產五月始開。端午日取其葉以爲角黍。摘花插小兒鬢上。又名虎子花。

金鳳

有深紅淺紅。有白有紫。有紅白相間。自夏初至秋盡。開謝相續。一名鳳仙。張苑丘菊詩。呼爲菊婢。紅者可染指甲。

佛桑

色朱。其葉似桑。一年長開。朝生暮隕。學圃雜疏。佛桑有紅黃諸色。一名扶桑。其單葉者名照殿紅。

千日紅

色紅。無香。極耐久。婦人插之。每數日浸以熱水。色更新妍。

金錢花

花紅。午開。子謝。一名子午花。北戶錄。來自毗尸沙國。

胭脂花

有紅白二種。狀如兔絲花。而稍大。夏秋開。

玉樓春

卽百葉黃梔花白而香不能結實

頽桐

葉微似桐高五六尺青幹繁花鮮紅如火沈文開雜記名天仙花內地名龍船花以其初開正在競渡之候也又呼百日紅臺州終歲皆紅矣

萬壽菊

花黃似菊而耐久盛者可數十莖

棣棠

通志條生花淡黃色二月三月開又有白色者

蓮蕉

花有紅黃二種一年長開俗謂美人蕉誤

指甲花

色碧而花細一枝可數百莖南方草木狀云樹高五六尺枝弱如嫩榆云自大秦國移植婦女搗其葉染指甲功同鳳仙故名指甲花羣以為香然實濁不可耐

番花

見木部色白微黃味香而濁似山梔花三四月開先花後葉

薊毬

葉綠身多薊花黃色似菊而小臺謂之消息花又名牛角薊以其薊偶如牛角也

老來嬌

一名秋紅一名雁來紅亦名老少年餘紫直上高六七尺葉初生卽紅老而紅愈嬌雖非花而艷特甚周子羽詩翔雁南來寒草秋未霜紅葉已先愁綠珠宴罷歸金谷七尺

珊瑚夜不收四明黃宗羲有雁來紅賦

藜

幹淺紅。葉微紅。帶黃色。形如老來嬌。高可八九尺。枯則取以為杖。韌而輕。即藜杖也。

玉芙蓉

葉似艾而微香。色亦淡雅。婦女愛之。多插于首。此與老來嬌及藜皆草也。以其色可人。并附於花之末。

木之屬

松

字說云。松栢為百木之長。松猶公也。栢猶伯也。樹榦。柯脩聳。皮作鱗形。四時不改。柯易葉。仲春抽花。花蕊為松黃。結實如豕心。蠶如鱗砌。秋老則子長。鱗裂。白玉蟾云。奎星之精。化而為

脂。精液為松脂。餘氣結為茯苓。千年松脂化為琥珀。臺惟水沙連內山有此。

栢

六書精蘊云。萬木皆向陽。栢獨西指。蓋陰木而有貞德者。故字從白。白者西方也。埤雅性堅緻。枝子皆香。不畏霜雪。葉扁而側生者曰側栢。一名扁栢。

楠

潭志楠今楠木也。宋子京曰。讓木即楠。其木直上。柯葉不相妨。山海經。楠負霜騰翠。今古以為美材。此地木色稍黑。有載入內地者。又土楠可為輔輻。甚堅韌。

樟

大者數抱。四時不彫。枝葉扶疎。垂陰數畝。潭舊志。樹老則內腐而虛。其色赤。其材細。其味辛烈。作器雕鏤必用之。熬其汗為樟腦。可入藥。

梧桐

禮季春之月。桐始華。爾雅註。榮木梧桐也。福州志。閩產有三。一種葉有三岐。子如胡椒。可食。曰梧桐。一種葉圓而未尖。二月開淡紅花。可壓油。曰油桐。一種花葉不相見。花不結子。

材可琴瑟。禹貢嶧陽孤桐。即此。所謂岡桐也。北路所有。乃梧桐耳。

榕

海物異名記。榕作糖言材不中主人也。或曰蔭覆寬廣。故謂之榕。南方草木狀。其蔭十丈。枝條既繁葉又茂。細根如藤下垂。漸漸及地。便生枝節。鳥啄其實。墜地復生。名曰鳥榕。

楓

樹如白楊。說文。楓木厚葉弱枝。喜搖別名。楸。爾雅。楓楸。言風至則稱。稱而鳴也。齊丘化書。老楓化為羽人。又天子之居曰楓宸。曰丹楓。青楓則未丹之稱。楓上占斯曰楓柳。占斯者寄

也。生

桃榔

南方草木狀。樹似耕欄。皮中有層如麪。木性如竹。紫黑色。有文理。可以為器。

柳

大戴禮。正用柳。柳。穉者發葉也。黃蕊為花。花熟時隨風狀如飛雪。曰絮。白王蟾記。箕宿之精。化為柳。昔人比王恭。濯濯如春月柳。漳泉人多植水邊。名楊柳。柳與楊實二種也。漢苑有人

柳。一日三起三眠。別名。種柳。天將雨。柳先知之。霜雪不彫。又稱三春柳。以其一年三秀也。又稱觀音柳。此異種。人罕識之。臺又有御柳。幹赤細。條如綠絲。亦名垂絲柳。寧化志。粵中有御柳。葉

細如碎縷。簇生絲條。紛飛如綠雪。微風拂之。左右依靡。當與臺為一種。不知寒食東風。御柳斜。即此御柳否。

椿

泉志。木之壽者。圖經。椿木實而葉香。可啖。方春摘其芽。莫者為。樽。董子曰。木命三時。謂椿以春。榎以夏。楸以秋也。

斑支

斑或作攀。榦直起。確而生。薊極堅。樹大則確。薊俱落。花落而實中有棉極鬆。為褥宜於暑。

樓

古稱耕欄。幹直上無枝葉。生木抄下。有皮重疊裹之。每一匝為一節。皮入土不爛。梁張孝秀。執耕欄皮。墜尾。唐因之為拂。北路不多產。

棟 雅翼木高數丈。葉似槐而尖。實如小鈴。味苦。俗名苦棟。圖經謂樹有雌雄。雄者根赤。無子。雌者根白。有子。

水松 華彝攷。福州呼水松。莆人呼水棉。性好近水。皮溫厚。如棉。枝喬而上。勻。其葉散碎。紛披。其根礪。柯奇古。

烏臼 花如梅子。可榨油。燃燈澆燭。秋盡。葉紅。遠望如霞。北路不多產。

鏡樹 幹紫黑色。葉如桃。生干木抄。皮鱗皴而厚。俗傳以釘釘其樹。鏡皆化樹。愈茂盛。

薊桐 樹高大。枝葉蕃茂。雨時折枝。插地即生。亦易長。初生多薊。長而薊落。垂蔭如梧桐。

九荆 樹無皮。如紫薇。或呼為九芎。質理甚堅。用為柱。入土不朽。亦能花。但不蕃耳。

楮 臺名鹿子草。以鹿嗜其枝葉也。別名穀。爾雅穀楮也。皮可造紙。晉書王羲之制窮萬穀之皮。廣州記。蠶疑取穀皮。熟槌為揭裏布。鋪以擬德。

破故子樹 葉似梧桐而小。結子如苦棟。

加冬樹 葉似冬青。子亦如之。大者陰可數畝。

荆 俗名埔荆。格物論。荆小木。叢生。枝莖婆娑。葉刻缺而粗澁。荒坂洲渚多有之。有五葉七葉。行人中暑者。取七葉荆心嚼之。或縛臍間。立愈。

象齒

木硬而直。白文如象齒。以為櫓。久而不壞。

土杉

色黃白。略如杉。小屋以為椽。

猴栗

木性甚堅。器用多取之為樑柱。久亦內腐。

白樹

樹高大而幹直。頗美觀。但易朽蠹。巨室無取也。

黃目樹

葉如苦楝。赤黑色。結實形如枇杷。色黃。皮皴中有子。去之用以澀衣。功同皂莢。

番花樹

樹高大。葉如枇杷而厚。冬葉落。枝頭纒纒如指。

赤鱗

赤色。皮鱗質堅。大者取為車心。小者用為籬柱。

樸

通志葉如加條。差小。皮鱗皴而厚。諸羅地名有樸仔樹脚。因其多而得名也。

烏栽

皮帶黑色。中白大。而不堪器用。止可供薪。

水漆

生海泥中。桐葉彷彿刺桐。皮有黏液。著膚則腫。取以圍籬。多生枝葉。

百日青 樹枯而色如生故名。

山荔 樹如荔。無花實。

埔柿 樹如柿。無花實。

蔴茶 葉多刺似黃梨而大。高可丈餘。密栽為籬。盜不能入。花實別見番俗部。

竹之屬

薊竹 高四五丈。大者圍尺五六寸。旁枝橫生。而多薊堅利。人不敢犯。密者可禦盜。草屋取為樑柱。器物資之用甚廣。

長枝竹 一名鬚脚綠。高二三丈。圍三四寸。節疎而平。臺人製椅棹床架。榻等物皆資之。產自山中草地。間有種者。連志絲之可以為器。

筓竹 山經註。筓竹大者。圍二尺長四丈。又名防露。言其上密防露。下疎來風。石介詩。斷霞半豬燕。支木零露偏。箇筓竹叢。出竹塹岸裡。社笋極佳。見蔬部。

金絲竹 一名箭竹。大如小指。其質堅。其節疎。出樸仔籬等社。土番以為箭。

空涵竹 高二丈餘。圍二三寸。質不堅。多產山中。草屋用為梢。或藩田間。

麻竹

大千薊竹。而無薊。但不堅厚。止可製車籠。糖籠。倉架。篋。簞等物。

觀音竹

枝柔葉細。幹小。高四五尺。園亭植之。或取其小者為盆景。

人面竹

高四五尺。華鬘考。節密而凸。宛如人面故名。通志一名佛眼竹。可供玩賞。

稜竹

高二三尺。節密而。生皮似稜故名。

石竹

大如筍竹。可為器。出樸仔籬等社。

珠籬竹

高丈許。如指大。人居用以編籬。

蘆竹

戴凱之竹譜。有竹象蘆。因以為名。泉郡志。生溪澗濕處。叢小葉疎。

草之屬

仙草

泉郡志。搗爛絞汁。和米粉煮之。雖三伏成凍。似石花。而黑。解暑毒。

茜草

梁絳之草。一名茅蒐。說文。茅蒐。染韋。一入為緜。又名地血。名牛蔓。名茹蘆。土番多用此以染獸毛。間以梁藤。然秘而不傳。莫知所生之處。漢人緝有識者。

鳳尾草

本草名貫衆。葉青綠如小雞翅。廣雅謂之貫節。

虎耳草

葉圓而綠而背紅。八芳草之一也。喜陰濕。能治耳疾。

茅

易藉用白茅。禮縮酌用茅。詩晝爾干茅。北路甚多。高與人齊。又一種短而細。名金絲茅。理而不亂。

菅

爾雅白華野菅。陸機曰。菅似茅而滑澤無毛。詩白華菅兮。逸詩無棄菅蒯。

芒

爾雅薏杜榮。李時珍曰。芒皆叢生。葉似茅。傷人如鋒刃。皮可爲繩。莖穗可爲帚。

蒲

坤雅水草也。似茭而扁有脊。生於水涯。滑而溫。可爲席。

蘋

通雅蘋萍一類也。韓詩。沉者曰蘋。五月有花。白色。謂之白蘋。生田中者。小曰青蘋。

萍

爾雅翼。水上小浮萍。江東謂之漂。坤雅。無根而浮。常與水平。故謂之萍。又紫萍可爲藥。

藻

雅翼。根生水底。葉浮水上。不若水浮萍之無根而漂浮也。

烟草

一名淡芭菰。種出東洋。莖葉皆如牡菊。取葉曬乾。細切如絲。置少許管中。燃吸其烟。令人微醉。不食輒思。亦名相思草。有生烟熟烟。出漳州者甚佳。北路生而不殖。

乳草

生附地。枝紅葉細。背微紅。和雞食。益產婦之乳。

鼠麴

本草。生平岡熱地。葉似馬齒莧。上有白毛。黃花。艾軒集。謂之暑菊。晒乾。同米粉作糗。

金絲籐

蔓生。見番俗服飾部。

仙人掌

圖經曰。於石壁上貼壁而生。如手掌故名。

含羞草

高二三寸。葉似槐爪之葉。卽下垂。如婦女含羞然。

齒草

枝綠高尺許。葉如浮藤菜而小。心如枸杞。番人取其枝以擦齒。久之皆黑。因以得名。或各溼草。

龍舌草

俗名蘆蒼。形如舌。旁有刺液。如油。可以潤髮。

薊莧

幹赤色。高三四尺。葉尖小。青色帶赤。多生薊。故名。燒灰沃水。可漬米爲粽。

藥之屬

薏苡仁

一名薏米。謂堅硬有韻強之意。一名回回米。一名慧珠子。能健脾益胃。馬援在交趾。嘗餌薏苡以勝瘴。呼爲簞珠。載其種還。人謔以爲珍珠。北路產頗多。而粒差小。土番名之。

曰禾榛。又名禾珠。以其與禾並栽也。詳見外紀。

天門冬 蔓生。結根如指。山海經所謂釐冬。爾雅髦顛棘。郭璞註。細葉有刺。與麥門共稱辟穀要藥。

麥門冬 小干大門。爾雅。葉如韭。四季不彫。根有鬚作連珠形。似穠麥。本草謂久服輕身不老不饑。又名禹餘糧。

土茯苓 爾雅翼。茯苓千歲松脂也。蔓生長。葉圓根大。如雞子。連綴而生。有赤白二種。北路產者似茯苓而小。赤色。俗呼為山尾薯。

菖蒲 荃也。一名菰。一名水劍草。文王嗜昌歆。左傳。王使周公闕來聘。饗有昌歆。菖蒲也。生於石上者為石菖蒲。道家以為延年之食。

枸杞 見蔬部。其實為地仙子。諺曰。去家千里。不食枸杞。其根為地骨皮。治喉間毒。

藕節 荷花根也。見花果二部。取其條切片陰乾。可入藥。

紫蘇 爾雅蘇。桂荏曰紫蘇者。別干白蘇也。性和暢。行氣和血。子可取油。

艾 爾雅謂之冰臺。莖高三四尺。葉長寸許。味辛微香。面青背白。花黃秋開。如野菊而小。爾雅翼。蕪草治病。各有所宜。惟艾可灸百疾。故名醫草。

蒼耳子 即羊帶來。爾雅曰。卷耳。蒼耳。廣雅曰。泉耳。郭璞曰。形如鼠耳。陸璣曰。葉青白似胡葵。白華細莖。子如婦人耳。璠或名耳璠草。

益母草

爾雅在藩。郭璞註。今荒蔚也。葉似荏。莖方。花淡紅。生節間。又名益母。宜於孕婦也。

金銀花

本草即忍冬藤花。一名老翁鬚花。黃白相對。有香。能治風除脹解痢。今人摘取晒乾。以治毒消腫。

通草

性利水。兼通乳竅。染以紫色。製花鮮明可愛。出淡水雞籠諸山。

香附

即莎草根。一名臭頭香。離騷曰。青莎雜樹兮。蘋草蘼靡。子虛賦。薛莎青蘋。

三柰

枝葉類薑。根亦似之。味辛。

山梔子

其花六出。其實七稜。亦名越桃。一名木丹。圖經曰。皮薄而圓黃。色。子多七稜。至九稜者為佳。子虛賦。鮮支黃礫。蜀中有紅色者。

土木通

藤大如指。每節有二三枝。枝頭出五葉。結實如小木瓜。南人謂之燕窩。

澤蘭

爾雅翼。葉尖長。微有毛。方莖。紫節。花白。能散血。

薄荷

圖經。莖葉似荏而尖長。治風寒為要藥。以蘇州之產為佳。

車前子

即詩所謂芣苢。爾雅芣苢馬。為車前也。陸璣疏。一名當道。喜生牛馬跡中。故曰車前。葉亦可用。江東人呼為蝦蟇衣。俗呼五根草。

風籐 狀與他籐異。似木通。出水沙連內山。浸酒服之。可已風疾。

白雞冠 見花部。取色白者。曬乾。能治婦人血崩。

蒲公英 本草一名蒲公英。有細刺。中抽一莖。莖端有花。黃如金錢。開罷飛絮隨起。絮中有子。落地即生。專治女人乳上生毒。

蓖麻子 圖經葉似葎草而厚。太莖亦有節如蔗。實類巴豆。形似牛蟬。故名。能治風病。

紫萍 見草部。池澤止水中甚多。季春始生。面青背紫。赤若血者。謂之紫萍。寧化志。七月十五探晒乾。蜜丸之。能入肺經。達皮膚。治脚氣。傷折胎孕。有傷名紫萍一粒丹。

斑節相思 枝葉類薄荷而大。味似艾。能解毒。

白菰 見木部。本草無載。小兒口痛。煎洗即愈。

蒜茶菰 見木部。花色有紅白二種。療痢疾。各以其色治之。本草亦無載。

水燭 寧化志。作山蠟燭。叢生水中。葉如蒲花。如蠟燭。色赤。有二三層。中有白絮。可治金瘡。或以鋪褥。

木賊 本草獨莖。苗如箭筈。無葉。寸寸有節。凌冬不彫。

蛇草 形如菠蔕。有小白花。毒蛇傷人。搗爛敷之。仍煎泡酒服。立愈。

急性子 卽鳳仙子。熟時以手微按。其縫卽開。故名。

木鼈子 蔓生。葉似苦瓜。本草實似括蔕而大。生青熟紅。肉上有刺。核似鼈。故名。

樟腦 見木部。以樟木切片。并水浸三日。夜入鍋煎之。柳木枝頻攪。待汗減半。柳上有白霜。濾去滓。傾汁入盆。經宿結塊。北路樟甚多。但少製煉者。

峰蜜 仙經蜜爲衆口芝。又呼爲卉醴。一曰百花醴。唐兜羅貢紅蜜。杜陽編載。吳明國貢蜂蜜。其色碧。久食長壽黑髮。

鹿茸 見獸部。茸角之初發者。稟純陽之質。含生發之氣。其味甘。其性溫。能補陽。又有鹿茸。能滋陰。

鹿角膠 碎鹿角煮。凝凍成膠。大溫補之藥。

虎角霜 卽膠之粗而爲渣者。功次于膠。

穿山甲 卽鱗鱉殼。見介部。

蟬蛻 蟬殼更生脫。舊掛樹間者。

硫磺

出淡水礪山。有夾土者。有純潔者。總置釜中。鑊開。投以魚油。滾起泥土。以鐵笮離撈去之。再煎淨汗。傾入桶內。冷結凝塊。破桶而取之。

畜之屬

牛

易卦坤為子母牛。耕畜。通志黃牛。角縮而短悍。水牛豐實而重遲。

馬

乘畜也。易乾為馬。坤配乾象牝馬。春秋說題辭。地精為馬。春秋考異記。地生月精為馬。月數十二。故孕十二月而生。有肝無膽。出西北者良。東南劣弱不及。臺俱從內地來。近亦有牝而

者。生

羊

孕四月而生。禮記羊曰柔毛。古今註。羊名髯須。主簿繁露。有角不用。類好仁者。執之不鳴。殺之不嘔。類死義者。欲乳必跪。其母類知禮者。性善羣。故於文羊為羣。

犬

易艮為狗。爾雅以犬未成毫為狗。說文以狗之有懸蹠者為犬。今通作狗。

貓

禮郊特牲。迎貓為其食田鼠也。爾雅翼。小獸之猛者。黃黑白駁數色。其睛可定時。子午卯酉如一線。寅申巳亥似滿月。辰戌丑未類棗核。鼻端常冷。惟夏至一日溫。

豬

爾雅曰。彘或謂之豕。其子曰豚。禮記豕曰剛鬣。豚曰臄肥。古今註。豬曰參軍。

雞

易巽為雞。曲禮雞曰翰音。徐鉉曰。雞稽也。能攷時也。雞有五德。首戴冠。文也。足搏距。武也。敵在前敢鬪。勇也。見食相呼。仁也。守夜不失時。信也。

鵝 爾雅謂之舒雁。頰如癭。長。夏。夜。鳴。應。更。有。行。列。故。兵。有。鵝。鵝。之。陣。善。旋。轉。其。項。故。右。軍。法。以。動。腕。

鴨 爾雅謂之舒鳧。尸子曰。野鴨為鳧。家鴨為鶩。不能飛翔。禮庶人執鶩。

鶩 本野鳥。必待家畜。而後種。傳名色甚多。善認主家。張九齡謂之飛奴。謂繫書於足。能代人傳書也。

羽之屬

雉 書曰華蟲。禮曰衿衣畫雉。漢避呂后諱。故名野鷄。雄者有冠。尾長身五彩。具其羽為翟。月令仲冬雉始雊。儀禮士相見禮。各執雉。取其守介不失節。雉飛。崇不過丈。修不過三丈。故計城

之丈曰雉。臺產尾不踰尺。

烏 束皙詩。嗷嗷林鳥。待哺于子。說文以為孝鳥。是也。初生。母哺六十日。長則反哺六十日。一名鴉。自呼其名。今人聞鴉。輒唾。以見異則噪。故惡其不祥也。爾雅。純黑而反哺者謂之慈鳥。腹

白不反哺者謂之鴉。禽經。朝鴉鳴。則小雨。

鵲 水鳥。禽經。鵲。鵲。友。悌。詩。春。令。在。原。兄。弟。急。難。郭。璞。註。鵲。屬。也。飛。則。鳴。行。則。搖。陸。璣。疏。大。如。鸛。雀。長。脚。長。尾。尖。喙。背。上。青。赤。色。腹。下。白。頸。下。黑。如。連。錢。故。人。謂。之。連。錢。一。名。雪。姑。

鵲 格物論。鵲。水鳥。一名負金。一名背窰。一名旱。羣。狀。類。鵲。而。無。朱。頂。善。飛。搏。巢。必。喬。木。之。高。枝。禽。經。鵲。生。三。子。其。一。為。鵲。臺。無。鵲。

鳩 詩宛彼鳴鳩傳曰斑鳩也名佳種類甚多語曰天將雨鳩逐婦臺有土鳩金鳩土鳩青黑色間雜以白俗名斑甲金鳩身綠嘴足紅潭志所謂紅鳩也一名金佳又有火鳩項下赤色

翡翠 爾雅鵠也俗名釣魚翁善捕魚名魚虎亦名魚師埤雅前為翡翠後為翠異物志雄赤為翡翠雌青為翠人取其羽毛為飾

鷺 毛潔白頂有絲莖莖長尺餘青脚喜翹高不滿二尺翔集必舞而後下詩義疏水鳥也爾雅鷺春鋤步於淺水好自低昂如春如鋤

鴛鴦 爾雅匹鳥也喙趾似鳧而文綵焯爛雄曰鴛雌曰鴦止相偶飛則雙其交不再

白鷗 格物總論曰質黑章尾二三尺嘴爪純丹爾雅所謂朝雉郭註江東呼為白翰是也亦有青者黑者皆不雜於凡鳥

長尾三娘 鷗之屬色青光彩照人嘴朱紅足紫尾長尺許或呼為娃鳥疑即所謂青鷗也

燕 爾雅謂之乙詩謂之元鳥禮記仲春元鳥至祠于高禴武瓘詩花開蝶滿枝花謝蝶還稀惟有舊巢燕主人貧亦歸

鸚鵡 萬舉術曰一名寒皋斷舌可使言語南唐李煜謂之八哥

鷗 水鳥一名鷗南越記隨潮上下以三月風至乃還洲嶼頗知風雲

布穀 爾雅鳴鳩郭註今布穀也爾雅翼此鳥鳴時布種其穀似鷓長尾北壯飛鳴翼相摩拂月令鳴鳩拂羽是也

竹雞 圖經其狀如雉形小尾短通志俗呼泥滑滑蓋以聲似之也白蟻聞其聲即化為水一名越鳥好食蟻

畫眉 似鶯而小黃黑色好鬪善鳴清圓可聽與內地相類但眉無白者

黃鶯 詩義疏黃鳥鶯鶯也一名黃鸝或謂黃栗留一名倉庚其音圓滑善囀方春後即鳴

鷹 一名爽鳩禮記仲春之月鷹乃學習孟秋之月鷹乃祭鳥孔羣曰雖陽和布氣鷹化為鳩至干識者猶憎其眼雄形小雌體大禽經歷不擊伏謂不擊姪蓋義性如此北路有極大者名

曰板雄

鷓鴣 詩義疏雉鷓也通志大如鷹蒼黑色尾稍短善擊鳥莊子曰鷓鴣為鷓鴣為布穀布穀復為鷓此物之變也

烏鶯 身黑尾長較小於鷹能搏鷹鷓鷓諸惡鳥詩有鶯在梁水鳥也當為別種

伯勞 爾雅謂之鵙亦曰博勞左傳謂之伯趙易通卦驗博勞性好單棲其飛駿其聲嗅嗅夏至應陰而鳴爾雅鵙在林間鳴蛇於其下蟠結不動與化志伯勞一名鼻

海鵝 俗名南風鸞又名布袋鵝色如家畜伸頸高可及肩常於海濱獵魚避風則入翎可為箭羽

鳧 爾雅註似鴨而小背上有紋陸機云卑脚短喙鳥之謹厚者俗呼為水鴨

番華

形似燕背淡黑色。腹下色黃。尾長。飛則鳴。行則搖。類於鶻。鶻。

華雀

似雀而小。紫色。唧唧善吟。置籠中能自來去。性畏暑。避夏輒死。

白頭翁

似雀而大。頭有白點。諸葛恪在吳王坐。有鳥飛過。恪曰。白頭翁。張昭疑為譏。已。請覓白頭母。

海雞母

黑色。腳綠如母雞大。宿海嶼中。故名骨脆。而味甚美。

雀

曹植賦。頭如顰蒜。目如菱椒。躍而不步。古今註。一名嘉賓。言宿簷瓦。馴近堦除。如賓客也。

鷓鴣

通志謂之鷓鴣。爾雅。桃蟲鷓鴣。其雌鷓也。陸璣曰。似黃雀而小。喙刺如錐。取茅為巢。以麻紮之。如刺紮襪。故一名鞮雀。一名巧婦。一名女匠。土番出草。聞其聲則返。

鳶

鷂類。爾雅。其飛也翔。俗謂能嘶風。禽經。朝鳶鳴。則大風。格物論。能捕魚。臺則並搏小鷄。鴨食之。

食蛇鳥

黃褐色。項細而長。高脚。性嗜蛇。大倍於鷲。

鷓鴣

又名鷓鴣。怪鳥。大如鷹。頭目如貓。有毛角。兩耳。晝伏夜出。鳴則雌雄相喚。聲若老人。莊子。鷓鴣夜撮。丞虱。察毫末。晝則瞑目。而不見丘山。是也。宿叢草中。俗呼為孤黃。寧化志。卽土

鷓鴣子。成父母俱遭其食。不孝鳥也。故古人夏至禱之。

毛之屬

豹

說文豹似虎。圖文黃紋黑如錢。比比相對。圖中五鬣左右各四者曰金錢豹。宜為裘。紋如艾葉者曰艾葉豹。臺謂之烏雲豹。土產者稍大於犬。而無所害於人。或名之曰獐虎。

鹿

坤雅鹿性決躁。又曰性警。分背而食。食則相呼。羣居則環角外向。以辟物之害。已爾雅翼。鹿陽獸游山。夏至得陰氣而解角。從陽退之象。

麋

鹿之大者。左傳澤有介麋。爾雅翼。麋陰獸游澤。冬至得陽氣而解角。從陰退之象。

麇

似鹿而小。無角。性悍而善跳。坤雅。麇性膾性。飲水見影。輒奔。雀豹古今註。鹿有角而不能解。麇有牙而不能噬。

熊

坤雅。熊似豕。當心有白脂如玉。味甚美。俗呼熊白好。舉木而引氣。冬蟄不食。餓則自舐其掌。故美在掌。

獺

蔡邕月令章句。獺毛蟲。西方白虎之屬。水居殺魚者也。坤雅。似狐而小。青黑色。膚如伏翼。月令。正月獺祭魚。

猴

形似人而多智。一名狙。一名胡狝。爾雅曰。狝母猴。詩。無教狝。升木是也。內山一種極小名金絲猴。

兔

坤雅。兔吐也。生子從口中吐出。兔視月而孕。目左曠。故禮稱兔為明視。天問。願兔在腹。言兔在月腹也。每孕一月而生。

野豬

通志似豕。豬而腹小。腳長。毛色褐。牙利。如鎌。漢書。景帝游上林野。豬入廁。是也。

鼠 盧元明劇鼠賦。嗟乎在物。最爲可賤。毛骨莫充於玩賞。脂肉不登於俎膳。淮南輕舉。遂嘔腸而莫追。東阿體拘。徒稱仙而被譴。其爲狀也。鬚似夾穩。半垂。眼如豆角。中劈。耳類槐葉。初生。尾如杯酒。飲滌。托社忌器。妙解自惜。或尋繩而下。或自地高擲。登機緣。樞盪。扉動。齊忉忉。終朝。轟轟。竟夕。盜干湯之鼎。俎。傾。雷。堯之香澤。傷。繡。領之斜制。毀。羅衣之重襲。曹舒由是獻規。張湯爲之被謫。亦有庭院。肅清。房。櫳。虛。寂。爾以乘間。東西。擲。擲。或床上。埒。埒。或戶間。出額。貌甚舒暇。情無畏惕。歆。覆。箱。奩。騰。踐。茵。席。嗟。天。壤。之。含。弘。產。此。物。其。何。益。

鱗之屬

鯉 陶弘景曰。鯉爲魚中之王。形旣可愛。又能神變。乃至飛越山湖。所以乘高乘之。脊中有三十六鱗。六陰數也。北路冬春。肥美特甚。

塗鮓 形類馬鮫而大。重者二十餘觔。無鱗。味甚美。自十月至清明。漁者多獲之。醃入內地。

烏魚 本草謂之鰻魚。池產者佳。吳王論魚。以鰻爲上。產臺海者曰海烏。冬至前入港。散子亦肥美。散子後名回頭烏。則瘦而味劣矣。子腎俱佳。

鯧 身扁而短。無鱗。以紫白色者爲佳。海魚之貴品。又有黑色者。細鱗。名烏鯧。味少遜。

馬鮫 身圓而狹長。青黑色。骨軟無鱗。通志一名章鮫。

鰯 類鱈魚。身扁薄。味清而芳。鮮次於鱈魚。以多刺人不見重。甚矣世之好濃厚。而惡淡薄。好軟脆。而惡骨硬也。

鰻 有烏白二種。烏者為上。埤雅。鰻無鱗甲。白腹似鱔而大。又溪有蘆鰻。赤黑色。大者十餘觔。以食蘆芽故名。又海鰻。肉粗而刺硬。

扁魚 形似貼沙而薄。晒乾味香美。鮮食亦佳。冬月出鹿耳門外最多。方言謂之塗剝。

帶魚 通志。身薄而長。其形似帶。無鱗。入夜有光。俗呼為白帶。

鱸 似鰪。巨口細鱗。張季鷹思鱸膾。即此。隋煬帝謂之金齏玉鱸。

午魚 鱸之別種。身圓厚。味差於鱸。內地端午間出。因以名之。臺海出九十月間。俗作鮓。古無此字。漳志引周成王時揚州獻鰠。音容。鱠皮有文。非是。

甲魚 方言名傑魚。巨口細鱗。無刺。形如鱷。味甚美。長者可六七寸。出淡水。武勝灣等社。

敏魚 興化志。其色蒼。張東沙謂之鮓魚。狀似鱸而大。肉粗。

鯽魚 本草一名鮓。色黑而體促。腹大而脊隆。池澤皆有之。莊子所謂東海波臣者也。

貼沙 附沙而行。上紫下白。有細鱗。兩目相比。一名比目魚。江淮間謂之鞋底魚。通志作鱖沙。

銀魚 爾雅翼。玉幹長五六寸。身圓如筋。潔白無鱗。但目兩點黑耳。味清甘。多曝為脯。

黃翅 興化志名黃檣。潭泉因之。狀似鳥頰。身小而薄。肉細而味清。以其翅黃。故名。淡水。有重一二筋者。

鰻魚 俗謂之鱧。爾雅翼。鰻似蛇。無鱗。黃質。黑文。體多延沫。澆楊震鰻。雀鳥銜三鰻。集講堂。都講曰。蛇鰻者。卿大夫服象。古鰻與鱣通。

虎魚 狀似虎頭。巨口無鱗。長不盈尺。肉嫩而美。沈文開所謂難以貌求者也。

黃魚 色微黃。扁而細。鱗長六七寸。脂厚。味豐。恨多刺耳。

麻虱目 魚。瑤中所產。夏秋盛出。狀類鰻。鱗細。鄭氏時。臺以為貴品。

鮎魚 爾雅小者鮎。是也。生海邊泥塗中。其大如指。善鮎。故名。俗呼花鮎。以其身有白花點也。茅港尾一帶極多。

鯊魚 一名刀魚。臺人名獅刀。爾雅。鯊。鯊刀。郭璞註。鯊魚也。長頭而狹薄。腹背如刀。故名。多刺。又名刺魚。

烏頰 身短濶。興化志似鯊。鯊魚。但其類鳥。故名。

烏鯛 本草名烏賊。南越志。烏鯛。懷墨而知禮。海物異名集。足在口。縮喙。在腹。驗。彼。喚。墨。迷。射水族。埤雅。每遇大魚。輒喚墨。周波以衛身。中有骨如小舟。名海漂。鮓。俗呼為墨賊。

鑽管 身圓直。如鑽管。首有小骨。插入管中。如鑽鬚。味甘脆。

鯨

圖經鯨魚今南人皆謂之鯨魚多食損目大而長喙如鋸者名胡沙迤異記鯨人之室泣而出珠卽此小而皮粗者曰白沙凡鯨美在翅又有一種黑白圈相間者曰龍文沙亦佳

鮎

身圓頭扁色黑黃無鱗多涎沫肉豐出破中

黃爵

色微黃身薄而小多刺漳郡宋志以爲黃雀所化

沙梭

長五六寸狀如織梭肉豐骨脆

海翁

卽海鰩大能吞舟浮于水面黑如牛背俗謂海翁現則大風將作

紅魚

俗作鯀非張東沙曰形圓如扇無鱗色紫黑口在腹中尾長干身有黃紅燕紅黃紅大而肉粗燕紅小而肉潤

青鱗

興化志大如姆指長六七寸色青鱗厚通志一名青鯽

紅紗

形似鱸皮紅如塗硃鱗細遠望之與金魚之紅者無異內地有紅紗巨而美又是別種

蛄鮎

通志尾有星多穴於田塍或泥岸中

鱮魚

色青體圓而短味腥俗呼大麥鱮以其麥熟時出也

鐵甲魚 鱗硬如甲故名。去其皮方可食。

獨魚 潭志作毒。大者如掌。皮粗。剝之晒乾。以槎木器光潤倍常。內地取其小者為魚醬。

泥鱸 爾雅疏。鱸一名鱸。今泥鱸也。穴泥中。因名。埤雅似鱸而短。以涎自染。難握。俗謂之猷魚。以入秋最多也。

塗虱 頭扁身微圓。黑色。長五六寸。產陂圳潭窟中。通志謂之田瑟。興化志謂之彈瑟。

狗母魚 身圓。黑赤色。長尺餘。有細刺。魚之粗劣者。

金魚 色紅。尾如蝦。而囊金者為貴。亦有黑色而囊金者。

鬪魚 泉郡志。狀如指。長二三寸。有花文。紅綠相間。尾鮮紅。有黃點。善鬪。泉人呼為丁斑。漳人呼為三班。此與上金魚。止供玩賞而已。附於此。

蛇 北戶錄。水母一名蛇。一名石鏡。博物志。狀如凝血。從廣數尺。無正圓。亦無頭目。腸臆。乘蝦。隨之以蝦為目。大者如床。小者如斗。

水雞 一名田雞。陶隱居曰。黑色為蛤子。至美。閩蜀浙東以為珍饈。

沙蠶 生海泊泥塗中。形似蠶。中有沙故名。味甚鮮美。北人憎其形。以為醜也。棄之晒乾。酥食亦佳。又名龍腸。此與水雞蛇。以其水族可食。並附於此。

介之屬

龜

大戴禮甲蟲三百六十。龜為之長。易曰靈龜。書曰元龜。周禮龜人掌六龜之屬。海中有大至數尺者曰海龜。味如鼈。

蟹

爾雅翼蟹八跪而二螯。八足折而容俯。故謂之跪。兩螯据而容仰。故謂之螯。隨潮甲解。故字從解。考工記。仄行蟹屬。故謂之旁蟹。又有生溪圳者。蟹生毛謂之毛蟹。秋後甚肥美。

鼈

易離為鼈。以其剛在外也。養魚經魚滿三百六十。則龍為之長。而引飛出水。有鼈。則魚不復去。故一名神守。段成式曰。田蟲影伏。羽蟲體伏。鼈伏於淵。而卵剖於陸。此思化也。淮南子曰。

青泥殺鼈得竟復生。故俗不與竟同食。又名團魚。

西施舌

殼綠黑色。形似小蚌而長。泉郡志。其肉有舌。最美。海錯之珍。次於江瑤柱。

蟪

一名蝮。生海邊泥塗中。酉陽雜俎。大者長尺餘。能與虎鬪。隨大潮退。殼一退一長。螯至強。

蟻

圖經潤殼而多黃者名蟻。其螯甚銳。斷物如芟割。

蚶

爾雅謂之魁陸。郭註。魁狀如海蚌圓而厚。外有理縱橫。卽今之蚶也。嶺表錄異。一呼瓦稜子。以殼上有稜如瓦。瓏也。

花蛤

似車螯而小。殼有斑文。本草謂蛤表有文。卽此。禮記。雀入水為蛤。是也。味甚清。此地不多產。

蛤喇

似車螯而小。殼圓微黑色。肉黃。淮南子。若土方捲龜。殼而食蛤喇。酉陽雜俎。蛤喇候風。雨能以殼為翅飛。

牡蠣

本草附石而生。磯礪相連如房。故名蠣房。俗呼為蠔。小者名珠蠔。最佳。此間不須架石栽種。圍生海中。取之者乘筏用長竹出諸水底。

鰕

或作蝦。種類不一。有紅鰕。沙鰕。斑節鰕。白丁鰕。各。塏紅鰕最佳。又有黃梔米鰕。小而色紅。晒作鰕米。

龍蝦

嶺表錄異名蝦魁。熟之色紅。閩部疏。龍蝦置盤中猶蠕動。長可一尺。其鬚四繚。長半其身。目睛凸出。上隱起二角。負介昂藏。宛似小龍。尾後吐紅子。色春榴花。真奇種也。北路後壠

竹塹以上
間有之。

螺

通志香螺。大如甌。長數寸。肉白而尾有膏。味甚佳。本草謂之甲香。又響螺。其殼可以吹。軍中用之花螺。如田螺而小。殼圓色白。紅點斑斑。故名。味清而美。又大螺。琢磨其殼。可作鸚鵡杯。

肉白而不脆
尾苦不堪食。

鱉

色青黑。血藍。尾如鎗。十二足。悉在腹下。雌常負雄。漁者取之。得雙。故吳都賦曰。乘黿言相乘也。閩部疏。濱海諸郡。以鱉殼代杓。歲省銅千餘觔。

鯪鯉

爾雅翼。鯪鯉狀如獺。偏身鱗。甲居土穴中。蓋獸類也。人謂之穿山甲。以其能穿穴。一名龍鯪。山海經。龍鯪陵居。是也。常出岸開鱗。甲佯死。俟蟻滿閉甲入水。始開接而食之。

水龜

一名龍虱。出潭。堀中醃食佳。

海豆芽

似蜆而差大。形扁殼綠。吐尾如豆芽。故名。一名土杯。

車螯

似蛤而大。殼厚微黃。肉堅合。漿不放。俗呼為蜆。

蚌

與蛤相類。而異形。圓者曰蛤。長者曰蚌。殼綠黑色。老蚌合珠。戰國策謂與鶡相持者也。

田螺

本草生水田中。含泥在腹。三十年猶活。能伏氣飲露。又有生池中者。殼厚名石螺。

蟲之屬

蜂

檀弓。范則冠。而蟬有漉。范蜂也。種類甚多。其毒在尾。垂穎如鋒。故謂之蜂。傳曰。蜂蠶垂芒。是也。蜜蜂無毒。採百花釀蜜。謂之蜜脾。其王所居為蜂窠。羣蜂採花佳者。以首戴之。貢于王。故

曰蜂蟻

識君臣。

蟻

爾雅名蚍蜉。小者蟻。有赤黑白諸類。赤而小似絲者。俗呼黃絲蟻。埠雅。蟻行透遲有序。需而不速。是也。黑而大者。俗呼走馬蟻。以其走之疾故也。白蟻濕熱相蒸而生。凡器物衣服之類。

置近濕處。一為所侵。皆成蛙粉。寧化志。蟻畏茶。委棄茶渣。乾則為末。佈于其中。蟻不敢犯。

蟬

禮月令。仲夏之月。蟬始鳴。淮南子。蟬無口而鳴。飲而不食。三十日而媿。攷工記。以勝鳴者是也。莊子。朝菌不知晦朔。蟪蛄不知春秋。埠雅。蟪蛄。夏蟬也。離騷。蟪蛄鳴兮啾啾。歲暮兮不自

聊則亦秋蟬矣。陸士龍稱蟬有五德。頭有髮文也。飲露清也。黍稷不享。廉也。處不巢居。儉也。應侯信也。

蝴蝶 古今註。蛺蝶一名野蛾。一名風蝶。種類甚多。雜色俱備。今但呼為蝴蝶。坤雅。蜂蝶以鬚嗅。鬚蓋其鼻也。異物志。有人浮南海。見蛺蝶大如蒲帆。

蟋蟀 詩義疏。蟋蟀似蝗而小。正黑身。光澤如漆。有角翅。又謂之促織。里語促織鳴。懶婦驚。又謂之莎雞。

蜘蛛 布網如罾。絲自處其中。飛蟲觸網者。纏縛食之。春得暖風。布絲遠闊。有長至丈餘者。爾雅。在地中布網者為土蜘蛛。在草中布網者為草蜘蛛。詩。蠶蟄在戶。蠶蟄長跗。即小蜘蛛也。

蜥蜴 似蛇四足。長五六寸。說文。在草曰蜥蜴。在壁曰蜥。守宮也。漢武帝五月五日取。以丹砂和脂飼之。身盡赤。至次年五月五日。搗之以塗宮。人有私者。其迹即消。故名守宮。蠶產者能

鳴。

蜻蜓 坤雅。蜻蜓飲露。六足四翼。翅輕薄如蟬翼。遇雨多集水。上狀飛色青而大。小而黃者曰胡離。小而赤者曰赤卒。

螢 腐草化生。爾雅謂之即炤。萬畢術曰。螢火却馬。註云。取螢火。裹以羊皮。置土中。馬見之。鳴。却不敢行。內地生於夏秋之間。臺二月即生。

螽斯 草木疏。蝗類。青色。長角。長股。股鳴者也。蟲之不妬忌者。一生九十九子。故壽以為子孫衆多之況。

螳螂 爾雅謂之莫貜。此蟲知進。惟捕蟬。則一進一却。易通卦驗曰。螳螂捕蟬。得美陰。而鳴。螳螂超枝。綠條。以葉自翳蔽。棘腰舉足。搏而取之。

蚯蚓 一名土龍。一名蜿蟺。長吟地中。東方虬賦。乍逶迤而鱗曲。或宛轉如蛇行。荀子。蚓無爪牙之利。筋骨之強。上食槁壤。下飲黃泉。其用心一也。

蝦蟇 似水雞。背有黑點。酉陽雜俎。蝦蟇無腸。陸居者為蟾蜍。爾雅謂之蟾蜍。腹大皮多。辨磊張。衡靈憲論。羿妻竊西王母不死之藥。奔月宮。是謂蟾蜍。凡附骨。瘰癧。發背。腫毒。按方用之。

俱效生疔瘡。剖其腹。取肝塗之。立愈。將腹皮縫密。放去不死。眉間白汁曰蟾酥。

青約 圖經。背青綠色。謂之青蛙。海錯疏。身青。嘴尖。脊路微黑。腹細而白。土人去其皮食之。

螟蛉 爾雅。螟蛉桑蟲也。郭註。俗謂桑蠶亦曰戎女。

蠅虎 泉郡志。蛛屬。藏壁間。迴環周顧。能捕蠅。

螺贏 爾雅。名蒲盧。郭註。名蟾蠩。陸璣曰。似蠶而小。腰取桑蟲。負木空中。七日而化為子。詩。螟蛉有子。蠛蠪負之。法言。螟蛉之子。殪而逢蠛蠪。祝之曰。類我類我。久則肖之。陶隱居曰。黑色

腰小。銜泥於壁間。及器物邊。作房。俗云螺贏。作房於高。是年雨多。作房於低。是年雨少。亦一驗也。

蝙蝠 肉翅類鼠。晝伏夜飛。食蚊虻諸類。爾雅。蝙蝠伏翼。或謂之仙鼠。通志。一名夜燕。

蜻蛉 漆色。狀似龍虱。緣壁善走。有翅能飛。多藏柵篋中。漳志。謂之蜻蟲。

蛇

毒蟲也。其舌雙。其耳聾。其聽以目。其毒在涎。世傳蛇無足。陶弘景曰。五月五日。燒地令熱。以酒沃之。置蛇午上。則足見。種類甚多。一名山辣。長七八尺。食鼠不傷人。一名龜殼花。背有紋如龜紋。一名飯匙倩。頭扁如飯匙。見人頭昂二三尺。惟尾貼地。噴鼻有聲。一名青竹絲。長一二尺。色青如竹。故名。三者嗜人最毒。一名松栢根。螫之迅於百步。一名草花仔。小而花不傷人。

蜂虎

狀似燈蛾而大。頭有斑點。入蜜蜂窩。則盡食其蜂。

蜈蚣

赤腹黑頭。多足。爾雅謂之蝓。能制蛇。緣而啖其腦。管連子百足之蟲。雖斷不僵。即此也。

蜒蚰

夏月積暑濕氣所生。無足。長二三寸。大如銀股。青黃黑色。行處吐白涎。成銀色。有光。俗呼為青顆。

水蛭

水蟲也。蠕動如血片。斷之寸寸。得水復活。能啣牛馬人血。本草大者名馬蟥。腹黃者為馬蟥。物理小識曰。馬蟥燒成灰。以碗覆之。干地。過一夜復生。俗呼為蜈蚣。此地內山最多。無

水而活。

蠅

張敞曰。蒼蠅之飛。不過十步。自托駢鬣之髮。乃騰千里之路。酉陽云。蠅聲在翼。身青而大者。糞能敗物。

蚊

郭舍人曰。客從東方來。歌謳且行。不從門入。臨我門。擣擊之。桓桓死者。穰穰。格鬪而死。主人被創。是何物也。東方朔曰。長隊細身。晝亡夜存。嗜肉惡糧。為掌所捫。臣朔恐蠶名之曰蠅。

蠹

一名白魚。一名衣魚。俗謂之蠹魚。韓詩豈殊蠹書蟲。生死文字間。是也。始則黃色。老有白粉。闔地濕蒸多蠹。甚為衣帛書畫之害。

蛾

爾雅。蛾羅也。苻子曰。夕蛾去暗赴燈而死。

竈雞

本草名竈馬。穴竈而居。狀如促織。詩。義疏。似蝗而小。善跳。好鬪。立秋後則夜鳴。俗言竈有馬。足食之兆。

蛭螂

爾雅。所謂蛭螂。邢昺疏。黑甲。翅在甲下。噉糞。土作丸而轉之。莊子。蛭螂之智。在轉丸。是也。

毛蟲

身上有毛。爾雅。蛸。毛蟲。說文。俗呼毛。載有毒。整人。楚辭。載綠兮我裳。是也。

諸羅縣志卷之十終

諸羅縣志卷十一

藝文志

班史志藝文。後世郡邑志祖述焉。非徒標紀山川張皇雲物云爾。將采民風覘吏治。亦攷鏡得失之林也。諸邑人文草昧。著述無聞。詩歌古文詞。落落罕見。不過仕官游人。鬻景標題。因事載筆而已。夫文章之盛衰。因乎地運。賢者以文章轉移氣化。而不囿乎方隅。故曰人傑地靈也。檢郡志。旁蒐見聞。擇其有關斯邑而文尤雅者。編之左。諸人士其有見之而幡然以起者乎。

題報生番歸化疏

康熙五十五年

覺羅滿保

閩浙總督

題爲聖德覃敷十二番歸化。仰請詳題。以昭盛治事。據福建布政司布政使沙木哈按察司按察使董永艾會詳。該臣看得臺灣遠屬海外。民番襍

處。習俗異宜。自入版圖以來。所有鳳山縣之熟番。力力等十二社。諸羅縣之熟番。蕭壠等三十四社。數十餘年。仰邀聖澤。俱各民安物阜。俗易風移。其餘南北二路生番。自古僻處山谷。聲教未通。近見內附熟番。賦薄徭輕。飽食煖衣。優游聖世。耕鑿自安。各社生番。亦莫不歡欣鼓舞。願附編氓。今據臺灣鎮道詳報。南路生番。山猪毛等十社。土官匝目等。共四百四十六戶。男婦老幼計共一千三百八十五名口。北路生番。岸裡等五社。土官阿穆等。共四百二十二戶。男婦老幼計共三千三百六十八名口。俱各傾心向化。願同熟番一體內附等。由冊報前來。臣因海外生番。輸誠歸化。若非撫綏安置。備極周詳。無以仰副皇上德洋恩溥。遠至邇安之意。隨會同撫臣。批行鎮道。確勘議詳復行。福建布按二司詳悉酌議去後。茲據布政

使沙木哈會同按察使董永艾詳報。稱南北二路生番。向與鳳諾二邑熟番接界。今據慕義輸誠。實由聖德感孚所致。查其地土毗連。各有土官統攝。醇樸馴良。應循習俗。令其照舊居處。仍用本社土官管束。無庸另設滋擾。其汛守防範。原有鳳屬南路一營之淡水汛。諸屬北路營之半線汛。相去匪遙。飭令照舊防範。用資彈壓。并令文員加意撫恤。除熟番聽其照常貿易外。內地兵民毋許擅入番界生事。及藉巡查擾累。所報丁口。附入版圖。勿事編查。順其不識不知之性。使之共樂堯天。其南北二路。每年各願納鹿皮五十張。各折銀一十二兩。代輸貢賦。聽其按年輸納。載入額編。就臺充餉。此外並不得絲毫派擾。以彰柔遠深仁等由。造具各社番戶丁口數冊前來。欽惟我皇上聖德神功光被四表。文謨武烈。協和萬邦。聲教覃

敷。已漸被于東西南北。思膏疊沛。更周流于侯甸要荒。茲海外之番黎等。寔中之蠕動。乃猶仰沾聖化。願附生民。具見草木昆蟲盡屬太和之保合。雖在黃農虞夏。莫因廣運之規模。臣幸際日期欣逢盛事。卽會同撫臣陳璘捐備花紅銀牌猪酒。飭令該地方官將土官。從優給賞。外所當恭疏報聞請旨。纂入輿圖。昭垂典冊。以誌無疆之盛業者也。除將各社番戶丁口數冊。分送戶兵二部。外所有生番歸化情由。臣謹會同撫臣陳璘。水師提督臣施世驃。合詞具題。

初議捐脩諸羅縣學宮序

高拱 乾
觀祭使

繼往開來。道莫高于夫子。梯山航海。治莫盛于國朝。至治之徵無思不服。大道之象有自具瞻。是以萬乘最尊。猶敦師禮。百蠻殊俗咸被文風。自天

下建學以來。數仞宮墻比崇日月。人材于是乎出。教化于是乎興。故瞻其
居重其道。則爲名將相。爲賢卿大夫。爲貞婦義士。順孫孝子。不則蠢然塊
然草木昆蟲等耳。至聖垂教。大而倫常功業。小而飲食日用。無所不寓。不
必盡出膠庠之中。莫非沐浴詩書之澤。雖極頑冥無知。往往頰首謁聖。睹
車服禮器而化。其難馴之氣。譬如東風解凍和氣飲人。其神妙有莫可名
言者。臺以海外地。明季通商。始有漢人。迨鄭氏遁踞。舊家世族。或從而東。
生聚有年。絃誦猶未廣也。越至于今。輸誠納土。島民得覩天日。分設郡縣。
招徠愈衆。十餘年間。聲教大通。人文駸駸蔚起。卽深山邃谷。文身黑齒之
番。皆知向風慕學。有識之士咸謂。治以道隆。道隨治廣。從此海不揚波。內
外如鄒魯矣。然百務草創。規制苟簡。諸羅學宮。茅屋三楹。更大不稱。余備

兵于此。兼分視學之任。每問其令以城垣未建。學基恐有更易爲對。荏苒三載。時怒余懷。今余瓜期已屆。諸生以舊基甚吉。欲謀拓新。而諸羅及臺鳳三城營建尙未有日。則先大吾夫子之宮。又務之當急者也。余雖不敏。何敢以五日京兆。諉之後之君子。旣捐俸爲倡。復商諸君子者。力難獨任也。尊師好義之名。又不敢自有也。此學宮乃舊在善化里西侯者

諸羅縣學記

蔡世遠 庶常

諸羅縣學。原在善化里之西。茅茨數椽。康熙四十三年甲申。鳳山令宋君永清署篆諸羅。因縣署移歸諸羅山。就羅山議建。丙戌。郡丞孫君元衡攝縣事。建大成殿。櫺星門。戊子。宋君再署篆。建啓聖祠。乙未。九月颶風大作。屋瓦門墻皆傾。今令君貴陽周侯憮然曰。是吾責也。是歲十月興工。脩其

破壞大成殿啓聖祠皆易故而新之。建東西兩廡以祀先賢先儒。東有名宦祠。西有鄉賢祠。又於啓聖祠之東建明倫堂。西建文昌祠。附西爲學舍。便肄業者。櫺星門之外。周以墻。榜曰禮門義路。墻之外爲泮池。皆前所未有也。糜白金一千五百有奇。周侯獨肩之。不擾民間一絲。丙申六月告成。世遠時應中丞雷陽陳公之招。主鼇峰書院。吾友陳君夢林客遊於臺。周侯介陳君以書來求記。且曰。諸羅僻居海外。諸生觀化聿新。願有以教之也。世遠寡陋。何知。爰卽鼇峰諸友相與砥礪者而告之曰。君子之學。主於誠而已矣。誠者五常之本。百行之原也。純粹至善者也。天之所以與我者也。人之不誠者。無志者也。人之無志者。由不能盡其誠者也。誠以立其志。則舜可法。而文王可師也。其原必自不欺始。程子曰。無妄之謂誠。不欺其

次也。其功由主敬以馴致之。程子曰：未至於誠則敬然後誠也。敬也者主一無適以涵養其本原之謂也。由是而謹幾以審於將發，慎動以持於已發，則合動靜無一之不誠也。雖然由明以求誠之方，惟讀書爲最要。朱子曰：讀書之法當循序而有常，致一而不懈，從容乎句讀文義之間，而體驗乎操存踐履之實，不然雖廣求博取奚益哉。學者率此以讀天下之書，則義理浸灌，致用宏裕，雖然非必有出位之謀也。蓋倫而已矣。孔子曰：愛親者不敢惡於人，敬親者不敢慢於人。吾父子兄弟，肫然藹然，盡吾愛敬之忱也。克伐怨欲之心，何自而生哉。始於家邦，終於四海，皆是物也。庸近之士，不能返其本思其終，但以爲吾讀書得科名，而吾名成矣。營閭里，利身家，而吾事畢矣。其幸者得一第，其不幸者老死於布褐而已矣。其天資厚

而習染輕者。居是官也。猶可以寡過。其天資薄而習染重者。則貪沒焉而已矣。夫此身父母之身也。天地之身也。民物所胞與之身也。以父母之身。天地之身。民物所胞與之身。顧可不返其本。思其終。以貽父母羞。以自外於天地。以爲民物所詬病哉。諸羅雖僻處海外。聖天子治化之所覃敷。三十餘年於此矣。巨公名人。相繼爲監司守令。其間風俗日上。萃一邑之秀於明倫堂。相與講經書之要旨。體宋儒之微言。告之以立誠之方。讀書之要。倫理之脩。經正理明。則辭達氣充。科名之盛舉。積諸此。非徒善人之多也。陳君爲我言。周侯清脩幹。固百廢俱興。引人於善。惟恐不及。吾知所以長育人材。化民成俗者。必有道矣。又何俟余之贅言哉。周侯名鍾瑄。字宣子。貴陽人。登丙子乙科。以清德文學世其家。

諸羅義學田記

陳

聲

諸羅
教諭

古者選士之法。不一其途。養士之術。亦不一其地。故自王朝侯國之外。至於州閭鄉黨。莫不有學。學也者。所以教人。廣見博聞。謹言慎行。標里門之秀。備邦國之禎。而非徒區區邀名之具也。今天子文教覃敷。殷殷以訓飭士子爲念。世之爲士者。不能仰體德意。日進於高明。而徒奔走趨承。惟飽煖衣食之爲急。是果學業之不端歟。抑亦課督之不勤歟。此必有任其咎者矣。諸羅僻在臺北。番衆雜處。絃誦之堂久而不修。歲丙戌。郡司馬孫公攝縣篆。慨焉有文物之思。營建聖廟。設義塾於其側。延廩生鄭子鳳庭爲之師。又慮脩脯之無資。燈膏之不繼也。置園四十四甲於開化里之灣裡溪。學博掌之。歲徵其入以給費。今閱數春秋矣。溪流衝決。沙堤崩陷。難問

者十之四五。余懼作人美意無以垂久遠也。妥取而誌之。以戒夫食是餽者當盡是職。毋徒博虛名。而不旣厥實。上負養育之意。下負生平之學也。抑又望後有振興而光大之者。使家絃戶誦。經正民興。士習醇而世運隆。以臻於一道同風之盛焉。則幾矣。

諸羅縣城隍廟碑記

周 鍾 瑄

本縣令

維諸羅僻在海外臺灣之北。故島彝鳩居。今皇帝二十二年。削平鄭氏。置縣張官吏。五十四年。鍾瑄承乏縣事。粵稽祀典。城隍宜有廟。未之或舉。大懼無以妥神。迓庥以穀我士女。爰于署之左偏。捐基飾材。爲堂爲寢。爲門廊廡。具備。糜白金五百六十有奇。五十五年冬告成。邑人士僉謂。宜書厥事於石。鍾瑄聞之。聖人設教。明爲人而幽爲鬼神。理一而已矣。邑有令以

治明也。賞善罰惡。均其賦役。平其爭訟。教之孝弟忠信。使邑無饑寒怨咨。而相率於善者。令之職也。有城隍以治幽也。福善禍淫。順其四時。阜其百物。驅其魍魅蠱毒。使邑無災眚夭枉。而不卽於淫者。城隍之責也。自廟貌不崇。於是民不知設教之本。而求諸依草附木之精。於妖魔怪誕之術。竊附神道。以惑世誣民。遂爲人心風俗之大蠹矣。古周禮八蜡之祭。有水庸。庸。城也。隍。水也。後世或指有功德者一人以神之。典秩漸隆。賜廟額。班封爵。埒諸社稷山川風雲雷雨以祭。相沿以至於今。故事守土官入境。必先齋宿於廟。而後視事。水旱必牒於神。而後禱於壇。厲祭必迎於壇。而使主其事。凡邑有大舉。神莫不與焉。故浮屠老子之宮。學士有議而非之者。至於城隍。而獨無間然。豈非保障一方。聰明正直之靈。爽昭著人心目間歟。

今新廟奕奕。願自茲以往。令斯土者。入斯廟而對越神靈。悚惕乎爲民父母之職。而爲吾士民者。尙亦曉然。斯廟建立之由。鬼神陟降之旨。無溺邪說。以自求多福哉。

新建諸羅縣署記

孫元

衡

本郡
司馬

今天子聖神文武。聲靈遠播。二十二年開拓臺疆。設郡分邑。置諸羅爲一縣。然縣治雖有其名。而衙署未建。宰斯土者。就佳里輿爲縣署。後先相仍于茲。二十有餘載。四十三年鳳山令宋君署諸邑。奉文移歸羅山。業擇地興工。以新令蒞任不果。四十五年余攝諸篆。親履其地。問聽斷何所。承宣何所。自公退食何所。則荒田野草。數椽未就。因亟爲之謀。命工庀材。依其爽塏。雖丹漆未施。而公堂內署已井然有序矣。從此蒞政之暇。與邑紳士。

坐論桑麻。漸及禮樂。卽不敢侈規模之大備。亦不至以蒞政臨民之地。委諸荒田野草。是則余之所差慰也。至若大其棟樑。飾以華藻。以壯厥觀。請俟後之君子。

望玉山記

陳夢林

玉山之名。莫知於何始。不接入境。遠障諸羅邑治。去治莫知幾何里。或曰山之麓有溫泉。或曰山北與水沙連內山錯。山南之水。達於八掌溪。然自有諸羅以來。未聞有躡屨而登之者。山之見恆於冬日。數刻而止。予自秋七月至邑。越半歲矣。問玉山輒指大武壠山後煙雲以對。且曰是不可以有意遇之。臘月旣望館人奔告玉山見矣。時旁午風靜無塵。四宇清澈。日與山射。晶瑩耀目。如雪如冰。如飛瀑如鋪練。如截肪。顧昔之命名者。弗取

玉韞于石生。而素質美在其中。而光輝發越於外。臺北少石。獨萃茲山。山海之精。醞釀而象玉。不欲使人狎而玩之。宜於韜光而自匿也。山莊嚴瑰偉。三峰並列。大可盡護。邑後諸山。而高出乎其半。中峰左聳。旁二峰若翼乎其左右。二峰之凹微間。以青注目。瞪視依然純白。俄而片雲飛墜。中峰之頂。下垂及腰。橫斜入右。峰之三。頓失其二。游絲徐引諸左。自下而上。直與天接。雲薄於紙。三峰勾股。摩盪隱隱。如紗籠香篆中。微風忽起。影散雲流。蕩歸烏有。皎潔光鮮。軒豁呈露。盡瞬息間。而變幻不一。開閉者再焉。過午乃盡封之。以去。以予所見聞。天下名山多矣。嵩少衡華。天台廬山。帶皆緣雨之勝。徵奇涉怪。極巍峩窮幽渺。然人跡可到。泰山觸石。匡廬山帶皆緣雨生雲。黎母五峰。晝見朝隱。不過疊翠排空。幻形朝暮。如此地之內山。歛顰

乎雲端。壯觀乎海外而已。豈若茲之醇精凝結。磨涅不加。恥太璞之雕琢。謝草木之榮華。江上之青無能方其色相。西山之白莫得比其堅貞。阻絕乎人力舟車。縹緲乎重溟千嶺。同豹隱之遠害。擇霧以居。類龍德之正中。非時不見。大賢君子欲從之而未由。羽客緇流徒瞻言而生羨。是寰海內外。獨茲山之玉立乎天表。類有道知幾之士。超異乎等倫。不予人以易窺。可望而不可卽也。

九日遊北香湖觀荷記

陳夢林

丙申秋予初至諸羅。九月九日與李君世勳林君秀民載酒郊垌。思得危峰絕頂。以縱目寄懷。山率數十里之外。遠不可旣。先是土人云。縣北里許有湖。修且廣。荷方盛開。未之信也。及是日偕往觀焉。出郭數百武。便見

此湖蜿蜒屈曲。殊有勝概。少選風從北來。香氣蕩渤如相迎。而覩面相過。漸逼湖憩舍旁道口。從者曰。此淡水雞籠大道也。綠雲委波。紅衣鱗次如畫。湖面東自台斗坑凡數折。而滙縣治之衆流。黛蓄膏渟。廣可三四畝。修如其廣數十倍。漢人與土番合築爲陂。其下西出北社尾。灌田凡數百頃。遠山蒼翠。列峙千對岸。循阡陌以東。有地數畝。扼全湖之腰。野竹上逼青霄。參差茅屋。蓋園丁云。移坐竹間。湖清荷簇。迴環如帶。又有牙蕉。檨樹。蓼花。風動波搖。東西上下。互相掩映。冷冷幽麗。人在香國中。飄乎若出有而入無。蕩遺塵。而特立也。傍岸有筏。小奚從一番子。跳越穿荷以去。篙數尋。或不得其底。園丁爲予言。此湖深冬不涸。花之放度臘。乃盡。荷錢新舊相接。亦奇觀矣。顧念自有此湖。未有表而出之者。抑不知開鑿何時。自有乾

坤以來。便有此湖。湖之有荷。又不知始自何時。蓋埋沒蠻煙瘴雨者。幾千百年。而吾三人今日來遊於斯。假碧水之英華。代登高之舒嘯。豈可令戲馬之臺。落帽之山。獨美千古。然則斯湖也。其可以無名乎。因酌酒而名之。曰北香湖。以其地居縣之北。又中土此時。菌菴香消。而此地之荷。獨與梅菊爭奇。吐艷於北風凜烈之際。是足以愧夫趨熱而惡涼。遇霜而先萎者矣。故曰北香也。李林二君齊拊手曰善。因爲記。而二君各系以詩。

祭淡水將士文。有序

阮 蔡 文 北語

淡水離鷄籠二百一十里。夙號煙瘴。近臺北之極邊。康熙五十年辛卯。洋盜鄭盡心自遼海竄逃。上命江浙閩廣四省舟師搜捕。因設營汛於此。其明年文奉命自錦州泛海。招撫洋盜陳尙義於盡山花鳥。癸巳除

雲南州牧。上以文熟諳海務。甲午改廈門參戎。乙未再調臺北。淡水在所轄之內。實爲要區。是歲仲冬。由羅山北哨沿海。因至其地。寒風陰霧。間荒塚纍纍。問之皆西來將士。悼其孤魂。海角死而無名。雖烈士骨香。終有餘恫。椎牛醞酒。薦之以辭。其辭曰。

大遯之山兮。干豆之水。神龍所居兮。百怪所倚。黃雲晝塞兮。陰風夜被。飢
燐閃閃兮。山精纍纍。當在昔之竊據兮。常懸師而築壘。兵與將其偕亡兮。
每黃昏而爾汝。迨天朝之戡定兮。棄遐陬而弗齒。聽島夷之雜居兮。義羈
縻而勿侈。胡比年之狡兔兮。稱有窟之在此。爰留軍以駐防兮。誰創謀之
伊始。維諸子之東來兮。皆干城之比擬。狹東海於溝渠兮。近天涯於尺咫。
汎守旣分兮。慨然戾止。毒氣朝薰兮。烟嵐暮抵。如精金之受煉。體雖堅而

融液兮。如素絲之受染。質雖白而成纒。醫莫購於軒岐兮。藥倍難於蘭茝。
裹鹿革以爲棺兮。倩蝶衣以爲紙。氣鬱勃而不伸兮。魂飄零而奚底。苟征
伐於不庭兮。若腓胫之與交趾。蹈白刃其何傷兮。垂令名乎青史。徒水土
之不宜兮。致捐軀而比比。豈聖世之共驩兮。罪難辭乎竄徙。反泰山於鴻
毛兮。棄身命如敝屣。阻隔兮雲山。夢寐兮鄉里。傷心兮友朋。斷腸兮妻子。
封侯兮不遂。暴骨兮沙渚。月白兮霜飛。鴉啼兮狐起。不佞忝帥偏師來巡
北鄙。心聞此而慘悲兮。意感此而難已。具牛羊而祭告兮。聲歎獻而變徵。
苟來格而來享兮。知英靈之尙邇。爾沒在前無能恤爾於生兮。我來在後
聊云慰爾於死。母爲民灾兮。母爲物否。璧壘康寧兮。周道如砥。凡余所言
兮。毋逆於耳。

題沈斯菴襍記詩

李 麒 光 本臨

從來臺灣無人也。斯菴來而始有人矣。臺灣無文也。斯菴來而始有文矣。斯菴學富情深。雄于詞賦。浮沉寂寞。于蠻烟瘴雨中者二十餘年。凡登涉所至。耳目所及。無鉅細皆有記載。其間如山水。如津梁。如佛宇。僧寮。禽魚果木。大者紀勝尋源。小者辨名別類。斯菴真有心人哉。思古人飄泊栖遲。若少陵之在巴蜀。白鹽赤甲諸詩。柳河東遷謫嶺南。鈇鉞石潭諸記。皆從無聊鬱塞之時。寄發興會。其志愈苦。其文愈工。而人與地相爲不朽。斯菴在臺。以一賦寓譏刺。幾蹈不測。嘗見本館故著述多晦而不彰。及余來尹是邦。每出其所藏以相示。謂余能讀斯菴之文。亦惟余能知斯菴之人也。幼嘗覽西京襍記。載上林令虞淵花木簿。排列名目。使人興盧橘蒲桃之感。今斯

菴此詩雖曰紀事紀物。而以海外之奇。備從前職方所未有。則是詩也。卽古國風矣。烏可以不傳。

雞籠積雪

以下俱詩

高拱乾

北去二千里。寒峰天外橫。長年紺雪在。半夜碧雞鳴。翠共峨眉積。炎消瘴海清。丹爐和石煉。漫擬玉梯行。

前題

齊體物

本都司馬

蠻島亦飛雪。玲瓏徹玉壺。經年寒不已。見月影俱無。積素疑瑤圃。高空似畫圖。惟於炎海外。方覺此山孤。

雜咏十首

疑是羲皇上古民。野花長見四時春。兒孫滿眼無年歲。頭白方知屬老人。

紀叟中山浪得名。何如蠻酒撥醅清。寧知一醉牢騷解。幾費香腮釀得成。
藥溪流水碧差差。不擬天寒出浴遲。卒歲無衣雙赤膊。負暄巖下曝孫兒。
釀蜜波羅摘露香。傾來椰酒白於漿。相逢岐路無他贈。手奉檳榔勸客嘗。
生年十五鬢鬢髮。招得兒夫意所甘。豈但俗情偏愛女。草中都不長宜男。
燕婉相期奏口琴。宮商諧處結同心。雖然不辨求凰曲。也有冷冷太古音。
露濃滋得麥苗肥。草長還憂豆葉稀。心憶兒夫桑柘下。日斜相望荷鋤歸。
巢棲穴處傍巖阿。薛荔爲衣帶女蘿。要向衆中誇俠長。只論誰最殺人多。

番 婦

沈 光 文 寓說

社裡朝朝出。同羣擔負行。野花頭挿滿。黑齒草塗成。賽勝纏紅錦。新粧掛

白珩。

項當掛
瑪瑙珠

鹿脂搽抹慣。欲與麝蘭爭。

香抹鹿油
以爲香

九日羅山遇雨

山居鄭氏
舊址

宋 永 清

風山

蕭蕭風雨度重陽。匹馬羅山舊戰場。白髮漸隨秋色老。黃花空憶故園香。
雲迷古樹千峰遠。霧鎖清溪一水長。莫酒年年常醉客。爭雄壁壘幾滄桑。

虎尾溪

阮 蔡 文

東螺虎尾之分派。北流西折而聯界。去年虎尾寬。今年虎尾隘。去年東螺乾。今年東螺澮。大宗盛時支子依。支子若強大宗壞。餘流附入阿拔泉。虎尾之名猶相沿。阿拔之源阿里山。虎尾之源水沙連。譬如兄弟鬩牆變。却於異姓共周旋。水有源頭木有本。不信但看棠棣篇。

大甲溪

崩山萬壑爭流滄。溪石團團馬蹄繫。大者如鼓小如拳。溪面誰填遞疎密。

水挾沙流石動移。大石小石盪摩澀。海風橫刮入溪寒。故縱溪流作髻鬢。
水方沒脛已難行。水至欄腰命呼吸。夏秋之間勢益狂。瀾漫五里無舟楫。
往來溺此不知誰。征魂夜夜溪旁泣。山崩巖壑深復深。此中定有蛟龍蟄。

大甲婦

大甲婦一何苦。爲夫饁餉爲夫鋤。爲夫日日績麻縷。績縷須淨亦須長。撚
勻合線緊雙股。斲木虛中三尺圍。鑿開一道兩頭堵。輕圓漫捲不支機。一
任元黃雜成組。間彩頗似虹霓生。綻花疑落仙姬舞。吾聞利用前民有聖
人。一器一名皆上古。况茲杼軸事機絲。制度周詳供黻黼。土番蠢爾本無
知。制器伊誰遠近取。日計苦無多。月計有餘縷。但得稍閒餘。軋軋事僂僂。
番丁橫肩勝綺羅。番婦周身短布襖。大甲婦一何苦。

吞霄道中

來時北渡正二更。歸日微明復到此。過港應須及退潮。稍緩須臾徒延企。
以竝來往不成眠。鷄鳴夜半行裝起。平時擁被五更寒。今夜匆匆胡乃爾。
風捲濤飛天雨急。從人盡是征衣濕。

後壠港

雙溪奔流西入海。海勢吞溪溪氣餒。銀濤翻逐綠波迴。遂使溪流忽然改。
番丁日暮候潮歸。竹箭穿魚二尺肥。不事網罟多築石厓
潮退以竹箭射取少婦家中藏美酒。共夫倒

酌夜爐圍。得魚勝得獐與鹿。遭遭送去頭家屋。

後壠

去縣日以遠。風俗日以變。顧此後壠番。北至中港限。音語止一方。他處不

能辨頭髮頂上垂。當額前後剪。髮厚壓光頭。其形類覆盃。亦有一二人。公然戴高冕。黑絲及紅絨。纏之百千轉。大有古人風。所惜雙足跣。男女八九歲。牙前兩齒剗。長大手自牽。番以婚配爲牽手另居無拘管。父固免肯堂。翁亦無甥館。是處兩三間。村庄何蕭散。高廩置平原。黍稷有餘輓。所慮濕氣蒸。駕木如連棧。巨匏老而堅。行汲絡籐瓣。溪水漲連旬。利涉身焉縮。豐年百禮偕。疾病顛危罕。飲酒卽高歌。番民多卽事成歌其樂何行衍。

竹 塹

南嵌之番附淡水。中港之番歸後壠。竹塹周環三十里。封疆不大介其中。聲音略與後壠異。土風習俗將無同。年年捕鹿丘陵北。今年得鹿實無幾。鹿場半被流民開。藝麻之餘兼藝黍。番丁自昔亦躬耕。鐵鋤掘土僅寸許。

百鋤不及一犁深。那得盈寧畜妻子。鹿革爲衣不貼身。尺布爲裳露雙髀。
是處差徭各有幫。竹塹犢犢一社耳。鵲巢忽爾爲鳩居。鵲盡無巢鳩焉
徙

淡水

淡水北盡頭。番居之所紀。遠者旬日期。近者一望止。內地閩安洋。楊帆旦
暮抵。全臺重北門。鎖鑰非他比。聞昔王師來。負固猶未已。懼發陰平師。先
截長江水。降旗出石頭。鐵鎖亦奚禱。空亡五鎮兵。鬼隊陰風裡。大遯八里
岔。兩山自對峙。中有于豆門。雙港南北匯。北港內北投。社名 磺。氣噴天起。泉
流熱勝湯。魚蝦觸之死。浪泵。社名 麻少翁。社名 平豁略可喜。沿溪一水清。風被
成文綺。溪石亦恣奇。高下參差倚。踰嶺渡雞籠。蟒甲。社名 風潮駛。周圍十餘

里。其番稱姣美。風俗喜淳良。魚鹽資互市。南顧蛤仔難。社名北顧金包裏。社名

突入紅毛城。顧似東流砥。南港武勝灣。社名科籐通草修。擺接。社名發源初。混

混水之沚。隔嶺南龜崙。社名南嵌。社名收臂指。雞柔。社名大遯陰。金包傍山磯。跳

石以爲梁。潮退急如矢。山鹿雖無多。海菜色何紫。又有小雞籠。依附在密

邇。凡此淡水番。植惟狗尾黍。山芋時佐之。原不需大米。近日流亡多。云欲

事耘耔。苟其願躬耕。何處無桑梓。竄身幽谷中。母乃非常理。大社雖八名。

小社更纍纍。各以近相依。淮泗小侯擬。通事作頭家。土官聽役使。通事老

而懦。諸番雄。拆弛。何以盡傾心。聖朝聲教底。我行至此疆。俯伏而長跪。羊

酒還其家。官自糗糧峙。殷勤問土風。豈敢厭俚鄙。

樣

圃

丙申余曾志於此園爲題額

小圃茅齋曲徑通。參天老樹鬱青葱。地高不怕秋來雨。縣治狀象比屋蓋。暑極偏
饒午後風。海外雲山新畫卷。窓間花草舊詩筒。莫愁紙盡無揮灑。纔種芭
蕉綠滿叢。

玉山歌

須彌山北水晶宮。天開圖畫自瓊瓏。不知何年飛海東。幻成三箇玉芙蓉。
莊嚴色相儼三公。皓白鬚眉冰雪容。夾輔日月挂穹窿。俯視衆山皆羣工。
帝天不許俗塵通。四時長遣白雲封。偶然一見杳難逢。唯有霜寒月在冬。
靈光片刻曜虛空。萬象清明曠發蒙。須臾雲起碧紗籠。依舊虛無縹緲中。
山下螞蟻如蟻叢。蝮蛇如斗捷如風。婆婆大樹老飛虫。攢肌吮血斷人踪。
自古未有登其峰。於戲雖欲從之將焉從。

丁酉正月初五夜。羅山署中大風。次早風歇。飲酒紀之以詩。

海西蟄起蛟龍怒。昨夜海吼風不住。風聲入耳駭人聞。風勢如癡復如颶。
客子殘燈半滅明。閉門欹枕空百慮。山房四立柱影搖。有時風欲挾之去。

萬馬蹄奔劔戟鳴。虎豹搏噬急雨注。往來嘈雜不成眠。一夜夢魂無宿處。

平明起視浮雲決。風力漸微聲漸歇。呼童煖酒賞春朝。似怯寒吹簾幔徹。

因憶去年臘月初。番仔渡頭朔風烈。

近日加溜灣有番仔渡丙申臘月一日字自那還語經此

番社紛紛亂捲茅。竹

樹倒披梢半折。耳鼻填沙眼怕開。行人却走馬蹙蹙。山溪狂似海波潮。溪

水冷於軸頭鐵。雙犢亂流車苦遲。番兒強輓膚破裂。下馬停車權息肩。店

舍無烟酒不熱。番兒力盡凍且僵。呼起聊爲哺與啜。可憐幅布半圍身。青

錢那惜恣饜飜。此時如我敢言寒。猶有敝裘重補綴。况復今朝風已春。窓

明几淨椒盤新。水仙香發綠尊滿。春冷無眠奚足驚。風波自古仗忠信。念爾孤蓬海上人。

九日北香湖觀荷

李欽文

九日湖光好。紅渠一望奢。是昔湖始命名北香嘉名初有錫。勝地倍增華。國色臨秋水。香

風落彩霞。歲寒須共保。切莫妒黃花。

前題

湖上秋光老。君子意何遲。似有東籬約。來吟招隱詩。綠葉濃寒露。紅衣淡水湄。山高不可登。斯會寧易期。

淡水砲城

荷蘭所築。城其葦之以控上游。

周鍾瑄

海門一步地。形勢可全收。欲作圖王想。來成控北謀。臺荒摧雪浪。砌冷老

邊秋欲問滄桑事。麻姑尙黑頭。荷闌及鄭兵距
今止數十年耳

望玉山

浮嵐高捲日初生。一片晴光照眼明。積雪不消三伏後。層冰常訝四時成。
疑他匹練非吳市。遮莫胥濤向越城。大璞已教天地鑿。山靈穩臥不須驚。

曉發他里霧

一枕清暉覺夢頻。披雲驅犢散輕塵。投分南北依誰定。螺列東西辨未真。
路經南北投
東西螺四社向道但饒椎髻客。前呵不用放衙人。平明好逐東昇上。我亦從今

莫問津。

吞霄觀海

浩渺無因邈去程。仙槎客泛正須評。輕浮一粒須彌小。包括恆河色界清。

世外形骸杯可渡。空中樓閣氣噓成。情知觀海難爲水。更有紅輪向此生。

登八里岔山遠眺

寰裳直踞千峯上。萬里蒼茫一色同。遠目但餘天貼水。近聞惟覺浪號風。
巨鰲有首低擎地。瘴雨無根直幔空。寂寞斗牛誰再犯。好將消息問嚴公。

千豆門苦雨二首

無賴陰雲拂地垂。客愁如緒一絲絲。那堪更向秋風裡。臥聽黃梅細雨時。
蠻烟如霧復如雲。縷縷連江憶夕曛。猶喜長風能破浪。千山猿嘯雨中聞。

番戲五首

蠻姬兩兩鬪新粧。蹀躞花陰學舞娘。珍重一天明月夜。春來底事爲人忙。
不掄檀板不吹笙。一點鉦聲一隊行。氣味何如初中酒。山花翠羽鬢邊橫。

聯翩把袖自歌呼。別樣風流絕世無。番調可知輸白雪。也應不似潑寒胡。
野氣森森欲曙天。維摩新病未成眠。空餘無限羅伽女。亂把天花散舞筵。
一曲蠻歌酒一卮。使君那惜醉淋漓。但令風物關王會。我欲從今學畫師。

水沙浮嶼

雲根不墮地。牢落東山頭。天風與海水。爭激怒生疣。斷鰲足簸揚。支祈任
沉浮。狀若銀河翻。廻星漂斗牛。又若乘杯渡。一粒亂中流。山水有常性。動
靜安足求。呼龍與之語。掀髯嗔我尤。靜極而動生。天地一浮漚。大笑揮龍
云。浮沙雲未收。

北行紀

羅山山水海東雄。綿亘千里踪難窮。朝盤赤日三千丈。浩氣直與海相烘。

南抵薦松

名地

北半線

名地

宛然塊玉橫當中。職方禹貢雖未載。厥壤上上將

無同。惜哉大甲與中港

二社名

逼窄將次入樊籠。後壠吞霄

二社名

勿復道。犢車犂

确走蛟宮。天低海濶竟何有。環山疊裏如羣烽。坡陀巨麓一再上。劃然軒

豁開心胸。竹塹

名社

分明在眼底。千頃萬頃堆芋茸。從他地老無耕鑿。下巢鹿

豕上呼風。北鄰南嵌

名社

亦爾爾。淡水

名社

地盡山穹窿。東有磺山西八里

名山

銀濤雪浪爭喧轟。雞籠

名社

小甕堅如鐵。紅彝狡獪計非庸。蠻烟瘴雨今晝

暗。石寒砌冷鳴霜蛩。中有烏蠻事馳逐。狂奔浪走真愚蒙。可憐作息亦自

解。但知順則難名功。我來經過聊紀載。慚非椽筆媿雕蟲。他年王會教圖

此。留取長歌付畫工。

諸羅縣志卷十一終

諸羅縣志卷十二

雜記志

蕃祥 寺廟 古蹟

雜記以補闕備忘。所謂志其大不遺乎小也。茲邑初建際有道之世。聖天子以豐年爲瑞。賢才爲寶。蓄珍不生。干戈不用。蓋可紀者鮮矣。琳官寶剎。斷碣荒坵。足以供遊賞。而發憑弔者能幾何哉。乃若見聞所及。諸卷紀載所未盡要。足爲後人徵信之資。用寄諷諭之義。則地理物類。險易苑枯。閭閻細故。父老閒談。皆有取焉。因彙諸編末。合爲一卷。

蓄

祥

菴

順治十八年辛丑夏五月海水漲於鹿耳門

先是鹿耳門港甚窄。以沙線是處。頗成功入塞鹿耳門。水驟漲丈餘。遂克臺灣。諸官屬形詳見前。

康熙十九年庚申夏六月有星孛於西南。其形如劍。長數十丈。經月乃隱。

冬大有。

二十一年壬戌大饑斗米值銀六錢餘秋七月地產毛九月雨髮。

二十二年癸亥夏五月大雨水時連雨連月鄉氏土田多中陷有高岸為谷之嘆六月丁酉有大星隕於海其

聲如雷秋八月大師入臺北路皆剃髮歸順冬十一月始雨雪冰堅厚

寸餘

諸羅有霜無雪是歲甫入版圖地氣自北而南信有徵矣

二十五年丙寅夏四月甲辰地大震民居多頽墜者

二十九年庚午冬大有年自蕩平之後年穀時發是歲尤為大稔

三十年辛未秋八月大風頽屋飄船無致

三十二年癸酉冬大有年時內地款收商人採糶福興泉漳四郡資糶

四十四年乙酉冬大饑知縣毛殿颺知府衛台揆通詳巡撫李斯義委勸

具題奉旨四十四年應徵粟石俱着蠲免。

四十六年丁亥冬饑知縣李鏞知府周元文通詳巡撫張伯行委勸具題

奉旨照例蠲免十分之三。

四十九年庚寅冬饑

自四十七年至是年臺灣米價高騰每年值膏黃未接知府周元文出倉粟就媽祖宮府學兩處平糶新番開安四里之民資焉海防同知洪一棟招集商販凡載米入港者皆籍其名厚為賞發以故米船雲集饑而不害

○一棟楚之應山人在臺九年多惠政五十六年卒于官卒之日所屬十長羅市縞素巷哭如其私親為作佛事於各寺院祠梵聲徹四境既而釐于金為壽以歸其喪故老以為自開臺以來所未有也

五十年辛卯恩詔蠲免本年應徵人丁銀兩。詳見下五秋九月乙酉地大震。壞民居者甚多

日內地漳泉各府俱震

五十一年壬辰恩詔蠲免本年應徵粟石。

先是四十九年奉上諭通行觸免直省地丁錢兩部驛悉兵餉不敷奉旨均為兩年康熙五十年直隸奉天浙江福建廣東廣西

四川雲南貴州九省先行蠲免于是福建內地折色俱蠲臺灣鳳山諸羅三縣止免丁銀三縣士民公鑿臺廈道陳頑知府周元文詳報奉天府尹履騰極懇請蠲免米豆之例臺屬三縣本年應徵粟石一例蠲免巡撫黃秉中具摺奏請奉旨臺灣府屬五十年應徵粟石已經徵完在官雖蠲免小民無益

其應徵五十一年粟石着行蠲免○按臺灣開徵在十月收成之後與內地不同此舉文牒往返因海洋之隔勸撥時月比較實具摺奏請已八月矣中丞蔣傑以上諭並無蠲免蠶石字樣又時已盛秋恐于取察官堅阻之中丞毅然曰臺灣在撫屬內巡撫司全國民命寧可畏盛時取察而蠲賦不肖且臺

本色即內地所色也。稟命未開。啟皇上聖明。奏必說以此。罷官不愆。愈他事。誰誤乎。竟以播。播部議以不行。早奏。巡撫。三級。調用。奉旨。從寬。降級。留任。仰見。聖天子。洞鑒。斯民。無微不至。而陳。親。察。周。郡。守。一詳。再詳。黃中。承。容。受。處。分。不。撓。衆。論。使。塞。民。得。沐。皇。仁。其。功。俱。不。可。忘。也。

論曰。五十年五十年五十年。蠲免二條。不繫于蓄祥。此何以書。紀皇仁也。日

月同照。雨露均沾。假令芝草醴泉。何益百姓。今兩歲之間。吏無追呼。民

無敲朴。其為禎祥也大矣。故連類而次於四十四年四十六年之後云。

五十四年乙未秋九月丁未地震。大風。學宮頽壞。民居倒塌甚多。

五十五年丙申夏五月戊辰火。守備署燬。無餘。參將署大堂。儀門皆及焉。秋九月乙亥地震。丁丑大震。屋瓦皆墮。

五十六年丁酉春正月丙子地震。崔苻。

康熙三十五年秋七月新港民吳球謀亂。伏誅。球新港東田尾人。好拳勇。朱祐詔者。詐稱前明後裔。能遁法。數往來球家。陰集黨。謀亂。風山吏。陳樞之妻。

球妹也。概使。他謀。梁官督之。急。稱。食。球。菴。毒。曰。此。何。足。道。當。相。與。國。大。事。悉。誅。此。曹。子。耳。昔。以。謀。則。大。喜。群。球。為。國。傾。招。集。滿。衆。其。黨。余。金。聲。約。保。長。林。盛。向。舉。事。盛。伴。許。諾。乘。夜。過。之。鄰。首。長。北。路。參。將。陳。貴。率。官。兵。環。其。宅。賊。強。兵。以。出。擒。獲。球。樞。金。聲。等。為。首。者。七。人。杖。殺。之。而。朱。祐。詔。竟。莫。知。所。向。

三十八年春二月吞霄土官卓个、卓霧、亞生、作亂。夏五月淡水土官冰冷、

殺主張金賢等。秋七月水師襲執冰冷。八月署北路參將常大以岸裡番。

擊吞霄擒卓个卓霧亞生以歸俱斬於市。

主張番社通事管出入之職者。利通事黃申陳其于吞霄征派無慮日社番若之土官卓个卓霧亞生暨而曉陰謀作亂會番當

捕鹿申約計日先納錢米而後出卓个霧等鼓衆大譟殺申及其夥十餘人鎮道遣使招諭不得入乃發兩標官兵及署北路參將常大進剿而以新港蕭桐麻豆日加溜灣四社番爲前部个霧等阻險拒守四社番傷死甚衆既有獻計常大者云岸裡山番穿林雲洞谷如飛掠个霧非此不可時岸裡番尙未內附乃遣譯者入說其魁多致糖烟銀布番大喜自以收捕爲功繞出吞霄山後日有擒獲官軍攻其前个霧等大霧將逃入內山岸裡番設伏撓之至那尸諸市傳首以示諸番是役也勞師七閱月官軍被瘴毒死者數百人

冰冷者淡水內北投土官麻里即吼番之婿也麻里即吼有女字主張金賢將娶之其父憐女之幼也弗與告賢曰侯是以歸汝賢紡丈人於樹而握之麻里即吼以怒冰冷而泣冰冷故凶悍怒率衆射殺賢諸與賢善者皆殺之時方征吞霄冷遣使與个霧等通有水師把總者巡哨至淡水聞變潛泊海口冷未之覺把總遣他社番誘以貨物交易伏壯士水次縛之亟登舟比諸番出隱已掛帆矣會吞霄既平諸番以首惡既誅因逆事求撫把總者失其名 右吞霄淡水之役言人人殊或

指水陸並進干吞霄或訛卓个卓霧爲冰冷吞霄據山負險無用水師

六月南風盛發正巡哨雞籠淡水之時因知水師收功者淡水也後叩

之老兵數輩親見者皆如紀中云云斯役距今未久耳目相接而牴牾

舛錯如此又擒獲冰冷將弁姓名不傳假令更遲之數十年無所紀載

遺漏失實。莫從而問之矣。

四十年冬十二月劉却作亂。伏誅。

却吳祐庄管事率梓自貢日往來無賴。少帥血為盟久之其黨有欲謀不軌者。以爲非却案。莫從。普深衣。燃燈。腦。置却屋。瓦火上。燭召同盟者。示之曰。劉大將舍中。

每夜紅光燭天。非常兆也。會却案。神靈無故發火。衆曰。此不君即帥耳。却心動。穴地於舍。伴置田。善治。戲爲刀鎗。各械。約日舉事。臘月七日。揚旌。擊鼓。賊下加。各營。散其兵。乘夜抵茅港。尾掠市中。貨亂。民及諸番。乘機四出。劫掠。破家者甚衆。却遣屯。急水溪。北路。參將白道。陸監。乘衆之。鎮道。兩標。並發兵。應。

援。越五日。官兵大集。戰於急水。却大潰。殺賊甚衆。生擒其黨。陳華。何正等。却走。匿山。蔽營。避伏。夜出。四十二年春二月。擒獲於笨港之旁。才庄。師。還。斬却於市。并其長子。杖殺之。妻孥皆發配。

寺廟

天妃廟。一在城南無署之左。康熙五十六年。知縣周鍾璠鳩衆築。一在外九庄笨港街三十九年。居民合建。一在鹹水港街五十五年。居民合建。一在淡水千豆門五十二年。通事賴科鳩衆築。五十四年。重建。易茅以瓦。知縣周鍾璠。題其廟曰靈山。按。如。莆。田。人。宋。進。檢。林。恩。之。女。幼。

時。能。知。休。咎。有。神。女。之。稱。常。坐。席。以。濟。流。厥。後。人。見。衣。朱。衣。飛。騰。海。上。因。建。廟。祀。之。雨。暘。應。宣。和。癸。卯。給。事。中。路。九。祖。使。高。麗。中。流。豎。風。神。降。于。楹。選。奏。賜。號。順。濟。歷。紹。興。開。福。景。走。間。歷。顯。靈。加。號。元。以。海。清。效。靈。賜。額。靈。濟。明。永。樂。封。爲。護。國。庇。民。庇。靈。昭。應。弘。仁。普。濟。天。妃。國。朝。改。封。天。后。沿。海。港。口。俱。

建。宮。廟。祀。康熙二十二年。靖海將軍施琅奉旨征剿臺灣。師次平海滬時。方旱乏水。有一井在妃廟之左。往不能資。百日。至是泉忽大涌。足供四萬餘衆。及戰于澎湖。既克。我師登岸。入廟見妃像。臉汗未乾。衣袍俱濕。乃知爲神。力之助戰也。事聞。上。遣。禮。部。郎。中。雅。虎。致。祭。其。文。曰。國。家。茂。膺。景。命。懷。柔。百。神。

祀。典。具。陳。罔不。砥。磨。若。乃。天。旋。茲。至。地。紀。爲。之。効。靈。國。威。用。張。海。若。於。焉。助。順。屈。三。軍。之。奏。凱。當。重。譯。之。安。綱。神。所。憑。依。禮。宜。昭。祀。惟。神。鍾。靈。海。表。蛟。螭。閩。壘。音。藉。明。威。克。獲。倭。衆。陸。顯。號。禮。享。有。加。比。者。虛。窮。島。之。未。平。命。大。帥。之。致。討。時。方。變。旱。井。澤。爲。枯。神。實。降。霖。澤。驟。通。因。之。軍。聲。雷。動。直。搗。荒。賊。

經。陣。風。行。兇。趙。巨。險。靈。旗。下。隨。助。成。破。竹。之。功。陰。甲。排。空。遂。壯。橫。戈。之。勢。至。於。中。山。殊。城。劄。使。遙。臨。伏。波。不。與。片。帆。飛。渡。凡。茲。冥。祐。豈。曰。人。謀。是。用。遣。官。敬。脩。祀。事。淺。毛。可。薦。黍。稷。惟。禱。神。其。祐。我。家。邦。永。著。朝。宗。之。戴。眷。茲。億。兆。益。弘。利。賴。之。功。

關帝廟

一在縣內東北角康熙五十二年參將翁國楫建五十四年參將阮業文守備游崇功成之廟後為觀音殿康熙四十八年兵丁孫大成募建
參將張國成之○一在善化里日加溜灣舊時馬兵營吳大明募建年久傾圮康熙二十三年漳浦營千總陳某重脩五十年監生林嘉傑同

查民重建○按明太祖鄧金陵城中建廟十四日漢前將軍濬亭侯顧自是廟祀備于天下嘉靖十年太常卿黃芳始奏改稱漢前將軍漢壽亭侯蓋漢壽本封邑亭侯則其爵也列第五等在國侯邑侯廟內侯鄉侯之下今人以侯仕漢以濬亭為封爵非也本諡壯烈與程同用儒武功之不成令人為神

諱不書諱亦非也萬曆甲寅十月司禮太監李恩始屠九旒冠玉帶龍袍金牌勅封為帝然祭祀則仍舊稱天啓元年太常少卿李宗延有條
明祀典疏謂臣謹選濬亭侯顧見其圖稱帝君冠冕俱係帝服如詔傳勅封自有三尺果係皇祖加恩不妨命閣臣撰制此封號所當考核者也

保生大帝廟

在縣治西門外康熙四十年書民募建祀真君也真君吳姓名本泉之白礁人母夢吞白龜生於宋太平興國間長而學道雲遊得三五飛步之術以治疾多奇效景祐二年卒里人肯像為祠水旱祈禱輒應勸廟額為慈濟漳泉間所稱慈濟宮是也慶元間勸為

忠顯開禧二年漳屬有警忽有忠顯旗幟之靈賊不敢入
事聞封英惠侯至於保生大帝之稱則不知何所據矣

元天上帝廟

在大壺壁庄康熙二十二年庄民合建
年久傾圮四十九年重建易茅以瓦

睢陽廟

在縣署之左祀唐張中丞巡其祀之入臺未知所由來康熙二十八年書
民募建年久傾圮四十八年參將張國守備黃元驥重建俗呼元帥廟

諸福寺

在縣治西門外祀觀音大士康熙四十
六年署縣宋永清守備黃元驥同建

觀音宮

一在開化里赤山保即龍湖巖也詳見古蹟傳官陳永華建年久傾圮四十四年邑生洪朝傑重建○一在鹹水港康熙三十七年侯選通判
何廷鳳捐地僧德慈募建五十四年僧如瑞募衆重建易茅以瓦○一在開化里茅港尾街康熙四十六年知縣李錦參將張國同募捐地者

為吏員
歐陽錫

姑媽廟

在安定里東保不知所祀何神今爲社學

古蹟

淡水砲城

在淡水港口荷蘭時築。今遺址尙存。

雞籠砲城

在雞籠嶼。荷蘭時築。今遺址尙存。

康熙十四年鄭經入泉州宜楊明瓊等眷屬於鷓籠城明瓊前翰林崇禎甲申之變瓊降賊乘馬過梓宮揚鞭而指之曰此真亡國之君也

青峯闕砲臺

在蚊港口。荷蘭時築。今圯。

火山

一在貓羅貓霧二山之東山之上。晝常有煙。夜常有光。在野番界內。人跡

鮮到。見李賦
光憲稿

一在玉案山後山之麓。有小山。其下水石相錯。石罅泉湧。火出水中。有焰無烟。焰發高三四尺。晝夜不絕。置草木其上。則烟生。焰烈。皆化爲燼。先是甲午乙未間。諸番多見之者。共相傳述。或疑其誕。丙申三月。知縣周鍾瑄遣人視之。果然。石黝而堅。傍石之土。燃焦如石。於是好事者往觀焉。然山徑險阻。攀籐扶石而上。非有濟勝之具者。不能至也。

石湖

在生番界內。入大武郡山行十餘日。乃至。有社曰茄萇網。大里許。天將雨。湖輒水漲丈餘。或以爲湖底有眼通海。

水沙浮嶼

水沙連四周大山。山外溪流包絡。自山口入爲潭。廣可七八里。曲屈如環。

團二十餘里。水深多魚。中突一嶼。番繞嶼以居。空其頂。頂爲屋。則社有火災。岸草蔓延。繞岸架竹木浮水上。藉草承土。以種稻。謂之浮田。隔岸欲詣社者。必舉火爲號。番划蟒甲以渡。嶼圓淨開爽。青嶂白波。雲水飛動。海外別一洞天也。

水漣潭

在半線。方廣二丈餘。形若井。崇山環列。天將風雨。則水漲發聲如潮。番民以占陰晴。

劍潭

在大浪泵社二里許。划蟒甲以入。登岸數百武有潭。潭之畔有加冬樹。高聳障天。圍合抱。相傳荷蘭開鑿時。挿劍於樹。樹忽生皮。包劍於內。不可復

見。

八里岔潭

在八里岔山絕頂。形三角。類人力爲之。周可數畝。清深莫測。土番間因逐鹿而至。漢人罕能陟也。

溫泉

一在玉山之下。有土番至者。云於山最深處得之。泉上湧氣蒸騰如沸。凡數處。

一在大雞籠隔港山朝山內。

龍目井

在大雞籠山之麓。下臨大海。四周斥鹵。泉湧如珠。瀆地而起。獨甘冽冠於

全臺不知開自何時。大約荷蘭所浚也。

紅毛井

在縣署之左。開自荷蘭。因以名。方廣六尺。深二丈許。泉甘冽。干他井。相傳居民汲飲是井。則不犯疫癘。鄭氏竊踞時。有吳智武者。鎮守斯地。重脩之。

龍湖巖

閩人謂寺院為巖

在開化里赤山庄。僞官陳永華建。環巖皆山。幽邃自喜。前有潭。名龍湖。周圍里許。遍植荷花。左右列樹桃柳青梅蒼檜。遠山浮空。遊者擬之。輒川圖

畫。永華鄭氏執政頗雜儒雅。與民休息。蓋人至今稱之。

靈山廟

在淡水干豆門前。臨巨港。合峰仔峙。擺接東西二流。與海潮滙。波瀾甚壯。

康熙五十一年建廟以祀天妃。落成之日。諸番並集。忽有巨魚數千。隨潮而至。如拜禮然。須臾乘潮復出於海。人皆稱異。此與龍湖縣皆近時所建。以其爲邑治名。遂附記於此。

外紀

縣曰諸羅。人稱縣治者。皆曰。諸羅山欲指一山以實之。無有也。附郭番社曰諸羅山社。然則諸羅山之名。相沿已久。設縣時。見諸山羅列。適與相稱。故仍其名耳。

由斗六門山口東入。渡阿拔泉。又東入。爲林瓊埔。亦曰二重埔。土廣而饒。環以溪山。爲水沙連。及內山諸番出入之口。險阻可據。有路可通山後。侈羅滿。

虎尾東西二螺。水濁而迅急。泥沙滾滾。人馬牛車。渡此須疾行。稍緩則有

沒腹埋輪之患。夏秋水漲，有竟月不能渡者。被溺最多。

東螺溪分自虎尾。牛相觸與虎尾西螺，迭爲消長。有時虎尾漸涸，獨受阿拔泉一流。阮參將詩：去年虎尾寬，今年東螺澮。又云：餘流附入阿拔泉，虎尾之名猶相沿。是也。大抵沙土遷決無常，故此盈彼涸，俱不可定。大線頭昔爲大灣，舟出外洋。於此候風，鹿仔港台仔挖，舊可泊巨艦。今俱沙壅。沈文開雜記臺灣當混沌時，總屬茫茫大海。中峙高山，因水歸東南，漸現沙土。所以地浮而常動。滄海桑田，理或然也。

大肚、大甲、大安、三溪，俱稱險絕。然大安溪面稍狹，大肚水勢稍平，獨大甲溪澗流急。水底皆圓石。大若車輪，蒼蒙其上，足不可駐。至時人各自保，不能相救。又海口甚近，雖善泅如番，亦對之色變。秋漲尤險。

南自諸山之後。有巨石崿削巍峨。出內山之頂。或名之爲冠石。土番云。後隴竹塹諸社。指石爲的。登絕頂。東洋及山後諸社。可一望而盡。亦有捷徑可通。但奇險耳。

竹塹過鳳山崎。一望平蕪。捷足者窮日之力。乃至南嶽。時有野番。出沒沿路。無邨落。行者亦鮮。孤客必備熟番。持弓矢爲護。而後行。野水縱橫。或厲或揭。俗所云九十九溪也。遇陰雨。天地昏慘。四顧悽絕。然諸山秀拔。形勢大似漳泉。若碁置邨落。設備禦。因而開闢之。可得良田數千頃。

干豆門從淡水港東入。潮流分爲兩支。東北由麻少翁搭搭悠。凡四五曲。至峰仔峙。西南由武勝灣至擺接。各數十里而止。包絡原野。山環水聚。洋洋乎巨觀也。

擺接附近內山。野番所出沒。東由海山出霄裡。通鳳山。嶠大路。海山。舊爲人所不到。地平曠。近始有漢人耕作。而內港之路通矣。

武勝灣。大浪泵等處。地廣土沃。可容萬夫之耕。廈門至淡水。水程十一更。與鹿耳門等。康熙五十四年。干豆門重建天妃宮。取材鷺島。值西風。一晝夜而達。福州至淡水。水程八更。較臺灣爲近。若半線置縣設營。而分兵五百於淡水。因爲立市廛。通商賈於福州廈門。不數年。淡水一大都會矣。

礮山在干豆門之左。山產礮。形如鼎之覆。而三足出其上。童無草木。山之下有礮溪。深可丈餘。水微黃。清澈如鏡。雖潮漲。猶見其底。氣不可觸。魚蝦不生。潮入亦無片鱗。至者近山。邨社汲於井。皆及天之未明。水乃清冷可食。稍午則泉皆熱。而黃色。或曰山頂有潭。深且廣。水湧如沸羹。

麻少翁內北投。在礪山之左右。毒氣蒸鬱。觸鼻昏悶。金銀藏身者。不數日皆黑色。諸番常以糖水洗眼。入山掘礪。必以半夜。日初出卽歸。以地熱而人不可耐也。

淡水至雞籠。有東西兩路。西由八里岔渡砲城。循外北投雞柔。大遞。小雞籠。金包裏諸山之麓。至雞籠內海。可一百二十里。沿路內山外海多巨石。

巉巖碁峙。相去數武。其下澗水淺深不一。行人跳石以渡。失足則墜千水。

東由干豆門坐蟒甲。乘潮循內北投大浪泵。至蜂仔峙。港大水深。過蜂仔峙不復有潮

灘河可四十里。而登岸踰嶺十里許。卽雞籠內海。兩路計程。不甚相遠。勞逸險易。亦大略相等。

蟒甲以獨木爲之。大者可容十三四人。小者三四人。划雙槳以濟。稍敞側

卽覆矣。番善水。故雖風濤洶湧。如同兒戲。漢人鮮不驚怖者。唯雞籠內海。蟻甲最大。可容二十五六人。於獨木之外。另用籐束板。爲幫於船之左右。蓋海面旣寬。浪如山立。非獨木小舟所能濟也。

林箐深處多飛虫。着人卽肌肉發痒。爪之肉爛。淡水以北皆然。行者或以皮包裹其頭項。或曰。近玉山最多此蟲。山之麓。螞蟻如蝟。故玉山人不能到。

雞籠山在雞籠港之東南。雞籠嶼乃在隔海之西北。砲城番社俱在嶼中。郡志載。雞籠城在諸羅雞籠山誤。五十三年地理圖記。村東北有雞籠山。西有雞籠城。山後海中有雞籠嶼。似砲城。與社俱在雞籠山。而嶼在山之後。皆耳食而未親歷其地者也。

北路。夏秋行路之難。中土未有。水深泥淖。車牛重載。往往傾覆。固由淫潦相繼。亦土性不堅。沙灰淤陷。而陂田蓄水。車牛往來雜運。故處處坑塹。非盡秋霖之故也。

有言臺海潮初漲。一從南路之耶嬌入。一從北路之雞籠入。兩潮會於北路之牛罵。五六月間潮平浪靜。結爲一道。白波引入內地。牛罵非大港深灣泊船之所。孰從而見其兩潮之會白波之引乎。好事者爲之也。

海水潮汐。與金厦無異。秋潮亦壯。但夏秋潮大於日。冬春潮大於夜。臺風亦然。

凡潮漲滿至十分者。汐亦當十分。雞籠一港。早潮漲滿。汐未及四五分。卽晚潮復至矣。必俟晚潮之退。始盡十分。

風將颺而雨。海氣先動。浪激洶湧。聲吼如雷。臺海四圍。沙線環繞。巨浪衝擊。吼尤甚。聞數十里。風靜雨霽。猶三四日未止。縣治離海差遠。颺從東起。殷聲微聞。若起西北。則與郡治無異。

海面腥穢。波浪簸騰。一二日颺風卽起。迺天地之氣交逆。地鼓氣而海沸。天風烈而雨飄。故沉舟傾檣也。若海不先沸。天風雖烈。海舟摺篷。空桅順風勢而馳。同鯤鵬之徙耳。人但知天風之患。不知實地氣交搆而爲颺。患始烈也。

鄭氏時。目加溜灣開井。得瓦瓶。識者云。是唐宋以前古窰。惜其物不傳。亦不知此瓶瘞自何時。未開闢之先。又何得有此瓶而瘞之也。

陳小厓外紀。明海寇林道乾。爲俞都督大猷所追。窮竄臺灣。勢蹙恐不能

據以酒食給諸番。醉而殺之。有闔社無噍類者。取血調灰以固船。乃航於遙海。大奎壁劈破。壤諸羅地是其故穴。或云到崑崙。不知所終。郡志道乾遁占城。今尙有遺種。

相傳斗六門。舊有番長。能占休咎。善射。日率諸番出捕鹿。諸番苦焉。共謀殺之。血滴草。草爲之赤。社草皆赤。諸番悉以疫死。無噍類。今斗六門之番。皆他社來居者也。番能知休咎。而不知身之將見殺。是所謂自號予知。納諸罟獲陷阱。而莫之知辟者與。

相傳大肚社。先時有土官。名大眉。每歲東作。衆番爭致。大眉射獵干田。箭所及之地。禾稼大熟。鹿豕無敢損折者。箭所不及。輒被蹂躪。不亦枯死。

沈文開雜記。土番種類各異。有土產者。有自海舶飄來。及宋時零丁洋之

敗。遁亡至此者。聚衆以居。男女分配。故番語處處不同。考宋史云。張世傑與蘇劉義斷維。以十六舟奪港而出。將趨占城。土豪強之。乃回舟巖南恩之海陵山。颶風大作。世傑登舵樓。露香而祝。遂死。蘇劉義出海洋。爲其下所殺。當時厓山之衆。非死卽降耳。諸番氣類。渾與中土之人不相似。沈說恐未必然也。

離猫霧揀二里許有竹圍三匝。僞將劉國軒舊寨云。與岸裡內山諸番相拒之地。今竹圍故址猶存。岸裡諸番。悉皆內附。足見聲教之無所弗被矣。地高而寬坦。臺人謂之崙。邑有黃地崙。鄭氏踞臺時。征南社番。親屯兵於此。番呼皇帝。遂以名崙。猶麻虱目之呼爲皇帝魚也。相沿已久。不可復改。沿其音而易其字。然則鄭氏在臺。雖無黃屋左纛之事。而帝制自爲。亦有

其號矣。

海翁魚。大者如山。後壠番社有膏骨一節。高可五六尺。兩人合抱。未滿其圍。不知何時所得也。另肋骨一段。大如斗。諸番以爲枕。沈文開云。其鬚如戟。可作物件。

豹皮及斑點小鹿皮文采可觀。不知者以爲此地之產。所值無幾耳。豹大於犬。毛色斑雜。艾葉金錢十不得一。價至三四金。小鹿皮亦二百餘文。且無市者。每地方官尋覓。必騷動通事土番。鹿茸至三四金。價倍於內地。番狗能獵者。貴於騾馬。見聲俗部昔人云。地方產一異物。便多一累。三復斯言。可爲深省。

由郡治北至雞籠。無投宿之店。唯茅港尾笨港。新設二公館。行人借宿。庄

社有露處者。文武衙門差遣往來。悉主於保長通事塘汛。入門則酒食相餉。開臺以來相沿爲例。不必需索也。保長通事之供億旣煩。自不得不有所科斂。塘汛目兵餉纔餬口。干是有開賭放頭攫金以供使客者。

雷陽陳中丞觀察臺灣時。嘗巡淡水往復一千四百餘里。自持糗糒。携小帳房以隨。露宿風餐。不入邸舍。不受餽獻。每食一飯一蔬。或捐囊市酒肉以犒。徒御不設儀衛。寥寥數人。道旁觀者莫不咨嘆。

男多於女。有邨庄數百人。而無一眷口者。蓋內地各津渡。婦女之禁旣嚴。娶一婦動費百金。故庄客佃丁。稍有贏餘復其邦族矣。或無家可歸。乃於此置室。大半皆再醮。遣妾出婢也。臺無愆期不出之婢。

臺南北淡水均屬漳鄉。南淡水之瘴作寒熱。號跳發狂。治之得法。病後加

謹卽愈矣。北淡水之瘴。瘡黝而黃脾。泄爲痞爲鼓脹。蓋陰氣過盛。山嵐海霧。鬱蒸中之也深。又或睡起醉眠。感風而發。故治多不起。要在節飲食。薄滋味。慎起居。使不至爲所侵而已。

往在內地。聞臺郡肉食。不宜於豬雞。宜於羊鴨。亦差善。余未之信。及至北路。見庭院。蔓生虫多。至不可名狀。羣雞啄之。日以肥碩。蓋虫毒所積。故不宜多食也。鴨半在水次。飽者魚蝦。本草稱。羊於人最裨益。又草盛特肥美。故宜。豬臘而滯氣。臺地沮洳。人多沉溺重髓之疾。亦不宜多也。

大甲溪以北。無市肆醫藥。人死無棺斂。瘞以鹿皮。阮參將祭淡水將士文。裹鹿革以爲棺。兮倩蝶衣以爲紙。傷哉其言之也。

邑雜餉有罟魯縶。罟綾幪各條。罟者結網長百餘丈。廣丈餘。大繩爲綱。每

尺許削圓木如梭。長三四寸。虛其中。綴於網。使浮水面。另結網底如兜。繫網墜於下。稍大於浮面之木。陶爲之。使沉水底。網繩長出。罟之兩頭各數丈。置其一於岸。乃駕船載罟出海。以次投之。仍餘其一載回。東西各二十餘人。躋間縛彎木如軛。掛小繩千綱之上。倒行而牽。魚小網輕。則至岸取之多。則駕小舟。赴水以取。曰牽罟。

罟者。樹大竹棚於水涯。高二丈許。曰水棚。置罟以漁。港口濶者。如列舍以居。棚上下兩層。設橫木于上層。令可旋轉如轆轤。用大竹長二三丈。掛罟竹杪。繫以長繩。繩繞于橫木。上下層各一人。在上者旋轉其繩。外轉則罟沉水底。內轉則罟浮水面。魚入則在下者以長柄小絡取之。

縛罟之制。如罟而小。罟又小於縛。網長可數十丈。廣五六尺。密結重網。於

下張口。而翕其尾如袋。收放之法。與罟相似。東西各五六人。手牽至岸。魚入袋中。大小畢取。曰牽鏈。曰牽罟。

蠔取蠣房也。方言以蠣房爲蠔。因以爲取之之名。用竹二枝長丈餘。合釘其中。狀如剪刀。能作開合。各貫鐵爪於竹末。使相向。駕小船或筏。就海水稍淺處穿竹。水底開其爪。蠣房殼堅。過堅者卽合而鈎致之。

綬垂鈎以餌魚也。用大繩長數十丈。繫一頭於岸。浮舟載繩出海。每尺許用小繩拴數鈎。鈎大小不一。繩盡則返棹而收之。曰放綬。

多五穀。多薯芋。脂麻。糖蔗。多通草。槐藍。菜子。水藤。槐藍色嬌艷。珍於吳越。糖。菜子。脂麻。水藤。入內地者尤多。

內地歲皆兩熟。以三春多雨。地氣暖。種早播。故六月而穫。及秋再播也。此

地雖暖。春時雨澤稀。早種難播。故稻僅一稔。陳小厓外紀。本路荷包嶼走猪築陂以接山泉溪流。田兩熟。今陂圳之築甚多。兩熟者鮮。南路下淡水陂田。有於十月下種。十一月插秧。三四月而獲者。稻兩熟。未有良農取陂田而遍試之也。

穀種類之多。倍於內地。其佳者如過山香禾秫。則內地未有。

南畝以上。冬春多雨。播種于二三月。稔于六七月。略如內地之夏。熟百日早。五月間卽熟。但不多有不插秧以種洒地。卽望其穫。唯不宜於豆。間有種者。皆華而不實。

崇爻山有鹹水泉。番編竹爲鍋。內外塗以泥。取其水煎之成鹽。南社冬日海岸沙浮面者。凝爲鹽。掃而食之。不須煎曬。如扶南國之有自然鹽也。所

產俱不多。南社鹽醃物易朽。

相傳。崇爻黑沙晃諸山深處。松杉橘柚楊梅諸果。並如內地。初冬山梅遍開。香聞數十里。山皆野番雜處。雖有探奇索異之子。孰能經魍魅。而踐無人之境乎。北路之產。有臺鳳所無者。如水沙連之茶。竹塹岸裡之筴竹筍。淡水之甲魚。皆其美者也。大松樹生水沙連。合抱成林。雞籠煤炭產於積薪無用之區。移置郡治。卽爲無窮之利。

水沙連內山。茶甚夥。味別色綠。如松蘿。山谷深峻。性嚴冷。能却暑消脹。然路險。又畏生番。故漢人不敢入探。又不諳製茶之法。若挾能製武彘諸品者。購土番採而造之。當香味益上矣。松大者深山自老。不可致。子可取種。而爲秧。松子落處小松生焉。移植卽活。若近山庄舍。購于土番植之。數年

相傳漸廣。用作宮室。較雜木易朽者相懸也。二者其利甚溥。惜未有爲之者。

多喬木。材者寡。唯楠差勝。其他屈曲不堪用。越數歲而蠹。祇有薪之。爲炭質堅灰白。獨擅一方之勝。

楠木色稍黑。故遜內地。然亦堅緻。物用甲萬之屬咸取之。甲萬制自外洋。此地多爲之者。以重而難移。且番鑿固不可啓。偷兒無所施其巧耳。

茄藤叢生海泊泥中。內地以障海岸。凶年取子以食。子圓而長。大如蕙。以味澀而微鹹。搗爲粉。浸以水。十數易。乃淡滑。可和米紛作餌。然不以其材爲薪。以皮裹鹹氣難乾也。臺人取材。剝皮浸汁。代薯榔以染骨。乃乾而易燎矣。兼用之。此物寧有一之可棄耶。

多薊桐。多土栲。多猴栗。九荊。無荏桐。油取於麻。於菜子。於落花生。

泉舊志。留從效築溫陵城。環植薊桐。初夏花開。鮮紅可愛。如葉先萌芽而花後發。則五穀豐熟。故丁謂詩曰。聞得鄉人說薊桐。花如後發始年豐。我今至此憂民切。只愛青青不愛紅。今泉州絕無此樹。近乃有自臺移栽者。山不產鐵。田器釜鑊之屬。悉資內地。土沙粉無黏埴。不堪陶罇瓦。糖漏之外。雖粗碗瓦盆。亦不能成。蓋以洑入窰。見火皆苦窳。若蜂窠。

巨石多生於雞籠淡水之間。突怒偃蹇。奇不可狀。土皆黃色。地脉所發生處也。南嵌以下漸無石。質亦不堅。無格理。不可以施椎鑿。宮室之用。皆載自漳泉寧波。

竹類多且蕃。薊竹尤多。遍於庄社。楮亦廣有。臺所謂鹿子草也。材可造紙。

而粗細俱資內地。歲糜萬緡。未得造紙之法耳。不產箬葉船篷箱篋之絮。悉于內地取之。

果多樣。多龍眼。多椰。荊蕉黃梨檳榔。龍眼味埒內地。西瓜熟於十二月。取充貢。三月望萬壽前至京。俗名萬壽果。味薄。但取其早熟耳。

無荔枝樹。來自內地者。止充盆景。果熟時遇西南風盛發。漳浦之載。二日而至。芳鮮未全減也。

無橄欖。無栗。無梨。無柿。土產柑橘。味酸。諸果熟時。俱泛海而至。充牣干市。

禽無鶴。而有鸚。多雉。多斑鳩。多烏鶯。黃鸝。烏鴉。鴉純黑而大。斑鳩不善鳴。無鵲。無鷓鴣。杜鵑。鷓鴣人多携自內地者。縱之於山。不見孳息。或曰山不

生半夏。獸無虎而有豹。內山多熊。各種俱有。多山豬。或脯之。贗爲鹿。多獼猴。小而可狎者曰金絲猴。毛淡黃柔澤。他處所少。

多黃牛。陳小厓外紀。荷蘭時。南北二路設牛頭司牧。野放生息。千百成羣。犢太。設欄擒擊之。牡則俟其餒。乃漸飼以水草。稍馴狎。闔其外腎令壯。以耕以輓。恃者縱之孳生。近年水牛載自內地。亦漸孳。儼捷則黃牛爲先。任重致遠。瞠乎後矣。

鹿獐之多。由草之暢茂。且稀霜雪。故族蕃息而肥碩。三十年來附縣開墾者衆。鹿場悉爲田。斗六門以下。鹿獐鮮矣。

魚無鱧。鄭氏載而置于郡治之鯽魚潭甚夥。及網之無有也。多烏多塗鮓。麻虱目。多紅蝦。各陂圳多鮎。烏魚。本草所謂鱮。臺海之產大數倍。肉白而

芳鮮不及。冬至前後。北風正烈。結陣遊於內海。累至水底。漁師燎而網之。一罟以百計。腎狀似荊蕉極白。雌者子兩片似通印子而大。薄醃晒乾明于琥珀。晁圓如小錠。鮮食脆甚乾而析之似鱖魚。

塗鮫形似馬鮫。大十倍之。肉細而香美。馬鮫弗及也。馬鮫特以滑澤。遂與鯧齊名。論海魚之佳者。必首舉之。昔人所爲致嘆於華歆張昭許靖諸公也。

甲魚獨產於淡水。九十月間有之。芳鮮不亞吳越之鱸。非止形相類而已。作鮓尤佳。能開胃。邑人染指者鮮。故弗傳。然則天地間。美材而老巖穴。名不出閩里者多矣。

鄭經酷嗜麻虱目。臺人名之爲皇帝魚。夏初出。頗適口。及秋則味帶酸而

肉澀。宜乎鄭氏之不能久也。

紅蝦夏肥膏貫脊至尾。清脆悅口。色亦佳。宜羹宜丸宜脯。大者作對。陳小厓擬之。霞膚雪肉良然。

茅港尾蚊港多蠓。大而肥美。膏踰於肉。色如硃。鮠魚骨柔脆。郡中珍之。縣治多毛蟹。肥於冬月。置之几筵。皆堪浮白魚。至冬亦肥美。夏秋刺多而瘦。色皆黑。鯽魚出北香湖者。四時俱美於他產。

無煙而有蠓。味微酸。多蚶鹹而不脆。多鯪鯉。

多龜。多蛇。多蟻。多蜘蛛。蜥蜴蜈蚣。蜒蚰。及無名之蟲。蜥蜴隨地皆有。北路尤多。夜唧唧而鳴。聲如雀。四起壁間。陳小厓記安平蝟虎。其實能鳴者不止安平也。有欲携至內地示奇者。過澎湖乃不復鳴。

花多樹蘭。多頰桐。素馨。月下香。番蝴蝶。素馨。野發。頰桐。原溼籬落。無處不有。

終歲爛然遙望。如內地之映山紅。時時皆春。時時皆龍船簫鼓也。頰桐一名龍船花

百花應時而開。亦有一年長開者。如石榴。長春。佛桑。諸花。漳泉皆然。番蝴

蝶。月下香。頰桐等花。四時俱開。臺所僅見若荷花。直開度臘。玉蘭七八月

再花則更奇矣。玉蘭多移根於木筆。此地有玉蘭無木筆。

水沙連浮田。架竹木藉草而殖五穀。詳見古蹟不知者以爲誕也。王瓜。苦瓜。匏蔬

之屬。內地產于春夏。此地隆冬皆有之。

臺產有移入內地者。果之番檳。番薯之文來。花之番茉莉。番瑞香。番蝴蝶。

薯以濟荒。功用最大。樣佳品。諸花亦爽秀可愛。

檳榔之苗。喜陰而畏日。種之法。先以牙蕉。俟蕉長成。行於二三月間。撒檳

椰子空園中。蓋以草。芽發去草。蔽以葦席。夜揭之。使得露滋潤。開葉高四五寸。乃移種蕉下。每一蕉間一檳榔。高至尺餘。則移其蕉。而檳榔自盛。沈文開雜記。內山有黃水藤。結子大如甌。實圓而光。殼堅且厚。似諸暨之朱栗而形扁。痕分兩層而聯合。中有仁。久而乾。就帶開。竅出其仁。空如小盒。略去其上一二分爲口。用稍大者。截半作蓋。覆之穿於鞞。帶之兩旁。裝貯細物。甚雅致。

蛤仔灘內山溪港產金。港水干尋冷於冰雪。生番沉水。信手撈之。亟起。起則僵口噤。不能語。熱大火以待。傳火良久乃定。金如碎米粒。雜沙泥中。淘之而出。或云。內山深處有金山。人莫知所在。或云。番世相囑。不令外人知。雖脅之寧死。不以告也。陳小厓外紀。壬戌間。鄭氏遣僞官陳廷輝。往淡水。

雞籠采金。老番云。唐人必有大故。詰之曰。初日本居臺。來取金。紅毛奪之。紅毛來取。鄭氏奪之。今又來取。恐有改姓易王之事。明年癸亥我師果入臺灣。



諸羅縣志卷十二終

臺灣府誌

原版訛謬

認原版文字之訛謬
特揭出以資參考

十九卷

一〇二頁

第六行註

銀九百六十餘石疑有錯誤

二十三卷

三九九頁

第七行

奠其位馬疑馬是焉之訛

二十四卷

四八六頁

第一行

道巾疑道中之訛

二十六卷

五五四頁

第五行

卽字之下疑脫事字

二十六卷

五五五頁

第五行

長長鯨疑長一字衍

諸羅縣誌

卷一

六二七頁

第二行

極海而上疑止之謬

卷一

六四七頁

第八行

一陰陽之一疑衍

大
自
大
查
房
料
室

大正十一年六月十八日印刷
大正十一年六月二十日發行

臺灣全誌第二卷

發行者 臺北市大和町三丁目二番地
原 房 助

印刷者 臺北市大和町三丁目二番地
船 橋 寬 一

印刷所 臺北市大和町三丁目二番地
臺北印刷株式會社

發行所 臺北市大和町三丁目二番地
臺灣經世新報社

